

錦

箋

目錄

第一齣 家門

第二齣 游杭

第三齣 赴閩

第四齣 訪姨

第五齣 友聚

第六齣 遺箋

第七齣 尋箋

第八齣 婆奸

第九齣 初晤

第十齣 傳私

第十一齣 詒婚



第十二齣 醉春

第十三齣 爭館

第十四齣 怨寡

第十五齣 進香

第十六齣 閱錄

第十七齣 聞訃

第十八齣 重晤

第十九齣 協計

第二十齣 尼奸

第二十一齣 泛月

第二十二齣 聯姻

第二十三齣 盜起

第二十四齣 渝盟

第二十五齣 分箋

第二十六齣 遙訪

第二十七齣 敗北

第二十八齣 蠟書

第二十九齣 旅訴

第三十齣 及第

第三十一齣 選宮

第三十二齣 題錄

第三十三齣 陷選

第三十四齣 代選

第三十五齣 草奏

第三十六齣 協奏

第三十七齣 賜婚

第三十八齣 咸遂

第三十九齣 畫錦

第四十齣 合箋

# 錦箋記

明 周履靖 箸

## 第一齣 家門

〔西江月〕〔末上〕身外閒愁莫惹。眼前聲伎堪規。一生聚散與歡悲。消得簷前寸晷。謾道夢長夢短。總將傀儡搬提。清歌雅宴且追隨。亦是百年良會。〔間內如常介〕

〔沁園春〕吳下梅生。錢塘柳氏。萱親世誼。因相依登覽。情惹春詞。虔婆撮合。侍女傳私。鄒君留學。日久心期。堅貞百伎縱難移。奸尼巫藥。僅折借春枝。遊嬉漏洩微機。好事多磨。是又非。千里空勞命駕。杏園感泣。趙公戲筆。齒錄曾題。佳人陷選。義女捐軀。金門協奏。賜完歸。歌嘒彼室家咸遂。晝錦樂于飛。〔下〕

## 第二齣 游杭

〔破齊陣引〕〔生上〕風月烟霞情致。琴書薰茗襟期。富貴雲如功名夢耳。畢竟

親同螻蟻。拈花弄月須乘少。問水尋山莫待遲。從人笑絕癡。〔鷓鴣天〕少小搖華振雅音。清泉白石在胸襟。馬非蹀躞寧酬價。人不嬋娟肯動心。無管束。任浮沈。興來何處不登臨。黃金如斗那堪惜。明日池塘是綠陰。小生姓梅名玉。字德溫。籍本江北。家寓吳中。父任春官。母家杭郡。不幸椿萱早逝。親故寥寥。止有義姨柳母。越水吳山。久沈魚雁。及聘荆妻薛氏。弱齡多病。未遂鸞鳳。自笑此身。好似孤雲片月。野鶴山麋。僅喜世誼稍厚。足供山水盤桓。天分頗高。不乏科場揮灑。客歲回籍訪親。叨魁本省鄉榜。途膺寒疾。頓沮北征。自幸餘生。將辭一試。奈我岳父大人。期我衣錦歸娶。強我力疾起行。奈何奈何。我想錢塘山水甚佳。且有母姨在彼。只說北上。潛往一游。卻不是好。正是南國風雲誇勝會。北山猿鳥忍離羣。〔丑扮家僮挑行李上〕錦囊藏綠綺。玉匣貯青萍。〔淨扮稍公上〕舟去三千里。〔小旦扮稍婆上〕鵬搏九萬程。〔淨〕大哥。風水不便早些起程。〔丑〕曉得。稟大爺。行李船隻俱已齊備了。〔生〕這等下船罷。〔下船脫衣介〕紫苔分付家長。要杭州去。〔丑〕噯。家長。我們到杭州去。不到鎮江了。〔淨〕這等待我放船轉來。〔放船介〕請問官人。杭州去做甚麼。〔生〕看看山水。〔淨〕好好。待我唱個歌兒開船。

〔吳歌〕〔淨〕北來南去幾時休。爭利爭名各有頭。只有我裏官人愛山水。攜琴裏茗上扁舟。〔淨會櫓前舵〕

〔朝元歌〕〔生〕扁舟乍攜。〔淨〕好順風。好順風。〔生〕湖滸風威利。〔丑〕呀。洞庭山都逃載。

〔生〕遙山乍迷。溪樹霏烟起。〔丑扯生指小旦介〕大爺好沒色來哩。〔生〕野草閒花肯

縈幽緒。〔丑〕薰爐在此。〔生〕靜對沈烟一縷。謾詠新題。香風暗吹籬落梅。江鳥自

依依。沙鷗渾不疑。〔內搯元宵鼓介合〕繁華邑里。又早試上元歌吹。上元歌吹。

〔吳歌〕〔小旦〕村村歌吹奏春聲。浪靜風和月以介明。百里水程連夜走。山靈

應笑介殷勤。

〔朝元歌〕〔丑〕應笑東人高致。行行又曉雞。村塢漸開扉。方音旋異。炊烟爭起。

〔生〕紫苔做早膳。〔丑〕蕩槳芳姝佳麗。信可忘饑。〔淨〕望見臨平山了。〔丑〕青山似嬌

妝鏡眉。峯斂水鳴悲。草腥魚市迴。〔內鼓介合前淨〕到了。到了。〔丑〕大爺馬去轎去。〔生〕馬

去。〔淨〕出去就有馬了。〔丑〕曉得。船錢在此。〔淨〕多謝多謝。



〔淨〕水綠沙平一帶春。

〔丑〕雪晴風暖不生塵。

〔生〕年光到處皆堪賞。

〔合〕能解閒行有幾人。

第三齣 赴閩

〔小重山〕〔外上〕幾載戎衣滿戰塵。雄心拚裏革肯思尊。茲承新命鎮南閩。機

務重。礪劍亟長征。腰間寶劍七星文。臂上雕弓百戰勳。謾說寰中多點虜。須知天上有將軍。下官

姓柳。名苑。字茂夫。唐山南節度使柳子寬之裔。由武功歷陞福建副元帥。頃刻文憑欽限甚緊。即日

起程前去。路途迢遞。烽警不常。夫人楊氏。小女淑娘。俱不挈帶。只選一二能幹家人。伏侍前行便了。

正是漸與骨肉遠。轉於僮僕親。

〔前腔〕〔老旦上〕羽檄遙催赴柳營。乍聞脂轄也不勝情。〔旦上〕含愁花底對離

尊。牽衣問。何日復趨庭。〔見介外〕夫人。我文憑已到。欽限甚緊。即日就要起行。你母子俱不好

帶了。〔老旦〕噯。待備卮酒。少壯行色。望相公少留。〔外〕生受你。〔老旦〕快看酒來。〔小生扮僕上〕竹

葉離尊滿。〔淨扮婢上〕梅花別路長。酒在此。〔老旦送酒介〕

〔催拍〕〔老旦〕匆匆去魂銷淚傾。一卮酒悲歌渭城。天涯咫尺。天涯咫尺。分相公。邊境風霜。好謹晨昏。宦海波濤。須惜身名。〔外〕夫人不必掛懷。〔合〕長亭路正值芳春。草細細。柳青青。

〔前腔〕〔外〕感君恩推轂專征。誓掃靖烽烟虜塵。〔老旦旦悲介外〕別離肯淚傾。別離肯淚傾。〔老旦〕相公家事你也掉得下。〔外〕我欲列雲臺。鍾鼎銘勳。松菊田園。那管荆綦。〔合前末扮武官上〕經山復歷水。送往更迎來。〔生丑小旦雜扮四軍士上〕牙旆從征展。兵符到府開。〔衆〕門上通報。福建帥府差人迎接老爺。〔小生應報介老旦旦淨退下外出見介末〕本府都爺差把總迎接老爺。〔叩頭介衆隨叩介外〕打發回帖與那官先回。軍校外廂伺候。〔衆應下老旦旦淨復上外起更衣介〕

〔前腔〕〔旦〕念椿庭桑榆景侵。爲王事孤身海濱。況如今呵。干戈四野橫。干戈四野橫。爹爹還愁你超乘穿楊。耗力疲形。聚米量沙。竭慮勞神。〔合前衆起淨輟席下外〕

叫院子分付書手寫告示在門上。三姑六婆。管門人役。不許放入。如違查出重究。〔小生應介外〕夫

人還有一句緊要話。你須聽着。〔老旦〕願聞。

〔一撮棹〕〔外〕念我女年甫及丁。婚姻事切莫閒評。還記省。媒言兩譽難憑。姑  
候我返旆向家林。卜日陳屏雀。從容選俊英。歸遲吉。古語有明徵。〔老旦〕謹依尊

命。

〔尾聲〕〔合〕臨歧飲泣情難忍。兩地不勝孤另。〔老旦〕莫惜關山把魚雁沈。

〔老旦〕一溪春水送行舟。

〔外〕五兩風來不暫留。

〔旦〕日暮征帆何處泊。

〔老旦〕烟波江上使人愁。

#### 第四齣 訪姨

〔水底魚兒〕〔淨上〕劍腹飴脣。慣爲冰上人。兼居奇貨。掉臂入朱門。掉臂入朱

門。老身本姓何。奔走脚如梭。心腸千調曲。計較萬般多。來往皆豪富。交游半綺羅。是非能會講。風月善

調和。作伐家家到。經營處處過。本錢三寸舌。夥計幾虔婆。信善元非善。無夫卻有夫。兒曹好生意。一

棹在西湖。老身無處不熟。柳衙尤覺相親。一向怕他老頭兒在家。不敢去。聞他昨已赴任。不免去走

一遭呀。前面來的是曾尼姑。想他也要去的。我且等着他同行。

〔前腔〕〔丑上〕恭貌慈聲。孔方如命根。白蓮沼沚。是我子孫墳。是我子孫墳。貧尼名了緣。出家極樂菴。深知和尙趣。慣得女娘歡。酒肉關門喫。經文登座宣。十方勝租戶。三寶是良田。妝佛需金箔。修房化木椽。巧說施食米。明折點油錢。刀踞由他解。油鍋任彼煎。自作還自受。只顧眼睛前。新春事忙。不曾進城。今日稍暇。不免到施主人家走一遭。呀。老娘。老娘。〔淨〕師伯。師伯。敢要柳衙裏去。〔丑搖手介淨〕怎麼。老頭兒不在了。〔丑〕他有告示在外。三姑六婆。不許放入。怎好去。〔淨〕不妨。有人攔阻。只說奶奶要看經保祐老爺。央我請你來的。〔丑〕有理有理。老娘。自古道鎖鑰儘固。徑竇可由。〔淨〕師伯。又道是鹽緊好賣。賊緊好偷。快走快走。〔下〕

〔西地錦〕〔老旦上〕椒翠餘香甫盡。俄驚日又逢人。〔旦上〕圖花學鳥初裁勝。〔小旦捧綵勝上〕願祈玉貌常新。〔旦跪小旦隨跪介旦〕今日人日。孩兒製得綵勝。獻上母親。願祈歲歲年年常新不老。〔老旦〕生受你。〔悲介〕一別音容兩渺茫。每逢佳節倍堪傷。柳條弄色不忍見。梅花滿枝空斷腸。〔旦〕母親。如何悲痛起來。〔老旦〕孩兒。你不曉得。我與你梅家姨娘從幼結拜。

契勝同胞。每至人日。以此交贈。自他遠嫁吳中。死經十載。二十年來。此典曠絕。今日你復上我綵勝。不由我不覩物思人也。〔皆淚介淨上〕直途塞已久。曲徑通復遠。〔內作犬吠介丑上〕欲謁綺窗人。寧畏金鈴犬。〔見介老旦〕二位一向怎不來。〔淨丑〕怕老爺怪。〔老旦〕何妨。〔淨〕小姐想在此相伴奶奶。〔老旦〕他道今日人日。來上我綵勝。〔丑〕嗻。一二三四五六七。萬物生芽是今日。〔淨〕你看遠天歸雁拂雲飛。〔跳介〕近水游魚迸冰出。果然人日。胥上綵勝。〔丑〕阿彌陀佛。正是這等。我們經典上說。只今見在爺娘。便是釋迦彌勒。若還供養得他。何用別作功德。佛。孝順。孝順。〔淨〕師伯好說。我也學得一個偈子。宣與小姐聽。〔丑〕起尊。〔淨〕爲人在世敬爹娘。〔丑和佛介淨〕忤逆空燒萬炷香。〔丑和介淨〕人無爹娘來養育。〔丑和介淨〕怎得身軀六尺長。〔丑和介〕

〔前腔〕〔生上〕山水動人清興。何辭百里孤征。居停有主游裝整。好教到處幽尋。〔外扮馬夫隨上〕這裏是柳衙了。〔生下馬介〕我家小廝怎不見。〔外〕在後邊。〔生〕你就與我通報。

說姑蘇梅公子拜謁奶奶。〔外〕有人麼。〔小生上〕是那個。〔外〕姑蘇梅公子拜謁奶奶。〔小生〕少待。〔報介老旦對旦介〕呀。這就是梅家姨娘之子。快請。〔小生應介老旦〕二位到小女房中待茶。〔淨〕

師伯先請。我陪奶奶出去就來。〔丑〕起尊起尊。〔旦小旦〕簷前聞鵲喜。花外有人來。〔下老旦迎生介〕死別生離。啣悲積歲。茲見吾子。如見尊堂。〔生〕姨娘請上。待愚甥拜參。〔老旦〕來路辛苦。免拜罷。〔生拜介〕自別尊顏。屢更寒暑。積誠拜謁。特展懷私。〔淨見介〕雄雞生蛋。公子公子。〔生答介丑挑擔上〕歲月幾更新。人烟原是舊。奶奶磕頭。〔老旦〕起來。院子分付一面整酒。一面收拾園中。與相公安歇。〔小生應引丑外攜擔下老旦〕請坐。今年幾歲了。

〔鎖南枝〕〔生〕臨新歲。十八春。〔老旦〕曾入泮麼。〔生〕秋風已曾聞鹿鳴。〔淨〕元來發科了。可喜可喜。〔老旦〕何不去會試。〔生〕抱病滯江陰。陶情離鄉井。〔老旦〕既有恙。出來耍耍到好。〔生〕山水興。素頗深。擬豪游。待春盡。〔老旦〕只是怠慢。〔生〕打攪。姨娘一向好麼。〔前腔〕〔老旦〕蒙垂問。向頗寧。〔生〕有弟妹否。〔老旦〕伶仃一女初長成。〔生〕近聞姨夫高擢。還在何處。〔老旦〕帶甲鎮南閩。新春始之任。〔生〕元來纔去。姨娘怎不同行。隔關山。千里程。薄滄溟。畏烽警。

〔前腔〕〔淨〕我看梅相公。年方妙。名已成。玉堂金馬應早登。俊雅更聰明。殷勤且

恭敬。他是瀛洲客。閨苑人。縱安仁。恐難勝。〔淨〕奶奶。師伯在內。老身進去。〔老旦〕請便。〔淨〕相公偏陪了。拜辭堂上客。往見閣中人。〔下生〕這位是何人。〔老旦〕何老娘。常在這裏走動的。〔生〕噯。〔小生上〕金樽浮玉液。綺席列珍羞。稟奶奶。酒席完備了。〔老旦〕梅相公請。

〔老旦〕堂前薄席陳。

愧乏海陸珍。

〔生〕曠歲一登歷。

迥然洗愁辛。

### 第五齣 友聚

〔末上〕一年明月打頭圓。此夜風光實可憐。院院燒燈如白日。煖香紅焰一時燃。自家非別。鄒府中一個院子是也。今夕上元佳節。適值吳下梅春元遠來。公子分付整設燈筵。邀彼聚樂。且喜早已完備。你看端的好燈市。〔內應介〕怎見得。〔末〕但見霞蒸日燦。電閃星垂。分明貝闕瑤臺。說甚蓬壺閬苑。照發蘭膏。滿室扶餘火玉。光搖蓮炬。盈眸洞穴明珠。窮人力剪。就輕羅萬眼。似鬼工壘成弱骨千絲。珍珠燈。水晶燈。琉璃燈。蝦鬚燈。魚骨燈。方方圓圓。大大小小。總不下千餘盞。料絲屏。料條屏。雲母屏。夾紗屏。羊皮屏。高高矮矮。疊疊重重。少可有百來層。珠蓋參差。畫梁間黯糝糝。一似雲生寶纓連。

絡華筵上脆冷冷乍疑雨下。茵莒城中。鳳吐龍銜。光焰焰由來不夜。簷簷洞裏。猿攀魚負。影燐燐果是常明。汨碌碌輕毬滾地。盡道流星飛度。皎團團素綬懸枝。卻疑片月旋昇。夜明簾。金光籠。掩映生輝。瑪瑙座。珊瑚檠。華彩增煊。鰲山幾疊。攢擁着紫葡萄。白楊梅。朱柿兒。許多夜色。火樹千株。放出那蜂趕梅。梨花砲。水澆蓮。無數奇花。九龍百響。賽月明冲霄犯斗。遊魚走鼠。水金蓮。遠砌穿波。門兒外。嚶嚶懂懂。紛紛雜雜。擁不開的。半是那商燈謎狎客。廳事前。周周匝匝。擠擠挨挨。遣不去的。都是那看烟火遊人。正是錦里開芳宴。蘭缸豔。早年。綉彩遙分地。繁光遠綴天。道猶未了。賓客早到。

〔阮郎歸〕〔淨上〕

胸藏星斗氣。凌烟。寰中若敢先。三都一筆字堪懸。多知繼寫

宣。文章如錦氣如虹。出衆風流自不同。酒德有神多客頌。青山明月不曾空。自家姓趙。名章。字成文。錢塘縣學生也。度若江河。眼空宇宙。科場雖屢北。志氣終未頹。揣摩經史。不辭夜雨燈毡。放浪湖山。最愛春風桃杏。多聞多識。人人道我就是那博學張華。耽酒耽詩。自想起來還是個高情李白。今夕表弟鄒元虛邀我相陪。吳下梅君。不免走一遭。〔末見報介〕

〔前腔〕〔小生上〕故人情致寄湖天。遊韉久未援。喜逢良夜可盤桓。燒燈整玳筵。



〔末稟見介淨〕梅君怎不到。〔小生〕想卽至矣。〔淨〕老弟緣何與彼相識。〔小生〕梅君令岳薛水部。乃家君契厚同年也。〔末〕梅相公到了。〔小生淨起迎介〕

〔前腔〕〔生上〕豪遊山水日西旋。江城接暝烟。綵樓簫鼓雜繁絃。華燈朗月天。

〔見介拜介生〕寵顧失趨迎。負罪良深。拜瞻不值悵徒殷。〔小生〕久慕芳聲形夢想。何幸遙臨。〔淨〕年少躡雲程。敬羨何勝。〔小生〕草草盃盤聊展敬。祈鑒微忱。請坐。〔生〕老先生高姓。〔淨〕趙章。〔小生〕成文表兄也。〔生〕久仰久仰。〔小生〕快看酒來。

〔光光乍〕〔丑上〕巧趨承。善哄騙。屋裏檯無面。扇骨揩來光潑潑。東家哺飯西家宴。小子常伯醒是也。聞得鄒元虛張燈宴客。不免尋個話頭。做個陪客兒。〔候介末〕常先生在外。

〔小生〕請進來。〔衆見介丑〕小弟所薦講學朋友。昨有書來說。有事未得過江。特來回覆。〔小生〕多謝。〔丑〕告退了。〔小生〕同坐一坐。〔丑〕小弟不該也罷。常言道。見食不搶。到老不長。若固辭。似不流利了。叨擾了。〔小生送席介丑私問介末〕這是吳下梅春元。〔丑驚揖介〕有眼不識。失敬了。失敬了。

〔席完坐介〕

〔排歌〕〔生〕燈月良宵。笙歌綺筵。蜃脂鳳蠟齊燃。綵雲零亂影翩躚。星斗依稀  
几席前。〔合〕鰲山遠。火樹聯。金蓮玉鏡互爭妍。傳柑遍。卜蠶懸。芙蓉城闕宴羣  
僊。

〔前腔〕〔小生〕麗景佳賓。村醪野鮮。華堂小設燈筵。梅花香煖壓春寒。燈火千  
門樂上元。〔合〕歌交和。盃浪傳。人生幾見月初圓。〔剪燈介〕煤頻翦。香謾添。金吾  
無禁且留連。〔丑〕鄒兄。求梅公一令。〔小生〕正是。梅兄求教。〔生〕還是趙兄。〔淨〕豈敢。〔生〕占了。

小弟要句詩帶個燈字。數着者飲一盃。〔衆〕願聞。〔生〕小弟說六街燈火半梅花。該鄒兄。〔丑〕足恭  
介。才子才子。又應時。又有趣。又敬主人。妙妙。〔生〕如今趙兄請。〔淨〕共道春燈勝百花。送梅相公。  
〔丑〕欠。好。不該飲。〔淨〕古詩。〔丑〕要說牆壁。〔生〕由來月明如白日。共道春燈勝百花。〔丑〕真才子。  
無書不讀的。〔末〕送酒介。丑〕八分盃。八分盃。〔淨〕如今該老弟了。〔小生〕弟說金燈佛火百輪張。常  
先生請。〔丑〕速飲介。小生〕如今該常先生了。〔丑〕拍手頓足介。妙妙妙。小弟有一絕好的。該鄒兄與  
梅公飲。〔淨〕只要一字。〔丑〕字兒數着鄒兄。意兒贊着梅公。〔淨〕且說來。〔丑〕小弟說個一舉首登

龍虎榜。登字數着。鄒兄。意兒卻不贊着梅公。〔淨〕只怕燈邊還少火。〔丑〕罰一盃。罰一盃。〔小生〕我們不該。〔丑〕既來則安。〔生〕這等趙相公也。一盃。〔末〕送淨酒介。衆飲介。淨不飲起步介。

〔前腔〕〔淨〕風月陶情。琴樽聚歡。〔拂燈介〕可惡那火蛾兒。無端抵死趨炎。〔丑〕扯介。不要聞管。且乾了這盃。〔淨〕拂袖速飲介。〔汪〕洋衿度海同寬。卮酒何須鼠輩言。〔丑〕我是

鼠輩。〔淨〕起看介。好燈好燈。〔合〕鰲山遶。火樹聯。金蓮玉鏡互爭妍。傳柑遍。卜蠶懸。芙蓉城闕宴羣僊。〔丑〕暗打生臂介。這人要使酒了。去罷。〔生〕客已罵座。我其絕裾。〔潛下末〕梅

相公去了。〔小生〕怎去了。〔丑〕待我送。待我送。〔淨〕咳。雪水煮豆腐。好不冷淡。〔丑〕你便怎麼。要打

便打了你。〔小生〕攔介。不要動氣。  
〔前腔〕〔丑〕指淨介。你妄自矜誇。尤人尙謙。常把莊子自比。竟不道莊生也說人間。〔淨〕

笑介。莊子人間世教你勢利。〔丑〕我勢利。我勢利。打這狗牛。〔打介〕打攤黃鶴不須拳。〔小

生攔介。丑空踢介。鸚鵡洲消一脚穿。〔丑〕倒介。淨。這廝醉了。且去。明日與他講。〔小生〕正

是正是。〔淨〕多謝了。〔小生〕有慢有慢。〔淨下丑〕趙章。趙章。〔小生〕去了。〔丑〕他怕我。去了。且饒他。

鄒兄喫酒〔小生〕請酒。〔丑飲介〕歌交和。孟浪傳。〔小生〕好月好月。〔丑〕人生幾見月初圓。〔丑吐介小生〕他醉了。我自進去。當直的快扶他回罷。〔下末扶丑丑掙胡唱介〕煤頻翦。香謾添。〔末〕常先生去罷。〔丑掙唱介〕金吾無禁且留連。〔醉語介〕明日拜梅相公。〔扶下〕

## 第六齣 遺箋

〔生查子〕〔旦上〕日永繡工餘。月滿銀光瑩。〔小旦上〕燈火暖烘春。〔淨上〕夜禁應須縱。〔旦〕玉作芙蓉院院明。博山香度小崢嶸。〔小旦〕寶坊月皎龍燈淡。紫府風微鶴隊平。小姐。燈

市裏看燈去。〔旦〕亂道。〔淨〕呀。鄉裏人都說兒郎種麥荷鋤倦。偷閒且向城中看。小姐怎說亂道。〔旦〕這是兒郎話。女子家豈可出遊街市。〔淨〕這等門前去看一看。〔小旦〕門前有甚好。〔淨〕好麼。千門月映。九陌燈攢。行歌可聽。游妓堪觀。昭曉的是峯嶺。青翠的是林巒。也有騎鯨李白。也有泛渚張騫。老兒燈連連拜揖。馬兒燈飛走團團。還有那獅蠻滾戲。鬼判相搏。承竿走馬。躍劍跳丸。數不盡繁華種種。說不出奇異般般。小姐。你道這時候呵。誰家見月能閒坐。何處聞燈不去看。〔小旦〕何處聞燈不看來。〔淨〕呸。未曾去看。怎說看來。〔旦顧小旦介〕不要理他。自去取卷書來。〔小旦取介〕是

侯鯖錄〔旦看介〕是鶯鶯傳。拿去換一帙來。〔小旦換介〕這是金石錄。〔旦〕這到不曾看。〔看介〕你看趙明誠與李易安。夫妻雅好文墨。收貯琴書古物。每日煮茶共賞。可謂天倫至樂。欣羨欣羨。〔掩書嘆介淨〕小姐只管看書。如今心焦起來。花園裏看看梅花何如。〔旦〕有客。怎好去。〔小旦〕奴家適在奶奶處。聞說梅公子今夜那家看燈。想不在也。〔旦〕敢不真。青娥去打探一回來。〔淨〕噯。忙將金鎖掣。報道玉人來。〔下旦起介〕不覺月又這等高了。

〔一江風〕〔旦〕月當空。馥馥香風度。翠袖春寒重。〔嘆介小旦〕小姐。你爲何攢着眉兒長歎起來。〔旦〕惹閒愁難掩雙眉。〔小旦〕小姐。釵兒歪了。〔旦〕我也懶整釵頭鳳。〔小旦〕有何心事。試說何妨。〔旦〕四并苦難逢。四并苦難逢。紅顏多困窮。又須知世短。渾如夢。你暫且捲起簾兒。〔小旦捲介〕

〔前腔〕〔小旦〕起簾櫳。月朗風清夜。一刻千金重。勸娘行對景逍遙。放下愁千種。你玉食錦香叢。玉食錦香叢。榮華誰復同。又須知瑣瑣成何用。〔旦〕我適來偶成一詩。可取紙筆。寫與你看。〔小旦取介〕紙在此。〔旦〕這是幅錦箋。〔小旦〕敢問此箋何以錦名。〔旦〕

錦城薛濤遺製也。〔小旦〕元來如此。〔旦〕寫介念介。林圃月華新。花香暗襲人。曲闌閒徙倚。幾度自傷神。〔小旦〕佳句佳句。〔旦〕青娥來了。且袖着。〔小旦〕袖介淨上。花須連夜發。莫待曉風吹。小姐。梅公子不在。快去快去。〔旦起介〕青娥。你先走。〔淨〕我開道。芳春姐。你好扶着小姐。〔攜介〕

〔懶畫眉〕〔旦〕相攜悄悄出閨中。〔淨〕玉照堂去。香雪亭去。〔旦〕屈曲花岐院院通。你看暗香疎影月溶溶。〔小旦〕小姐。那派都是綠萼梅。〔旦〕幾堆碧雪瑤華瑩。〔小旦〕這兩枝楊妃梅。〔旦〕半醉楊妃臉暈濃。〔淨〕阿姐。這叫同心梅。

〔前腔〕〔小旦看介〕奇花端的兩心同。〔淨〕這是鴛鴦梅。〔小旦〕巧學鸚鵡翅影重。〔旦〕這是照水梅。〔小旦〕低回鑒水暗矜容。〔淨〕這是檀香梅。〔小旦〕檀心脈脈春偷送。行到此處呵。好一似水月孤山冷豔濃。〔生暗上〕眼看人盡醉。卻笑獨爲醒。小生適在鄒元虛家赴宴。不意坐逢俗客。逃席而回。你看好明月。好明月。〔旦〕呀。早又有落梅了。

〔前腔〕〔淨〕玉鈿零亂笛聲中。〔拂旦衣介〕輕點春衫破淺紅。小姐插一枝兒。〔插介〕淡妝聊擬壽陽宮。清標婉入羅浮夢。便鐵石心腸興自濃。

〔前腔〕〔生〕呀。嬌音婉轉隔苑叢。我且隔着花屏覷他一覷。拂花介。覷處偏憎花影重。好似盈盈出水兩芙蓉。臨風不覺天香動。〔闌介〕頓惹春情似酒濃。〔淨〕不要來。有人在。〔旦〕打那廂去罷。徑須愁出入。不解辨西東。〔下遺箋介生〕他從屏後去了。你看香芬透。風韻穿花。好縈繫人也。〔丑上〕只在此城中。人多不知處。小人接大爺不着。只道在那裏看燈。原來回了。如何還不睡。〔生〕你聽我道。

〔前腔〕〔生〕偶從月下暢幽衷。何意僂姝驚地逢。〔丑〕有些意見麼。〔生〕芳屏似隔九疑峯。〔丑〕幾時去了。〔生〕霎時斷卻陽臺夢。只落得香徑空迷夕霧濃。〔丑〕生得何如。留他看一看。看到好。

〔生〕腰如細柳臉如蓮。

豔粉紅脂映寶鈿。

〔丑〕盡道滿城無國色。

不知朱戶鎖嬋娟。

### 第七齣 尋箋

〔小旦上〕春色惱人眠不得。闌干獨倚消閒寂。依稀玉漏出花來。〔內打更介小旦〕報道三更已將

及呀。箋兒如何不見。想遺在外廂了。此時不尋。倘被人拾去。如何回覆小姐。不免喚青娥同去尋了回來。且住。若說箋兒。他怎肯去。只說掉了珠串便了。青娥。青娥。〔淨內應介〕我要睡。〔小旦〕小姐叫快起來。〔淨上〕來了。來了。〔小旦〕哄你。是我叫。〔淨走回小旦扯介〕好妹子。適來掉了珠串。央你同去尋一尋。〔淨〕明早罷。〔小旦〕明早卻不被人拾去。〔淨〕這等點着燈去。〔小旦點燈介〕

〔縷縷金〕〔合〕循闌檻。啓重門。徐徐還悄悄。慢挨尋。月白蘆花隱。鶯藏柳蔭。明珠何事暗投人。一路無形影。〔淨〕一路不見。想掉在園中了。〔小旦〕此時人靜正好去。〔淨〕去去去。〔行介小旦〕呀。園門鎖的。怎麼好。〔淨〕是你娘舅管。怕他。〔小旦〕怕他睡了。〔淨〕待我叫他起來。〔高叫介〕張老官。張老官。〔內應介〕要怎麼。〔淨〕要園裏去。〔內〕方纔鎖的。卻不好開。〔淨〕休惱。是令甥女要去。〔小旦〕舅舅。我要去。〔外上〕待我來。賤夫美一睡。城上改更籌。〔見介〕兒。你到園裏做甚。〔小旦〕掉了珠串。要去尋。〔外〕哈。女子家不務針指女工。慣要看花踏月。如今珠串都沒了。此時更深路黑。那裏去尋。且自回去。待我明日尋來還你。〔小旦背介〕不是珠串。教他怎尋。只得實告罷。〔轉身低云〕舅舅。不敢相瞞。其實不是珠串。是幅箋兒。〔淨聽介〕吓。我只道珠串。到是甚麼紙



頭〔外〕便是紙頭尋他做甚。〔小旦〕有用的。〔淨〕這麼是那個與你的情書了。〔小旦打介淨〕園公。你可安置我自回去也。〔外〕正是正是。閉門不管窗前月。分付梅花自主張。〔並下小旦〕他們去了。我也只得回罷。

〔前腔〕忙歸去。路窈冥。孤形隨隻影。戰兢兢。一紙閒愁恨。應沈花徑。怕成紅葉惹多情。就枕如何寢。

滿紙春愁墨未乾。

落花流水杳然去。

手拈裙帶獨徘徊。

重門深鎖無尋處。

### 第八齣 婆奸

〔卜算子〕〔生上〕入眼頓薰心。攪夢還驚寢。烟霞泉石舊胸襟。一夜沾脂粉。渾疑夢裏逢。遙遙不相識。幽徑還獨尋。綠苔見行跡。小生夜來一見嬌娃。不覺神魂飄漾。坐臥無聊。已喜天明。不免循彼游蹤。寄我神想。〔步介〕這是幅錦箋。〔拾看介〕呀。原來是首閨情。定是那人所遣也。〔嘆介〕徒有錦箋傳雅抱。恨無紅葉報相思。

〔普天樂〕步香階。歎蒼苔空有蓮蹤印。霧駕雲駢，憑誰問。這詞箋寫盡芳心，轉教惹恨消魂。怪只怪屏陰月影，胡遮了花光玉潤。難詳認。怎能得相傍相親。謾把嬌姿細審。那時方慳我一點幽情。呀，甚麼人來了。

〔普賢歌〕〔淨上〕終朝東走與西奔。塵滿裙裾汗滿裋。一套假殷勤。相逢盡故人。要近錢財須喫緊。老身何老娘便是。那日偶見梅春元。看他性格風流。定然留戀花柳。規模

闊拓。決肯撒漫錢財。端的是店裏貨。兩日多事。未去看得他。今日少暇。去走一遭。轉灣抹角。此間已是。有人麼。〔外上〕客來深苑中。犬吠芳林下。老娘何來。〔淨〕特拜梅相公。〔外〕相公在這廂。〔引見介淨〕窮忙拜遲。〔生〕有勞。請坐。〔淨〕相公。兩日何處游耍。

〔剗鉄兒〕〔生〕孤山閒探梅花信。〔淨〕春事如何。〔生〕六橋已見柳條青。〔淨〕山水如何。〔生〕湖波淨如鏡。峯圍翠屏。〔淨〕有游賞的麼。〔生〕野衲游人。水濱林徑。樵父漁翁。賡歌相應。〔淨〕相公。此時還未好。

〔前腔〕〔淨〕湖山二月春如錦。杏花風颺酒旗輕。王孫騁金鐙。香塵蔽雲。這不打

緊。還有雀舫漁舫。多妝紅粉。玉管銀箏。繁華相競。〔生〕元來如此。請問老娘。宅上作何

生理。〔淨〕小兒撐個湖船。老身說頭親事。賣些生活。〔生〕如此。小生買妾時。定用相贖了。〔淨〕當得

當得。只怕相公不要一百。〔出帖介〕這衆安橋馮家的。十六歲了。這稽家堂郎家的。到有十八歲。這

三橋址傅家的。也只得十六歲。〔生〕到有許多。還問老娘。所賣是珠翠。是寶玉。〔淨〕都賣些。〔生〕老

娘既善爲媒。又能賣寶。則爲蜂媒蝶使。以圖金屋玉人。無難矣。〔淨搖手介〕這不會。這不會。老身專

只一味老實。見重於諸宅。若做這樣事。還有人相敬。快不要說。快不要說。告退了。〔生〕待茶。〔淨〕又

叨茶。〔復坐介〕園公取兩盃茶來。〔外應下淨望介〕相公好不謹飭。常言道。六耳不同謀。三人口

一尺。園公在此。只管直說。〔生〕取笑。原沒甚麼。〔淨〕這風流事何妨。相公。不瞞你說。我乃風月慣家。

做媒賣寶。皆假糊兒也。倘有高情。當得效力。當得效力。〔外攜茶上〕澗底松聲初罷響。水邊雲氣乍

移來。茶在此。〔淨〕起動你自去。〔生〕園公自去罷。〔外應下淨〕相公快說。省得又有人來。〔生〕真沒

有。〔淨〕莫非疑我不能幹。不是老身誇口。若經我手呵。〔西江月〕謾說文君私奔。休誇紅拂宵遁。

點籌帝子也糊塗。愁甚牆高賈午。犀炬能招龍女。雲梯可下嫦娥。若教南海一經過。哄得觀音隨我。

〔生〕妙哉。妙哉。小生非有他瀆。昨因赴宴夜歸。花徑偶逢二美。不但丰姿冶豔。且有詞箋下遺。以是不能忘情。〔淨〕相公你不知。這是本宅小姐。侍兒芳春。〔生〕如此。失言了。〔淨〕認了真。冷水也沒得吞。相公曉得那雞鳴南山麼。〔生〕這是齊襄淫乎其妹。怎不曉得。〔淨〕卻元來。況令堂與奶奶不過相交姊妹。佳人難得。請毋自疑。〔生〕多謝了。

〔四邊靜〕〔生〕月中人去花階冷。錦字空牽恨。夢遶武陵春。桃源歎迷徑。〔合〕巫陽雲隱。藍橋水浸。何幸遇崑崙。蜂媒相好倩。

〔前腔〕〔淨〕銀河遠隔無蹊徑。牛郎好孤另。管取鵲橋成。鴛鴦兩相並。〔合〕那時節。羅幃春穩。繡衾香噴。相公。你莫忘魏無知。揮金好相贈。〔生〕得賜周全。自當銜結。但恐無由會晤。莫效殷勤。〔淨〕要見何難。包得停當便了。〔生〕願聞其旨。〔淨〕不要忙。且把個扇兒寫着那詞。待我尋便。引相公進去。假做忘了。竟自出來。看他怎麼。便好行事也。〔生〕有見有見。〔淨〕相公。你還未曾細看哩。

〔淨〕娥娥紅粉妝。

馥馥秋蘭芳。

〔生〕願得展嬌婉。

千載不敢忘。

第九齣 初晤

〔霜天曉角〕〔老旦上〕東風送暖。碧草閒階滿。惆悵良人去遠。眼前花事空妍。鶯燕芳菲節。其如離別何。弱女本非男。感情良勝無。相公出去。止我母子在家。女兒素耽幽寂。另處一室。兩日因有義妹之子遠來。與他盤桓起了。竟不知孩兒若何。今日得暇。且去看他。一看。開門開門。

〔前腔〕〔旦上〕幽栖小院。春暖花爭豔。〔小旦上〕笑殺游蜂舞燕。無端人幙穿簾。

〔小旦〕奶奶來了。〔見介老旦〕兒兩日在此做甚麼。〔旦〕做些針指。〔老旦〕好好。

〔翫仙燈〕〔淨上〕金屋隱嬋娟。〔生上〕苦相思無由繾綣。〔淨〕梅相公。且喜奶奶正在小姐房中。我和你就到那廂。我先進去。你且站着。我不出來。便叫我一聲。自有處也。〔生應暫下淨入見介〕奶奶。老爺有書回麼。

〔桂枝香〕〔老旦〕江山遙遠。杳無魚雁。〔淨〕一路平安便好。〔老旦〕知他安否何如。使我晨昏牽念。〔淨〕老爺去做官。記掛怎麼。〔老旦〕歎蝸角虛名。歎蝸角虛名。令人迷戀。

驅馳蹇蹇〔淨〕老爺一定也想家裏〔老旦〕兩情懸〔淨〕去有半月了〔老旦〕屈指兼旬矣

〔淨〕想到任了〔老旦〕還應已上官〔生上叫介淨〕吓忘記了〔老旦〕爲何〔淨〕梅相公開小姐書室精雅。幸值奶奶又在。要求一看。我教他站着。待我進稟。誰想竟說起老爺事情。教他候久了。〔老旦〕快請進來。〔旦〕不穩便。〔淨〕世誼姊妹。有甚不便。〔淨〕引生入見介老旦〕這就是妹子。兒拜了哥哥。〔生旦見介老旦〕別時兩童稚。及此俱成人。〔生〕天長音信斷。仰望無由親。〔淨〕梅相公。這書室何如。〔生〕精雅得緊。〔淨〕請細看一看。〔生起看介〕

〔前腔〕〔生〕珠簾不捲。羅帳輕寒。迎風一帶蘭芬。弄日幾窠香篆。更花枝遶前。更花枝遶前。錦屏湘簾。瑤琴綃繡。總堪憐。恍入天台境。如逢玉洞僊。〔淨〕小姐還有許多骨董。相公不曾見哩。〔生〕願借一觀。〔旦〕沒有。〔老旦〕胡亂拿幾件與哥哥看。〔旦〕芳春取幾件來。〔小旦應下取上〕縹囊披錦繡。翠袖舞瓊瑤。

〔前腔〕〔旦〕愧無奇翫。何勝清鑒。兩般商鼎周彝。幾帙秦碑漢篆。這玻璃茗甌。這玻璃茗甌。銀潢玉硯。硃文金鑑。意堪觀。逸少書修禊。王維畫輞川。〔丑持帖上〕

門有車馬客。駕言發故鄉。稟相公。有客相訪。〔生〕回覆他去也罷。〔丑應下。生放扇展帖介〕暫且告別。再當求覽。〔旦〕多慢了。〔老旦〕我也出去。老娘謾坐。〔淨〕請便請便。〔老旦〕匆匆相見。又相離。

〔淨〕霧閣雲窗。豈易窺。〔生〕只此神仙對瓊圃。何須轍跡向瑤池。〔老旦生下。小旦持扇介〕這扇梅相公的。到忘了。〔旦看扇介〕好異好異。〔小旦看扇做不語介〕淨阿妹。爲何你也呆了。借我看一看。〔看介〕人物精製。東西都這般精製。

〔大趺鼓〕〔淨〕翩翩美少年。衣冠濟楚。性格幽閒。不要說甚麼。你只看他。雙瞳翦水。迎人灩。風流萬種笑談間。何物嬌娃。二生有緣。〔淨〕老身告退了。坐久談深。庭花影轉。〔下旦〕事不關心。關心者亂。如何這詩到在他的扇上。〔小旦〕那晚袖着出游。遺失之后。想他拾得。就寫在扇上。〔旦〕說得好太平話兒。

〔前腔〕〔旦〕春愁滿錦箋。恁何閒覷。棄擲花前。無情頓惹多情眷。試看綵筆寫輕紈。浪語那禁。思之汗沾。

〔前腔〕〔小旦〕何云敢棄捐。那晚呵。重門閉月。欲覓難前。無端翰墨空濡染。〔笑介〕

笑伊知是阿誰箋。小姐不要怕。管效相如完璧早旋。〔旦〕你就說如何得還。〔小旦〕梅公子每常出去。悉把廂房匙鑰付我舅舅收執。明日曬他出去。待我竟自開入。搜取回來。卻不是好。〔旦〕怕不能如此。〔長嘆介小旦〕爲何煩惱。〔旦〕不答介〔小旦〕曉得了。

〔小旦〕只因幽恨在新詩。

綠慘雙蛾不自持。

〔旦〕無限春愁莫相問。

此情惟有落花知。

### 第十齣 傳私

〔賀聖朝〕〔生上〕柳梢無奈啼鴉。驚殘好夢難。蘭房回首若天涯。客邸倍添嗟。何殊鏡裏人。相見不相親。願作梁間燕。無由變此身。小生初見小姐未真。意圖熟賭片時。少慰懷想。誰知一經近覷。頓惹相思。欲待尋消問息。那得實信真情。妄想送暖偷寒。誰與我傳書寄簡。好似和針吞卻線。繫人腸肚刺人心。我想小姐呵。

〔好姐姐〕芳姿如玉似花。卻朱粉天然妖冶。低眉斂衽。羞怯更堪佳。心牽掛。夢魂通昔藍橋下。烟水茫茫萬里賒。〔丑上〕報報。鄒相公拉訪趙相公。〔生〕把門兒鎖着。寄匙



論與園公了。隨我來。〔丑〕理會得。〔同下〕

〔行香子〕〔小旦上〕俏步庭街。怕損苔花。笑重門扃鎖空加。簾前惟有鳥雀喳喳。啓芸窗。翻蠹簡。謾挨查。今日幸值梅公子出去。且與舅舅取得匙鑰。不免開門進去。尋取詞箋。則個。〔開介〕只此一室。與他住着。便覺清趣了多少。

〔好姐姐〕書齋香籠碧紗。伴几榻清琴古畫。膽瓶春水。一枝梅正佳。〔揭帳介〕這是他臥所了。真幽雅。羅幃香暖春無價。只怕你鴛枕人孤愁轉加。試在他書帙中尋一尋。〔翻書介〕且喜在這裏了。後邊寫着甚麼。〔念介〕字潤句清新。幽懷信可人。花前偶相值。無奈日勞神。元來是和韻。怎好還小姐罷罷。我自藏着。免得播揚便了。〔生上〕相過不相值。與盡且歸來。呀。山館無人在。重門何事開。〔見介小旦欲下介〕

〔玉胞肚〕〔生〕堪驚堪訝。〔小旦施禮生答介〕這相逢醒耶夢耶。〔小旦背介生近介〕小姐在那裏。〔小旦背答介〕在繡房中。〔生〕悵姮娥深鎖蟾宮。喜菁女密降香車。〔小旦〕相公讓一讓。〔生〕怎就要去。〔愈近介〕須憐聚散似搏沙。不飲空歸花也嗟。〔生攬介小〕

旦推介。有人來。不要這等。〔生〕此地有甚人來。〔小旦〕隔牆須有耳。窗外豈無人。

〔前腔〕〔小旦〕屬垣非假。〔生復摟介小旦掙脫整鬢介〕莫胡纏釵橫鬢斜。〔生〕姐姐你韞

玉須沽。我捐珠奚惜。得垂青盼。願共白頭。〔小旦〕說那裏話。賤妾呵。居綠衣紫綬難齊。相公。

你近青蠅白壁須瑕。〔生執小旦衣跪介〕僕若介此。天神鑒之。〔小旦跪介〕君果鍾情。妾當

留意。須圖機密。以俟天緣。〔生〕只怕後會難逢。〔放手同起小旦附耳介〕有緣千里會無差。

〔生〕我其枯魚也。〔小旦〕早發還知易萎花。〔生〕既荷重諾。何敢違強。更有請問。願求暫停。

〔小旦〕奧室私語。人來不雅。有話到外廂來。〔同走介小旦〕有何見諭。〔生笑揖介〕

〔前腔〕〔生〕望卿陶冶。〔小旦〕有何使令。〔生〕覲偷攀梁園豔葩。〔小旦〕莫非意及小姐乎。

相公何興此念。〔生〕端爲他月徑丰神。又找個繡窗清話。閃得我夢爲蝴蝶也尋

花。青鳥難逢祇自嗟。

〔前腔〕〔小旦笑介〕須教口啞。我娘行玉瑩鮮瑕。〔生〕他有閨詞。我會見來。〔小旦〕這是

感孟光獲配梁鴻。匪文君覲奔司馬。〔生〕我聞小姐惜花愛月。恐非無情者。〔小旦〕春花

秋月興雖佳。暮雨朝雲怎惹他。〔內作犬聲介小旦〕人來了。我去也。

〔小旦〕與子結綢繆。

恩愛兩不疑。

〔生〕佳期悵何許。

日夕歡相持。

### 第十一齣 詒婚

〔一翦梅〕〔旦上〕紅窗翠幙曉徐開。日映妝臺。春滿妝臺。〔小旦上〕蛾眉淡掃鬢

初裁。花壓瓊釵。香遠瓊釵。〔旦〕芳春。今日奶奶往菴中佛會。我和你到門首一送。〔小旦〕轎已

到。將次起身。請就行。〔同行介小生急上〕稟小姐。奶奶行了。〔旦〕嗻。〔小旦〕雲從送夫人。不作從容

住。〔旦〕你看久矣不行游。門前風景異。〔小旦〕便是。〔旦〕對門這房子幾時造的。〔小旦〕方纔。〔旦〕

那廂的酒肆。前日不曾有。〔小旦〕新搬來的。〔內唱介〕一年春去。又是一年秋。哩哩蓮花。哩哩蓮花。

春去秋來幾時休。哈哈一麼蓮花。少年兒郎看看老。哩哩蓮花。哩哩蓮花。紅粉佳人白了頭。哈哈一

麼蓮花。〔旦〕那裏打蓮花的叫他來。〔小旦〕門上叫那打蓮花的來。〔內叫介淨丑應上淨〕蓮花纔

出口。白米要一斗。〔丑〕老兄仔細些。裏頭怕有狗。奶奶。打蓮花麼。〔小旦〕要打。你曉得甚麼。〔淨〕三

貞九烈二十四孝。十二月花名〔丑〕還有新編好姻緣惡姻緣。〔旦〕就把新編的唱一唱。〔淨丑〕噯。  
〔蓮花落〕〔合〕一年過了一年挨。〔介〕日月如梭人老來。〔介〕人生在世不幹得  
些快活事。〔介〕一旦無常空自哀。〔介〕人生在世只有何事最快活。〔介〕只有夫  
妻相得好開懷。〔介〕聰明小姐嫁得文才士。〔介〕婦隨夫唱勝秦臺。〔介〕賞花酌  
酒都是尋常事。〔介〕詠月吟風實快哉。〔介〕盡日歡娛直到晚。〔介〕閨門裏向有  
蓬萊。〔介〕多少嬌娘喫子爹娘賺。〔介〕嫁了村牛及俗胎。〔介〕不要琴書不要畫。  
〔介〕雙陸圍棋盡撇開。〔介〕日圖三餐夜一宿。〔介〕枕邊鼻息似轟雷。〔介〕走到  
人前如木佛。〔介〕開得牙關臭殺來。〔介〕這樣村牛撞着子。〔介〕一世爲人好苦  
哉。〔介旦〕叫人打發他罷。〔小旦分付小生打發介淨〕常捨常用。〔丑〕長福消災。〔下旦〕適纔所唱。句  
句真的。

〔啄木兒〕〔旦〕我聽伊言。心暗摧。屈指桃夭幾個宜。迴文錦半世含嗟。斷腸吟  
到老成悲。蘇臺月伴西施醉。玉關草溼明妃淚。淑女堪求君子誰。

〔前腔〕〔小旦〕無稽語。莫浪悲。春到芳菲應滿枝。幾曾見薰草齊齋。那里是鳳鳥隨雞。阿嬌金屋元相配。太真玉鏡寧無對。又不道紫管雙雙跨鳳吹。〔淨上〕任智情難察。投機事可諧。我爲梅公子百計鑽研。爭奈柳小姐片言難入。昨聞芳春有言。小姐不是卓文君。頗慕孟德耀。得此心話。已知底蘊。不免將機就機。只說梅郎尙未有親。哄他一哄。看他如何。〔見介旦〕老娘何來。〔淨〕繆平章宅上。央我見令表兄。〔旦〕爲甚麼。

〔二段子〕〔淨〕爲只爲才郎世稀。逞南圖翩翩遠期。平章見奇。選東牀孳孳在伊。且好一位小姐。娉婷冶麗堪娛意。又好妝奩。繁華侈富真無比。這不打緊。更有金釵十二隨。

〔前腔〕〔旦〕郎年幾許。〔淨〕十八歲了。〔旦〕卻緣何家室未宜。〔淨〕想他父母早亡。志專科第。以此羈遲。〔旦〕娘居那區。〔淨〕在關上。〔旦〕又何由聲聞遠馳。〔淨〕這們一位官人。那一處不聞。〔旦〕獨孤偉器。眞佳婿。蹇修善合非虛譽。〔小旦〕小姐。端的好頭親事。〔旦〕附小旦低唱介。這是夙世姻緣。怎羨伊。老娘。你也興頭了。〔淨〕小姐。我沒造化。〔旦〕卻怎麼。

〔歸朝歡〕〔淨〕喬才的。喬才的。抵死執迷。〔旦〕難道不允。〔淨〕儘層舌何曾允俞。

〔旦〕爲何。〔淨〕近且低唱介。他說道。他說道。丰神才致。須索要悉與娘齊。〔笑介〕好

笑他溝狸妄想天鵝味。又不道麻姑豈爪京兒背。正是春夢胡遮枉自迷。〔內叫

云〕何老娘。有人尋你。〔淨〕繆家人了。小姐。我去。過日與你細講。應接無閒暇。徘徊似躑躅。〔下旦〕

芳春。元來梅家哥哥還不會有親。〔小旦〕便是。小姐。奴有一言。

〔前腔〕久欲啓。久欲啓。恐招罪答。〔旦〕有話試說。〔小旦〕那梅公子呵。向娘行十分留

意。〔旦〕那有這話。〔小旦〕錦箋上。錦箋上。和就春詞。〔取囊出箋〕試閱取方知就裏。〔旦

看箋擲介〕狂生。狂生。我豈賈午崔鶯乎。〔小旦拾介〕小姐悞矣。不記乞兒所唱乎。梅公子正孤

飛未獲和鳴侶。小姐。你一枝早擇栖遲地。〔旦〕難道他肯贅異鄉。〔小旦〕達士寧同丘

首愚。〔旦〕拿來。〔小旦送箋介〕且復看介。

〔尾聲〕〔旦〕卻愁不屑桓玄贅。羞殺空將宋玉窺。〔袖箋介〕翹首東風付歎吁。

〔小旦〕遙想風流第一人。

賈生才調更無論。

〔旦〕多情卻被無情惱。

搖蕩春心似夢魂。

第十二齣 醉春

〔山歌〕〔丑上〕外六橋了裏六橋。千株楊柳萬株桃。湖船盡擺子遊春酒。客人半載子女多嬌。女多嬌了女多嬌。湖南湖北任逍遙。看看大佛頭個眉眼。摸摸長耳相個皮毛。弗管敲壞子林和靖家梅子。囉惜攀折子蘇小小大花稍。葛僊翁煉丹井儕來弔弔。錢鏐王洗卵池也去撩撩。岳王墳前打打秦檜。金鼓洞口訪訪牛臯。尋新茶直上龍井。要好水更到虎跑。幾十處伽藍座座參到。五百尊羅漢個個數高。柳洲亭。放鶴亭。湖心亭。冷泉亭。可惜造做子幾處。六和塔。雷峯塔。保叔塔。靈鷲塔。恨弗得磕做子一陶。化星紙錠。拜拜先壠。番個攢盒。穿穿斷橋。賣酒個以介幫襯。纔捉子魴鱖魚煎燥。求討個恰介弄巧。只把漁鼓簡輕敲。喫得個老人家個個莽莽撞撞。引得個阿媽們越越妖妖嬈嬈。正叫暖風薰得遊人醉。拿子金銀河上拋。自家何老娘的兒子小何便是。撐隻湖船爲活。老娘蒙柳衙擡舉。每

到春半。做個西湖主人。請他宅眷。今日又當設酒。不免在此整頓則個。〔淨上〕湖光山色兩清奇。況是梨花酒熟時。整頓蘭舟載春去。莫教鷓鴣笑來遲。兒酒完了。〔丑〕完了。只是太盛了。〔淨〕你不曉得。梅公子心愛柳小姐。求我撮合。代我鋪設。慊他人之慨。便盛了些。〔丑〕娘酒便設。只怕奶奶來礙眼。〔淨〕不妨。但要你幫我一幫。〔丑〕用得我着。〔淨〕聽我道。雖云礙眼。自有機心。假饒鬪草。我助尋芳。片片暗投公子。若使催花。你須司鼓。聲聲扣打夫人。夫人未醉。頻把巨觥上壽。小姐倦飲。忙將苦茗解醒。醉的醉。醒的醒。一任行事。綽的綽。覷的覷。怕不關情。兒你若助娘成得這樁美事。明日領你城隍山上打了。〔丑〕喜打觔斗介〔淨〕起來。客到了。

〔掛真兒〕〔老旦上〕湖上春光晴更好。近西郊游人蟻遠。〔旦上〕柳拂香車。花侵繡襖。〔小旦上〕報道蘭舟已到。〔見介丑磕頭介淨〕梅公子也來了。

〔七娘子〕〔生上下馬介〕整衣離玉轡。僂舟繾綣多嬌。〔春光好〕〔老旦〕蘋葉軟。杏花明。

畫船輕。〔淨〕雙浴鴛鴦出綠汀。棹歌聲。〔旦〕春水無風無浪。〔小旦〕春天半雨半晴。〔生背介〕紅粉相隨南浦宴。幾含情。〔淨〕兒開船。〔丑應淨送席介〕



〔惜奴嬌〕〔生起衆接介〕畫舫蘭橈。趁柳眠花笑。載酒逍遙。湖山麗。千頃琉璃翠。遶。爭瞧。寶馬交馳。笙歌聲擁。玉人多少。〔合〕堪驕。羅衣慣惹春風。暗覺花香嬈嬈。〔淨〕求奶奶起一歡頭。或擲色投壺。或催花鬪草。樂一樂。〔老旦〕催花罷。〔淨〕取花來。〔丑〕花在此。〔淨〕你去打鼓。〔丑應打鼓介〕該老旦飲介。丑扯淨介。明日城隍山上去。〔淨〕自然。〔丑打鼓三次介〕老旦住了。〔淨出席介〕待我敬一杯。〔送酒介〕

〔鬪寶蟾〕〔合〕芳朝。燕舞鶯嬌。似當歌佐酒。款人歡笑。更綠滿三堤。齊鋪纖草。林表。岌岌金剎標。搖搖青旆招。任遊遨。何必問蓬島瀛洲。方壺員嶠。〔老旦〕喫不得了。〔淨〕那有此話。〔招丑介〕丑假忘介。淨城隍山上去。〔丑喜捧酒跪獻介〕小人敬奶奶一盃。奶奶千歲。〔老旦〕起動你起來。〔丑〕奶奶乾了。纔敢起來。〔老旦飲介〕丑提壺高唱介。再斟酒。〔捧酒跪介〕雙盃敬禮。〔老旦〕喫不得了。〔丑掩口介〕老旦怎麼如此。〔丑〕怕奶奶嫌我口臭。〔老旦〕真喫不得了。〔丑磕頭介〕淨陪跪介。老旦扶介。淨奶奶不飲。定不起來。〔老旦強飲靠睡介〕淨送生旦酒介。

〔錦衣香〕〔合〕十二橋花枝好。景堪邀。淹蘭棹。一刻千金。且須傾倒。瓊卮頻洗。進香醪。梨花素臉。染就天桃。更釀成佳抱。喜孜孜。頓忘形表。歲月如流逝。及時歌嘯。縱看今古。幾人不老。

〔漿水令〕〔旦小旦〕醉不禁香肩頻靠。〔生淨〕愁無奈繡履難交。〔各背介〕殷勤私語。兩情膠。難遮掩。眼角眉梢。〔復聚介〕同遊賞。同遊賞。風光好。〔各低唱介〕忡忡心事誰能曉。〔高唱介〕舟將集。舟將集。歡呼聲遠。爭看處。爭看處。月兒高。

〔尾聲〕〔合〕月兒高。花陰遠。〔各背低唱介〕只得含情去了。擬把風流夢裏招。〔丑〕到了。到了。〔小旦〕奶奶去罷。〔老旦起衆散介〕

〔老旦〕晴風麗日滿芳洲。

〔旦〕錦纜牙檣起白鷗。

〔旦〕遽惜瓊筵歡正洽。

〔生〕鳥啼花落水空流。

〔生淨弔場介〕生〕老娘。巫山在眼。弱水難舟。如之奈何。〔淨〕烈婦怕開漢。只少工夫耳。〔末上〕手捧一函書。身馳百里道。到此不覺又晚了。你看燈火隔林深。牛羊下山小。呀。堤上的是大爺。〔見介〕大

爺叩頭。〔生〕梅盛何來。〔末〕薛老爺知大爺在此。着小人來接。〔淨〕那個薛老爺。〔生〕是我岳父。〔淨〕呀。我一向說相公不會有親。叫盛使不要說便好。〔生〕正是。正是。梅盛先到寓所。休得多言。〔末〕曉得。〔下生〕老娘。岳父要我回去。怎麼好。〔淨〕這卻不干我事。且去安頓盛使。明日又商量。〔生〕老娘。只怕

明日非今日。

各在天一方。

〔淨〕去去不復道。

勿乃太匆忙。

### 第十三齣 爭館

〔末上〕區區積祖是慈谿。子曰營生半世餘。莫道年年常在外。家中從弗有山妻。我岑十四。生靠教書。今年竟失子個館。咱好咱好。昨日聽見姜裁話。個向鄒家還未有先生。舊年聽我賣葛個何老女。慣向渠家走動。須索尋渠做個薦頭。迤邐行來。此間已是。何婆在麼。〔內應介〕少出就回也。〔末〕我便等等。〔丑上〕做人切莫做餘姚。到處人呼麥糲包。走向東家能迂闊。出來行李自家挑。阿搭汪廿七便是。一向替考替考。書館都弗尋得。難道今年到自家喫飯。只弗信個向弗知還有時家個學生。

未讀書。只有剃頭待詔便曉得。待我去尋個人問問來。呀。個向是何婆家。咱會慈谿岑十四到向坐。一定有耍館載。等我套套渠看。十四官。末廿七兄。廿七兄。館事何如。丑我有載。我有載。你咱話。末正向圖。丑時家。末低云。鄒元虛家。丑咱到個向坐。末要央何婆去話。出去未回。只得等等。丑該等。該等。我別了。丑別笑介。弗鑽弗穴。弗說弗知。元來鄒家還未有先生。等我駝些薦館銀。跑去先尋着何婆。弗怕個館弗是我個。走走。下末弗好載。人心難測。海水難量。汪廿七莫弗未有館。先去見子何老女。等我跑上去。等我跑上去。下

〔字字雙〕〔淨上〕自笑生來假志誠。堪敬說堪說好口津津。聳聽東家西戶盡來尋。鬪請那知獠爪善刳人。頗狠老身何老娘。只爲梅公子那事。不知用了多少心思。費了無數力氣。事有八九。誰想又起風波。被他丈人要他回去。差人立等。教他無計可施。只得要去。如何是好。〔嘆介〕刮他的。喫他的。也勾了。他自要去。只索也罷了。丑急上世間無難事。只怕有心人。婆婆婆婆。〔淨〕先生少禮。末急上夜眠侵早起。已有弗眠人。婆婆。〔淨〕先生。先生。末廿七兄。您做耍。丑見見婆婆。末我等久子。讓讓我。〔奪介丑〕見便見。鄒家書館。恰是我個載。末咱是您個。

〔丑出銀介〕您看薦館銀都駝擔載。〔末〕呀。纔話向您就來踰。〔丑〕弗羞。您曉要教法教書。〔末〕我教法絕妙。〔丑〕您話。您話。〔末〕我麼。生書定教百遍。寫字弗怕手酸。硃筆錢。爛指頭弗要半個。定學酒。准准倒賠幾錢。從弗回家過夏。解館直到煞年。自幼董酒弗喫。更以極好供看。〔淨〕果然好。〔丑〕顏渠自個鄉教來。我自舉業方家。〔淨〕願聞。〔末〕你話。你話。〔丑〕我麼。後場選得絕妙。大題做過數千。夜磨子自我個長技。日裏教耍希罕。見飯飽自我個家傳。弗喫董直耍。不但弗去過夏。亦日弗去過年。個還弗打緊。東家一有些訟事。駝擔衣巾就去向渠見官。〔淨〕汪先生更好。〔末〕老娘。渠五錢。我便五錢三厘。弗托放海青作當。〔脫衣介淨〕不像樣。請穿了。〔穿衣介丑〕我替見書帕都奉老娘便載。〔淨〕請問二位要薦那家的館。〔末丑〕鄒元虛家個。〔淨背介〕元來鄒家未有先生。我何不薦了梅公子。且問個仔細。計較起來。〔轉身介〕鄒家已有了先生了。〔丑〕鄒家先生是個餘姚人。有子好館。弗來載。〔淨復背介〕是買賣了。待說個謊撇了他。便好行事。〔轉身介〕鄒家因那先生不來。又另請了。〔丑〕請子時儂。

〔駐雲飛〕〔淨〕吳下梅生。〔末〕曾送關麼。〔淨〕書幣朝來早已呈。〔丑〕顏舊先生前日纔

辭。咱就介快。〔淨〕信宿奚云近。〔末〕耍一脈。〔淨〕年雅非他並。〔丑〕噯。年家多少束修。〔淨〕嚟。公冶作修金。〔末〕噯。五十兩。〔丑〕還有節儀。〔淨〕禮儀無論。〔末〕拜從麼。〔淨〕貌若年均。友誼相資問。〔丑〕鄒老先生只怕弗喜。〔淨〕若論嚴君素所欽。〔末〕畢竟也有時個薦。〔淨〕怎麼沒有。更有常君力贊成。〔丑〕常個弗是常伯醒。〔淨〕正是。正是。

〔前腔〕〔丑〕哈。個個奸民。你做幫閒薦耍人。明絕我個衣飯。與你何讎。使我無投奔。〔末〕個館奪去再無載。〔丑〕嚟。匡去畫門神。再弗鑿些三坑灣。常伯醒。我戲娘蝦蟆。狗也弗射您。我定用打渠。〔淨〕你單身怎好打他。〔丑〕我有人。我有人。皮匠裁縫我至親。解匠堪輿我近鄰。〔末〕咱到請個大呆子。〔丑〕正是。

〔前腔〕〔末〕哈。要個聰明。頭髮空心定白丁。〔淨〕他中了。〔末〕渠儂雖僥倖。我也弗讓恁。嚟。老娘。弗是我施呈。鄉里鄉間。個星尙書閣。老時弗識認。個賊卵戲個。咱介搜搜。尋着常伯醒。我告子渠。〔淨〕你有甚勢告他。〔末〕你弗識府學先生我表兄。按院差公我舍甥。〔丑〕宛其死矣。若之何其。〔末〕我求豪童。安用文之。〔下淨笑介〕湊巧湊巧。天作之合。鄒公子與梅

公子元是相好朋友。鄒老爺與薛老爺又是契厚同年。竟教鄒公子請了梅公子。教鄒老爺寫書回。了薛老爺。豈不妙哉。豈不妙哉。只是怠慢了這兩個先生也罷。等他要賣活海棠。與他尋個好主顧。便了。〔下〕

### 第十四齣 怨寡

〔鎖柳烟〕〔小旦上〕錦繡香寒。鉛黃妝淺。永守青燈綉幔。幾把菱花偷展。誰適爲容。枉有修眉嬌面。流水終年不向西。何堪盡日閉香閨。無情最是枝頭鳥。不管人愁只管啼。奴家酒莊寓言之女。陳以訓之妻也。年甫二旬。寡經三載。苦守冰霜之操。久無風月之懷。但此春日融和。閨幃寂寞。甚難消遣。坐來不覺悶倦。欲待少睡片時。不免叫婆兒出來分付一聲。婆兒那裏。〔淨應上〕來了。來了。又麻又瞎。又跔背。夜叉見我都縮退。一生惟得妬婦歡。留我房中免費嘴。娘有何分付。〔小旦〕我身子不快。欲睡片時。你可站立外廂。休得放人驚動。〔淨〕理會得。〔小旦睡介〕

〔海棠春〕〔老旦上〕盆鏡聊裁鬢髻。繩樞僅鎖風煙。妾乃常伯醒之妻也。夫有劉伶之癖。家無陶令之儲。粉黛慵施。布荆是飾。卽今春光已半。香願未還。不是蹉跎。實緣空乏。近聞陳宅大娘

廣放課錢。不免與他稱貸幾文。了卻心願。又作區處。迤邐行來。此間已是。不免逕入則個。〔見淨介淨搖手攔介老旦〕煩對大娘說一聲。〔淨低云〕鷓鴣啼。行不得。〔老旦〕卻怎麼。〔淨〕睡在那裏。打覺了。要狗頭狗拳捶棒。〔老旦〕這又怎說。〔淨〕狗頭狗腦。拳捶棒打。〔老旦〕噯。這們一位好大娘。到利害。〔淨〕休說起。休說起。他狐狸粉飾。豺狼性氣。〔老旦〕官人在日。也忍他氣了。〔淨〕當初一味熬酸。搗椒主翁。如今專事兇殘。安排奴婢。〔老旦〕當初官人也出去耍耍麼。〔淨〕敲胸介。我那官人呵。雖云巨室官家。少年標致。何曾見個舞妓歌童。那裏偷得丫頭婦女。〔老旦〕卻怎麼。〔淨〕家主公若望外廂走走。就說你去闖小娘。括小官。抓得他七損八傷。侍女們略把頭來梳梳。便道你要傲老公引家主。打得個十生九死。〔老旦〕這們虧這些妾。怎過了。〔淨〕颺小指介。這些豎入麼。豈但入了苦門。分明墮在獄底。一日三餐淡飯。並沒鹽醬下喉。終年五夜孤眠。那有老公着體。〔老旦〕官人怎這等怕他。〔淨〕怎麼。小則哭哭啼啼。大則跌家打事。輕則逐嘴搯拳。甚則上繩落水。鐵好漢富不得這樣措磨。活菩薩怎忍得那般嘔氣。所以嗚呼哀哉。做了九泉怨鬼。如今侍妾們都嫁了丈夫。捉對成雙。獨留他做個孤孀。清灰冷土。〔老旦〕小小年紀。虧他守。〔淨〕看他要做文君。怕玷聲名。欲效共姜。



難禁情思。終朝拍枕搥牀。鎮日長吁短氣。〔老旦〕好苦。好苦。〔淨〕常娘子。若不教他這們。天也沒有主意。〔小旦〕婆兒那裏。〔淨慌介〕在這裏。在這裏。常娘子要見。候着一會了。〔小旦〕請進來。〔淨〕請老旦見介。下老旦。大娘一位在此。只怕寂寞。怎得個女伴兒便好。

〔解二醒〕〔小旦〕冷清清誰來爲伴。悶懨懨惟寄高眠。日裏不打緊。孤幃夢斷燈影暗。眞個是夜如年。愁看夕月窺香獸。惱聽春風叫紙鳶。深嗟怨。〔老旦〕大娘怨着甚麼。〔小旦〕我怨只怨無端任性。琴瑟乖愆。〔老旦〕大娘。你沒丈夫的固是苦。我有丈夫的又是苦。〔小旦〕常娘子。你苦甚來。

〔前腔〕〔老旦〕有良人日圖沈湎。幾曾肯顧着家緣。〔小旦〕日常怎過。〔老旦〕壠薪井汲聊自遣。眞個是類無天。〔小旦〕如此春光。曾出去耍子麼。〔老旦〕湖頭欲結看花侶。囊底愁無挂杖錢。深嗟怨。〔小旦〕你怨甚麼。〔老旦〕我怨只怨生當偃蹇。許配腌臢。〔老

旦〕大娘。此來別無話說。欲去進香。苦無盤費。特與大娘移借少許。息當照例奉償。〔小旦〕我也要。去。沒個伴兒。打身不動。你既有願。同去何如。〔老旦〕當得奉陪。〔小旦〕幾時去。〔老旦〕打點十五日

去。不知尊意何如。〔小旦〕就如此。白金一兩。少助香燭之需。若要衣飾。任意來取。〔老旦〕多謝。多謝。

〔老旦〕枯鱗易爲水。

貧士易爲施。

〔小旦〕愚者愛惜費。

春風能幾時。

### 第十五齣 進香

〔佛偈〕〔淨上〕和尚生來也是個人。怎教慾火便離身。色空空色能參透。便是靈山活世尊。南無金剛王菩薩摩訶薩。自家非別。天竺寺一個五戒是也。靠着龍天福蔭。喫好穿好。不在話下。更喜居住名山古剎。燒香女子。往過來續。看之不足。用之有餘。好快活。好快活。連日有些小恙。不能走動。今日稍可。且往殿上走一遭。呀。南房師弟也來了。

〔前腔〕〔丑上〕俏麗娘娘入寺門。道人和尚盡來跟。〔做手勢介〕這丟若肯輕輕捨。何必齋僧與誦經。南無救苦王菩薩摩訶薩。師兄稽首。〔淨〕師弟少禮。〔丑〕師兄。如何幾日不見。〔淨〕有病。〔丑〕怎麼樣起。〔淨〕只爲燒香這些妖燒。日日誘我眼闌。那宵不覺火動。手銃放了七遭。〔丑〕色慾過度了。〔淨〕便是。夢遺白濁俱發。腰疼脚軟難熬。〔丑〕如今好了麼。〔淨〕當我調

理不過〔丑〕卻怎麼〔淨〕希酥的狗肉亂起。〔丑〕苟得其養。〔淨〕你一向好麼。〔丑〕說不得。近日有些乾結不通。〔淨〕好了麼。〔丑〕其實虧了師公。〔淨〕怎到虧他。〔丑〕他道服藥不如針灸。與我幹了一夜南風。真個十分爽利。蛔蟲也落出了一綜。〔淨〕平復了麼。〔丑〕如今略覺有些不謹。撒屁便要出恭。〔淨〕寬則得衆。〔丑〕休取笑。今日天氣好。燒香的必多。怎麼看纔痛快。〔淨〕我沒甚麼。挨去與他們懺悔詳籤便了。但不知師弟有甚高見。〔丑〕師兄。我也不會懺悔詳籤。只拿個木椽假做布施。攔住他看看便了。〔淨〕更好。更好。〔丑〕啊呀。我又要出恭了。〔淨〕快去就來。〔丑〕下淨笑介。有這等事。我爲手銑弄酸。他因窟臀受累。和尚不是好人。真是色中餓鬼。呀。香客來了。〔整衣念佛拱立介〕

〔駐馬聽〕〔生內唱上〕夾道岑陰。〔小生內接上〕松檜冥冥溼翠冷。〔生〕遙看輝輝寶刹。隱隱朱門。〔丑上〕燁燁金身。〔合〕嵯峨高閣梵鐘鳴。深沈古殿禪燈映。清淨無塵。蓮臺歷遍。此猶增勝。〔淨〕列位稽首。〔衆〕師父少禮。〔淨〕常先生。這是鄒大爺。〔丑〕正是。〔淨〕此間。〔丑〕吳下梅春元相公。〔淨〕久仰久仰。小房待茶。〔生小生〕茶到不勞。有甚勝概。指教一指教。〔淨〕有有。那裏大悲泉。如意池。那裏是流虹澗。金佛橋。後邊還有白雲堂。乳竇峯。俱可隨喜。常

先生你陪一陪。小僧煮茗以待。〔丑〕使得使得。好山行恐盡。〔生小生〕流水語還遲。〔下〕

〔似娘兒〕〔小旦老旦外同上小旦〕無限惜春情。攜伴侶。山寺閒行。〔老旦外〕鳴泉十里。涵松影。佛廬鱗次。游人接踵。滿目芳塵。〔淨〕阿彌陀佛。通誠懺悔。〔外〕有勞有勞。〔淨〕上了香燭。待我來。〔外上香燭介〕

〔一封書〕〔淨〕名香寶燭并。素麩盤壯麵筋。金錢幾陌文。更清茶和菓品。惟願慈悲來受領。剩的收來賞道人。〔合〕拜殷勤。乞垂矜。保取康寧福壽增。

〔前腔〕〔小旦〕家鄉世武林。度年華甫二旬。良人嘆早傾。歷三春日淚零。自想當年多罪行。勉向今生種善因。〔合〕拜殷勤。乞垂矜。保取康寧福壽增。

〔前腔〕〔老旦〕如來鑒悃誠。叩香臺歲歲心。只因貧乏。因循向此晨。獻幡幢愧未能。何得脫離生老病。惟願常依佛法僧。〔合〕拜殷勤。乞垂矜。保取康寧福壽增。

〔淨〕求籤。〔外〕不要。〔小旦〕送些香錢與那長老。〔外〕應送介淨承布施了。那邊十八尊羅漢。這邊是五十三參。隨喜一隨喜。〔外〕起動起動。〔看介〕師父有香客來了。〔淨〕急趨出迎介。

〔皂羅袍〕〔生小生丑上〕洞壑峯巖歷盡喜形堪濟勝梵宇重登飄飄烟靄若氤氳紛紛遊女皆紅粉〔丑〕你看前邊那個好似臨風弱柳溫柔可親後邊這個好似隔年老酒清佳可斟〔小旦遮扇介〕一夥秀才來了佛後去避他一避〔老旦〕我們那天殺的也在裏頭〔丑〕他們那邊去了我們抄轉去抄轉去〔生小生〕不可不可〔丑〕有何不可逢花須折寧辭遜〔抄介外〕常先生不要如此你們大娘在這裏〔丑轉介〕呀梔子抹屁股黃孔黃孔果然是我渾家換了妝飾一時不認得了〔淨〕常先生你終朝入寺尋春〔丑〕誰知逢了細君〔小生〕我不淫人妻女〔生〕妻女定不淫人〔淨〕小房獻茶〔生衆下〕

〔前腔〕〔小旦〕扇底偷睛細審看文魔年少無限風情〔老旦〕桃花兩臉笑生春瘦腰一捻渾如沈〔小旦〕你還不見烏紗籠鬢幽蘭內簪薄羅適體鬱金香暗薰〔背

介〕從今頓惹相思病〔小旦衆欲下丑扮和尚持木椽急上〕阿彌陀佛本山重修大雄寶殿缺少物料工食不拘多少隨意發心布施一布施〔小旦〕管事的與他五錢銀寫根桁條〔外寫介丑〕捨一倍時還十倍明中捨去暗中來後面娘娘也施一施〔外〕就是一家〔丑〕公修公德婆修

婆德〔小旦〕再稱一錢銀與常娘子。寫根椽木〔外應又寫介小旦〕如今那裏去好〔老旦〕南山極樂菴。清趣得緊。又都是女師父。大娘去隨喜一隨喜〔小旦〕也好。打轎極樂菴去〔外應分付介丑〕阿彌陀佛。承布施了〔小旦〕不要謝。

〔外〕有福須修福。

〔小旦老旦〕無緣強結緣〔先下〕

〔丑〕我要看看面。

何曾化木椽〔擲木下〕

## 第十六齣 閱錄

〔天下樂〕〔旦上〕春來些事榮心境。朱顏褪。喜今日眉峯少整。無限惜花情。試向林園尋問。梅郎足稱佳士。未聘委是機緣。古人云。一雙兩美。所至願也。以此奴家深欲與彼親昵。動彼求配。又恐他不久將歸。空成畫餅。心如籬瓶。日抱懨懨。近得鄒公子留彼講學。事可徐圖。未必非天作之合。可喜可喜。如今春光將暮。花事漸闌。趁此勝日好懷。且向園中一步。侍兒們那裏。〔小旦上〕柳垂金屋暖。〔淨妝白眉禿髻上〕花發玉樓香。〔見介旦〕青娥。怎麼眉上都是粉。〔淨〕有出典的。〔旦〕卻月眉。拂雲眉。鴛鴦眉。遠山眉。垂珠眉。分稍眉。涵烟眉。倒暈眉。甚麼出典。〔淨〕道白眉

最良。〔旦〕鬼話。〔小旦〕捻淨髻介。那髻兒一發挽這一丟。〔淨〕也有出典。〔小旦〕望僂髻。迎春髻。參鸞髻。回鵲髻。同心髻。墮馬髻。步搖髻。坐愁髻。又出甚典。〔淨〕是不屑髻也。〔小旦〕滿口胡柴。〔旦〕隨我園裏去來。〔小旦〕淨應介。

〔望吾鄉〕〔旦〕日暖風輕。羅衣初試春。〔小旦〕久不出游。又早春殘了。落花點點臙脂冷。〔淨〕垂柳絲絲金粉褪。〔旦〕轉眼韶光盡。〔淨〕小姐。你金蓮窄窄。玉步恐艱。坐一坐何如。〔旦〕且到前面去坐。〔合〕穿芳徑。遶翠屏。〔淨〕去討個盒子來。〔旦〕清賞聊酬興。〔旦〕行到水窮處。坐看雲起時。〔坐介淨〕阿姊。我和你尋東西耍子。〔小旦〕甚麼便好。〔淨〕無如鬪百草。賭取鳳凰斂。〔作拾草介旦起介〕池南步步罷。

〔前腔〕〔小旦〕水轉林深。〔內叫賣花介淨〕呀。賣花何處聲。〔旦〕隔林啼鳥如相問。前面林子裏搖搖曳曳的是甚麼。〔淨〕遠望拂介。當路游絲渾不定。〔小旦〕望介。元來是風弄鞦韆影。〔旦〕好天氣。〔合〕珠盈斛。金等身。難買三春勝。〔丑持書上〕我做家人絕妙。挑灰担糞不要。殘羹汁水亂鋪。捧着書兒閒跳。〔擺介淨〕狗的油。小姐在高處擺舍子。〔丑遍揖介旦〕手

中何書〔丑〕大爺的同年錄。〔旦〕接他來看。〔小旦接書遞旦介淨撲蝶介〕蝴蝶。蝴蝶。〔丑〕飛。飛。飛。上金花枝葉。〔同撲下旦閱介〕梅家哥哥原來中第五。〔小旦〕便是。〔旦〕呀。他聘薛氏了。〔擲書介〕

〔二〕犯傍妝臺。〔旦〕閱此頓消魂。宋弘未識。徒抱女蘿情。朝和暮。成畫餅。秦與晉。屬他人。自憐蕙質閨中秀。肯學桃花牆外春。〔合〕秦樓鳳杳。陽臺夢沈。瑣窗應積斷腸吟。

〔前腔〕〔小旦〕兔狐同類自關情。秋波偷拭。難禁淚珠零。蘋藻願。知己謬。箕箒計。信空盟。有日桃花落盡劉郎去。寂寞僊源無奈春。〔合前旦作倚小旦肩介〕青娥進

去。扶下淨上。攀花趁蝶出牆頭。明日花疎蝶也愁。〔丑上〕無路從容陪笑語。教人相憶幾時休。

〔攔介淨〕走開。小姐那裏。〔丑〕這裏。這裏。那裏。那裏。〔跪介淨〕要舍子。〔丑〕白賞賞。〔淨打噉譚下〕

### 第十七齣 聞計

〔步步嬌〕〔生上〕鏡花水月難憑取。空惹愁千縷。情蹤似可疑。芳書蘭閨。何事深深閉。晤處笑言稀。含羞抱鬱俄驚去。咫尺不相見。便同天一涯。何必隔關山。乃言相別



離。小生與小姐深懷眷慕。幸共盤桓。將謂西廂風月。不獨張君瑞矣。奈旬日以來。重門靜掩。蹤跡罕窺。間與相逢。又多趨避。若抱嫌疑自遠。略無詞色相加。不知爲着甚的。小姐。小姐。我和你

〔前腔〕花前月下追隨幾。何復生疑忌。轉展自尋思。莫不是萋菲潛滋。白地生離異。欲訴苦無歧。好一似奇葩正吐遭風雨。

〔不是路〕〔外上〕汗溼征衣。百里關河曉夜馳。忙來至。東牀聞訃莫悲啼。〔生〕頓驚疑。你渾身縞素緣何事。莫不是不測風雲太岳頽。〔外〕非關是。花飛玉碎佳人逝。特令報啓。特令報啓。

〔前腔〕〔生〕聞說魂飛。難禁滂沱淚雨垂。三生契。一朝瓦解竟成非。〔老旦上〕出香閨。忽聞林館人如沸。呀。何事兒郎恁慘懷。〔生〕聽相啓。我瑤琴未鼓朱絃敝。傷悲五內。傷悲五內。〔老旦〕這親事聘下幾年了。

〔園林好〕〔生〕下荆釵。二年前有奇。〔老旦〕人物何如。〔生〕悵玉貌無由一覩。我便回紙上遺容空對。〔合〕腸痛結。淚交垂。腸痛結。淚交垂。

〔前腔〕〔外〕歎亡人嬌容麗姿。蘭和蕙幽嫺怎比。今雖死呵。玉質如生堪異。相公。你要一見。忙拜別。賦歸兮。忙拜別。賦歸兮。〔生拜老旦介〕

〔江兒水〕〔生〕拜別登程去。〔老旦〕天色晚了。〔生〕征帆趁月歸。吳山越水愁無際。陽關回首人千里。一時何忍輕拋棄。不覺徬徨如醉。〔內鳥啼介〕惱殺啼規。花底頻催不住。

〔前腔〕〔老旦〕纔得相親聚。那堪又別離。院公長途風雨勤遮庇。兒任教悲痛成何濟。且來寄樂佳山水。莫使愁煩自毀。〔合〕惱殺啼規。花底頻催不住。〔丑挑行李上〕

搖搖征旆動離情。〔生〕欲別還留未忍行。〔老旦〕多少淚珠無限恨。〔生〕寒禽野水共縱橫。〔生〕愚甥還要別別妹子。〔老旦〕他臥病不勞了。〔生〕姨娘請進罷。〔老旦應下生〕行李前去。〔丑外下小旦急上〕今朝此從別。何日還相遇。梅相公去了。〔生〕我正要見你。

〔五供養〕〔生〕閨中何意半道荆綦。情隔雲泥。我樛材宜棄置。他秀色忍睽違。日來餐忘寢廢。歷盡相思滋味。今日將去。匆匆無紙筆。憑卿傳語。多拜上小姐。〔合〕

莫負初心。好圖連理。

〔前腔〕〔小旦〕相公。你風流高致。我小姐願結同心。百載相依。那日見了相公同年錄。赤繩知己繫。青眼料何爲。以此遂不敢相近。雖然心兒難置。幾個黃昏憔悴。聞君當此變。沾沾私喜。相公。〔合前〕

〔川撥棹〕〔生〕聆卿諭。這其間始自知。今日裏白首堪期。今日裏白首堪期。喜殷殷。二美俱。〔小旦〕不可心變。〔生合〕願伊行好自持。又何須多自疑。

〔前腔〕〔小旦〕留難住。問重來復幾時。我待個驢尾蠅隨。我待個驢尾蠅隨。玉環盟死肯渝。〔生〕姐姐不要哄我。〔小旦合前〕

〔尾聲〕〔生〕重來仍恐多推避。枉自奔馳勞敝。〔小旦附耳介〕管取歡娛不負伊。

〔生〕花開只恐看來遲。

芳草無情人自迷。

〔小旦〕報答春光知有處。

海鷗何事更相疑。

第十八齣 重晤

〔逍遙樂〕〔旦上〕殘暑日炎炎。一雨涼風盈枕簟。渾如千里故人旋。〔小旦上〕莎  
蛩唧唧。絡緯嘶嘶。梧葉翩翩。〔旦〕紅藕香殘玉簫秋。〔小旦〕眼穿腸斷爲牽牛。〔旦〕常疑好  
事成虛事。〔小旦〕兩點春山滿境愁。〔旦〕芳春梅生一去兩月。音信杳然。如今天氣漸涼。不知他尙  
想來否。〔小旦〕昨宵夢見他來。小姐今恰說起。敢是來也。〔旦〕我嘗夢見那裏得來。正是夢好偏無  
准。情多慣惹愁。

〔二郎神〕〔旦〕愁無限。歎別離更沈魚雁。笑語分明頻夢感。覺來依舊。人兒遠  
隔吳天。我金釧潛鬆羅帶緩。害相思怎能排遣。〔小旦〕他便不來。一定遣人來求親。〔旦  
背介合〕這姻緣。又未知此生信否團圓。〔旦〕他別時有甚說來。

〔前腔〕〔小旦〕他曾言。蕭條旅邸有誰相念。枉自驅馳成底幹。〔旦〕這般說敢還恨我。  
〔小旦〕鄉園久滯。應知此恨猶然。花柳心情偏易染。怕如今迷春別院。〔旦〕親  
也未必來求了。〔小旦背介合〕這姻緣。又未知此生信否團圓。〔淨上〕珍簾迴煩暑。層軒  
引早涼。一向怕熱。不曾走動。今日喜涼。且往柳衙裏走一遭。〔入見介淨〕熱毒失候。〔旦〕請坐看茶。

〔小旦應下淨坐介〕奶奶不在。〔旦〕莊子上去了。〔淨附近低問云〕梅相公有信麼。〔旦〕沒有。〔淨〕哈。我要到他家。缺少盤費。不得去怎好。〔旦〕去做甚麼。〔淨〕做媒。〔旦〕那邊好少做媒的。〔淨〕他前日哄我不曾有親。教我走得苦。如今斷了絃。這媒怕不是我做。〔旦〕還是那家。〔淨笑介〕遠不遠千里。近只在目前。〔旦轉頭不應介淨〕呀。能長大了。還害羞。古人說得好。得意一人。是謂永舉。失意一人。是謂永訖。天日在上。我爲小姐這親。日夜掛心。小姐如何到不留念。〔旦〕教我怎生留念。〔淨〕女大須嫁。奶奶少不得把小姐許一家。如梅相公這們一個官人。實是千中揀一的。小姐若肯放些溫存與他。他定抵死相求。難道奶奶不許。〔旦〕他也未必來了。〔內打明鑼介淨〕外廂賣卦的過。待我問他一卦。不來只得到他家裏去。〔旦〕茶來了。〔淨〕去去來。行人斷消息。訪卜就君平。〔下小旦上〕別後無限情。相逢一時說。小姐。梅相公來了。〔旦〕何老娘還在麼。〔小旦〕往後門去了。

〔桃李爭放〕〔生上〕風月一腔。圖書幾卷。重向錢塘尋翫。〔見介旦〕哥哥。無端一別。又經兩月。〔生〕妹子。我秣馬重羈。百周千折。〔坐介〕

〔集賢賓〕〔旦〕你匆匆聞訃歸故苑。臥疴失侍離筵。〔生〕好說。〔旦〕別來呵。落月屋

梁空自感。望江樹暮雲遮遍。〔生〕有勞掛懷。〔旦〕哥哥你鸞膠應得早續了誰家姻眷。〔生〕呀。芳春姐難道不會對賢妹說來。妹子。你要知我心跡。且看容顏。〔旦〕你容瘦減。這敢是蓬窗勞倦。

〔前腔〕〔生〕別來萸萸知再換。一宵何啻二年。〔旦〕這們怎不來。〔生〕霖雨驕陽車馬限。恨不能離魂繾綣。〔旦〕怕不能常似今日。〔生〕我兼金比志。任百煉怎能更變。

〔旦〕兄果如此。妾亦非有胸無心者。〔生〕小生豈不知你容瘦減。難道是繡房勞倦。〔丑扮尼姑外挑擔隨上丑〕瀘泉澄葛粉。洗手摘藤花。在此等罷。〔外〕噯。〔丑入見介〕地藏生辰。修齋禮誦。山肴少奉。伏乞笑留。〔旦〕多謝。收了。〔小旦收介丑〕還要陳宅去。不坐了。〔旦〕上覆佛太。〔丑〕承上覆。〔旦〕芳春送師伯。〔小旦應介丑暗指生介〕這是何人。〔小旦〕梅舉人相公。與小姐嫡表姊妹。〔丑〕雖云姊妹。恰是夫妻。〔小旦〕說那話。〔丑搖頭介〕不要口硬。連你蹉蹉。〔譚下生遍看介〕這紗廚想是賢妹的臥所了。〔旦〕便是。〔同入生掩門介〕

〔貓兒墜〕〔生〕紗廚輕掩。凝望碧於烟。茉莉香浮枕簟前。幽尋到此恍游僊。〔揖

介 矜憐得遂歡娛。鏤腑銘肝。

〔前腔〕〔旦〕四知堪畏。六禮尙空言。造次如何擬合歡。奇花休作等閒看。〔旦欲下

生攔介旦〕矜憐得惠完名。鏤腑銘肝。〔生攔介旦〕丫鬟那裏。〔內應生放介旦整衣介淨

上〕不須愁未濟。早已演同人。梅相公來了。纔去問卦。說目下就到。果然好卦好卦。呀。小姐如何有些怒意。我曉得梅相公一定有些不尊重了。小姐罷罷。

〔尾聲〕〔淨〕少年情性多無檢。看花枝蜂迷蝶戀。相公你也休性急。有日裏花燭迎

僂入洞天。〔旦〕老娘外廂說一聲。收拾園亭。安頓行李。〔淨〕小姐。我道你怪他不盡。

〔生〕楊柳風多不自持。

〔淨〕和鳴雙鳳喜來儀。

〔旦〕由來人事何常定。

〔生淨〕意氣相傾山可移。

### 第十九齣 協計

〔浪淘沙〕〔老旦上〕清淨是菩提。愛染難離。蒸沙爲飯。飯終非。暮鼓晨鐘。勤懺悔。

怎免阿鼻。貧尼極樂菴菴。主是也。這菴是柳衙香火祠。衙內有故。便與他禮誦祈申。刮些齋施。今日

中秋。明日既望。連值小姐與奶奶誕日。早已擺下慶生道場。着徒弟了緣。去請他母子。如何還不見來。〔丑上〕草長山路狹。花積野壇深。覆師父。小姐少頃便到。奶奶待明日來。〔老旦〕曉得了。〔丑〕還有稟上。弟子前日說那柳小姐的事情。師父道我又造口業。方纔弟子在外廂來。見何老娘恰在觀音殿祈籤。被我背地聽他通誠。梅舉人柳小姐目下成得事。許我二十金。上得手麼。師父好生意。〔老旦〕有這等話。你且禁聲。待我打坐着。他定來央我詳籤。我自有處。〔丑應介淨上〕登登石磴何時盡。泱泱溪泉到處聞。風動葉聲山犬吠。幾家松火隔秋雲。〔敲門介丑開接介淨〕佛太在麼。〔丑〕入定在那裏。〔淨〕放參一參。〔丑〕當得。〔擊磬介老旦念佛起介〕呀。何老娘。我正要見你。〔淨〕爲何。〔老旦〕我方打坐。觀音菩薩差善才接引我去。說你作事不良。要遣韋馱尊者拿金剛杵打你頭顱。做七碗。〔淨捧頭介〕爲甚的。〔老旦〕心上自想。〔淨〕沒想處。〔老旦笑介〕你認得梅舉人麼。〔淨磕頭介〕救苦救難。救苦救難。〔老旦〕起來。我與你許了百觔燈油。一領紅袍。也罷了。〔淨謝介〕起動佛太。只不起怎好。〔老旦〕呀。菩薩說他們許你二十金。〔淨掩老旦口介〕口輕些。怕得不成的苦哩。祈一籤在此。煩看一看。〔老旦〕傷財重難。〔丑〕你細說來。待家師與菩薩討個方便門兒與他。



〔淨附耳介〕有意了。只不肯如此。爲之奈何。〔老旦〕不打緊。在我身上。

〔剔銀燈〕〔淨〕久聞師慈悲爲施。敢相續風情月思。願將金手提淪滯。整法舟。藍橋普濟。〔老旦〕不用叮嚀。〔合〕應知六出計奇。看鸞鳳和鳴並栖。〔淨〕不要有口無心。

〔前腔〕〔老旦〕蒙委託勞當記取。笑河間終須易志。梅林管把陽臺砌。問紅娘優婆利女。〔合前老旦〕謝儀均剖。

〔前腔〕〔丑〕揣家師神通罕比。又何愁攜雲握雨。黃金肯佈祇園地。管配合善才龍女。〔合前老旦〕快去候他來。今晚就與他停當罷。〔淨〕就去。就去。〔下丑〕師父。你怎包得他。

〔老旦〕我有蒙汗藥。喫了就昏迷了。〔丑〕便是梁山泊夥中常用的。甦來惱怎麼。〔老旦〕還有梵天呪念了。憑你貞潔。也就亂了。〔丑〕便是摩登女攝阿難的。這們陳大娘深慕梅舉人。聞知那小姐事情。今日要來看他。一齊打發他何如。〔老旦〕陳大娘雖佳。有了柳小姐還要他。且放下別尋個主兒罷。〔丑〕阿彌陀佛。這悟門是蒲團上打通的。〔淨扮尼姑上〕雲生客到侵衣溼。花落僧禪覆地多。稟師父。柳小姐到了。〔老旦〕快吹打。〔衆尼吹打介〕

〔翫僊燈〕〔旦上〕旛影颺林端。鐘磬湧花宮不遠。〔衆接介老旦〕荷駐魚軒。願添鶴算。

〔旦〕自慚蒲質。安躡蓮臺。〔老旦〕請禮佛。〔旦拜介〕

〔黃鶯兒〕〔旦〕稽首向金僊。願慈悲降法筵。日當初度宣洪典。〔丑點燭介〕捻香

介。香燈並燃。〔丑〕掛旛了。〔旦〕旛幢並懸。父憂母難時增感。〔拜介〕展微虔。靈通

昭祐。五福二人駢。〔衆吹打介〕淨。陳大娘來了。

〔翫僊燈〕〔小旦上〕一徑竹松寒。朱戶敞香雲繚亂。〔衆〕先參佛。

〔黃鶯兒〕〔小旦〕謁聖禮應先。把沈檀寶鼎燃。〔老旦〕大娘有甚心願。〔小旦〕心中有

願惟慈鑒。〔看旦介〕這還是嫦娥降天。龍姬出淵。瞥然見處堪驚眼。〔老旦〕請再拜一

拜。〔小旦拜介〕展微虔。靈通昭祐。五福一身駢。〔老旦〕請相見。〔見介小旦〕此位就是柳

宅小姐。〔旦〕不敢。〔小旦〕久聞殊麗。言不虛傳。〔旦〕不敢仰攀。幸茲俯接。〔衆見介老旦〕請同靜室

中待茶。〔小旦〕尙有事。小姐先請。〔淨〕我陪大娘。〔旦〕占了。法雨晴飛去。〔老旦丑〕天花晝下來。

〔下小旦〕師弟。這小姐果是生得好。

〔簇御林〕〔小旦〕我看他堆花臉。削玉肩。語生香。步展妍。淺顰微。晒情無限。蘊風流繡榜元。應占。前日你們師父說的有麼。〔淨〕不曉得。只是這們一位小姐。那個不愛。〔合〕謾猜嫌。何論年少。我見且猶憐。

〔前腔〕〔淨〕不但標致。眞個是針鋒絕。翰墨雋。諳絲桐。博簡篇。蘭心蕙性偏嬌婉。還有個侍兒呵。習文詞不獨康成擅。〔合前小旦〕我去了。

〔尾聲〕〔淨〕呀。大娘。你何聞何見忙來轉。〔小旦背介〕我形穢羞臨珠玉前。〔轉身介〕家中有事。〔淨〕欲獻茶瓜尙未然。〔小旦〕這次來罷。

〔小旦〕自比泉下泥。相思亦何爲。

〔淨〕茫茫欲歸去。萬恨在蛾眉。

## 第二十齣 尼奸

〔老旦上〕曲徑通幽處。禪房花木深。〔旦上〕山光悅鳥性。潭影空人心。這裏靜室。〔老旦〕是奶奶明日來。〔旦〕明日。〔老旦〕芳春姐。〔旦〕隨後到也。〔老旦指介〕小姐臥所在這廂。阿姊們在那廂。〔旦〕

起動。

〔風馬兒〕〔小旦上〕林徑逶迤。隱精廬雲封幽邃。〔見介老旦〕正在此動問。〔小旦〕多蒙

垂念。〔老旦〕阿姊陪小姐在房中坐。我去去來。〔旦〕請便。〔老旦〕偏陪了。〔下〕

〔繡帶兒〕〔旦〕芳春。你看山房淨纖塵不至。自是一般風趣。試看他紙帳梅花。不減我繡褥芙蓉。偏宜蒲團木榻。湘竹几。閒賞翫頓添情思。〔合〕推窗處。松月離離。香馥郁。風弄巖頭桂樹。〔丑捧茶上〕松戶有佳期。香茶慰所思。〔末扮金甲神上擊番茶介

下丑〕呀。藥在裏頭。番了如何好。省得師父罵。背他侵些白湯。不效不干我事。〔下〕

〔前腔〕〔小旦〕幽居。木石擁泉聲不住。時有靈禽偶語。分明是福地洞天。說甚麼金谷瑤池。栖遲瓦爐夜靜。燃柏子。恁清絕疑非塵世。〔合前丑復捧茶上〕茶在此。〔旦小旦〕起動。〔生上〕欲赴桑間約。來尋梁下期。〔丑攔介〕且慢些。

〔獅子序〕〔生〕我中熱難自持。〔丑扯生退介〕急遽還愁犯玉威。潛身松牖下。〔窺介〕細細偷窺。眞個是千嬌百媚。〔旦飲茶介生〕看他撫茶甌。〔小旦挑燈介生〕挑燈

燼〔旦凭几介生〕憑几席〔旦〕如何倦怠起來〔生〕幾番私語分明玉樹傍着瓊枝〔生

丑作潛聽介〕

〔降黃龍〕〔旦〕睡思迷離〔小旦〕待奴拂席小姐安置〔旦〕謾整衾裯好收簪珥本待要

睡山窗良夜忍辜負明月清輝呀〔小旦〕卻怎麼〔旦〕心兒搖曳猛可的如醉如癡且待我和衣隱几偃息須臾〔凭几介〕

〔前腔〕〔小旦〕有些寒思依稀寒粟生肌想秋入銀屏露凝雕砌怎麼也覺倦怠神昏意懶似柔條着雨欹垂支頤闌杆頻倚做不得愛月眠遲小姐也待我偷安一瞬〔小旦下老旦上〕半偈初傳法中峯又掩扉事體怎麼〔丑〕都不做聲了〔老旦〕這等送相公進去待我念起呪來〔丑應介老旦念呪介〕

〔前腔〕〔生〕前趨〔丑〕小姐還坐着哩〔生〕應到華胥你看他鳳眼微含蟬鬢低曳更那香腮枕腕好一似藕上芙蕖〔丑扯生低云〕須知雲雲雨雨可憐他嫩蕊嬌枝必索用輕輕軟軟款款徐徐〔生狎旦閃介旦醒介丑急扯老旦同下〕

〔前腔〕〔旦〕驚疑。還應是夢結魂離。〔生見介〕妹子休驚動。我實在此。〔旦〕哥哥。你徑路何媒。〔生笑介〕自有來處。〔旦〕難道是御風插翅。〔生〕雖非插翅御風。實無知者。〔旦〕冰霜自比。怎管他魚鳥難窺。〔生〕休迷良辰難遇。況爲伊歷盡崎嶇。趁今宵好相傾倒。莫更蹉跎。〔生摟介旦拂衣介〕

〔撲燈蛾〕〔旦〕君心何太癡。君心何太癡。越禮奚端始。韞匱匪沽名。期將完璧歸子也。你看桑間濮上。迄今千古尙貽譏。〔生〕罷罷。想鶯駘難當雅意。〔走介旦〕那裏去。〔生〕趁重湖秋水。管取葬微軀。〔旦〕好好要學那自經溝瀆的。

〔前腔〕〔生〕我矢從溝瀆歸。矢從溝瀆歸。〔旦扯介〕難道官也不要做了。〔生〕名利如塵膩。好恨你夜深豺虎徑。立地驅人歸去也。〔旦笑介〕何嘗教你去。〔生〕不去終不然披簑臥月。和那薰籠斜倚待鳴雞。〔旦〕笑狂且孳孳渴睡。拿着燈隨我來。〔生攜燈介〕那裏去。〔旦〕來麼。有安身佳處。〔推介〕付你好支持。〔作掩門介〕下生拽介〕怎到反關我在此。〔小旦上〕呀。相公何來。〔生〕小姐送我來。卻又反鎖門兒去了。

〔哀遍〕〔小旦〕小姐小姐。你素將玉杵祈。素將玉杵祈。番做金蟬計。〔生〕姐姐。你須憐我。休學那小姐。〔小旦〕蒲柳微姿。敢與松筠比。相公。我雖是借春花蕊。解饞滋味。也須知。未曾慣。風和雨。〔生攜小旦欲下丑潛上小旦閃介〕窗外甚麼。

〔前腔〕〔生〕月明花影移。月明花影移。夜久重門閉。好整衾幃。早赴陽臺會。〔小旦〕他日休忘此時。〔生〕海山堪誓。天神鑒取。不要說姐姐。就是小姐的賢德。我口兒言。心兒印。難忘已。〔並下丑低叫介〕師父。師父。〔老旦上〕怎麼了。〔丑〕畢竟不諧。到作成了芳春姐。

〔老旦〕有這等事。不但貞潔。又且賢慧。難得難得。〔丑〕師父。那小姐莫不是

〔尾聲〕割恩箝口謀深祕。〔老旦〕那有此話。〔丑〕這等那芳春姐好造化。〔老旦〕自古道。佐酒得嘗也非戲。〔丑〕師父。只是你的呪欠靈。〔老旦〕哎。又不道心正何愁着鬼迷。〔丑〕我想

他們此時呵。

男顏欣欣女顏悅。

惆悵只愁明日別。

〔老旦〕無情何事管多情。

〔丑〕流蕩此心難共說。

第二十一齣 泛月

〔秋夜月〕〔淨上〕善運籌論賞當居首。賴得韓彭任功狗。欲將袖手觀成否。怕覆水怎收。怕覆水怎收。老身端爲梅郎一事。竟夕不能貼席。欲待入菴探聽奶奶。又到怕惹出事來。不免在此站着。等個菴裏人來。問他下落。進去未遲。呀。道猶未了。菴主來了。

〔前腔〕〔老旦上〕意氣投。境僻機緣偶。合向羅幃成鳳友。卻教帶月閒遊走。有甚麼興頭。有甚麼興頭。〔見介淨〕佛太。停當了麼。〔老旦〕不要說起。女娘經了無數。那曾見這小姐。一發教人上不得涯。〔淨〕這等畢竟休了。〔老旦〕不要忙。還有生意。小姐雖無雲雨之情。甚有山水之興。今晚要去泛月。已着人到宅上叫船去了。梅相公復到小菴。待我留他同去。常言道。煨得熟。烙。怕不火着。〔淨〕奶奶要看施食。不去。梅相公怎好去。〔老旦〕不妨。只說要到那裏赴宴。附舟渡湖便了。〔淨〕妙妙妙。天旣生瑜何生亮。〔老旦〕不要閒說。我與你好去陪着奶奶。〔淨〕正是。正是。〔同下〕

〔金雞叫〕〔旦小旦上〕夜色澄清時候。碧宇霞消。湖山增秀。誰把玉盤懸岸柳。華



彩飛霑冷光瑩透。〔旦〕月上了。如何船尙不來。〔小旦〕想就到也。〔淨換扮上〕山明疑有雪。岸白不關沙。船到了。〔旦〕師兄。爲何去了這一會。〔淨〕途中聞一異事。順便去看了一看。〔旦〕看甚麼。〔淨〕昨日那陳大娘回家自盡了。〔小旦〕爲何。〔淨〕連他家裏也不知。〔旦〕可憐。可憐。〔淨〕奶奶着弟子相陪小姐。〔旦〕多謝。〔淨〕梅相公要到柳州亭赴宴。奶奶分付帶他一帶。〔小旦〕要去。教他快來。〔淨〕來了。

〔寶鼎現〕〔生上〕漫愁水月難撈。行看十分圓就。賢妹。附一附舟。〔旦〕哥哥請。〔南鄉子〕〔生〕玉宇無塵。〔旦〕松挂月高僧院深。〔小旦〕浮萍斷處見山影。〔淨〕光練淨。〔生〕冷浸佳人淡脂粉。〔淨〕小何撻跳。〔丑上〕來了。來了。棹穿江底月。翻破水中天。〔撻跳介〕照上。〔衆下船介〕淨。柳州亭去。

〔梁州序〕〔生〕銀蟾初滿。金飈微透。此夜秋光平剖。清輝掩映。笑看形影難丟。〔旦〕好山水。〔生〕最喜湖澄眼色。山學眉修。〔小旦〕桂花香了。〔生〕風引天香滿。〔旦〕捲上了簾兒。〔衆捲介〕淨潛下生。鈎簾凝賞處。思悠悠。璧月金波并作秋。〔旦〕師兄怎

不見。〔小旦〕後邊去睡了。〔生〕到知趣。〔合〕四美具。三人偶。把茶甌香鼎閒消受。問塵世幾曾有。〔丑〕柳州亭了。〔生〕不消上岸。〔旦〕要到那裏。〔生〕藍橋。〔旦笑介〕你也不渴了。〔小旦〕轉船。〔丑轉介〕

〔前腔〕〔旦〕舟迴柳岸。月當蓬牖。相對恍疑白晝。漱冰濯雪。何方尙有瓊樓。寄語南枝飛鵲。西嶺啼猿。漫爲情拖逗。山河皆玉合。正堪游。露浥寒光。樹樹秋。〔合前〕暫下淨換扮上。〔王母〕妝成鏡未收。倚闌人在水晶樓。笙歌莫占清光盡。留與溪翁一釣舟。自家趙成文是也。讀書孤山中。當此良宵。不能成寐。且向湖堤上閒走一回。陶情嘉月。卻不是好。〔下〕

〔前腔〕〔生衆復上〕笑銀河隔斷牽牛。更月殿嫦娥獨守。我僊舟共泛。任催清漏。絕勝遙登峯頂。長嘯樓頭。列炬開文酒。解維還弛楫。逐波流。直控蓬瀛五夜秋。〔合前淨復上〕好湖光。好月色。呀。如此深夜。還有游賞的好高興。好高興。待我上前細看。不知何等人也。〔看介〕

〔前腔〕〔生衆〕月欹斜。星斗光浮。波瀲灩。龍蛇飛走。怕風掠雲鬟。涼生羅袖。試

聽殿鈴隱隱。石溜潺潺。總把游情逗。〔小旦吹簫介〕洞簫聲婉轉。落滄洲。驚破鴛鴦夢裏秋。〔合前〕

〔節節高〕〔淨〕飄飄何處舟。夜深游。簫聲嫋嫋穿林阜。忙前候。細佇眸。牽情竇。覓裳鶴。擎神僊偶。見人何事齊回首。空餘一派水沈烟。教人悵望難親就。〔淨〕  
妙哉妙哉。莫不是神仙下界。何不度我去也。

〔前腔〕〔生衆〕簾櫳疾下鉤。謾回頭。柳陰狂嘯來何驟。呀。原來是趙成文。〔旦〕那個趙成文。〔生〕陳雷友。〔旦〕何等人物。〔生〕嵇阮儔。追隨久。〔旦〕怎麼避得他便好。〔生〕山迴水轉應難候。篙師着力休羈逗。風流止許月明知。幽情卻怕人前漏。〔生旦〕快禮一篙。〔下〕

〔尾聲〕〔淨〕怎就去了。遙看畫鷁如風走。這分明濮上私游。管取沿湖細訪求。〔望介〕有撐船麼。〔內應介〕夜深睡着哩。〔淨〕罷了。罷了。

水廣不分天。

舟行杳若僊。

游縱不可極。

遺恨此山川。

## 第二十二齣 聯姻

〔雙勸酒〕〔丑上〕日建期場。時修佛會。米袋牢隨。募書不置。雖無婚嫁與公需。風月處也要支持。貧尼了緣。向蒙柳衙子母到菴。今日特來致謝。座間正遇何姬。欲待問他那晚的詳細。人前不好啓齒。不免在此站着。慢慢待他出來。

〔前腔〕〔淨上〕引線鍼兒。伐柯斧具。鼓舌搖唇。婚男嫁女。花紅羊酒是常儀。還有那私贈乾贖。老身適爲梅相公求親。已蒙柳奶奶許諾。不免急去報喜。則個呀。師伯還在這裏。〔丑〕泥水匠不來專等。〔淨〕爲何。〔丑〕請問那晚游湖的果是怎麼了。〔淨〕令徒在船。〔丑〕這個因鬼。怎比令郎的乖覺。〔淨〕原沒甚麼。柳小姐就是那秋染湘江清到底。梅相公只得滿船空載月明歸。〔丑〕哈。有這樣好女子。〔淨〕師伯。我也有件問你。陳大娘死了。人都說梅相公害他的。卻怎麼。〔丑〕陳大娘料得也應憐宋玉。奈梅相公此君山岳心不移。怎不說他。〔淨〕又有這等好男子。〔丑〕女貞士義。一雙兩美。〔淨〕彼應與豹。寧不知愧。〔丑〕告別了。〔下淨〕呀。梅相公也來了。

〔夜行船〕〔生上〕特仗冰人聯鳳侶。俟休命鶴企亮移。鴛牒難憑。雁書頻至。去住徘徊無主。〔見介淨〕相公恭喜了。〔生〕親事想諧了。〔淨〕我也會講。奶奶一口就許了。〔生〕約得幾時成親。〔淨〕阿呀。怎這性急。纔討得個肯字。就打點成親。〔生笑介〕到此時還道我性急。〔淨〕不要忙。奶奶早會說來。報過老爺。就與你們成親哩。〔生〕可喜可喜。請問老娘。如今家裏接我。可回去麼。〔淨〕去一去來做親未遲。〔生〕這等就行了。〔淨〕我陪相公去謝了。〔生〕多感多感。〔行介〕

〔前腔〕〔老旦上〕郎才女貌真堪似。秦與虢又成姻契。已結松蘿。未忘桑梓。花裏送郎歸去。〔見介淨〕奶奶。梅相公荷蒙重諾。銜感不勝。即欲言歸。特茲拜謝。〔老旦〕不揣冷族。仰附華宗。慚愧未遑。何以言謝。〔淨〕相公請拜。〔生拜介〕

〔三學士〕〔生〕彈鋏長歌懷魴鯉。姻連仰賴邢姨。〔老旦〕中間委曲。老娘想已通達了。〔生〕朝來喜獲青鸞信。他日誇乘彩鳳飛。〔老旦〕如今回去幾時來。〔生合〕暫裏琴

書歸故里。對蓉菊是來期。

〔前腔〕〔老旦〕蘋蘩重寄加葑菲。乘龍喜及門楣。閨娃深媿桃花色。彥士眞同

美玉姿。〔合前〕

〔前腔〕〔淨〕赤繩知向前生繫。今朝紅葉重題。風流幸選過王濬。窈窕欣求踰  
宋姬。〔合前老旦〕飲一杯去。〔生〕天色已晚。不敢叨了。

〔老旦〕盃酒留君抵莫還。

〔生〕寒鴉飛去日銜山。

〔淨〕遙知玉女窗前樹。

不是僊人不得攀。

## 第二十三齣 盜起

〔番卜算〕〔小生領衆上〕逐鹿應天心。斬蛇驚鬼泣。古來無種是王侯。六合吾當

一。一嘯江河盡倒流。青霜片片落吳鉤。雄心不作公卿業。直取中原十二州。自家姓劉。名福通。潁州人  
也。向與韓山童合謀。聲言彌勒佛治世。白蓮結社。紅巾聚兵。滿圖祛掃胡元。統據中夏。宰殺烏牛白  
馬。祭告天神地祇。不意官司覺察。山童就擒。眞覺唇亡齒寒。未免薛危滕恐。兵法云。制人者強。制於  
人者亡。此時不反。更待何時。諸壯士。即日與我起兵。打了潁州路。據了朱臯坂。先破羅山眞陽諸縣。

次及息州光州等處。爾須斬將奪旗。吾當論功行賞。〔衆〕得令。〔小生〕聽我道。〔衆應介〕

〔福馬郎〕〔小生〕虎賁桓桓齊奮力。略地攻城堡。須必克。列爵分茅土。自今日。

〔合〕共把乾坤飭。腥羶垢管取一朝滌。

〔前腔〕〔衆〕刀戟森森光耀日。旗纛如雲擁。暗郊陌。金鼓震山嶽。聲赫奕。〔合前〕

〔前腔〕〔衆〕投鞭坐看江流塞。撥動咸陽火。三月赤。殺人如斬草。等山積。〔合前〕

軍聲動九區。

殺氣橫千里。

馬前懸人頭。

馬後帶婦女。

## 第二十四齣 渝盟

〔步蟾宮〕〔外領衆上〕中原豺虎縱橫起。受金符統握兵機。勤王未忍盡忘私。心愧過門神禹。且喜已到家庭。軍校們。外廂伺候。〔衆應下〕

〔粉蝶兒〕〔老旦上〕門巷喧騰。喜報良人返旆。〔見介老旦〕江山阻隔。夢寐懷思。〔外〕形遐

心邇。在彼猶此。夫人盜賊四起。朝廷特受我爲都元帥。着我捍衛河南江北。開府汴京。彼乃一水之

地。不比閩中。況方國珍勢甚猖獗。密邇杭城。你母子速整行裝。隨我赴任。庶幾免我內顧之憂。  
〔老旦〕多感垂念。卽當侍行。

〔前腔〕〔旦小旦同上旦〕繡履忙移。〔小旦〕今日望雲心慰。〔旦〕爹爹。違顏經歲。日切瞻依。

〔外〕兒姻事已諧。吾心少慰。快回房收拾。明早隨母起程。〔旦應下外〕夫人。你知道麼。我在任已把孩兒許配本郡桃繡衣之子了。〔老旦〕呀。妾有義甥。足稱快婿。已曾面訂。爲我東牀。但未稟命。不敢行禮。桃家之請。幸卽辭之。〔外〕說那裏話。

〔玉交枝〕〔外〕婚姻非細。納玄纁。怎教變移。況甲門胤子。非凡裔。〔老旦〕雖官家子弟。不知學識何如。〔外〕這那曉得。便景升豚犬何辭。〔老旦〕學識難知。人物也好麼。〔外〕馮郎左氏何可知。〔老旦〕這等。只說我已受聘。作急辭他罷。〔外〕中途迴轍。遺清議。〔合〕歎姻緣。天心主持。豈由我人謀擇取。〔老旦〕相公。你未知我梅家舍甥。真是

〔前腔〕廐中騏驥。美丰儀。能歌白圭。既非壁立。需錢幣。青年且躡雲梯。〔外〕說他也沒幹了。〔老旦〕我踏蹶擇婿。嗟已非兒。你幃中觀望。徒勞敝。〔合前未上〕賀蘭山下



陣如雲。羽檄交馳。日夕聞。節使三河募年少。詔書五道出將軍。報報紅巾賊已陷汝寧府及息州光州。衆至十萬了。〔外〕呀。汝寧等處皆我汴梁地方。〔末〕正是。〔外〕報子外廂領賞。〔末應下外〕夫人。軍情緊急。我先起程。你與孩兒後船來罷。〔老旦〕噯。〔外〕叫院子。分付軍校。快整轎馬起行。〔小生分付介衆上〕稟爺。轎馬俱已完備了。〔外〕萬里烟塵昏戍樓。〔老旦〕悔教夫婿覓封侯。〔小旦〕艱難苦恨繁霜鬢。〔外〕不斬樓蘭誓不休。〔衆下小旦弔場介〕竈突已炎上。燕雀猶未知。小姐有請。〔旦上〕青龍同白虎。凶吉未分岐。〔小旦〕小姐不好了。老爺把你許嫁桃花家了。〔旦〕這怎好。

〔玉山頽〕〔旦〕姬姜空締。似松蘿分開兩岐。念相思一日三秋。況拋離終天永世。傷心流涕。恩愛總捐流水。〔合〕明日舟千里。訣別何時。雙魚難附這心兒。

〔前腔〕〔小旦〕天心應忌。最堪悲生教別離。似芙蓉並吐秋堤。怪青霜一朝摧敝。〔旦〕你卻何愁。我教奶奶送你去伏事梅相公便了。〔小旦〕小姐說那裏話。我撮提隨指。怎忍相離相背。〔合前外扮園公上〕宅第雖依郭。林園卻在家。搗供一月笑。自有四時花。自家園公便是。小姐有命。凡有花開。不時進報。今值小春花發。不免走報一聲。園丁報花事。〔旦〕哈。我有甚心情。教

他且去。〔小旦〕呀。小姐。你欲囑梅郎。何不囑付園公。速往姑蘇。約彼買舟相傍。一話。〔旦〕正是。園公。是你舅舅。料不輕洩。快叫他進來。〔小旦叫外入介〕小姐有何分付。〔旦〕園公。我要勞你呵。

〔月上海棠〕〔旦〕代帛書。星馳電走蘇臺去。〔外〕要做甚麼。〔旦〕向梅郎傳語。道我潛期。教他速到濟墅。買吳舫。一話離愁。若遲了呵。隔江波重逢無地。白金一兩。聊作路費。切不可走洩。〔外合〕蒙賜予。管取肺腑深藏。鬼神莫覷。〔小旦〕還有一言。他縱傍舟。沒個照會。我和你如何曉得。〔旦〕這不難。我有異香。名曰通天。香聞數里。可取一枝付他。若得傍舟。焚香爲號。便了。〔小旦〕此說甚妙。待奴取來。〔取香與外介〕

〔前腔〕〔小旦〕舅舅。把這香牢付伊。香芬遠遞真堪異。這通天關節。對面誰知。願得你縮地兼程。更教他聞呼疾至。盤纏殺了麼。休得漏洩。〔外〕蒙賜予。管取肺腑深藏。鬼神莫覷。〔外〕小人連夜隨行了。〔下〕

〔旦〕白日尋思夜夢頻。

欲披芳草訪遺塵。

〔小旦〕天涯一去無消息。

從此蕭郎是路人。

第二十五齣 分箋

〔霜天曉角〕〔衆扯繹末趕繹老旦旦小旦同上老旦〕宦游跋涉。風餐還水飲。〔旦〕短堠長亭幾折。〔小旦〕徐看落日林遮。〔衆〕許墅關了。〔末〕請問奶奶。還泊船還趕路。〔老旦〕泊船。明日早行。〔末〕船頭分付泊船。明日早行。〔衆應下老旦〕兒連日辛苦。我和你早些安息罷。〔旦〕啞客路不堪愁里泊。〔老旦〕故園應向夢中歸。〔下小生搖船丑隨生上〕

〔香柳娘〕〔生〕聽飛音迫切。聽飛音迫切。披星帶月。奔馳敢惜形勞怯。家長我要近着一隻官船。〔小生〕五兩如竹林。何處相尋博。〔生〕歎舳艫萬疊。歎舳艫萬疊。攘攘混龍蛇。一時苦難別。〔指介〕那元帥府的船想必是也。〔丑〕正是。〔生〕這冤家在也。這冤家在也。隔斷中流。何能竄越。〔丑〕大爺且慢。試把香兒點着。討個影響。徐徐傍去。〔生〕正是正是。〔點香介旦小旦急上〕

〔前腔〕把朱簾試揭。把朱簾試揭。〔小旦捲簾旦同看介〕星河慘烈。江關夜冷人聲絕。〔小旦〕這陣香兒是也。〔合〕覺幽香暗爇。覺幽香暗爇。〔各遮面望介〕避月臉頻遮。傍

惶四瞻閱〔小旦〕那邊的不是梅相公〔旦看介合前丑〕大爺那簾兒下的不是小姐與芳春〔生

看介〕果然是他〔低叫介〕妹子怎上得你的船。

〔前腔〕〔旦〕把舟兒傍貼。把舟兒傍貼。〔小生傍船介旦〕潛身悄說。哥哥我一枝將授他人折。歎良緣已絕。歎良緣已絕。相對不勝嗟。憑誰補天闕。〔合〕奈淚痕滿頰。奈淚痕滿頰。並宿鴛鴦。化成蝴蝶。〔小生〕他們正好講話。我且睡睡去。〔睡介〕

〔前腔〕〔生〕感萱庭允悅。感萱庭允悅。朱陳已決。風波何事平空揭。〔旦〕哥哥。你還不知。家君把我許配桃氏了。〔生〕你嚴君見別。你嚴君見別。唯解慕豪奢。何曾念瓜葛。〔合前旦〕哥哥。我和你滿望百年好合。誰想一旦分離。妾有俚言。蒙君雅和。今當裂分交執。以便覩物思人。不得爲任娘之飛葉。或可爲韋氏之遺環也。〔裂箋付介〕哥哥。請收了。〔生接介〕絲幕難親。錦箋牢佩。璧返珠還。釵全鏡合。未可知也。〔旦〕就此拜別。〔拜介〕

〔憶多嬌〕〔旦〕盟潰決。義凜烈。無能與君還共穴。海涸山崩情難竭。〔合〕腸斷心裂。腸斷心裂。分取詞箋贈別。

〔前腔〕〔生〕聲欲絕。淚未竭。肝膽番爲吳與越。雙鳳釵分鸞鏡缺。〔合前〕

〔鬪黑麻〕〔旦〕哥哥。還有一句。君須念宗祧。早婚閱閨。妾當勵冰操。任加斧鉞。休婉戀。須激烈。你紫閣榮登。我黃泉喜悅。〔內播鼓生旦驚哭介丑小旦各扯介合〕神魂蕩越。那禁更漏徹。無限恩情。無限恩情。從茲永訣。

〔前腔〕〔生〕我月思風情。空成話說。你玉貌花容。怎虛歲月。勉從新。休苦節。此世差池。他生再結。〔內復播鼓叫介〕開關。〔末內叫介〕開關了。快起躡路。〔衆應介生旦哭介丑

小旦各扯介合前衆作扯繹聲內打開船鼓裏旦小旦下生〕家長家長。〔小生應介丑〕好好道士打老婆一笏。〔生〕快與我趕上去。〔小生〕大船也不見了。〔生〕咳。這家長好誤事。〔丑〕大爺。趕去也沒幹。不如回去。又作區處。〔生哭介〕

〔尾聲〕〔生〕舟喧水柵人爭涉。佇看多情去也。我地久天長成怨嗟。

從此各西東。

悠悠如夢中。

生平不下淚。

到此泣無窮。

第二十六齣 遙訪

〔吳小四〕〔老旦上〕穿掖庭入禁闈。須知是女醫。欲貴成君。仗我爲附子。偏教產後奇。民間且謾提。老身李藥婆便是。世仍祖業。名擅女科。家居就在帥府門前。醫治半是宦家宅眷。今日適暇。怕有主顧相尋。不免把飲片一整。小廝。浸陳皮。剉甘草。〔內應介〕曉得了。

〔三臺令〕〔生上〕無情關隘晨雞。使我倉惶別離。千里未爲迂。馳來一慰相思。

小生向與淑娘。旣不得諧姻好。又不得盡別情。以故暮想朝思。頓忘山遙水遠。今已到彼住劄地方。會晤若在反掌矣。誰想軍門嚴肅。非係重情。不敢輕報。又要待他晚堂開門。正是客路如天遠。候門似海深。已留紫苔在彼伺候。我且借那藥肆中一坐。等着他來。〔見老旦介〕媽媽。借坐一坐。〔老旦〕任請。相公何處。〔生〕姑蘇。〔老旦〕到此貴幹。〔生〕探訪柳爺。〔老旦〕柳爺是令親。〔生〕母姨夫。〔老旦〕失敬失敬。奶奶一發賢慧。〔生〕何以知之。〔老旦〕在下常到裏面用藥。曉得。〔內擊鼓介老旦〕擊鼓必有飛報。就開門了。〔生起介丑上〕如今柳爺開門了。請穿衣服。〔生將穿衣介外上〕龍虎臺前出入。貔貅帳下傳宣。這裏是梅相公。柳爺差小官拜上。軍情緊急。未及卽造。明日早當奉候。少具

領給。請問相公要在那處安歇。小官隨當送去。〔生〕我要見奶奶。勞稟一稟。〔外〕老爺已赴省臺。稟不得了。〔生〕這怎麼好。〔老旦〕相公要安歇。舍下有間小樓。權宿一宵何如。〔生〕就在這裏罷。〔外〕管家。請收了領給。〔生〕都送在庄家。明早面謝。〔外應下老旦〕點燈了。請相公樓上穩便。〔生丑應上介老旦下〕

〔山坡羊〕〔生〕亂紛紛昏鴉投樹。〔丑〕下雨了。〔生〕浙零零西風送雨。影搖搖孤燈照人。〔內作雁叫介〕聲啞啞離鴻怨侶。還自疑。〔丑〕疑甚麼。〔生〕我便在此。閨中知未知。〔丑指介〕那高牆裏不是帥府。〔生〕侯門咫尺。咫尺踰千里。〔內云〕請相公晚膳。〔生〕不用了。〔丑〕心上不快。飲盃酒。〔生〕縱有醇醪。怎消愁緒。〔丑〕這們睡罷。〔生〕堪悲。旅館蕭蕭客夢迷。〔內打三更介〕難支。寒夜迢迢更漏遲。

〔前腔〕〔丑〕大爺。我看你急煎煎盤山歷水。悶懨懨忘餐減睡。眼巴巴盼着嬌娃。口喃喃時懸情事。只怕親事不諧。不放小姐與大爺相見了。〔生〕那有此理。〔丑背介〕真好癡。〔轉身介〕他殺荷須斷絲。〔生〕我卻定要見他。〔丑〕總交一見。一見成何濟。若見了怕

惹相思。兩添憔悴。〔生掩淚介丑〕休悲。明日相逢未是遲。〔背介〕須知。此後相逢未可期。

〔孝南歌〕〔老旦上〕宵將午。燈漸微。〔聽介〕西樓唧唧多怨詞。相公。你莫不是解珮遇江妃。窺牆有鄰女。〔丑〕差不多。〔老旦〕孤身客邸。切莫嗟咨。好把情懷啓。牒注鴛鴦。信有氤氳使。遍吳越。罕名姝。任傍求何必學膠柱。

〔前腔〕〔生〕聽訴啓。深可悲。侯家有女花不如。〔老旦〕曾有約來麼。〔生〕我西第幾留居。東牀面相許。誰想番雲覆雨。鸞鳳分飛。況那時行舟大促。未盡臨岐語。〔老旦〕噯。這等所以來。那路好不遠。〔生〕兩下牽思。寧惜途千里。怎知道逗留斯。九秋遙好把今宵比。〔小生上〕朝中天子三宣。闕外將軍一令。開門開門。帥府差官在此。〔丑〕一定來請大爺了。

〔生〕着他進來。〔小生〕柳爺多拜上。沿江羣盜猖獗。有旨會兵勦捕。柳爺卽已起行。乏人款待。不敢久留。聊具白金四十兩。文綺六端。少助客途之費。勿罪菲褻。幸甚幸甚。〔生〕呀。我豈爲金帛來哉。要見姨母耳。禮都不受。一見奶奶。我就去了。〔小生〕衙門封鎖。誰敢啓閉。這恐難了。〔生〕閒說。難道我



跋涉而來。不見就去了。〔小生〕老爺也出於意外。〔老旦〕千總老爺。你且請回。待我取回帖送來。  
〔小生應下。生怒介〕這官可惡。

〔前腔〕〔老旦〕相公。你休震怒。請試思。將軍令嚴。誰敢違。看起這般事體。相公。覲面恐難期。必不得已。尺書可將寄。〔生〕寄得去麼。〔老旦〕忙煩穎楮。置郵在予。〔丑〕只怕難到。〔老旦〕謾把浮沈慮。〔丑〕大爺就寫去。幹得甚事。〔老旦〕說那裏話。一紙芳音。萬兩金堪抵。〔生〕幾時拿去。〔老旦〕欲付取俟乘機。〔生〕須仔細。〔老旦〕到其間。更自有奇秘。

〔前腔〕〔生〕蒙尊諭。業已知。取筆硯來。〔丑〕取筆硯生寫介。我彩毫未舉。先淚垂。小姐。我和你半載共依依。幽盟動神鬼。那知到此。途盡空悲。天遠誰憐取。我淚墨爲書。書去魂俱去。〔內鶉啼介〕緘方罷。鴉又啼。慘情懷。真個怕天曙。〔末上〕非關使者頻催。自是將軍多禮。柳爺差把總帶領人夫船隻。奉送相公過江。〔生〕這到不消。〔末〕柳爺統領三軍。駐節江滸。專請相公一會。纔敢揚帆。求相公速駕。〔老旦〕相公若會柳爺。或請進衙。亦未可知。〔生〕這等我就去。白金二兩。聊申謝私。再晤有期。無落吾事。〔老旦〕謹領謹領。

〔尾聲〕〔生〕行蹤一夕溫猶未。〔老旦丑末〕恰似山陰半道歸。〔生〕回首梁雲淚暗垂。

〔生〕旅魂何處訪情人。

〔丑〕隔水盈盈不可親。

〔老旦〕離別不堪無限意。

〔生〕臨歧一望一沾巾。

## 第二十七齣 敗北

〔醉太平〕〔外戎裝領衆上〕戈矛蝟齊。士馬雲如。烟騰萬竈鼓頻炊。〔外扮報子上〕

報報報。紅巾數萬。近在一舍之地。各路傳檄。期在日中會勦。請柳爺作速進兵。〔外〕知道了。就此移營前去。〔衆應號令移營介外〕把軍營疾移。搜山洗路防奸細。銜枚卷旆行奇詭。

〔合〕管教半渡擊龍且。看殲滅無遺。〔下〕

〔前腔〕〔小生紅巾領衆卒上〕雷轟鼓鼙。雲繞旌旗。喊聲震處馬爭嘶。笑神愁鬼悲。打州劫縣誰攔抵。勢如破竹橫千里。〔小生〕俺劉福通起兵未及半年。攻城已下數處。眼見胡元天下。不久歸吾手也。近聞各路會兵。與俺廝殺。衆將士努力殺去。務要奪取京師。直抵上都。

便了。〔衆應介合〕乾旋坤轉太華移。說甚麼王畿。〔下〕

〔劉袞〕〔外衆上〕齊部伍。齊部伍。奮勇共前驅。砲震鑼鳴。賊聲旋至。社鼠城狐。敢爲怒臂。一鼓須擒。獻俘歸去。〔小生衆上會戰介外衆敗走介〕

〔前腔〕〔小生衆〕忙追去。忙追去。片甲莫教除。鶴唳風聲。元兵膽碎。〔雜放箭介〕稟大王爺知道。柳元帥被箭倒了。〔衆〕馬陵神弩捷。應弦俱斃。流血如川。積屍成壘。〔下〕

## 第二十八齣 蠟書

〔唐多令〕〔旦上〕咄咄日書空。從教綠鬢蓬。〔小旦上〕相思無藥誰攻。浪說杏林董奉。〔合〕香玉減。釧圍鬆。〔旦〕絕絃與斷絲。猶有接續時。惟有衷腸斷。應無續得期。芳春。我愁煩日積。憔悴日增了。〔小旦〕小姐。事變無常。寬心耐守。多服美藥。善自安排。〔旦〕哈。雕籠骰子藏紅豆。刻骨相思那得知。事已到此。百念俱灰。一死爲幸矣。

〔醉扶歸〕〔旦〕歎一場好事成虛哄。任龍鍾雙袖漬啼紅。〔小旦〕怎音信都杳然了。

〔旦〕盼家園雲樹幾千重。縱音書魚鳥難傳送。死別生離。世間也有。只是我和他那時呵。恨關河折別太匆匆。到如今我乍聞戍鼓心猶痛。

〔前腔〕〔小旦〕想前緣未許諧鸞鳳。卻教人半路逐飄蓬。〔旦〕你與他有一宵之愛。他定不拋棄你。〔小旦〕他縱不拋棄奴家。奴家怎拋棄得小姐。念香臺一夕荷相容。況繡窗幾載恩猶重。〔旦〕畢竟也有開日。〔小旦〕再休提畢竟各西東。須信是生死和娘共。

〔旦〕我狼狽得緊。〔小旦〕請安息一安息。奶奶着人喚藥婆去了。等待他來。教他看看。〔旦靠介老旦上〕受人之托。必當終人之事。前日那梅舉人。特爲柳小姐。千里遠來。不得一見。抱恨而去。臨行有幾個字兒。托我轉寄小姐。一向無便。不曾拿去。今日府中着人接我。恰好與他傳遞也。說話之間。已到帥府門上。不免把雲板敲一聲。〔敲介末淨扮把門官上〕孤雲隨殺氣。飛鳥避轅門。〔見介淨〕是李藥婆。老鼠戲貓兒。好大膽。〔末〕衙裏喚他。〔老旦〕便是。〔淨〕你曉得麼。老爺令嚴。出入的都要搜檢。〔老旦〕行醫的有甚夾帶。要看請看。〔搜檢介末〕放他進去。卻要小心。〔老旦〕理會得。〔淨〕小心天下去得。〔末〕大膽寸步難行。〔下老旦〕還好還好。那字兒。早是藏得隱密。不然被他搜出。如何

是好。此關已過。徑到小姐跟前也。〔行介小旦〕李太醫來了。〔見介老旦〕小姐。爲何這般清減了。〔旦〕賤體不快。〔小旦〕專候太醫。〔老旦〕取書診脈。〔診介老旦〕這病似覺邑邑刺刺。唇燥吻澗。鬱火四上。焚於大宅。肉食鮮進。數引漿勺。中夜起坐。傍徨顛錯。是這般麼。〔旦〕便是。〔老旦〕小姐。着實排遣。藥纔奏功。若只管唧唧噥噥。便是盧扁也不能脫體。〔小旦〕奶奶多上覆。望太醫用意。〔老旦笑介〕孝順郎中。何須分付。〔出藥介〕蠟丸在此。請先開服。煎劑待少頃送來。〔旦〕多謝多謝。〔老旦〕阿姐。開藥時切須避人。〔小旦〕謹領。〔老旦〕告退了。世間此病治無藥。何以致之長相思。〔下旦〕開那藥來。〔小旦應開介〕好怪好怪。怎到是幾行字。〔旦〕呀。這是梅家哥哥的筆跡。〔念介〕匆匆分袂。日夕懷思。不惜艱關。冀圖一會。奈何尊君峻拒。立遣南還。執手無期。惟向西風灑淚而已。寸楮密附。如對面談。千萬自珍。幸毋爲鄙人縈臆也。玉頓首。淑妹親親妝次。原來梅家哥哥到此。空回去了。天他

〔木丫叉〕跋涉艱關。恩情鄭重。忍謝絕好教人悲哽。綿綿瓜葛。又非是陌路堪同。何恁不相容。一會兒牢蒙蔽罕通纖縫。爹爹你但鑒馬卿攜卓女。不道韓郎

遇賈充。〔小旦〕不知如今他在那裏。〔旦〕海萍飄泊若爲蹤。信從今欲諧歡笑也。九地難逢。

〔么篇〕〔小旦〕萬恨旋生。一緘密送。果然是對面難逢。梅相公。梅相公。你跋涉總成空。更休把報書懸望。這防範怎生傳奉。此際斷腸誰訴。徒飲泣對蒼穹。〔淨上〕  
陳餘落日黃。戰敗鼓聲死。小姐不好了。

〔尾聲〕〔淨〕報頻來。災旋踵。〔旦〕爲何。〔淨〕全軍覆沒虜塵中。〔小旦〕戰敗了。〔旦〕老爺無恙麼。〔淨〕流矢堪悲恰貫胸。〔旦〕爹爹被箭傷了。兀不痛殺我也。〔淨〕小姐且請收淚。到奶奶處一齊哭何如。

〔旦〕龍鬪雌雄勢已分。

〔淨〕山崩鬼哭恨將軍。

〔小旦〕行人莫上長堤望。

〔旦〕怨氣蒼茫成黑雲。

## 第二十九齣 旅訴

〔丑上〕春草秋風老此身。一瓢長醉任家貧。醒來還愛浮萍葉。飄寄官河不屬人。自家常伯醒便是。

荷蒙梅公錯愛。要我陪伴來京。如今會場將近。巴不能得他一第。作成我老常快活一快活。誰想他絕不溫習。終日拿着一幅箋兒。暗地默誦。不知何故。〔想介〕曉得了。或是關節。或是新題。故此瞞人。他已起身。待我躲在此間。等他看時。悄悄覷他。便知端的。

〔卜算子〕〔生上〕愁恨兩眉攢。淚漬春衫滿。浮名牽我滯幽燕。夢遠多情畔。何事能消旅館愁。紅箋開處見銀鈎。欲將香匣收藏卻。且惜行吟在手頭。〔出箋介丑潛覷介生〕錦箋。錦箋。我當初拾你。只道是百年姻牘。誰知今日到做了一紙休書。覩物思人。好悲痛也。〔丑〕見了見了。〔生因介〕見甚麼。〔丑吟介〕林圃月華新。〔生〕呀。果被你見了。〔丑〕會場已迫。何不潛心經史。以圖高捷。故乃戀戀此箋。〔生〕常先生。你不知道。

〔玉芙蓉〕〔生〕堪憐這錦箋。是我相思案。〔丑〕在那裏。〔生〕在錢塘。舊日栖遲庭院。〔丑〕是柳衙小姐。他會做這樣好詩。〔生〕錦心繡口詞華麗。〔丑〕人物一定也妙的。〔生〕玉質花神體態妍。〔丑〕這們公好娶他。〔生〕姻緣淺。嘆名兒空閒。待納采。高材捷足竟居先。〔丑〕公怎麼樣遇着他來。

〔前腔〕〔生〕相逢非偶然。猛向花前見。〔丑〕內外懸隔。如何便親近得。〔生〕隔天淵。賴有蜂媒婉轉。〔丑〕曾往來麼。〔生〕綺筵一笑。曾陪奉。蘭室餘芳亦間霑。〔丑〕奇遇奇遇。〔生〕人間罕。更高情雅致。不要說別的。就是趙成文呵。他恁豪俠。望風覷影尙垂涎。〔丑〕趙公如何也見。〔生〕中秋泛月。他在西陵橋會見來。〔丑〕原來如此。

〔卜算子〕〔淨上〕旅邸興蕭然。無意親文翰。春光早已遍郊原。何處尋游伴。自家趙成文是也。幸叨鄉薦。來赴禮闈。春色融和。客窗寂寞。不免尋看梅德溫。郊外一步來。〔敲門介〕有人麼。〔丑〕客來了。〔生〕賤體不快。倘不可辭。煩足下支陪一支陪。〔丑〕請自在。當得效勞。〔生下淨復叫介丑〕來了。〔見揖介〕呀。成老成老。咳。好氣色。穩是狀元了。〔淨〕豈敢豈敢。梅公有麼。〔丑〕有恙未起。〔淨〕哎。要同他郊外走走。又落空了。〔丑〕小弟奉陪何如。〔淨〕更妙。〔丑〕請。〔淨〕涉趣皆留賞。無奇不遍尋。〔行介淨〕梅公何恙。〔丑附耳介〕

〔玉芙蓉〕他懨懨非病纏。〔淨〕爲甚麼。〔丑〕卻爲相思染。〔淨〕妓者。〔丑〕匪青樓。柳氏深閨嬌豔。〔淨〕會着手麼。〔丑〕偷香竊玉知還未。〔淨〕他說要贅在他家。〔丑〕跨鳳乘鸞。



更少緣〔淨〕生得何如。〔丑〕君曾見。〔淨〕不會。〔丑笑介〕且沈思細想。〔淨想介〕想不着。〔丑〕還記否。西陵明月夜游船。〔淨嘆介〕噯噯。原來那晚的是他們。妙妙妙。〔丑〕怎能妙。〔扯淨介〕公且說一說。

〔前腔〕〔淨〕良宵擢畫船。載月閒尋翫。看飄飄。一似凌波僊眷。〔丑〕公看得仔細麼。〔淨〕湘簾紈扇深遮掩。〔丑〕這等也不會見。〔淨〕寶髻瓊瑀僅一觀。真堪羨。這勝游佳況。空教我沿湖物色竟茫然。〔淨〕伯醒。不是你說。我十年也不知。〔丑〕成老。不是公問。我老常生疔瘡也不說。花樣妖嬈柳樣柔。〔淨〕浴鷗飛鷺兩悠悠。〔丑〕歷膽披肝惟恐後。〔淨〕爲君沽酒且淹留。到敵寓飲一壺去。〔丑〕小弟有些毛病。發誓不飲這膿血了。〔淨〕少飲幾杯。一定不妨。〔丑〕多謝多謝。〔挽手下〕

## 第二十齣 及第

〔金錢花〕〔生外小旦老旦扮巡邏夫役上衆〕從來試法森嚴。森嚴。四圍列棘成垣。成垣。巡邏瞭望百千般。防巧弊。覓眞賢。要關節。俟神僊。〔生〕你們都是那會場巡邏的夫

役。日夜不得安息。好不辛苦。〔外〕說道今日開榜。辛苦也不多時了。大家務要小心纔好。〔小旦〕正是。

〔前腔〕〔衆〕身充夫役堪憐。堪憐。提鈴喝號相兼。相兼。晨昏晝夜那曾眠。要自在。待場完工滿日。謝龍天。〔丑上〕北海鵬搏日。南山豹變時。姓名書錦軸。端的是男兒。聞說今日揭曉。梅趙諸公。央我出來打聽。前面那巡邏的。定知端的。待我問他一聲。大哥。幾時出榜。〔外〕准是今日了。〔丑〕起動了。〔衆敲梆下丑揖天介〕天。我常伯醒一生勢利。今日開榜。中得幾個識熟的。便好。新進士不比尋常。匡得去晨昏趨侍。遠近追隨。吮疽舐痔。獻子出妻。親戚們請他席盛酒。陪堂輩也送些薄儀。非是好勞惡逸。實欲倚勢作威。怕戶役做他些詭寄。告家人寫他封假書。憑人說呵。胞呵。卯渾如曲蟻。那管道縮頭縮頸。就是烏龜。〔掩口笑介〕正是笑罵由他笑罵。好官還我爲之。〔內吹打介丑〕呀。鼓樂之聲。想已出榜了。〔末淨衆扮看榜人上〕看榜去。看榜去。〔丑隨介〕

〔前腔〕〔衆〕接天鼓吹聲喧。聲喧。六街塵湧如烟。如烟。人人翹首與摩肩。心汲汲。意懸懸。憂落第。欲爭先。〔雜迎榜上衆看有中不中先下丑〕好了。好了。梅公中了。呀。鄒公

趙公都中了。好快活。好快活。〔大喜隨榜介〕

〔前腔〕〔丑〕遙看虎榜高懸。高懸。諸公咸中青錢。青錢。分明平步上遙天。膺冕服。脫燈氈。萬姓羨。四方傳。〔雜迎榜下丑高叫介〕勢利去。勢利去。〔下〕

### 第三十一齣 選宮

〔西地錦〕〔老旦扮內使領衆上〕幾載榮隨鳳輦。今朝又錫龍旌。巡游直遍江南郡。旁求姝麗充庭。奉詔因乘使者車。更於何地得幽花。嬋娟西子傾國色。繫臂先封第一紗。自家大

元宮監長安迭不花是也。近因丞相哈麻陰進番僧於帝。導帝祕密之術。天魔之舞。帝心喜甚。第恐女色未多。爲樂有極。着俺遙抵江浙等處。廣選二八嬌姿。以此卽欲前行。不知有司夫馬完備未會。〔衆〕稟公公知道。俱已完備了。〔老旦〕如此快快起行。

〔神仗兒〕〔衆〕恭承王命。恭承王命。遙離紫禁。古道風塵競。回首鳳城雲隱。〔倉〕披月露。渡關津。披月露。渡關津。〔淨上〕會同驛驛丞接公公。〔衆〕起去。快備夫馬。〔淨〕夫馬

俱完備了。〔衆〕這等那官兒回罷。〔淨應下衆合前下〕

〔水底魚兒〕〔丑攜女上〕天使遙臨。心慌膽戰。驚星言往送。怎得負輿人。怎得負輿人。朝廷大選宮女。天使不日到來。連夜要送女兒出門。特教丈夫去尋個轎子。誰想一去不來。定到那裏賭錢去了。怎麼好。怎麼好。〔望介〕好了。好了。他來了。

〔前腔〕〔末挑藍輿上〕嫁娶紛紛。〔丑〕轎兒有麼。〔末〕香車沒半輪。〔丑〕這們怎好。〔末〕藍輿倒穩。〔丑〕像甚麼。〔末〕陶令也曾乘。陶令也曾乘。〔丑〕之子于歸。非等閒。達權通變也須諳。〔放女擡介末〕馬背不如牛背穩。藍輿番勝板輿安。〔丑哭擡下〕

〔神仗兒〕〔衆上〕皇華寵任。皇華寵任。寧辭勞頓。已入江南境。自覺鶯花繁盛。〔合〕羅蕙質。獻明庭。羅蕙質。獻明庭。〔外上〕京口驛驛丞接公公。〔衆〕起去。快備夫馬。〔外〕俱完備了。〔衆〕這等那官兒自回。〔外應下衆合前下〕

〔水底魚兒〕〔小生上〕巨室諧婚。全需六局人。〔末上〕倉惶急遽。鞋破總難尋。鞋破總難尋。〔小生〕大哥。朝廷來選宮女。公子卽夕就要成親。沒有樂人待詔。怎麼好。〔末〕樂人罷了。待詔定少不得。我和你只得去用強。攔捉一個罷。〔小生〕正是正是。〔末〕前面來的定是了。

〔前腔〕〔淨上〕武斷爲生。扒灰最有名。雞頭雞尾。日日詐些吞。日日詐些吞。〔小生未捉介淨〕拿我做甚。〔小生〕今晚我家公子做親。請你去念些詩賦。〔淨笑介〕差了差了。我是直亭老人。詩賦何曾會念。〔末〕哎。只要你引鳳求凰。管甚麼指鹿爲馬。〔打淨下淨高叫地方介〕

第三十二齣 題錄

〔霜天曉角〕〔外上〕杏園春早。星聚文光耀。鼓吹遙分禁樂。驂驪特出天槽。聖主恩榮宴相才。殿中英俊總追陪。長安市上人如簇。爭看紛紛入苑來。自家乃元朝禮部尙書也。今日例宴進士。該我主宴。且喜百務俱備。只待諸士到來。〔丑扮辦事官上〕風流黃榜客。瀟灑綠衣仙。過處人爭羨。何殊上九天。稟爺諸進士到了。〔外〕快請進來。

〔哭岐婆〕〔生淨小生未冠帶上合〕笙歌鼎鬧。旌旄雲繞。看花御道。紅妝爭笑。金鞍雅稱玉逍遙。揚鞭不覺瓊林到。〔丑〕請各位老爺登宴。〔衆〕請了。〔入見介〕念切斗山。無由瞻謁。幸茲拜覲。大慰平生。〔外〕一時名士。百代殊才。得待清光。增榮末路。快看酒。〔丑應送介外〕不能遍及。總揖了。〔答送坐介〕

〔山花子〕〔外起衆接唱〕瓊林絕似蓬萊島。相逢恍集僊曹。喜昂昂人皆俊豪。珠璣萬斛胸包。〔合〕壓烏紗花枝顛搖。羅衣綠染新柳嬌。巍巍雁塔名姓標。無限風光。人世難遭。

〔前腔〕〔生起衆接介〕筆頭滾滾波濤遠。光芒射斗凌霄。展絲綸已釣六鰲。翩翩直趁扶搖。〔合前雜上〕剗鬪生涯舊。詩書藝業長。刻字的候列位老爺刊同年錄。〔衆〕起來伺候。

〔雜應介〕

〔前腔〕〔淨起衆接介〕十年窗下無人曉。一朝聲播迢遙。幸逢晨正直聖朝。掄材不棄蓬茅。〔合前外〕諸公把尊庚敍了何如。〔衆〕是。〔丑送筆硯介衆〕趙年兄了。〔淨〕果弟癡長。占了。〔寫介〕如今該那一位。〔末〕小弟甲子生。〔生〕這等鄒兄了。〔小生〕占了。〔寫介〕如今〔末〕小弟了。〔寫介〕送筆與生介生寫頓筆介。捻管心如醉。臨風淚自垂。姻緣已無分。金紫總何爲。〔作暈介〕梅老爺發暈了。快扶送回寓。〔扶下末〕此兄爲何如此。〔小生〕想爲斷絃而然。〔淨背搖頭介〕非也。非也。他要瞞我。待我與他取笑一取笑。〔轉身介雜〕梅老爺想未續絃。〔淨〕續了。拿來我寫麼。

〔寫介衆〕噯。已聘柳氏了。〔雜收介末〕要送各衙門。快動手。〔雜應介同丑下淨〕飲酒。

〔紅繡鞋〕〔衆〕駝峯翠釜佳肴。佳肴。瓊舟銀海翻濤。翻濤。聲嚷嚷。醉陶陶。歌化

日。誦唐堯。〔合〕花影亂。燭光搖。花影亂。燭光搖。〔外〕杏苑留題。古來盛典。諸公何不賦詩

一首。以繼前休。〔衆〕領教。〔讓介淨〕占了。〔吟介〕天人三策獻重瞳。賜宴瓊林寵渥隆。〔末〕共聯一

絕罷。〔淨〕正是。年兄請。〔小生吟介〕莫道枝頭春尙早。〔送末吟介〕杏花已占十分紅。〔外〕妙哉妙

哉。

〔前腔〕〔衆〕詩成珠玉揮毫。揮毫。淋漓酒污宮袍。宮袍。天色暝。去程遙。人意暢。

馬蹄驕。〔合前〕

〔尾聲〕〔衆〕燈前草就恩榮表。共聽晨鐘謝聖朝。更報泥金肯憚遙。

〔小生〕昔日齷齪不足誇。

〔淨〕今朝放蕩思無涯。

〔外〕春風得意馬蹄疾。

一日看遍長安花。

第三十二齣 陷選

〔梨花兒〕〔雜扮卓隸隨丑上〕六路衙門最有興。終朝嚷嚷不曾靜。誰知皇帝也來尋。嚟。移文要我選宮嬪。自家杭州府總捕官是也。上司行下文書。道朝廷大選宮女。欽差宮監。遍歷江南。不日將到。本府須要整備應詔。早已行拘地方。待他來時。着他開報便了。〔外小生上〕小心防火盜。着意淨街衢。〔入見介丑〕上來。〔低云〕地方。你曉得麼。朝廷詔選宮女。天使不日到來。必須預先緝選。方免臨期有誤。你們該管地方。不拘巨族寒門。但有女子二八左右者。盡數開報上來。〔小生外〕沒有。〔丑〕狗忘八。上說天堂。下說蘇杭。沒有。我且問你。杭州有幾句口號。說道每日呵搯。搯一丈。脂粉塗千擔。這話有麼。〔小生外〕有有。〔丑〕忘八。脂粉也用許多。嬌娃豈無萬萬。〔外〕這是古話。〔丑〕阿呀。那日迎春時節。我親見白面成行。就是粉牆一樣。真個車載斗量。豈止填渠塞巷。〔踢介〕咦。若還掉嘴。推干打得你希爛希爛。〔小生〕聽小的們詳稟。假如地方火盜人命。是小的們管。若女子生長深閨。小的們怎麼曉得。〔丑〕這等優免了。〔外〕若要。須拿那媒婆賣婆來問他。〔丑拍卓介〕有見識。就勞你們去與我拿來。〔小生外應下丑〕且住。那些婆兒。口極硬。不肯說。卻怎麼。〔笑介〕我有一計。且待他來。〔小生外帶淨老旦上〕探囊取物。手到便來。〔見介丑〕地方回罷。



〔小生外應下丑〕婆兒上來。〔低云〕我有句心腹話。特特請你們商量。〔淨〕不知爺有何分付。〔丑〕我奶奶老而無子。且又醜拙。我想人生一世。草生一秋。欲多娶美妾。以樂暮年。人家女子。惟你們曉得。可盡數說來。待我選娶幾個。媒錢加倍相謝。〔內罵介〕老囚跟。要討小老婆麼。卓隸拿他進來。〔雜應介丑朝內跪介〕奶奶息怒。愚夫豈敢。只因朝廷要選宮女。怕那些婆子不肯報。故此哄他。〔內云〕薄鐵刀。轉口快。〔丑〕謊說天誅地滅。憑憑奶奶打幾百。〔內云〕我且聽着。〔丑〕正是正是。〔坐介〕婆子聽得麼。朝廷要選宮女。天使不日到來。不拘巨室寒門。但有二八左右者。盡數報來。〔淨〕沒有。〔丑〕撈起來。〔雜應介老旦〕待我說。〔丑〕你說你說。〔淨〕毛嬙驪姬。西施南威。〔老旦〕夏姬秋娘。鶯鶯燕燕。〔丑〕呀。這是古人說他怎麼。〔淨老旦〕這等真沒有。〔丑嚷介〕撈起來。撈起來。〔雜撈介淨老旦〕有有。〔丑〕快說。〔淨〕許飛瓊。秦弄玉。杜蘭香。董雙成。〔老旦〕雲英綠萼。芽盈麻姑。〔丑〕一發說了那神仙。那裏尋他。〔淨老旦〕真沒有。〔丑〕撈撈撈撈起來。〔淨老旦〕待小婦人想。〔丑〕你想。你想。〔淨〕桃葉柳枝。紫雲明月。〔老旦〕碧玉綠珠。薛濤蘇秀。〔丑〕這娼妓要他何用。快撈快撈。〔雜撈介淨老旦報介丑寫介〕要放撈再說。〔淨〕還有一個柳淑娘。〔丑復寫介〕放了。〔雜放

介小生上。報報。天使到關上了。〔下丑慌介〕怎麼好。叫叫該房作急造冊。左右。你與我押這些婆子去。原報原拿。逐名認來。〔雜〕稟過。勢豪抗拒。小的們就打進去捉了。〔丑〕聽我道來。

〔豹子令〕〔丑〕天使迢遙布玉音。布玉音。有誰跋扈不欽遵。謾學狐行憑虎勢。敢教排闥攫金銀。攫金銀。〔合〕須知王法。王法有嚴刑。

〔前腔〕〔衆〕妙選良家侍至尊。侍至尊。匡牀悔泣豈無人。老爺當效赤烏供。一雙休同延壽寫昭君。寫昭君。〔合前〕

〔丑〕這女子養在深閨人不識。

一朝選入君王側。

〔衆〕只怕那漢宮承寵不多時。

飛燕婕妤相妬嫉。

### 第二十四齣 代選

〔末上〕破船風猛。漏室雨淋。福無雙至。禍不單行。自家乃柳府院子。如何說此數言。只爲我家老爺方纔戰死。小姐又值選宮。你看這幾日大家小戶。誰不嫁女婿男。惟獨我家小姐。雖有東牀。隨父在任。遠水不救近火。一時自難成親。我想選宮一說。或出里巷流言。猶之可也。若有朝廷旨意。如之奈

何頃問奶奶着我打聽。不免走一遭來也。〔下〕

〔謁金門前〕〔老旦上〕心縷縷。總爲嬌兒牽繫。醜惡徒謙難諱美。通宵愁不寐。發

抱如絲亂。擔愁似酒濃。只因一着錯。連累滿盤空。老身本欲招贅梅甥爲婿。不料相公以女許配桃

郎。今者聞詔選宮。正該隨俗婚配。奈桃郎隨父赴任。一時無可奈何。好悶人也。已遣院子出去打聽。

等待回來。便知端的。適間又聞女兒病甚。想亦爲此而然。不免去撫慰他一番。多少是好。開門開門。

〔謁金門後〕〔旦上〕抱病懨懨強起。神思飄搖無主。〔小旦〕鵲噪鴉鳴花徑裏。吉

凶渾莫計。呀。奶奶來了。〔入見介老旦〕兒何不梳洗。

〔花落寒窗〕〔旦〕久無心傅粉調脂。〔老旦〕覺倦意麼。〔旦〕困騰騰惟戀衾幃。〔老旦〕

兒不是耍的。〔旦背介〕墮樓自許。何惜珠沈玉碎。〔老旦〕請個醫者看你一看。〔旦〕儘良

藥又何堪濟。〔老旦〕敢慮選宮。〔旦〕傷悲。出塞明妃。爭如伏劍虞姬。〔末上〕走得渾身

汗。歸來兩腳塵。奶奶選宮的話真了。〔老旦〕卻怎麼。〔末〕天使已到。各坊媒婆賣婆。總捕廳都拿去

了。〔老旦〕這怎好。你再去打聽來。〔末應下老旦〕兒。我非不欲與你成親。

〔前腔〕只爲你東牀遠侍親幃。使倉惶難遂于飛。況我說起親事。你便含悲流涕。反惹愁酸憔悴。到此際噬臍何悔。雖然如此。休悲。豈少嬌姿。追求偏向朱扉。

〔入賺〕〔淨外生小生上淨〕古木幽溪。〔指介〕柳姓嬌娃係此居。〔衆〕忙前去。欽差星急敢羈遲。〔淨〕且蹉跎。乍張聲勢令人懼。變出非常未可知。〔衆〕言誠是。須知善鷺先藏翅。謾教騰沸。謾教騰沸。〔衆〕老娘。你先進去。我們外廂等罷。〔淨〕正是正是。〔衆下〕

〔前腔〕〔淨〕避影前趨。〔老旦〕老娘何來。〔淨〕喜到門庭特報知。〔老旦〕有甚喜。〔淨〕承明旨。小姐催妝促駕赴京畿。〔旦〕禍真奇。宮闈懸絕如淵底。〔拜介〕得賜周旋謝不貲。〔淨〕言差矣。尊名已覆金甌裏。不須推避。不須推避。

〔皂角兒〕〔旦小旦老旦〕驀遭逢。天大災危。縱飛潛也難逃避。直愁殺萱徑椿塋。再休提鸞儔鳳侶。試看取剩釵梳。餘香粉。撇琴書。拋花竹。物物堪悲。〔合〕痛腸千縷。何忍別離。信今生若非魂夢。聚首無期。〔淨〕奶奶。我一時報了。如今見你們這般啼哭。連我也心酸了。有人尋個代替罷。〔旦〕呀。這誰肯代。〔小旦〕奴家願代。〔旦〕怎麼害你。〔小旦〕昔

人受一飯之德。尙報千金。奴家荷半生之恩。何辭一往。快取衣飾與奴妝着。竟往便了。〔旦哭介〕妹子定使不得。〔淨〕小姐恭敬不如從命。〔取衣飾妝小旦介內催衆驚介小旦拜介〕

〔前腔〕念婢子久待閨闈。感娘行渾如姊妹。謾說個代主承恩。又何惜捐生效死。還念你好花時。明月夜。翫詩詞。親針指。誰共徘徊。〔合前衆上〕上命差遣。蓋不自由。裏頭快些快些。〔淨〕有心慷慨。撇脫了些。〔小旦〕就行了。〔旦〕妹子拜你一拜。〔拜小旦介小旦答拜介〕

〔尾聲〕〔旦〕此生結草悲無地。〔小旦抱旦低唱〕小姐你但守初盟報所知。我便便向重泉也展眉。〔淨拆旦推入介扯小旦出介衆〕去去去。〔擁下老旦〕兒欺君違法。罪過非輕。謹闕深藏。慎毋自洩。〔旦〕多謝母親慈訓。

〔旦〕於人何事網羅求。

〔老旦〕意氣兼將身命酬。

〔旦〕天上人間不相見。

〔老旦〕落花流水共悠悠。

第二十五齣 草奏

〔丹鳳吟〕〔丑上〕木偶無依。越吟不已。梯袍竊望。疎財士。怕官情紙薄。今非昔比。自家非別。小何的便是。母死半年。闕賭兩般。家資敗盡。替夫到京。誰想身上。又染了廣貨。囊裏又缺了盤纏。要歸不得。無可奈何。近喜梅相公高中。欲求他相濟。因他臥病。不能相見。日來聞已痊可。不免走一遭。〔行介〕這裏已是有人麼。〔末上〕朱門深似海。不許外人敲。呀。花子。這裏不是討的。〔丑〕我來看老爺一看。〔末〕這等貴處。〔丑〕杭州。〔末〕上姓。〔丑背介〕若說小何做官的。怎肯出來。不免打個雙關。哄他一哄。〔轉身介〕我叫可人。〔末〕少待通報。

〔宴陳平〕〔生上〕瘦損不勝衣。豈爲耽詩。花飛絮舞春歸矣。倚玉偎香復幾時。

〔末〕稟老爺。杭州可人求見。〔生驚介〕想是可人差來的。快着他進來。〔末〕嗻。杭州可人老爺請。〔丑進見磕頭介〕生〕是小何。起來起來。怎說甚可人。〔丑〕他問小人的姓。小人道可字加人字。〔生〕哈。你慣要耍笑。〔丑〕不敢。〔生〕到此何幹。這門藍樓。〔丑背介〕怎麼說好。是了。〔轉身介〕來做生意。失了風。歸去不得。特見老爺。〔生〕元來如此。老娘好麼。〔丑哭介〕被虎喫了。〔生〕怎到被虎喫了。〔丑〕一向與小人有說自在極樂菴裏過。所以遇了虎。〔生〕嗻。那菴主好麼。〔丑〕被天打了。〔生〕有

這們事。柳老爺死了。〔丑〕柳老爺死不打緊。小姐又被選了宮。〔生〕那有此話。〔丑〕小人目擊的。  
〔生〕卻不痛殺我也。

〔石榴花〕〔生〕人歸禁掖。聞說不勝悲。腸寸裂。淚雙垂。蒼天何事恁離予。且休提鸞鳳分飛。就是那花容柳姿。想今生欲覷應無地。小姐。若知伊終作王嬙。爭似我早學相如。

〔前腔〕〔丑〕老爺。你榮登天府。寧乏一嬌姿。須自惜棟梁軀。多情已作漢宮姬。枉悲號天遠誰知。小姐既許桃家。姻緣已非。那花枝自有東風主。到不如金屋深藏。免與他紈袴相偎。〔生〕左右。取五兩銀子來。〔末〕取介。〔生〕荒銀五兩。聊充路費。〔丑〕磕頭介。〔謝〕老爺。求人須求大丈夫。〔末〕濟人須濟急時無。〔生〕小何。你速整歸裝還故土。免教流落在長途。〔並下〕

〔海棠春〕〔雜〕引道淨上。故友茂陵栖。一豎朝方去。下官趙成文也。適聞梅丈病起。特來問候。左右通報。〔雜〕報介。生上。見介淨。貴體得安。私喜無任。〔生〕屢蒙垂念。感德不勝。請坐。〔坐介淨〕年丈爲何眉攢愁思。臉暈啼痕。必有緣故。願與故人一聞之。〔生〕言之汗顏。且恐污聽。〔淨〕說那裏

話〔生〕非有別事。小弟往日呵。

〔泣顏回〕〔生〕花下結幽期。〔淨笑介〕小弟也略知。已不諧了。〔生〕強摧殘未斷恩私。

〔淨〕噯。心裏還不斷。〔生〕豈料風波疊起。〔淨〕又怎麼。〔生〕獻吳廷偏選西施。〔淨〕被選

了宮。〔生〕君門萬里。要相逢須插擗風翅。悵古洪不值當年。痛無雙永閉宮

闈。〔淨〕有一絕妙機會在此。我就與足下做一古押衙何如。

〔前腔〕〔淨〕伸眉莫作楚囚悲。嬌娃姓氏。齒錄曾題。〔生〕那個寫的。〔淨〕小弟如今只

說年丈所聘。等他就查齒錄。姻非無據。聖明朝豈奪臣妻。明晨請了諸年丈。陳情丹陛。

與多嬌早拭看花淚。〔生〕怕不能如此。〔淨〕管樂昌破鏡重完。看秦庭白璧終歸。

〔生〕若得如此。真所謂生死而骨肉也。〔淨〕快寫本。小弟就去請諸年丈了。〔生〕多謝多謝。

〔生〕英雄無策庇嬋娟。

待得鸞膠續斷絃。

〔淨〕聖代只今多雨露。

一封朝奏九重天。

### 第三十六齣 協奏



〔末上〕雞鳴紫陌曙光寒。鸞囀皇州春色闌。金闕曉鐘開萬戶。玉階仙仗擁千官。下官乃大元朝中一個黃門是也。今當聖駕臨朝。恐有百官奏事。只得在此伺候則個。

〔金蕉葉〕〔生衆朝服上生〕痛煎痛煎。美恩情天淵睽間。〔衆〕怕孤忠難動龍顏。率羣英共躋鸞殿。〔生〕此間是午門。不免徑入。〔衆〕請了。〔末〕百官就此站立。不得升殿。鞠躬與三

舞蹈。俯伏山呼。〔衆〕萬歲萬歲萬歲萬歲。〔末〕有事奏事。無事退班。〔生〕臣奏陛下。〔末〕啓奏者何官。

〔小桃紅〕〔生〕編修梅玉。碎首階前。〔末〕所奏者何事。〔生〕爲伉儷貽慚玷也。〔末〕誰

家之女。已配未曾。〔生〕武臣柳苑女。納采在髻年。〔末〕不得欺誑。〔生〕登齒錄。布朝僉

只爲臣慕飛鵬。希舉鸚。成孤雁也。使柳氏呵。混入良家承詔選。歎畫影無從。願

錫餅師全。〔淨〕趙章等亦爲梅玉一事。聯奏陛下。

〔下山虎〕〔淨〕禮先朝佇聞及閭閻。且君父於臣子。閨門大閒。還須念有耦羅敷。莫效那耽淫衛宣。〔衆合〕況有如花滿殿前。何必村莊賤。〔末〕奏事者不得喧譁。

〔衆〕折檻何嫌。爲訴孤鸞非野鴛。

〔蠻牌令〕〔小生〕臣聞古之賢君嘉隱士遺樵爨憐戍卒賜宮媛況彼文臣居翰苑  
中雀久委禽先〔衆〕苦梅玉呵不得那孟光舉案我諸臣願學逢萌挂冠〔末〕敢爲友  
誼妄奏〔衆〕效朋私扶危拯顛盡臣忠糾謬繩愆〔末〕奏草已達暫且退班午門外候  
旨。

〔餘文〕〔衆〕哀情已達承明殿齊鵠立聽取好音傳〔生〕怕有累諸年丈若我梅玉便  
鼎烹斧磔何言。

〔出隊子〕〔旦扮內臣上〕明王恩眷披覽封章展笑顏玉音遙降五雲端管取乘  
龍指日間花燭生光春迴香顏〔旦〕聖旨已到跪聽宣讀奉聖旨柳氏果爲梅玉所聘准候  
宮女到日着該部查給完聚以全夫婦之倫以篤君臣之義更酌賜錦綺音樂少助婚禮用展朕私  
謝恩〔衆〕萬歲萬歲萬萬歲〔旦〕香飄合殿春風轉花覆千官淑景移〔下生〕拜謝諸年丈〔拜介〕  
〔庭前柳〕〔生〕銜結是何年賴諸君仇儷全明珠離復返白璧去猶旋〔合〕生亡  
還肉骨感無邊覺須臾喜溢眉端。

〔前腔〕〔衆〕聖德浩如天。遣嫦娥出廣寒。枯枝憐再發。缺月幸重圓。〔合前〕

〔生〕百花春隔景陽鐘。

〔淨〕紫禁朝天拜舞同。

〔小生〕獨有鳳凰池上客。

〔合〕偏承香漢渥恩濃。

### 第二十七齣 賜婚

〔生查子〕〔生上〕失馬未爲憂。人定天常左。重獲鳳臺游。不負龍池步。紫鳳朝銜

五色書。陽春忽布網羅除。已將心變寒灰後。豈料光生腐草餘。下官端爲淑娘姻事。歷盡無數間關。

幸蒙聖恩。准賜完聚。今者宮女已到。且敕禁樂送歸。晤在須臾。可喜可喜。〔丑上〕榮光懸日月。賜予

出金銀。稟老爺。送親的到了。〔生〕犒賞俱齊備麼。〔丑〕齊備了。〔生〕你自在外廂料理。〔丑〕曉得。

〔下〕

〔滴溜子〕〔衆鼓樂送小旦上〕奉綸音。奉綸音。下賜嬌娥。喧金鼓。喧金鼓。香塵如霧。

羨雙雙彩鸞翔舞。風流世所無。皇恩重荷。書中有女。始信非訛。

〔鷓鴣天〕〔生趨迎介〕遙觀香車隱素娥。不勝雀躍啓青廬。〔小旦轎中低唱〕寄言眉

黛休空展。越水燕雲愁轉多。〔小旦出轎生見驚介〕驚太錯。事如何。〔背介〕堪憐到手又成訛。〔小旦低唱〕衷情未敢高聲吐。只恐人聞起折磨。〔生〕都退下。〔衆暫下生小旦拜介生〕不期而晤。欣喜倍常。望斷後車。不無疑愕。〔小旦〕事多曲折。人尙迢遙。片語難傾。容妾徐啓。〔生〕願聞。

〔刮鼓令〕〔小旦〕天書驀爾過。歎娘行被網羅。〔生〕這等該到京。〔小旦〕嬌怯怯怕歸永巷。又何忍別親廬。督促莫支吾。善成能敗。賴有蕭何。〔生〕虧了那個。〔小旦〕是何老娘報了。又得何老娘教道。使小姐呵。華泉取飲。眩當途。我甘同丑父敢號呼。

〔前腔〕〔生〕堪悲恁坎坷。〔小旦〕相公。想你適纔還道是小姐哩。〔生〕我那知道。啓蕉封鹿。竟無。幸星河潛通織女。悵月殿隱嫦娥。好事慣多磨。只怕春深繡幙。嬌香難鎖。〔小旦〕小姐誓死不二。這到不消慮。〔生〕松枝同勁信無他。萱庭異趣卻如何。〔小旦〕

相公。早圖歸計。無用空悲。〔生〕言之有理。明當上表。今花燭已陳。衾幃已具。權且合卺。〔小旦〕小姐在彼。何敢言此。〔生〕卿過矣。我豈頓忘小姐。實不忍負此良宵耳。〔小旦〕如此請屏多儀。待妾侍寢。

便了。〔生〕不須謙遜。自有權宜。分付奏樂。待我們行禮。〔衆奏樂介小旦〕相公請上。〔生側立介〕就如此。〔同拜介〕

〔尾聲〕〔生〕百年娛樂從茲暮。〔小旦〕幽館深盟喜不誣。〔生〕又恐相逢着睡魔。

〔先請進房小旦應介衆持燈上引介〕

〔衆〕翡翠屏開繡幙紅。

萬條銀燭碧紗籠。

〔小旦〕寧期此地忽相遇。

〔生〕共識皇恩造化同。

〔衆引下生弔場介〕紫苔過來。〔丑上生低云〕元來名便是小姐的。來京的又不是小姐。〔丑駭介〕是那個。〔生〕是芳春姐。〔丑〕也罷。也罷。〔生〕你不曉得。小姐還在家。你明早就與我起程。前往杭州。多拜上奶奶。我不日就回。要與小姐成親。這裏的事體。教他們不可洩漏。〔丑〕有書麼。〔生〕你先去。我央常先生作伐。書就與他帶來了。〔丑〕噫。人苦不自足。得隴又望蜀。〔生〕傳語慎勿遺。盡言非尺牘。〔並下〕

第二十八齣 咸遂

〔月雲高〕〔旦上〕孤幃空待。秋懷轉無賴。香粉潛消褪。鬼病懨懨害。百計安排。怎把相思解。人在心兒裏。心遠雲山外。眉月連娟恨不開。鴻雁那從北地來。奴家名歸禁苑。跡隱深閨。雖若幽囚。實堪全節。但此清秋。不勝多病。祇一個知心侍兒。又已遠去。總有句着意言語。更向誰談。好悶人也。勉強梳洗。且到母親跟前。閒講片時。少排抑鬱。多少是好。〔老旦急上〕寧爲太平犬。莫作離亂人。兒不好了。紅巾數萬。卽日渡江。鄰里戶戶般移。家人個個走散了。可作急收拾。以避賊鋒。〔旦〕娘。旣無僮僕相隨。又無親戚可倚。向那裏去。〔老旦〕你不知道。桃官入家移住湖州。待我悄悄送你過門。豈不兩得。〔旦〕哎。死則死矣。怎又提起這話來。〔下老旦〕呀。怎麼旣然去了。青娥。請小姐轉來。〔淨內應介〕奶奶。小姐不肯來。

〔前腔〕〔老旦〕兒。你那知青春難再。容華易消改。你到桃家呵。地遠時倉卒。隱密奚慙。恁更疑猜。應是心兒歹。〔淨〕小姐不肯出門了。〔老旦〕謾說閨幃老。眼見干戈害。他這等執拗呵。紅粉須知逐戰埃。我骸骨憑誰覆草萊。〔丑上〕烽火連三月。家書抵萬金。自家紫苔的便是。俺老爺差我回來。叩見柳奶奶。一路有警。擔擱多時。今喜已到他家。不免徑入

則個〔進見介老旦〕紫苔。你那裏來。〔丑〕京中〔老旦〕相公中了。〔丑〕中了不打緊。朝廷卻把芳春姐賜配了。〔淨駭介〕有這等事。〔老旦〕你且仔細說來。〔丑〕老爺聞說小姐被選。忙請五百名同年伏闕陳情。朝廷憐准。宮女一到。便行查給。那晚成親。更賜幾多宮錦宮花。禁樂儀仗。如今芳春姐好不風騷。好不快活。〔淨頓足介〕知道如此。我便替了。〔老旦〕人有善念。天必從之也。〔丑〕還有稟上老爺。雖已成親。一念實在小姐。即欲告假還鄉。以圖舊約。因此先遣小人拜上。已請常先生爲媒。不日就到。書信附彼帶來也。〔老旦背介〕這又怎麼說。〔淨〕奶奶不要聽他。難道小姐到做小。〔老旦〕那有此話。〔淨〕先進門一日也是大。況是個欽給夫人。比耍笑。〔老旦〕不要多講。只說小姐已出嫁便了。〔淨〕正是正是。〔轉身介〕紫苔。小姐出門了。〔丑驚介〕出門了。〔淨應介丑背頓足恨介〕

〔紅衲襖〕〔丑〕我那老爺。你指望鎖春風在雀臺。那知個探花源僊境改。我一路來呵。還道是添和膠終不解。到如今怎做了鳳隨鴉玉自埋。雖然是風吹害比目開。竟不道海山盟息壤在。小姐你做了舊時梁燕他飛也。空教我遠折梅花度隴來。〔旦上〕呀。這是梅家紫苔。〔退步低唱介〕

〔前腔〕他怎似哭包胥掩淚來。莫不是病相如因愁害。〔出見介〕紫苔你爲何如此。

〔丑〕呀。問道小姐出門了。幾時回的。〔旦〕哈。我本是歲寒松堅不改。你休認出牆花恁浪猜。〔丑〕我道小姐一定還在家。〔老旦〕兒。梅家哥哥中了。〔旦〕且喜他躡青雲展巨才。〔老

旦〕朝廷卻把芳春賜他了。〔旦〕噯。又早已繫赤繩酬素愛。〔背介〕卻憐我圍鸞檻鳳如何也。罷罷罷。這是我寡宿孤辰命所該。〔丑〕奶奶。老爺專爲小姐婚事。特差我回來。〔老

旦〕又作區處也。〔內鳴鑼吶喊介丑〕呀。小人到忘了。賊聲甚是猖獗。如何還是高坐。〔老旦〕我也欲爲遠避。小姐道無親可奔。無僕可隨。執意不行。無可奈何。〔丑〕有處有處。我家蘇州自有大房。小人途路頗熟。待我護送奶奶與小姐到彼。徐待老爺回來。更自商議。意下何如。〔老旦〕兒。這卻怎麼。〔旦〕不得已也就如此。只一件。紫苔。你會娶妻不曾。〔丑〕未也。〔旦〕娘。我們是個寡女。他是個孤男。同行不雅。兒欲把青娥配他。等他夫婦隨我母子。卻不兩便。〔老旦〕言甚有理。〔旦〕紫苔。你與青娥過來拜了奶奶。就此成親。以便同行。〔丑應扯淨拜介〕

〔出隊亂鶯啼〕〔丑〕關雎已諧。螽斯堪待。〔同拜介〕好姻緣出偷來。鴻投魚網信。



奇哉。〔淨哭介〕怎把我與這尖嘴。〔丑〕風月還殺你受用哩。〔老旦〕只須要夫和妻愛。又何必論女貌郎才。拜了小姐。〔拜介淨〕逐雞飛。隨狗走。這百年業。三生債。只爲那干戈擾攘。頓使我琴瑟愆乖。〔內復鳴鑼吶喊介旦〕呼騰九垓。還怕有殺妻賣妾。食子炊骸。〔老旦〕青娥。你去收拾行裝。待紫苔去打個消息。便好起程。〔丑淨應下〕

〔尾聲〕〔老旦〕兒。你看烽烟蔽日。天光改。鼠竄狼奔。事可哀。〔旦〕又不識何日寧家禮上台。〔丑復上〕好了。好了。賊聞官兵將至。大肆焚掠。潛避湖州去了。〔老旦旦〕謝天地。〔丑〕奶奶。且就此安居。想老爺不日就回了。〔老旦〕你還該接上去回覆一聲。〔丑〕明早就去。但不知有何分付。〔老旦〕只說一言已定。六禮休遣便了。〔丑〕理會得。

〔老旦〕兵氣消爲日月光。

〔旦〕生涯萬事有蒼蒼。

〔丑〕蓬山此去無多路。

〔淨〕彫鵲填河已作梁。

### 第二十九齣 書錦

〔外末扮家人隨生小旦上生〕獨受主恩歸。當朝似者稀。〔小旦〕莫愁南路遠。駟牡正駢駢。〔生〕下

官端爲良緣未偶。請假南還。迤邐行來。且喜早已過江了。〔小旦〕相公。爲何過江來到。不見驛遞應付。〔生〕我歸杭心切。唯恐知識纏擾。到廣陵驛就繳牌了。〔小旦〕家裏也不住割了。〔生〕不住了。〔小旦〕相公。你真個鍾情也。

〔北新水令〕〔生〕你知我歸心。日夜憶錢塘。念孤幃恁般悒快。馬蹄清夜月。蓬戶五更霜。兼程奔上。兼程奔上。何日裏得同歡暢。

〔南步步嬌〕〔小旦〕嗚鑣擊楫多勞攘。故國雲埋障。回思去路長。影隻形單。自分終泉壤。何幸沐恩光。雙雙畫錦榮無限。

〔北折桂令〕〔生〕想着他花徑行藏。和那繡閣徘徊。畫舫徜徉。滿望個連理栽成。鴛鴦並好。鸞鳳翱翔。怎知道美恩情中成虛恍。好姻緣半道乖張。苦的是雞唱江關。人逐參商。恨的是千里空還。一面偏難。

〔南江兒水〕〔小旦〕吳越千佳麗。燕秦百豔妝。一時咸得親瞻傍。都來誰及娘。嬌樣天香國色真無上。謾說艱辛多狀。任您堪償。百歲恁同歡賞。〔內叫介〕行路

的仔細。紅巾賊連陷杭州湖州。將下姑蘇。休得前去。(生住介)淮上說甚麼。(末)說紅巾賊破了杭州二州。將到姑蘇。教不要前去。(生)杭州破了。(末)說破了。

〔北雁兒落帶得勝令〕(生)本待個風便歸程。到討得個雷轟碑字殘。快趨前去。

〔衆行介生〕我和他生願共衾裯。死願同草莽。管甚麼豺狼滿道傍。管甚麼烟塵暗井疆。不能殺竊符來臥內。怎望得飛騎出蒲關。潛藏怕柔心不奈軍聲壯。逃亡怕纖灣難當途路長。

〔南僥僥令〕(小旦)城郭多笳鼓。江湖斷客航。試問太平時還甚日。只怕故國無家歸去難。故國無家歸去難。(丑上)夜宿舟中飯。晨征馬上衣。前面的是我們老爺。(見介)

生)賊情如何。(丑)湖州被屠了。杭州幸無恙。(生)謝天地。(小旦)我家卻怎麼。(丑)賊將臨城。奶要到湖州躲避。幸小姐不肯去。比時小人適到。說了老爺求親。就把青娥配與小人。算計同到蘇州。不意官兵四集。賊下太湖。依舊安堵了。(小旦)可喜可喜。(丑)桃家在湖州都被屠了。(生)有這等事。路上曾見常先生麼。(丑)見來。此時想已到家了。(生)紫苔。你就與我回去。速備禮儀。我一到

就要成親了〔丑〕理會得〔下〕

〔北收江南〕〔生〕呀。賴得他報平安。解下愁腸。整頓些慇懃話。歷訴間關。相思擔放下。再休擔撇脫利名場。優游花月鄉。肯戀着厚爵高封。冷落他軟玉溫香。〔南園林好〕〔小旦〕去時節車輪太忙。同時節馬蹄何懶。縮地凌雲空想。頻計日轉心煩。頻計日轉心煩。

〔沽美酒帶太平令〕〔生〕我爲他悶填了山水腸。我爲他愁埋了烟霞想。薰茗琴書興總忘。喜如今初心已盡償。全名節不會把面目摧殘。老林泉又沒個五湖風浪。甘菽水絕勝他臨邛市觴。還笑那越重牆的心粗膽壯。贖屍骸的擔驚受枉。我呵年當貌當。雙擁着英皇。美風情一任千載評量。

〔南尾聲〕〔小旦〕改衣妝山居樣。管煎茶竹裏花間。永侍梁鴻事孟光。

〔生〕駸駸羽騎歷城地。

〔小旦〕景物蕭蕭滿路歧。

〔生〕賴有蛾眉能緩客。

〔小旦〕玉人應是數歸期。

第四十齣 合箋

〔荷葉鋪水面〕〔外上〕稱擯相。佐吉筵。吉筵詞賦幾多篇。口若河懸。〔丑上〕月下老。冰上僊。紅羅體纏。金花帽攢。華堂高會。誰敢居先。〔合〕疎失處。賴周旋。〔揖介

外〕禮都擺着。專候駕臨。〔丑〕有煩通報。〔外〕少待。

〔踏莎行〕〔老旦上〕分定生前。喜承天眷。畫堂此日春風展。彩雲飛處下雙鸞。沈檀霧。嬾笙歌按。〔外〕擯相叩頭。〔老旦〕起來。〔外〕大媒已到。〔老旦〕快請。〔外〕伏以錦衣香襯。皁羅袍。紅繡鞋。移步步嬌。傾盃式飲梅花酒。醉扶歸去月兒高。來賓寶山尊相擡身東道親。媽夫人相見。〔喝拜介丑〕深慚遺朽。謬任執柯。〔老旦〕諾重千金。盟聯二姓。〔外〕禮畢。請送禮單。〔丑送介〕虛篋上陳。甚惶將命。〔老旦〕多儀下錫。兼瀆台尊。當直的。快收禮擺宴。〔丑〕梅大人舟已到涯。如夫人卽入進謁。就此告辭。〔老旦〕如此不敢虛拘。尙容攀待。〔丑〕再不消。〔外〕小子隨往迎親。〔老旦〕正是。〔丑外下末上〕報報。二夫人到了。〔老旦〕請裏面相見。

〔哭相思〕〔衆隨小旦上〕溟海飄蓬無轉。羈魂喜獲生旋。〔淨隨旦上〕乍見翻疑夢。

幻何殊。缺月重圓。〔小旦拜介〕〔重疊金〕〔老旦〕你一身去國三千里。〔旦〕我日日空尋別時語。

〔小旦〕相對但悲酸。幽情欲話難。〔淨〕暫收雙眼淚。權宴娛心意。〔合〕今夕是何晨。鵲橋新駕成。

〔老旦〕青娥。良時將至。快與小姐更妝。我到外廂料理來。〔小旦〕奶奶請便。奴家自當伏侍。〔老旦下小旦〕青娥。取那紅篋兒過來。〔淨取小旦開介淨〕這是甚麼。

〔玉雁兒〕〔小旦〕翠翹珠串。〔淨〕這般。〔小旦〕碧琳冠鳳遠螭盤。〔淨〕好衣服。〔小旦〕杏

花衫染猩紅淺。〔淨〕那裏來的。〔小旦〕總是椒宮特眷。〔旦〕這都賜你的。我一朝專享寧

無報。〔小旦〕卻不折死奴。〔旦〕酬恩報德原非忝。〔淨〕良晨已到。怎將形跡相拘檢。〔強

妝介小旦〕到忘了。詞箋半幅。相公着我一見便送還小姐。〔旦〕他的也在這裏。〔合〕喜今宵人

物兩完。又何羨豐城神劍。

〔畫堂春〕〔衆鼓樂引生上〕玄都花事喜依然。劉郎此日言旋。三星炯炯映簷端。

樂奏迎僊。〔外〕伏以香羅帶繡菊花新。坐傍妝臺點絳脣。喜稱人心好事近。鵲橋仙降畫堂春。請新

人奶奶出廳行禮。〔再請介〕一枝花插滿庭芳。燭影搖紅畫錦堂。滴滴金杯雙勸酒。聲聲慢唱賀新

郎。新人奶奶擡舉緩步請。〔淨擁旦與生並立介外〕參拜天地。〔喝拜介〕岳母太夫人出廳相見。

〔老旦上外〕靠上尊坐。〔喝拜介〕二位新人交拜。〔拜介外〕請二夫人相見。〔小旦拜介外〕參拜已畢。請迎花燭。同赴盃筵。〔衆唱迎花燭介〕

〔畫眉序〕〔生〕銀燭暖香燃。合巹筵開共歡忭。愧塵凡下士。獲配僂媿。且休誇不世奇逢。還堪羨非常恩眷。〔合〕百年和洽如魚水。行看種玉藍田。

〔前腔〕〔旦〕卮酒謾交傳。重惜人前意難展。念幾番波浪。淚滿詞箋。想昔曾繫足聯盟。今得共齊眉舉案。〔合前〕

〔前腔〕〔小旦〕神契已三年。此夜相逢愛非淺。信姻緣輻輳。風月無邊。喜才郎衣錦榮歸。共淑女牽絲繾綣。〔合前〕

〔前腔〕〔老旦〕佳婿受人憐。弱女工容世應罕。正天然合璧。宜享華妍。麝烟凝翡翠。衾溫龍鬚展。芙蓉褥軟。〔合前〕

〔滴溜子〕〔衆〕郎榮顯。郎榮顯。玉殿曾傳。娘華麗。娘華麗。瑤臺應選。真一雙兩。

美相兼。松蘿永附纏。天從人願。今宵歡宴。絕勝登僊。

〔鮑老催〕〔衆〕情孚義感。天長地久常爲伴。海枯石爛心難變。雙飛蝶。交頸鴛。同栖燕。幾般怎比風流半。軟溫鄉裏春風遍。儘消受歡無限。

〔雙聲子〕〔衆〕瓊漿灑。瓊漿灑。滿酌重相勸。花燈暗。花燈暗。餘燼頻教翦。星河轉。星河轉。更籌換。更籌換。獨夜迢迢。良宵遽短。

〔尾聲〕〔合〕風情節義難兼擅。女戒分明在此編。寄語梨園仔細傳。

〔老旦〕鳴鳳樓中天上人。

〔生旦〕綵箋芳翰兩情深。

〔衆〕千淘萬洗雖辛苦。


吹盡狂沙始見金。



錦箋記終

蕉

怕



目錄

- |      |    |
|------|----|
| 第一齣  | 開場 |
| 第二齣  | 尋春 |
| 第三齣  | 下湖 |
| 第四齣  | 幻形 |
| 第五齣  | 詢醫 |
| 第六齣  | 贈帕 |
| 第七齣  | 解謎 |
| 第八齣  | 探真 |
| 第九齣  | 鬧釵 |
| 第十齣  | 倩媒 |
| 第十一齣 | 議婚 |

第十二齣 行賂

第十三齣 竊珠

第十四齣 付珠

第十五齣 備聘

第十六齣 覷婚

第十七齣 鬧婚

第十八齣 赴任

第十九齣 超悟

第二十齣 脫化

第二十一齣 鬧題

第二十二齣 防險

第二十三齣 叩仙

第二十四齣 造逆

第二十五齣 演法

第二十六齣 鬧闌

第二十七齣 打圍

第二十八齣 報捷

第二十九齣 陷差

第三十齣 分別

第三十一齣 巡警

第三十二齣 祈雪

第三十三齣 擣巢

第三十四齣 相逢

第三十五齣 提因

蕉帕記 目錄

第三十六齣 揭果

四一開明書店

# 蕉帕記

明單 本箸

## 第一齣 開場

〔滿庭芳〕〔末上〕淨洗鉛華。單填本色。從來曲有他腸。作詩容易。此道久荒唐。屈指當今海內。論詞手幾個周郎。笑他行。非傷綺語。便落腐儒鄉。不才嗟落魄。胸中無字。一味疎狂。但酒間花畔。長聽商量。也學邯鄲脚步。胡謔弄幾曲登場。知音客。休言鮑老。不會舞郎當。〔問答照常〕

假弱妹芭蕉葉變成羅帕。

真小姐茶蘼架鬧起金釵。

俊龍生討便宜助登雲路。

老洞賓顯神通引上仙階。

## 第二齣 尋春

〔戀芳春〕〔生儒服上〕學富三餘。才雄七步。休誇繡虎雕龍。那值時危國破。怎發付梗跡萍蹤。〔嘆介〕回首塵埋丘壠。更玉冷蒹葭如夢。驚春仲。浪暖雷門。笑



看一躍雲從。〔鷓鴣天〕風木蕭蕭無限情。少年書劍苦飄零。楚廷空抱連城泣。蜀道誰憐伏櫪鳴。嗟未遇。恨無成。且藏頭角困滄溟。他時若遂凌雲志。不許終軍獨請纓。小生龍驤。字化之。東吳人也。先君授河北參軍。母親姚氏。封桐鄉縣君。小生不幸父母早喪。喜得父僚胡招討撫養到今。正是此離孤影。孟浪微蹤。玉樹琳琅。謾道清時物采。金莖沆瀣。從誇經世文章。方今國運式微。胡塵雲擾。意欲上書闕下。少展才猷。奈值乘輿播遷。未可造次。噯。又道天付我才終有用。人生際遇幾時來。向與胡公子作伴讀書。只是此人頑劣多端。薰蕕少合。胡公有女。名曰弱妹。天姿俊雅。性質聰明。貌堪閉月羞花。巧擅描鸞刺鳳。小生欲締秦晉之盟。奈無冰月之便。故此逡巡。未遂所願。這也不在話下。近隨胡公扈駕來到臨安。向有故知白君家居在此。訂約今日同去尋春。連日被胡兄攪擾。頗不耐煩。不免瞞着他前去則個。龍興那裏。〔丑上〕客至鸚歌鬧。門開燕子忙。正呼添硯水。又喚整衣裳。相公有甚分付。〔生換衣巾介〕今日我去探白相公。若是胡公子來問。對門上人說。只說到天竺燒香去了。〔丑〕相公難道不曉得胡公子的心性。莫說是天竺。你在天上。他也要來尋着你哩。〔生〕你莫管。只是這等分付便了。鎖了書房。隨後便來。〔丑向內分付介〕果然好一座臨安城也。

〔懶畫眉〕〔生〕鳳城佳氣鬱蔥龍。風景依稀罨畫中。白兄呵。家臨流水小橋東。又  
早到湖邊也。聽幾派笙歌送。渺渺湖山嫋嫋風。小生倒在此閒行。不知胡小姐此時做些  
什麼來。

〔前腔〕想玉人此際在房櫳。閒紵金針併女紅。殘絨嚼唾碧窗紅。奈沒個蕭郎  
共。怕繡到雙鴛指節慵。

萬頃湖波一鏡中。

南高峯對北高峯。

三春楊柳枝枝綠。

二月桃花朵朵紅。

### 第二齣 下湖

〔淨衣巾上〕小子名喚胡連。作事從來倒顛。面上有些墨氣。肚裏白得周全。肋梢從幼空缺。黑心估  
了半邊。讀書牽鬼上劍。飲酒車水灌田。作文只是七股。吟詩偏愛八言。不記詩云子曰。略曉擲色猜  
拳。好笑生時運塞。妻宮尙欠團圓。父親官拜招討。轅門現握兵權。一個風流公子。空房夜夜孤眠。剋  
得軍糧幾貫。只好准作嫖錢。昨夜吳山頂上。宿了張家阿蓮。誰想今朝失曉。起來紅日中天。不見書

房同伴兩脚找得皮穿。〔笑介〕自家是都招討胡爺公子。早晨表子家回來。不見了伴讀龍化之。他一定騙了我。到西湖耍子去了。卻也有個緣故。我一向有些慳吝。只要喫別人的東道。自己不肯打破半個銅錢。所以他不肯攜帶着我。我小胡是個乖人。難道真被他騙了不成。只從這湧金門好歹追他上去。正是從君走到焰摩天。脚下騰雲須趕上。〔下〕

〔鶻橋仙〕〔小生衣巾上〕良辰難遇。勝遊多暇。愛殺西湖幅畫。朝來約友看桃花。且艤棹綠楊之下。小生白元鈞。錢塘人氏。向與龍化之爲八拜之交。時下春色暄妍。湖上遊人正盛。久欲邀他散心片時。昨有個字來訂約。今日過訪。已曾備下酒船相待。此時還不見到。且教湖船泊在柳洲亭下伺候。

〔前腔頭〕〔生丑上〕平波放艇。大堤馳馬。日日酣歌休咤。〔見介小生〕小弟聞龍兄下顧。備一小船。欲同到湖上一游。在此相候久了。〔生〕怎麼好擾白兄。既有盛情。敢不敬領。〔小生〕胡兄怎麼不同來走走。〔生〕此兄嫖興甚高。今日還不曾回家哩。〔小生〕這樣等他不得了。龍興叫船過來。我們開了去罷。〔丑應叫船外扮船家上〕年年活計春三月。日日生涯水一湖。請相公下船。

〔做下船介〕

〔前腔尾〕〔淨急走上〕船頭畫鼓緩些三盪。難道我小胡干罷。〔叫介〕白兄慢開船。小弟來遲。有罪了。〔小生〕龍興。快請胡大爺下船。〔丑〕大爺早來些便好。剛抽了跳子。〔淨〕我是嫖空的。身子輕。只把手來接着。待我跳上來罷。〔跳上船介〕請了。舟中不作揖罷。龍兄。你怎麼撇了小弟。自家來了。〔生〕恐怕胡兄回遲。故此先來。不想白兄卻備下酒船在此。〔淨對小生拱手介〕多謝了。且住。今日勝遊。怎麼沒個紅裙侑酒。早知道。待小弟帶了敵表來便好。〔丑〕大爺嫖的是吳山上的歪貨。倒不來也罷。〔淨〕這狗才。我胡大爺一向在上八街。銀錠巷。七寶巷。沙皮巷。專嫖有名的姐姐。怎麼說個吳山上。〔丑〕只見前日在梓樹下。獨扇門裏。做鸞鷲一般。伸着頸子。看得四下沒人。一鑽就進去。〔淨作愧介〕哇。胡說。快開船。快開船。〔小生〕逕開到湖心亭去。〔外〕曉得。〔開船介〕

〔羽調排歌〕〔生〕金碧山巒。丹青水涯。西湖自古繁華。一橈新水漲蒹葭。望裏銀塘處處槎。〔合〕屏光麗。鏡色佳。桃源何必訪仙家。胭脂吐。翡翠芽。怪來移得錦江花。〔丑〕到湖心亭了。請列位相公上去。〔上介生小生〕好一座華麗亭子。〔丑〕這是內裏公公

新蓋造的〔淨〕噴。只虧了這個知趣的公公。〔中淨末扮乞兒一弄蛇一弄猴子作教化上各弄介〕

〔北寄生草〕〔中淨末〕笑富貴空中電。算功名鏡裏花。一宵露水蘇臺嫁。一番黑漆凌烟畫。一場春夢烏江霸。看腰金衣紫是何人。〔中淨〕只好籠中諛得蛇兒怕。

〔末〕只好筵前諛得猴兒怕。〔叫介〕爺賞酒。〔生小生〕倒是警世的話兒。功名富貴。真是一場春夢。〔淨〕然也。然也。賞他酒去。〔丑應賞酒中淨末下介淨〕二兄。我每把船放到堤上去。走走倒好。〔生小生〕是如此。〔做到堤介小生〕龍興。攜着酒盒。另叫驕馬。到第六橋邊伺候。〔丑應介做上

堤介淨〕龍興。把盒兒放在堤上。我每席地而坐。飲三杯助助脚力好走。〔丑〕有驕馬。〔放盒介〕

〔排歌〕〔淨〕宛轉堤頭葳蕤柳。青青漸可藏鴉。〔作杭音介〕二兄。你看堤高處阿媽每好。不標致。那一個不帶假角兒的更妙也。誰家遊女鬢鬚。兩點丁香未破瓜。〔起叫

介〕你是舍子人家的大姑娘也。〔合〕迴嬌盼。囑小娃。紅樓西去是奴家。通名誤。

問姓差。一時羞澀臉邊花。〔中淨扮撮弄老旦扮打羅女人持馬鈴刀彈弓鎗上中淨〕列位相

公在上。看小的做一會把戲討賞。〔淨〕妙妙。你有什麼本事。〔中淨帶做介〕

〔北寄生草〕〔中淨〕賣解單身控〔生〕會走馬的了〔中淨〕千鈞隻手拿〔小生〕是有手力的了〔中淨〕吞刀任把青鋒插〔淨〕妙。怕人〔中淨〕拋丸儘着流星打〔淨〕看腦袋。〔中淨〕飛鎗直向雲端下〔淨〕罷了。壞了眼。〔中淨〕有時百尺上竿頭。撒身慣使飛鷹怕。〔淨〕掉下來跌折了腰。妙妙。好手段。〔中淨〕再耍一會。〔生〕罷了。〔小生〕龍興。賞他一錢銀子去。〔丑賞介中淨老旦〕謝相公賞。〔下小生〕我每騎了馬。從淨慈寺轉到昭慶寺。走一遭來。〔丑做帶馬衆做走馬到介小生〕這昭慶又壯麗似那淨慈。〔生淨〕果然。

〔排歌〕〔小生〕畫棟干雲。雕簷截霞。招提此處堪誇。何年金縷賜袈裟。瀟灑香臺畫不譁。〔合〕松棲鶴。壁繡蝸。紅塵不到梵王家。圍朱檻。簇絳紗。一庭寶樹落天花。〔貼旦扮貨郎持傘掛汗巾香袋扇并春書春藥托盤上〕列位相公買春藥春畫。〔生〕胡兄替他買些。可爲濟嫖之具。〔淨〕妙妙。你有什麼藥。

〔北寄生草〕〔貼旦〕新做興陽帶。〔淨〕好發興。〔貼旦〕纔乾藥煮蝦。〔淨〕是堅大之物。〔貼旦〕蘇州春畫風流殺。〔衆看介生〕這是唐伯虎的筆。〔小生〕這是仇十洲的。〔淨〕這是周

東村的筆妙。〔貼旦〕景東人事春無價。〔丑偷看介〕呵呀怕死人。〔淨〕狗才看什麼。沒有你分哩。〔貼旦〕嶺南蛤蚧梢兒大。〔淨〕蛤蚧尋了兩年。再沒有真的。〔貼旦〕相公。這是真的。

〔淨〕曉得。我長時犯遞拜帖的病。還有甚麼久戰的藥麼。〔貼旦〕更有蟾酥一味抹龜頭。

通宵弄得婆娘怕。〔淨〕這個卻一發妙。龍興。你可帶得銀子來。替我都買了去。〔丑〕大爺要藥去。

嫖。怎麼問龍興討銀子。〔淨〕狗才。你見胡大爺會帶了銀包。走不會。〔貼旦〕這樣明日買罷。〔下淨〕

掃興。〔丑〕轎子在這裏伺候了。相公一發到龍井。這樣轉。那裏有絕好的茶。絕薄的麵餅。〔生小生〕

就去。〔行介〕

〔排歌〕〔丑〕人是高陽。山如永嘉。前面是龍井了。溪流尚有胡麻。一泓青玉瑩無

瑕。你看石池內好大魚。水面朱鱗近可叉。〔合〕伊蒲供雀舌茶。可人風味屬僧家。紅

蓮院。綠柳衙。三生難覓竹林花。〔淨〕怎麼叫做紅蓮院。綠柳衙。〔丑〕這是前面竹林寺月明

和尚度柳翠的故事。道猶未了。那調柳翠的來也。〔中淨扮月明和尚貼旦扮柳翠外打鑼上調介〕

〔北寄生草〕〔外〕善惡分明報。皇天定不差。月明和尚慈悲法。紅蓮妓女纏綿

嫁柳衙小姐。臙腫話想造冤作孽。只翻身。重重公案。閻羅怕。〔淨〕這柳翠倒好個模樣兒。〔生〕胡兄又動火了。〔小生〕也賞他一錢銀子去。〔丑〕賞介外。〔淨〕謝相公賞。〔中淨〕打問訊貼旦拜謝介下生。天色已晚。打從這錢塘門進城回去罷。〔淨〕今日之遊。可謂極樂。只是少個妓者。明日待小弟作東。攜了幾個賤表。再來走走何如。〔生〕小生多謝。〔丑〕大爺又審變了。

〔尾聲〕〔合〕看斜陽西山下。一春差不負紅牙。明日重尋蘇小家。

此日逢人作勝遊。

得風流處且風流。

煖風薰得遊人醉。

直把杭州作汴州。

### 第四齣 幻形

〔北點絳脣〕〔小旦〕素袍上。歲月如流。蘇臺非舊。羞回首。粉糝胭愁。眼底興亡又。  
〔混江龍〕精靈不朽。趁着這丹厓翠壁久埋頭。與山猿作伴。將野鹿爲儔。翦雪披霜號九尾。餐霞吸露歷千秋。連宵拜斗魄猶沈。經年鍊氣丹難就。待借些採戰。  
向何處搜求。越榭吳宮已作塵。館娃深處憶前身。眼前只有江山在。不換江山換主人。妾身生



前西施是也。只因傾覆吳國。天曹罰做白牝狐。向居洞府。號作霜華大聖。修真煉形。已經三千餘歲。但屬陰類。終缺真陽。必得交媾男精。那時九九丹成。方登正果。向來徧覓多人。皆係凡胎俗骨。無可下手。昨見東吳龍驤。羨他玉貌冰姿。兼有仙風道骨。尙無妻室。一向飄零。現寓胡招討宅中。日後數該與他小姐有夫妻之分。我今化作小姐。略施小術。漏他幾點元陽。脫此軀殼。然後指點前程。先自撮合姻眷。了完這段因果。待我變化本質。改換衣妝着。〔暫下中淨扮矮土地上〕世人笑我矮婆娑。好似侏儒與駱駝。誰識胸中荆棘在。自來矮子極心多。小神飛來洞土地是也。生來元是雕青長漢。做個本境土地。被這些臨安人沒分曉。把我供養在地上。〔作杭語介〕他說土地阿公。你且在地裏坐坐也。這許多神位佛像。都壓在我頭上。把我壓得駝又駝。矮又矮。做了個養老疾病。上帝見我形容古怪。作事老成。陞做都土地。掌這一方香火。今日洞中霜華大聖化身訪道。在此送他起程。言之未盡。大聖來也。〔小旦換色衣上〕腹內嬰兒已長成。只愁出路不分明。從來厭見生人氣。今日番尋鬧處行。〔中淨跪介〕啟大聖。本洞土地候送。〔小旦〕生受了。〔中淨〕不敢。〔小旦〕不久就回。不必遠送。〔中淨〕領法旨。大聖修真去。矮神歸洞中。〔下小旦〕此去神通變化。倒也不難。只是羞人答答。仍

舊要做這般勾當。事既到此。說不得了。只索前去則個。

〔錦纏道〕沒來由。挈丹爐。遶桃花岸頭。含笑又含羞。好生生織女倒惹牽牛。見時節溜秋波。先將他一勾。不怕他不思量旖旎溫柔。沒人處把幾句好話兒與他一個想頭。再拋個打心球。倘龍生熟于採戰。反輸一帖怎了。〔尋思搖頭介〕緊掙把真陰不漏。待元陽遍體周。纔得個神珠入彀。〔指內笑介〕龍郎龍郎。你不要做了個好看中喫的。怕伊家告消乏。替伊愁。來到胡招討花園內也。〔看內笑介〕倒也來得湊巧。正遇他家賞花。弱妹必定到此。再學他些聲音體態。好去勾引龍生。你看這太湖石畔。聊可藏形。正是片石孤峯窺色相。無如此地學長生。〔下〕

〔西地錦〕〔外品服上〕金印誰言如斗。勤王不爲封侯。〔老旦夫人上〕眼前兒女嬌還幼。鏡中白髮添愁。

〔前腔〕〔正旦弱妹中淨隨上〕妝罷脂香在手。行來羞蹴雙鉤。〔淨上〕賞花須在開時候。直教爛醉方休。〔見介淨〕爹爹奶奶拜揖。〔旦〕爹爹媽媽萬福。〔外老〕孩兒女孩兒到來。

〔中淨〕小英叩頭。〔外老〕起來。〔外〕二帝穹廬外。孤臣日月邊。〔老〕異鄉風景別。故國夢魂牽。〔旦〕遲暮椿萱景。芳菲兒女年。〔淨〕不須頻嘆息。萬事總由天。〔外〕下官胡章。襄陽人氏。夫人諸氏。孩兒胡連。小女弱妹。至親四口。下官叨舉孝廉。累陞都招討使。爭奈二帝蒙塵。國家多難。故此扈駕來都。又經數載。孩兒性稟頑劣。方當弱冠。弱妹天生貞靜。亦已及笄。俱未婚嫁。長自縈心。有個同僚亡友龍君之子龍驤。他父母殉國。骨肉無依。留在衙中。與孩兒伴讀。喜他學業已成。功名可待。夫人這幾日孩兒做些什麼勾當。〔淨〕正是。孩兒見爹爹眉頭不展。面帶憂容。特備個酒筵。請爹爹同母親到小花園內賞一賞海棠。消遣悶懷。爹爹領了。在下的薄意如何。〔外〕孩兒。太上皇帝淵聖皇帝都在沙漠中受苦。我和你那有這樣心腸。賞花飲酒。〔老〕相公。孩兒向來頑劣。今日這個意思。倒不要孤負了他。〔旦〕爹爹高年憂國。正恐不禁。便消遣片時。愛身倒就是愛國。請依着哥哥。走一遭來。〔外〕夫人。女孩兒說話倒也中聽。〔老〕正是呢。〔淨〕難道偏我不中聽。爹爹只要殺那達子。何難寫個本與皇帝老官。把孩兒做個掛印總兵。那時輪刀動斧。殺他片甲不回。把兩個陳年皇帝奪將轉來。明年賞海棠時節。一發請來坐坐。有何難哉。〔外老〕怎麼了。一口胡柴。〔淨〕孩兒胡連。不叫胡柴。〔外〕

既有酒看。怎麼不請龍生。〔老〕今日是家宴。女孩兒在此。不當穩便。明日待孩兒請他來看海棠。這還纔是。〔外〕夫人言之有理。〔淨〕如今請爹爹到花園中飲酒行令。擲色猜拳。請請請。〔衆行介外〕一年好景莫教過。〔老〕百歲人生能幾何。〔旦〕今日花前頻勸飲。〔淨〕一家安樂值錢多。〔做到介外〕夫人。這花果然開得齊整。將酒過來。〔淨旦送酒介〕

〔畫眉序〕〔外〕小苑勝瀛洲。一種天然儼如繡。似胭脂帶雪。爭晃雙眸。喜着他幾簇繁英。羞對我一雙白首。〔合〕宴開正值春風暖。何須舞袖歌喉。

〔前腔〕〔老〕老去鬢生秋。恰遇花朝喜還又。看奇葩逞盡。一段嬌柔。露凝如斜嵌珍珠。雨過似亂拋紅豆。〔合前〕

〔前腔〕〔旦〕針線百忙收。來侍高堂遣清晝。奈芳心一點。不在園頭。只自解刺鳳挑鸞。決不學拈花穿柳。〔合前〕

〔前腔〕〔淨〕年少好嬉遊。玩賞名花酌春酒。羨婷婷嫋嫋。別樣風流。酒酣來笑別銀燈。花睡去醉扶紅袖。〔合前淨〕添換卓盒。擺在茶蘼架下。請去再飲幾杯。〔外〕明日是隆

祐太后聖誕。五鼓入朝拜賀。不宜久坐。收拾去罷。〔老〕元來如此。小英快收拾去。〔中淨應收下小旦暗上窺旦介〕

〔歸朝犯〕〔合〕收拾去。收拾去。寶釵玉甌。喜骨肉暫時聚首。催釵上。催釵上。雕鞍紫騮。這回少不得向楓宸趨候。想人生不必輕眉皺。眼前聚散能知否。可惜春光推出畫樓。

錦樹逢春一片紅。

且憑卮酒祝東風。

年年歲歲花相似。

歲歲年年人不同。〔下〕

〔小旦弔場介〕你看小姐果然生得齊齊整整。嫋嫋婷婷。莫說龍生想着他。我見了他也動火起來。〔尾雙聲〕可人種種天生就。怪不得偷香韓壽。阿呀。斷送我慾火燒腮說也羞。龍

郎。龍郎。恁你推敲我也決不丟。我如今顯個神通。把老夫人弄個顛倒病兒。龍生必進問安。那時乘機撩個想頭。看他怎生布擺。正是計就月中擒玉兔。謀成日裏捉金烏。〔下〕

第五齣 詢醫

〔字字雙〕〔淨上〕萱親一旦犯時災。尷尬丫鬟喚醒倒穿鞋。要快夢中表子霎分開。興敗烏龜就好上門來。討債剛纔睡去。夢見與表子喫醋熬酸。好不有趣。被這些丫頭叫我起來。他說夫人賞花回來。一時頭疼發熱。爹爹又不在家。妹子教我請個太醫下藥。不免叫龍興同去。龍興。龍興。

〔前腔〕〔丑上〕昨宵串戲上高臺。無賽搽脂抹粉恁恢諧。不憊嘴邊鬍子長出來。改外。這翻有紙沒人揩。白帶。〔淨〕狗才。你又不是婦人。怎麼有白帶。〔丑〕卻又來。你又不是個婦人。你半夜三更。打門敲戶。尋我貴幹。〔淨〕你隨我去請個太醫來。〔丑〕我的痔瘡又好了。要那太醫何用。〔淨〕吓。奶奶暴疾。故此去請太醫。〔丑〕咳。奶奶暴疾。是相思病發動了。請個內科先生方好哩。〔淨〕陡。胡說。我家奶奶呵。

〔大迓鼓〕年衰身似柴。忽然病染其實難捱。一時那討二年艾。劬勞未報苦哀哀。扁鵲倉公尋他不來。

〔前腔〕〔丑〕休歎呆打孩。夫人病勢不必傷懷。龍興管你無妨害。杭城醫士滿

街擡白臉三分包他就來。龍興認得前日醫皇帝奶奶的陳醫官。他倒正是內科。請了他罷。

〔淨〕就請他來。候老爺出朝。一會子商量下藥便了。〔丑〕曉得。

一病感慈親。

尋醫受苦辛。

藥醫不死病。

佛度有緣人。

### 第六齣 贈帕

〔小旦上〕瑣窗春盡新蕉長。繡榻人閒綵線長。我略施小術。胡夫人已患病在牀。小姐日夜侍奉湯藥。龍生必進問安。我就化作小姐。把窗前芭蕉葉兒變成羅帕。〔摘葉吹氣介〕題一首詩。〔題詩介〕

做個鉤兒將機就計。卻不是好。看我這般打扮起來。那裏是真是假。

〔桂枝香〕風裳輕嫋。雲冠低小。〔拂鬢介〕這些髻鬢金珠。盡是沿階花草。假千金女身。假千金女身。做個娉婷翹俏。待等那人來到。這桃夭。不用雙紅帕。全憑片綠蕉。言之未盡。龍生來也。且閉了門。候他則個。〔候介〕

〔前腔〕〔生上〕書窗迎曉。爐烟還裊。剛纔胡兄來叫小廝去請太醫。恰好紙帳春濃。驚

破巫山夢遶。夫人昨晚賞花。怎麼就病起來。想昨宵暮歸。想昨宵暮歸。風寒侵擾。怕藥石難效。咳。那太醫怎麼曉得病根苗。若要災星退。須將快婿招。來到此間。過了中堂。那壁廂正是弱妹小姐的臥房。我如今故意做錯走路頭。權將進去。看道怎麼。呀。門兒閉上在此。我且拚個臉紅。憑他搶白一場。扣他幾下。〔扣門介〕開門。開門。〔小旦〕是那個。〔生〕是我。〔小旦開門見介〕呀。我只道哥哥請醫回來。元來是龍兄。爲何到此。〔生〕小生聞知夫人有恙。特來問安。不想誤扣了小姐的門兒。望乞恕罪。〔揖介小旦〕母親臥房。你豈不知。自古道男女授受不親。你此來非出無心。我就去母親跟前說個明白。看你怎生發付。〔生〕小姐不要發惱。小生天涯孤客。骨肉無依。幸蒙伯父母相留。今日偶因錯走。便涉嫌疑。小姐必欲聞之堂上。使小生置身何地。望乞海涵。饒過這一次。〔揖介小旦〕一定要說。〔生〕咳。既然如此。小生就此告別去了。〔小旦〕你往那裏去。〔生〕心既不。身難久住。天長地闊。何所不容。只是於伯父母處不能一別。於心缺然。〔小旦〕呀。龍兄。你元來是個真誠君子。你倒無心。我卻有意。你在我家五六年來。人非木石。焉得無情。今日母親在病。爹爹又不在家。我有幾句話兒。一發對你說了。〔生〕小姐有話。請快說些。



〔丫叉豆葉〕〔小旦〕萬種幽情。萬種幽情。千般夢想。恨不得話個通宵。緣慳分薄。那烏鵲怎便肯填橋。〔生〕多感小姐這般用心。小生無恩可報。〔小旦〕你既不棄小妹。何不

央個媒人向爹爹跟前求我爲婚。那時天天憐念。百歲和諧。豈不是好。〔生〕久有此心。敢不從命。

〔小旦〕

你若射雀屏手段果高。坦東牀規模恰好。穩穩的紅絲繫足。怕不堅

牢。〔生揖天介〕老天好教這遭。花燭夜樓你在腿兒上坐了。把臉兒襯着。熱親親慢

下推敲。〔內喝道介小旦〕呀。是我爹爹回了。你妹子有羅帕一方。你可收着。帕上有詩一首。你慢慢

去看。你妹子別了。桃花乍見劉郎面。楓葉焉知韓氏心。〔下生〕我若出去。倒惹他疑。不如站在西邊

廊下。自有道理回他。〔立邊介〕

〔入賺〕〔外淨丑小生扮醫官上〕策馬連鑣。一片心旌驀地搖。〔外〕家庭到。叫小廝。〔丑

應介外〕前來替我解金貂。〔丑替外脫衣介外〕小廝。〔丑應介外〕整佳餚。我兒。〔淨應

介外〕忙開東館延師好。龍興你一壁廂快取金錢待我問六爻。〔小生〕老先生須知

道。晚生呵。諸般病症吾皆妙。敢來輕造。敢來輕造。〔外〕請足下少坐。學生就來奉迎。〔小

生別介丑引下外淨進見生介外。呀。龍生爲何站在此處。〔生〕小姪聞知老姆貴恙。進來問安。在此等候。〔外〕多累了。〔生〕不敢。〔外〕敢煩賢姪到東廳陪陳醫官少坐。卽來相請。〔生〕領命。〔下外〕孩兒。你同妹子小英扶母親出後堂來。〔淨應進介同旦中淨扶老旦上〕

〔憶秦娥〕〔老〕災星照。陡然一病真難料。真難料。眼如蠅撲。耳同蟬噪。〔衆〕還須忍耐休焦躁。多管花園落夜風寒暴。〔外淨〕風寒暴。只隔今朝昨晚。瘦減容顏多少。〔衆扶老旦坐介外〕夫人。太醫請到了。替你診脈下藥。〔老〕生受相公。〔淨〕爹爹。你要放正經。

醫人不是好惹的。〔指老介〕此位是什麼人。〔外〕蠢才。是你母親。卻怎麼說。〔淨〕可知道既是在下的母親。卻是你的尊正。終不然教那醫人捏手捏脚。摸上摸下。成什麼規矩。〔外旦〕依你怎麼樣說。〔淨〕母親的病。又不是胎前產後。吐血中風。不過是花園裏受些風寒。待孩兒對那醫人說。是這等這等那等那等。下兩帖柴胡半夏的藥。怕他不好。〔外〕這到有理。〔淨〕如何。〔外〕可將禮儀一封。先送陳醫官。就將病體委曲與他一說。要他留藥二劑。說我改日面謝。〔淨〕曉得。〔下外〕夫人。你身上卻怎麼樣。

〔黃鶯兒〕〔老〕一病苦煎熬。火炎炎鑠上焦。〔外旦〕敢是那裏疼麼。〔老〕不禁痛在頭和腦。〔外〕夜來怎麼。〔老〕或時水澆。或時火燒。乍寒乍熱。心驚跳。〔外旦中淨合〕要和調。神安氣養。寒熱自然消。

〔前腔〕〔生上〕邂逅得鮫綃。急匆匆未展瞧。且來問個平安耗。〔淨持藥急上〕不是通經散。定是潤腸丸。小英快通報。說龍相公來問安。教小姐迴避。〔生見旦丟眼。介〕且不理。介。逕下。生背云。小姐恐怕哥哥看破。做個冷臉子去了。〔淨〕爹爹奶奶。龍兄在此問安。〔外老〕有累了。有累了。〔生〕不敢。〔淨〕藥在此了。上面寫着一個草頭。三個一字。兩個田字。是什麼東西。〔外〕咳。怎麼了。難道薑字也不認得。那太醫說是什麼病。〔淨〕說風寒併交。又食痰裹包。〔外〕他用什麼樣藥。〔淨〕將木香豆蔻開胸竅。〔生〕那太醫藥也下得好。〔外〕便是。叫小英把藥拿去。教小姐親自煎好。就扶奶奶進去服藥。〔中淨持藥扶老介〕願今宵。刀圭入口。寒熱霎時消。〔扶老先下外〕賢姪。今日多有勞了。〔生〕小姪呵。

〔貓兒墜〕通家世講。不比泛常交。休戚相關情不少。問安應得敢辭勞。〔合〕心

焦。願伯姆康寧福壽彌高。〔淨〕爹爹母親有病。孩兒又不耐煩割股。又不耐煩借壽。有個小意

思在這里。不知爹爹肯麼。〔外〕什麼意思。〔淨〕替母親冲一冲喜何如。〔外〕什麼冲喜。〔淨〕與孩兒娶個媳婦。〔外〕胡說。〔淨〕這本奏不准。還有小意思。許本戲願如何。〔外〕這還使得。

〔前腔〕〔淨〕新來戲子。定下在明朝。爹爹孩兒把戲文都揀下了。〔外〕怎麼呢。〔淨〕不做蘇秦做白袍。〔外〕搖頭介。不然換了洛陽橋。〔外〕又搖頭介。這等班超。找老將黃忠對舞關刀。

〔尾聲〕〔外生〕你娘親有病傷懷抱。尙兀自花言囉唆。〔淨〕我是戲舞班衣信口嘲。

這病體誰能取效。

揀戲文討個聖箋。

烏鴉共喜鵲同行。

吉凶事全然未料。

### 第七齣 解謎

〔番卜算〕〔生上〕數載苦嗟呀。一旦談心話。諄諄耳畔意交加。盡在香羅帕。着意

栽花花不活。等閒插柳柳成陰。小生爲弱妹小姐。整整想了數年。今早把幾句話兒動他。元來他也鍾情於我。就與我羅帕一個。他說有詩一首。倥傯之際。不及展看。且把門兒閉上。待我看他則個。

〔出帕看介〕呀。好一個嬌滴滴綠羅帕兒。果有詩句在上。〔念詩介〕花散清香月滿輪。園林妝點一時新。晚霞倒映深閨裏。會看簾櫳處處春。這怎麼解。又不是閨怨。又不是情詩。一定有個意思在裏頭。一時想不出來。好悶人也。

〔九轉迴腸〕〔解三醒〕這詩謎教人驚訝。向何處尋討根芽。只道分明說出姻緣話。怎說到天上月和晚來霞。適纔與他說話之時。好不親熱。他唇脂一縷香來遠。我詩句三思意轉差。呸。〔丟帕介〕來丟下。噯。〔拾帕介〕難丟下。〔三學士〕敢是將咱來戲耍。您做作教我難揣難拿。〔又念詩介〕呸。是了。是了。他把四個字兒放在句上。約我花園晚會。我

那小姐。別人才學藏在肚裏。你的才學放在頭上。你從頭暗伏三二更。我到底明爲一木瓜。我今日被你弄得好不耐煩。到手之時。先要罵你幾句。〔急三鎗〕待臂窩裏枕頭上。耳根畔罵你個作怪活冤家。我想花園正在小姐臥房之後。不能容易進去。怎生是好。且打發龍興出門。

到那裏又作計較。龍與那裏。〔丑上〕剛纔醫士去。又是相公呼。有甚分付。〔生〕你去請白相公明日早來一會。〔丑〕今日晚了。明日去罷。〔生〕你就在他家歇了。好要他早來。〔丑〕這些讀書人。最要背後尋事。我在那裏歇了。倒是主上門買賣了。〔生〕哇。快走。〔丑下生〕小廝去了。只是天色尚早。好生急殺人也。

〔二犯江兒水〕魂飛向楚峯巫峽。盼黃昏。數暮鴉。見日沈樓角。月上窗紗。喜孜孜赴陽臺。趁落花。小姐倒約定了。只是這些丫頭怎麼擺脫得他。玉樹倚蒹葭。怕打鴛鴦驚睡鴨。小姐。小姐。你是閨苑奇葩。月窟嬌娃。我俏心腸把你來愛煞。我龍驤從不曾幹這樁買賣慣了。慮着樓時手麻。做時心怕。吓龍驤。龍驤。〔指自介〕你若見了他。須闔闔揀不得這搭和那搭。

詩謎暗相邀。

佳期在此宵。

若無漁父引。

怎得見波濤。

## 第八齣 探真

〔中淨小英上〕剛把馬子去倒。就把香卓來排。非我不知香臭。只因命裏應該。小姐因夫人有病。今晚要到花園裏燒香保祐。教我先把香卓兒擺下。你看這牡丹亭。芍藥欄。茶蘼架。木香棚。太湖石。金魚池。好不齊整。我小英原是個船幫中的女兒。被那短命的拐來賣做個丫頭。記得小時會唱吳歌。從到胡家。怕生疏了。園中沒人。不免見景生情。信口謔一個兒如何。列位。唱得不像。你們不要笑。

〔吳歌〕我里今夜小阿姐好像鶯鶯出燒香。身邊有我里介一個小紅娘。若再有介會跳牆個張生來孝相。大家里崑腔崑板做介一隻北西廂。香卓兒擺下了。不免去請小姐出來。正是待等月明金篆。定教風送玉人來。〔下〕

〔步步嬌〕〔小旦上〕夢蝶尋花魂消瘦。縹緲天台岫。胡麻出渡頭。賺個劉郎。此處尋偶。今宵雲雨兩悠悠。那劉郎難解仙姬殼。仙娥冉冉下天台。引得劉郎入洞來。花影上牆。

人未到。徘徊踏損一階苔。早間羅帕題詩。投與那生。料他猜着啞謎。巴不到晚。爭奈今夜真正小姐。又來此處燒香。必須弄個通天手段。使他真假難辯。說話中間。龍生已在牆外。不免將花園門開了。等他進來。〔做開門立邊候介〕

〔前腔〕〔生上〕解得藏頭詩一首。端的無差謬。待我隔牆一望。可有些影響兒麼。見燈光閃畫樓。試問親親。果就來否。我那小姐。你此來呵。似織女會牽牛。我牛郎先到天河口。呀。怎麼花園門兒早已開在此間。我那小姐。好不知趣哩。待我一徑進去。看道怎麼。〔見介小旦〕呀。龍兄。你爲何夤夜到此。〔生〕你詩中把花園晚會四字打頭。這般啞謎。難道猜你不着。〔小旦〕帕上之詩。實出無心。〔生〕這般說話。是真是假。〔小旦〕癡人。世間事有真的。就有假的了。〔生〕你你說將起來。你是假的。〔小旦〕假的倒強似真的。〔生〕混話。〔小旦〕你既然到此。且閃在芭蕉樹下。待我燒香保祐母親過了。我還進去安頓了丫頭。再來與你講話。〔生〕你進去定用真個出來。〔小旦〕真的去了。假的定來。〔生〕又是混話。〔小旦〕你過去罷。有件要緊事分付你。停會小英隨我出來。你若一些兒響動。不是耍處。〔生〕這個曉得。不須分付。〔小旦〕是了。一時做出真和假。假假真真辯不真。〔下內咳嗽介生〕呀。小英持了燈。果然引着小姐來也。且閃在一邊。看他怎生保祐。〔暗弔介〕

〔前腔〕〔中淨持燈引旦上〕不幸娘親遭掣肘。瞥染風寒驟。呻吟不自休。水米慵沾。那辯昏晝。無可解奴憂。焚香只拜星和斗。重重花月映樓臺。金屋朱扉鎖不開。卻爲高堂生



疾病夜深私出繡房來。妾身因母親有病。無可爲計。來此焚香祈禱。小英點起香來。〔中淨〕小姐。香便有了。待取火來。〔旦〕蠢丫頭。這燈不是火麼。〔中淨笑介〕正是。早知燈是火。飯熟已多時。〔點香介小旦暗上介〕小姐在此拈香。待我取了他的金鳳釵。別有個道理。〔暗弔介旦跪拈香介〕天地神明。奴家弱妹。因母親有病。願減自己陽壽。增我母親遐齡一紀。

〔山桃紅〕向花陰深處再拜祈求。爲母氏罹災咎。醫藥不投。慘可。可心兒陡。〔悲介〕阿也。我那娘也。撲簌簌淚兒流。只得出深閨。爇名香。乞取神天祐也。教我一捻裙釵難措手。願減奴身壽。增他白頭。稽首虛空無限愁。〔叩頭介小旦拔釵暗閃下中淨〕小姐。你看殘燈黯淡。寒露淒清。夜已深了。請進去罷。〔旦〕正是。怕夫人醒來。知道不便。一點孝心。天自鑒。兩行珠淚母難知。〔同中淨下生丟眼介旦中淨逕下生〕呀。小姐爲那丫頭在身邊。一逕去了。倘或不得出來。怎麼了。〔望介〕遠遠望見小姐獨自轉來了。真個是天仙降臨也。〔小旦上〕夜懸明鏡青天上。人約黃昏綠樹邊。〔見介〕呀。龍生。夜半三更。怎麼還在這裏。〔生〕正經話兒不會講得一句。怎麼說這樣懈話。〔小旦〕今晚遲了。明日講罷。〔生〕小姐。你再想一想。〔小旦〕沒有什麼想

得〔生〕早間的事兒〔小旦〕沒有什麼事兒。

〔下山虎〕〔生〕你詩題羅帕。我參透原由。巴不到黃昏後打落日頭。看你這般做作起來。說晚會花園。都是些三胡謔亂謔。到這地位。也由不得你了。只是攙着你走。〔生攙介小旦立住介小旦〕你攙我到那裏去。〔生〕到西邊空房子裏去。〔小旦〕去做些什麼。〔生〕我的娘。也要把往日相思今日勾。〔小旦〕阿也。我不去。〔生扯小旦袖介〕決不放衫兒袖。〔小旦〕羞人答答。怎麼要幹這樣事。〔生〕做夫妻怕甚麼羞。〔小旦〕龍郎。從便從了。只是六禮未成。千金易擲。他日使有白頭之嘆。把我置身何地。〔生扯袖跪天介〕老天。我龍驤若不得弱妹爲妻。以死爲期。決不另娶。〔小旦〕聽熱語。難消受。罷罷。落他的軟兜。〔扶生起介〕龍郎。你肯疼着我麼。〔生〕我那小姐。敢不疼你。〔小旦〕咦。你真個疼我。〔向生耳邊噴噴二字不可唱出以舌抵牙噴之〕我是朶噴噴鮮花。你須慢慢揉。〔生抱小旦頸介〕小姐何勞分付。漢家自有制度。〔抱下〕

〔蠻牌令〕〔中淨持燈上〕春夢正悠悠。夜露恰颼颼。〔內打四更介〕城頭交四鼓。喚我

下重樓。小姐剛纔燒香。掉了鳳釵。不要說是鳳釵。便是鳳毛也尋不出來。一對鳳釵失偶。獨自個隨路追求。沿階覓。遍地搜。把燈兒提着。走盡園頭。(下)

〔一江風〕(小旦上)乍綢繆。大寶剛歸手。遍體如珠走。打泥丸一粒深藏。萬丈毫光透。憑將造化偷。憑將造化偷。真鉛還自留。霎時喜得神丹就。虧我千方百計。漏得一點真元。龍郎。龍郎。我的事藉你成了。只是你的事還須仗我。時下完你姻眷。隨後了你功名。教那小姐將錯就錯。我也做個知恩報恩。他如今倦了。齁齁睡着。不免叫他醒來。打發他回到書房去罷。(向內叫介)龍郎。龍郎。(生披衣上介)

〔前腔〕滯雙眸。似醉非關酒。(伸腰介)好倦。好倦。強把精神抖。小姐。你爲何先起來了。

〔小旦〕見夜將闌。送你到書房。好去高堂候。(生摟小旦坐膝上介)天色尙早。再睡睡去。

〔小旦〕教伊去便休。(生)教伊坐便休。(生伸手摸小旦懷介)小旦推開介。你綿纏越

逗遛。龍郎。我要你兩件東西。不知肯麼。(生)若是有。儘拿去。(小旦)不要你別的來。(近生耳邊介)

要你口兒放穩。還要情兒厚。(生)這個自然。這個自然。(小旦)龍郎。我且問你。如今你道我

還是真的是假的。〔生〕如今是真的。不消說了。〔小旦〕癡人。只怕還是假的。〔生〕只要如此。便是假的也罷了。〔小旦〕我且送你到書房裏去罷。〔生〕打從那裏去。〔小旦〕從家裏出去。〔生〕有人撞見的怎麼了。〔小旦〕他們睡着。一些不妨。〔生〕我的路生。扯着你走。〔小旦〕自然引你。〔內鑼介生驚介〕有人來了。〔小旦〕啐。不是人。〔生〕是什麼東西。

〔前腔〕〔小旦〕這是月欵樓。影動池邊柳。〔生〕噯。把我喫這一驚。我只道人兒走。〔小旦〕這所是在我家臥房了。須輕走些。過窗前。〔生小旦輕走低唱介〕則索悄步潛行。〔小旦故意咳嗽介生驚掩小旦口介〕我的娘。這一搭你到偏咳嗽。〔小旦點候介〕我咽喉可自由。咽喉可自由。〔生〕娘。那怕做出事來。我替你憂着。〔小旦〕何須替我憂。〔生指內介〕這隔牆有耳防洩漏。〔小旦〕到你書房了。你還好再睡一覺。將養片時。〔生開門進介〕待我送你纔是。〔小旦扯門扣介〕罷。

〔本腔雙煞尾〕我還替你把門兒卸。〔生在門縫介〕小姐。小姐。快轉來。有一樁天大的事忘了。〔小旦在門縫聽介〕是那一樁事。〔生〕今晚那裏會你。〔小旦〕啐。〔對門縫介〕我這番夜夜到

你書房宿〔生〕妙妙。多謝厚情。你進去須用小心。〔小旦〕不妨事。你睡罷。有人來了。〔生驚下小旦出〕  
〔出〕出釵介〕方纔取得小姐這股釵兒在此。就放在龍生的書房門首。待等胡運早起拾了。教他做個  
弄假成真。如今且把夫人病兒放着鬆些。待他起來。成就親事。豈不是好。

採得花心一點紅。

莫將真假問東風。

結成鸞鳳青絲網。

碾就鴛鴦碧玉籠。

### 第九齣 鬧釵

〔金谷園〕〔淨上〕娘親病一朝頓輕。兒女輩滿門歡慶。今日把喜筵來整。侵早起。叫龍興。還戲願。謝神靈。那地上是件首飾。〔拾釵介〕呀。這股釵兒是我妹子時常戴在頭上。  
怎麼掉在龍生書房門首。咳。妹子妹子。你有些古而怪之。蹺而蹶之了。

〔忒忒令〕這這釵兒狐疑頓生。我那賢妹。你平常做人端正。緣何今日這般行徑。想  
是你動春心。弄機關。捉空便。趁母親得病。我如今弄個巧。把釵兒將紙包好。放在袖裏。

〔紙包釵袖介〕先對母親說了。待妹妹到來。當面開看。使他無言可對。〔向內叫介〕母親快來。

〔沈醉海棠〕〔老上〕梳頭對青銅自驚。〔摸面介〕元來這等瘦了。〔淨〕奶奶快來。〔見介老〕爲何事連呼不定。呀。你大驚小怪。爲那一件。〔淨〕一件希罕的事。〔欲說不說介老〕什麼希罕的事。說來就是。〔淨〕待要說。口難撐。〔老〕是了。想你做出歹勾當來了。〔淨〕你令郎倒托庇。〔老〕這等是那個了。〔淨〕是令愛有些須封贈。〔老〕呸。又胡說了。他有什麼封贈我。〔淨〕說將來不堪人聽。〔老〕哇。你謔言挺。又來平地興波。捕風捉影。〔淨〕奶奶。你且不要惱。可知道妹子的釵兒麼。〔老〕哦。他的釵兒。昨晚燒香回來。說掉在花園裏了。〔淨〕可尋得着麼。〔老〕小英去尋了一會。還沒有尋着哩。〔淨〕學生倒尋着了。〔老〕既是你拾得。還了妹子就是。何須這等饒道。〔淨〕孩兒不是花園裏拾的。〔老〕是那裏拾的。〔淨〕是龍生書房門首拾的。〔老〕咄。畜生又來胡說了。

〔並蒂嘉慶子〕你做人脫天兼弄井。畜生。〔淨〕好罵也。〔老〕把親妹妹也來凌併。〔淨〕你是個坐家不正。〔老〕呀。我有什麼不正。〔淨〕你睡覺欠慳慳。你護短欠瓏玲。〔老〕畜生。口嘴放得好些。〔淨〕我守口倒如瓶。你防意不如城。〔老〕我且問你。你的釵兒

呢。〔淨〕拿賊要賊。拿姦要姦。你只叫妹子來時。待我當面拿將出來。且看他有何話說。〔老〕這也難道。待我先叫小英出來。只問這個丫頭。討個釵兒下落。〔淨〕通妙有理。先打他三十殺威棒。怕他不招。〔老〕叫小英。〔淨惱叫介〕

〔重重五供養〕〔中淨上〕恨奴薄命。阿嚨。〔揉脚介〕昨夜尋釵。兩脚酸疼。夫人纔病起。〔淨惱叫介中淨〕呀。公子發雷霆。〔小英叩頭介〕不知夫人叫小英。那廂使用。〔淨〕叫你去尋

釵。〔中淨〕釵兒去尋了。不見。〔淨〕你到那裏去尋。〔中淨〕到後花園去尋來。〔淨〕你怎麼不到龍相公書房門首去尋。〔中淨〕大爺說得差了。小姐在花園中燒香。掉了釵兒。怎麼到龍相公書房門首去尋。〔老淨〕這小賤人。你花唇休逞。小姐呵。去花園是誰引領。〔中淨〕是小英同去的。〔老淨〕可知那金釵何處掉。好好說真情。〔中淨〕小姐釵兒委實掉在花園裏。若說在龍相公書房前呵。拾得何人。要他折證。〔老淨〕你的真贓。〔老點淨介淨點自介〕是他拿定。

〔中淨〕小英不會嫖。又不會做賊。有什麼真贓。〔淨〕阿也。分明說我。〔惱介〕請請請。〔中淨〕請什麼子。〔淨〕請你一頓拳頭打教脫柄。〔淨拳打脚踢介中淨喊介老〕着實打這小賤人。〔淨〕好

好把昨晚的事兒從頭說來。饒個打死。

〔兩條江兒水〕〔中淨〕只爲夫人病。〔淨〕還說病。有了病纔幹得這樣事。〔中淨〕燒香隨

小姐行。〔淨〕那個人兒先在花園裏等着你們。〔中淨〕呀。何曾見個人兒影。〔淨〕我且問你。要

緊的是什麼時候了。〔中淨〕鼓打譙樓二更靜。〔淨〕好。一發停當。你們回來可有人知道麼。

〔中淨〕回來剛遇夫人醒。〔淨〕賊出關門遲了。怎麼就曉得釵兒掉了。〔中淨〕燈下收妝

窺鏡。不見釵兒。我去尋遍柳堤花徑。〔老淨〕你還要嘮叨嘴。縱亂墜天花。教我

怎生來聽。不招只是打。〔老打淨〕又打介。〔中淨〕阿喲。阿喲。〔喊介〕淨也阿喲。阿喲學喊介。

〔玉胞肚〕〔旦上〕中堂人競。下樓來問他怎生。〔淨〕呀。妹子來得好。你的釵兒呢。〔旦〕呀。

驟然間問我釵兒。好教我。有口難應。〔淨對老介〕如何。〔隨向旦介〕從今不必假惺

惺。〔彈指介〕你賠了夫人。又折兵。〔小旦暗上介〕他們一家爲着釵兒事發了。我再弄個神通。

耍他一番。〔閃傍看介〕老哭介。我那兒也。〔旦〕母親。爲着何事。孩兒一些不曉得。

〔玉嬌枝〕〔老〕你難推乾淨。都是這小賤人調引出來的。〔淨〕你看他妖精勢。怎麼不像個紅



娘〔老哭介〕罪坏頭多因小英〔淨〕這樣女兒還要哭他。醜乖乖把你做夫人鄭〔旦〕呀。擦生生活話不分明。〔老〕胡連把那一件與他看。〔淨捏紙包介淨〕你到花園貴幹。〔旦〕燒香。〔淨〕你燒香有些沒正經。〔旦〕這是什麼東西。〔淨〕這東西就是你眞贓證。〔旦〕解開來看。〔淨〕解將開怕你做人不成。〔小旦暗將別包換淨包介小旦閃介淨〕若是解將開眞個做人不成。〔淨〕呀。好古怪。一股金釵。怎麼變了一包薔薇花了。〔老中淨旦共哂介淨呆介〕

〔川撥棹〕〔老中淨旦〕眞昏鄧。弄虛頭無影形。平白地作怪成精。平白地作怪成精。也教人喚他是兄。做將來是白丁。看將來是畜生。〔淨〕忒沒興。一股釵兒怎變了薔薇數莖。〔中淨〕阿呸。屁燒灰影薰乾。眞是風將秤秤。〔淨〕我不合做了這椿沒興頭的買賣。母親妹子罵我。是應該的了。你這丫頭怎麼也來罵我。〔打中淨閃老後老攔介〕是我教他罵的。該罵。〔淨〕罷了。罷了。妹子釵兒畢竟有個下落。我們同到花園中尋得出來。儘你再罵一場如何。〔衆〕使得。大家同去。〔淨〕待我先走。〔老扯住介〕不許你先走。〔淨〕走走走。〔齊走介〕

〔尾雙聲〕〔淨〕難道神偷鬼攝在須臾頃。〔旦中淨念介〕花園中土地公公也禱告你

花園靈聖。〔小旦急閃上放釵椅上或插高處介急閃下老中淨〕啐。那茶蘼架上抓住的不是那股釵兒麼。〔中淨急取釵介淨做呆伸舌立介衆扯住淨介〕阿吓。阿吓。阿吓。你白日青天夢不醒。〔中淨〕小姐若是尋不出來呵。便是大海東洋也洗不清。

畜生枉自讀詩書。

可道胸中一字無。

混濁不分鱧共鯉。

水清方見兩般魚。

〔淨弔介〕活笑殺。活笑殺。明明一股金釵。霎時變了薔薇花。受他們一肚皮啞氣。咳。是了。一向見人說金子慣要變精。金子是黃的。薔薇也是黃的。一定是他變了來耍我。我把這些花片拿去煎他娘。定要煎些金汁出來。由他作怪成精。怎躲紅爐白炭。〔下〕

### 第十齣 倩媒

〔縷縷金〕〔小生同丑躡上〕鶯弄舌。燕啣泥。枝頭青杏小。草萋萋。滿目湖山好。遊人似蟻。那桃花堤上解春衣。大家典一醉。大家典一醉。

〔前腔〕〔丑〕蒙差遣。到湖西。昨日天將暮。不能歸。只得他家宿。無門逃避。怪今

朝走路覺蹣蹣。料應又發痔。料應又發痔。〔到介丑〕白相公請坐。待龍興去報相公出來。

〔小生坐介〕你去請相公。〔丑向鬼門介〕呀。怎麼把門釘在此間。待我叫一聲相公。〔生在內應介〕龍興回來了麼。〔丑〕古怪。怎麼又在裏頭。白相公請到了。〔捉釘推門介〕

〔步蟾宮〕〔生上〕摘花喜得丁香蕊。夢魂尤殢巫峯裏。睡中兀自惱鳴雞。又早

庭前犬吠。白相公在那裏。〔丑〕在客廳上。呀。相公身上怎麼怪香的。〔生〕不許多講。看茶。〔丑應介

相見介小生〕且住。幾日不見。怎麼這光彩奪目。異香襲人。奇哉奇哉。〔生〕敢是取笑小弟。〔小生〕豈敢。

〔太師引〕果然奇。瞥見姿容美。似蓮花脫瓣在兩頰。賣弄絲一腔風韻。包藏着滿腹珠璣。氤氳異香兼透體。〔背唱介〕敢通了一點靈犀。張京兆向誰行畫眉。去那里偷香竊玉堪疑。

〔前腔〕〔生〕聞言暗觸心懷喜。使鰕生如呆似癡。今日請老丈到來。不爲別事。〔小生〕求見教。〔生〕爭奈我兼葭寂寞。欲求個玉樹相偎。〔小生〕此事小弟時常在心。但不知誰家

女子可以相匹。〔生〕攬椅近指內低唱介。王孫只在臨邛里。〔小生〕是了。是了。這老先生又是令先尊的同寮。他的令愛又是通家兄妹。婚媾甚宜。必然見允。〔生〕此事全在老丈。喜平生忝附相知。〔起揖介〕今日裏執柯全仗伊。小弟只怕此事不諧。〔小生〕怎麼不諧。〔生〕怕炎涼世態。不就寒微。〔小生〕這個老先生是個古君子。必然允從。今日倒是個好日子。只不會備得帖兒和大衣服。〔生〕小弟俱已備下了。〔丑〕咦。好着人。〔取帖衣小生穿介小生〕龍興。你進去。看胡爺可在家麼。〔丑〕恰好夫人起病。今日家宴哩。〔小生〕倒也遇巧。龍興。你送帖子進去。說白相公特來奉拜。〔丑持帖應下生〕老丈進去。小弟去看個朋友。回來領教。〔小生〕少不得討個喜信。回覆龍兄。

但願通家結契姻。

全憑老丈致殷勤。

再三不用親囑付。

想來都是個中人。

### 第十一齣 議婚

〔風入松〕〔外便服上〕蕭蕭白髮映華裾。笑功名兩字成虛。年來兒女須婚娶。也

沒個相當門戶。知甚日榮歸故閭。噯。只落得自嗟吁。〔丑隨上展帖介〕外邊白相公來

拜老爺。〔外看帖介〕晚生白元鈞頓首拜。這就是你們相公相知的麼。〔丑〕是同會文的。〔外〕是什

麼衣服來。〔丑〕是大衣服。〔外〕取冠帶來。〔丑取穿介外〕快請。〔丑〕白相公請。〔小生上見拜介外〕

足下儒林梁棟。學海珠璣。小兒輩久荷薰陶。使老夫不勝感戴。〔小生〕老先生朝野具瞻。斯文宗匠。

偶緣附驥。遂爾登龍。雖先輩不棄寒微。使後生不勝欣幸。〔遜坐介外〕看茶。〔丑〕有茶。〔淨暗上榜

聽介丑送茶介外小生執茶鍾在手介外〕足下今日光顧。必有所教。〔小生〕晚生不爲別事。特來

替令愛作伐。〔外〕是什麼人家。〔小生〕就是老先生通家子龍生。〔外笑介〕哦。

〔芙蓉燈〕〔小生〕閨中女貌都門下。郎才富。恕鱖生斗膽。越分吹噓。那龍生呵。仰

求今日爲鴛侶。圖報當年撫鳳雛。〔合〕思伊父。原同仕途。推管鮑把朱陳再續。

〔前腔〕〔外〕羈留未展舒。慚愧來垂顧。這姻嬾算將。可附葭李。還教料理冰間

語。須要端詳月下書。〔小生〕事在不疑。何須多慮。〔外合〕別無慮。〔指內介〕奈寒荆愛渠。

兒女事非專在吾。〔淨暗下小生外起身方放茶鍾介外〕足下暫且請回。待老夫與寒荆商議停

當容遣小兒走覆。〔小生〕還求老先生玉成此事。晚生暫且告退。

門戶相當事可諧。

堪誇女貌與郎才。

百年夫婦生前定。

一段姻緣天上來。

〔外弔介〕叫小英請夫人大爺出來。〔內應介〕來了。

〔風入松〕〔老上〕深閨有女掌中珠。使人日夜躊躇。桃夭信息還擔誤。〔淨上〕莽

劉郎來尋仙侶。只怕那天台路迂。笑緣木怎求魚。〔老〕相公萬福。〔外〕夫人少禮。〔淨〕

爹爹奶奶拜揖。〔外老〕孩兒到來。〔老〕適纔何人到此。

〔別銀燈〕〔外〕是冰人前來執斧。請夫人大家商取。〔淨〕這是替孩兒做媒的了。〔外〕

不是他替你妹子作伐。〔老〕他替那一家。〔外笑介〕你道是那一家。〔淨〕想是王家。〔外搖頭介〕不

是。〔淨〕這等是李家。〔外又搖頭介〕也不見。〔老〕還是那一家。〔外〕是龍郎央彼來傳語。

〔老〕怎麼回他去了。〔外〕我適纔言詞吞吐。〔老〕相公主意還是許他麼。〔外〕思歟。這姻

緣可乎。但無家又無舅姑。

〔前腔〕〔老〕想龍郎昂昂氣宇。一時間青雲路阻。終須有日熬頭步。何妨結絲蘿喬木。〔外〕夫人意思是許的了麼。〔老〕非迂。這奇貨可居。求女婿還須讀書。〔小旦閃上聽介外〕孩兒。你的主意卻怎麼。

〔前腔〕〔淨〕這喬才將人欺侮。癩蝦蟆想天鵝落肚。論姻親不貴還須富。〔背唱〕難道薔薇花。再好變金釵一股。區區來捋虎鬚。過聘時偏要他夜明寶珠。〔外〕你看又胡說了。夜光之珠。世間那討。他是故家兒女。傳家之物。一定也有幾件。倘若沒有。也就罷了。若是有時。也是兩家體面。孩兒去對媒人白先生說便了。〔淨〕依孩兒的主意。要他祖母珠。貓兒眼。金剛鑽。夜明珠。挑幾挑來纔許他哩。〔外老〕不要胡說。

兩家情願是姻親。

何用金銀共寶珍。

要識滿朝朱紫貴。

須知定是讀書人。

〔小旦弔場〕胡連這廝要龍生寶貝過聘。只可奈何得龍生。奈何得我來麼。時下金兀朮暗藏明珠。求援秦府。不免到那裏儘着取來。付與龍生便了。

〔尾聲〕我是拿珍捉寶雌番賈。不用海南合浦。只到秦府中呵。弄顆明珠驚小胡。列位。你道古人那兩句說話道得好。這叫做不施萬丈深潭計。怎得驪龍領下珠。〔下〕

## 第十二齣 行路

〔醉扶歸〕〔末扮商人上〕靜悄悄獨自行來遠。戰兢兢兩脚軟如綿。誰知天意屬羸羶。我王慶呵。只得就裏生機變。忘生捨死好心堅。秦太師。秦太師。央求你急急收兵轉。自家王慶的便是。產在中朝。身歸外國。蒙兀朮四太子收充部將。視若腹心。今被岳少保將太子十萬餘衆圍困朱仙鎮上。水洩不通。危在旦夕。忙忙寫下一書。封閉蠟丸。教我赴水潛出重圍。送與秦太師。求他做主。班師解圍。俺太子舊與夫人有些話頭。另有一丸。教我瞞着太師。送與夫人。路上恐有細作。扮做商人。來到臨安。早是丞相府前。門上有人應。〔中淨小生扮把門人上〕相府深如海。閒人何事來。〔末〕我不是閒人。邊上報機密事的。〔衆〕既是報機密事的。干繫重大。替你通報。須要小心。〔末〕曉得。〔衆報介〕

〔似娘兒〕〔淨上〕隻手可擎天。作威福。喝地爲泉。令行山嶽。驚雷電。刀藏笑裏。



計生眉上巧弄君前。三唱天雞入未央。片言驚動小康王。華夷自古無分別。何必拘拘臣宋邦。自家秦檜是也。官居極品。寵冠羣僚。賣國欺君。笑罵從他笑罵。瞞天嚇鬼。姦雄到底姦雄。舊在金邦。與兀朮四太子曾有生死之誓。巨耐岳飛這廝倔強不服。久欲除此心腹之患。以報太子。恨無機會可乘。且待邊報到來。又作區處。〔衆〕啓爺。邊上有人伺候。〔淨〕着他進來。汝等迴避。〔衆應引進下末〕王慶叩頭。〔淨驚起答禮介〕王慶。你是大金使臣。太子心腹。怎麼行這個禮。〔末〕不敢。〔淨〕我且問你。你此來必有什麼緊急事情。〔末〕四太子被岳少保圍困朱仙鎮上。危在旦夕。有書拜上。求丞相爺憐念舊情。早賜搭救。〔淨〕書在那裏。〔末〕在蠟丸內。〔淨〕取上來。〔末送開看介淨〕元來一縉紙條。上寫着兀朮命在旦夕。恩相早早救援。嚶。又道將在外君命有所不受。教我怎生搭救。〔末〕丞相若不行救。太子決無生理。聞夫人甚有識見。何不請出來求他一計。〔淨〕這也說得是。叫彩雲請夫人到後堂來。〔內應介〕

〔紫蘇丸〕〔丑夫人老彩雲隨上〕一品夫人真貴顯。坐東窗追思前件。夜來打點枕邊言。更舌長如翦。相公萬福。〔淨〕夫人少禮。〔老〕彩雲叩頭。〔淨〕起來。〔末〕王慶叩頭。〔丑〕王慶。

你爲何到此〔末〕四太子被岳少保呵。

〔香柳娘〕〔末〕困朱仙鎮邊。困朱仙鎮邊。苟延殘喘。小將呵。偷生赴水通一線。〔拜

淨介〕望丞相可憐。望丞相可憐。你忘了舊香烟。怕神明目如電。〔拜丑介〕望夫

人讚言。望夫人讚言。那朱仙鎮上有十萬條性命。解得此圍呵。恩同一二天。陰功不淺。

〔前腔〕〔丑〕聽言詞慘然。聽言詞慘然。他遭逢偃蹇。教人怎不行方便。妾聞朝廷

新造金牌二十四面。專制邊上將官。何不假傳到彼。要他急急班師。把金牌假

傳。急去莫遲延。疾忙召回轉。〔淨搖頭介〕只怕不通。〔丑〕丞相。你須當保全。你須當保

全。擔當一肩。〔拜淨介〕看妾薄面。

〔前腔〕〔淨〕喜夫人意專。喜夫人意專。慮長思遠。王慶。你回去多多拜上太子。休疑我

富貴忘貧賤。〔末〕若得如此。感恩不淺。〔淨低唱〕且低聲莫喧。且低聲莫喧。岳飛。岳飛。〔重

唱〕教你一霎受迤邐。回朝禍難免。〔末〕如此。小將今晚就回。〔淨〕且住。待來朝整鞭。

待來朝整鞭。〔末〕只是小將歸心如箭。〔淨〕你不須掛牽。我把金牌速遣。

十萬生靈累卵危。

只求恩相解重圍。

當權若不行方便。

如入寶山空手回。

〔淨前下末暗打小跪點袖介丑點頭介老指末起介下末弔場〕太子密書。不好投得。已打個暗號。想夫人明白了。少不得有個下落。且到耳房中睡着候他。正是閉門不管窗前月。分付梅花自主張。

〔下〕

〔前腔〕〔小旦上〕爲周旋少年。爲周旋少年。怎辭勞倦。知他暗把明珠獻。我卻來有緣。我卻來有緣。〔做到介〕偷把繡簾掀。潛身入庭院。覷他家悄然。覷他家悄然。

〔內犬吠介〕閃藏一邊。還須防犬。〔閃下〕

第十二齣 竊珠

〔入破第一〕〔老彩雲持燭上〕恨奴家命兒低。枉了多伶俐。少什麼豪門富室聘

我做縣君大娘。一家家不遂。撞將來做個通房使婢。爭奈夫人多妬忌。收拾身邊。半步不離。長成許多年紀。那曾嘗着些兒滋味。今在夢中叫喚起。只道要添

茶送水。卻教我悄悄出香閨。離繡緯。到外壁。採取邊軍王慶的來歷。穿過迴廊近西。這搭廂房。可是他睡的。〔向內介〕王慶。王慶。〔內駒介〕聽鼻息似春雷。王慶。王慶。〔末上〕是那個。〔老〕是我小奶奶到這里。〔末〕我的娘。說得一身冷汗。〔老〕啐。我又不是個偷營劫寨的賊。〔末〕你真個是誰。〔老〕我是府中姨娘彩雲姐。難道不認得了。〔末〕是了。方纔見過。我又忘了。如此夜深。因何到此。

〔歇拍〕〔老〕夫人見了你喬妝手勢。差來問你這啞謎。藏頭尾。好蹺蹊。相府閨門。嗔。許你邊軍倒鬼。〔末出蠟丸介〕你那知太子蠟丸送爲土宜。

〔中衰〕〔老〕誰識就裏藏機密。你我休插嘴。瞞着相公。〔末遞丸老收介〕好收拾。休掉失。莫稽遲。送與夫人那管他是和非。夜靜更深。把閒言少提。〔小旦暗上介末〕我是辛苦人。要睡去。你自把蠟丸收好了。正是各掃自家門前雪。休管他家瓦上霜。〔下老弔介〕

〔尾聲〕〔老〕我來討得個真消息。〔小旦閃老背後吹氣滅燭介老驚介〕呀。怎麼倏忽的冷風吹背。〔跌倒介小旦〕彩雲姐。彩雲姐。我此來不要你別的東西。〔壁丸換介〕將你丸內明珠換

個園內梅。〔小旦急閃下老醒介〕阿也。怎麼一陣冷風吹滅了燈兒。一個頭旋。跌在地上。且喜蠟丸還在手中。不免叫起夫人。悄悄與他。夫人。夫人。〔丑上〕事不關心。關心者亂。彩雲來了。那人有甚說話。〔老〕四太子送夫人蠟丸一個。裏面不知是什麼東西。教不可使丞相爺知道。〔丑〕不要多說。將上來。〔送丸開介〕呀。元來是一個青梅。一縉紙條。有詩四句。合浦珠仍返。天涯人不歸。玉關孤月冷。灑淚透征衣。呵呀。這個獍狍狗好生無理。將這梅子放在丸內。做個啞謎。倘央個媒人來娶我。怎麼了。彩雲。〔老應介丑〕你說將這蠟丸放個圓眼在裏邊。與那人送還太子。今後不可再將私書往來。說金牌就遣行了。〔老〕曉得。夫人。那四太子蠟丸中的梅子。夫人猜他要央媒人來娶。這個着了。夫人回他個圓眼。是甚意思。〔丑〕蠢丫頭。這叫做望得眼圓了。你不省得。〔老笑介〕元來如此。妙妙。又學得個啞謎兒了。

蠟書一紙渡關津。

梅子無心想殺人。

〔老〕夫人。你回這個啞謎與那人呵。正是

流淚眼觀流淚眼。

斷腸人送斷腸人。

第十四齣 付珠

〔山坡羊〕〔生上〕冷清清星疎月皎。夜沈沈更長漏杳。眼巴巴盼心上那人。意懸懸情思多顛倒。展轉焦。〔內作鐵馬響介〕聽簷前鐵馬搖。乍疑環珮聲來悄。寂寂空庭何曾有阿嬌。蹊蹊多應撥了橋。虛囂。須知沒下梢。昨晚就宿湖邊。不得回來。噯。我倒做個失信人也。今晚小姐必定出來。把門兒半掩。和衣打睡。候他則個。〔靠卓睡介〕

〔五更轉〕〔小旦上〕這顆珠是傳家寶。不枉奔波走這遭。機關用盡用盡非同小。爲做美龍郎。弄許多圈套。呀。門開在此。〔進介〕門半開。〔彈燭介〕燈半昏。〔摸生背介〕和衣倒。龍郎。龍郎。〔喚生不醒介〕可憐影與影與形相弔。〔推生不醒又叫介〕啐。想爲我夢戀陽臺。又費我陽臺人廝叫。〔重推生醒介〕呀。小姐。你來了。

〔好姐姐〕〔生〕等着一時倦了。問姐姐幾時來到。我央媒說合。可曾有下落。〔小旦搖手介〕都推調。道你家世零丁無人靠。說這樣兒。郎要別處招。〔生〕聽小姐說將起來。這親事不成的了。卻怎麼好。〔小旦〕龍郎。你還不知道。爹媽俱已應承。只是我家哥哥要你

寶貝過聘哩。〔生〕我是個寒儒。那討寶貝與他。

〔園林好〕〔小旦〕明知你囊篋不饒。他故意把花言打敲。〔生〕那得個珍珠瑪瑙。忒勒措。忒妝喬。怎結果。怎開交。

〔川撥棹〕〔小旦〕思溫嶠。他鏡臺兒是白玉瑀。〔生〕我是個四壁相如。我是個四壁相如。〔打腹介〕儘家私胸中所學。〔出指妝寫介〕還有手兒中筆似刀。〔擺手介〕再搜尋沒半毫。〔小旦〕你且不要忙。聘禮我替你備下了。〔生〕是什麼東西。〔小旦〕取珠在手介〕呀。一出袖中。四壁燦然。真夜光之珠。小姐何以得此。〔小旦〕這是小時我家外婆與我的。〔生〕小姐。你一向藏在那裏。

〔僥僥令〕〔小旦〕自家藏好好。〔生〕可有人知道麼。〔小旦〕別的不曾瞧。你我姻緣來得巧。權當個綵球兒着你拋。〔丟珠生袖接介〕承小姐這般用心。小生何以爲謝。〔小旦〕你

把什麼東西謝我。〔生指身介〕將肉身相謝罷了。〔小旦〕你的身子。元是我的。怎麼叫做相謝。〔生

扯小旦推介〕

〔尾雙聲〕〔丑急上〕朦朧聽得聲喧鬧。想東人夢中驚覺。爲何門開在此。相公。相公。

〔小旦急滅燈閃下生持珠照介〕咳。狗才。你舉火前來把祆廟燒。〔做出門介〕咳。喫了一驚。咳。喫了一驚了。你黑魃魃忙行倘閃一交。〔做進門介丑〕相公着了手。〔生〕什麼着手了。〔丑〕相公手中是塊火。〔生〕不是火。是顆明珠。明日你送與白相公。作聘小姐的禮物。〔丑〕相公借龍興瞧一瞧。〔生遞丑接隨口妝鑼鼓跳舞介生〕沒規矩的狗才。什麼模樣。〔丑〕你也來。大家跳一跳。你是龍生。我是龍興。可不是二龍戲珠。〔生〕哇。少打。明日將珠送去。多多拜上白相公。〔丑〕曉得。

明珠一顆得來奇。

來早央求下聘儀。

正是得他心肯日。

果然是你運通時。

### 第十五齣 備聘

〔生查子〕〔小生上〕佳兆托紅鴛。好信憑黃犬。月老寸心懸。也要乘其便。姻緣姻

緣。事非偶然。謀事在人。成事在天。龍兄親事。胡老先生與夫人皆已允從。只是胡兄勒捐聘禮。怎麼



是好相見之時。須用再四勸他。完成此事。

〔前腔〕〔淨上〕正值豔陽天。兀自拋書卷。覓寶許姻媿。此處尋劉阮。〔相見介小生〕

正要來求胡兄替龍兄贊成姻事。恰好又賜顧了。〔淨〕姻親美事。小弟自然攬掇。只不知龍兄怎麼樣下禮。〔小生〕婚娶論財。夷虜之道。豈不聞古人荆釵尚然爲聘。〔淨〕怎麼看得戲文中的窮酸樣子。〔小生〕依兄主意。要怎麼樣下聘。〔淨〕禮幣之外。也得些奇珍異寶。或連城之璧。或夜光之珠。將就罷了。白兄。我家舍妹呵。

〔紅衲襖〕他是個謫塵凡閨苑仙。論他才學呵。做得個女校書。怕人世鮮。〔小生〕龍兄又是人傑。令妹又是女英。這也是天然的佳配。〔淨〕那龍生呵。他時下浪生涯。終偃蹇。〔小生〕咳。料不是池中之物。〔淨〕分不到騁驂驪。一祖鞭。〔小生〕你與他自幼同窗。難道不曉得他的學問。〔淨〕縱然他筆似椽。還愁他雲路遠。〔笑介小生〕胡兄爲何發笑。〔淨〕小弟笑着龍兄。〔小生〕卻怎麼。〔淨〕笑他一似半夜裏夢見槐花也。早起就要尋思黃襖穿。

〔前腔〕〔小生〕論姻親結遇在五百年。五百年前結遇了成姻眷。你不要把龍生看左

了。他是個困馬周末把才華顯。〔淨〕舍妹也不低。〔小生〕卻又來。正撞着賢孟光好將姻眷聯。要他別的過聘。還有些理。怎麼勒他寶貝。那裏討寶和珠作聘錢。只盡些意和情爲雁奠。〔淨〕若是沒有寶貝。只是拳頭大一顆夜明珠也罷了。〔小生〕這真是逼勒殺龍生也。怎教他化作鮫人泣大川。〔丑上〕懷內明珠堪作聘。口中巧舌可爲媒。呀。大爺先在此了。〔進見介小生〕龍興來了。你家相公可有什麼話兒麼。〔丑〕聽稟。

〔前腔〕說公子似黃梅時節天。〔小生〕說着了。〔淨〕怎麼叫做黃梅天。〔丑〕黃梅天容易晴。容易雨。等閒間來變面。〔小生〕一些不差。〔淨〕只怕還說我哩。〔丑〕說與他自幼聯牀同筆硯。卯角相交無間言。怎生的識見偏。怎生的作事舛。〔淨〕不消多說。剛纔與白相公說過了。只是拳頭大一顆夜明珠。也將就了。〔丑〕大爺只要夜明珠。這打什麼緊。我龍興領下有件東西也。〔淨〕這狗才。想你採了月華。領下生珠了。〔丑〕倒也差不多。〔懷內取珠擊介〕這可是九曲彎環你須猜。蟻子穿。〔淨看作呆介〕

〔前腔〕〔小生〕呀。這真是夜光珠在掌上圓。可不道出滄溟人罕見。〔笑介〕龍生。龍生。是

裴航只要諧姻眷。把玉杵尋來豈偶然。胡兄。胡兄。〔淨搖頭吐舌不理介小生〕這都是天見憐。做將來真可羨。我想姻緣呵。〔指淨介〕你徐郎便難殺陽生也。他白璧雙雙種得全。〔丑〕白相公把珠收好。〔遞珠收介小生〕你對相公說。四月十三黃道吉日。周堂俱利。待我送你們相公入贅便了。〔丑〕曉得。〔小生〕胡兄可還有什麼說。〔淨〕茅廁跌倒。屁也沒得放了。〔合笑介〕

文君正合配相如。

月老冰人話不虛。

踏破鐵鞋無覓處。

得來全不費工夫。

### 第十六齣 覲婚

〔月上五更〕〔小旦上〕〔月兒高〕花落成章句。鳥啼喚朋侶。寂寞茶蘼架。冷淡芭蕉樹。爲一點靈犀。甘來受辛苦。〔五更轉〕今宵兩下兩下諧夫婦。他那里歡娛。把我這邊孤負。助慘悽。荷沼中黃梅雨。滴滴點點頻聒絮。驚碎香魂。頓思歸路。我這一會費了多少力氣。弄得龍生親事成就。只是今晚蕉帕事兒一定露了。怎麼遮掩得過。龍郎。龍郎。

今夜儘你受用。卻不知道虧着那一個來。

〔香歸羅袖〕〔桂枝香頭〕姻親雖許。誰人張主。不去竊秦府明珠。將甚當裴家玉杵。喜今宵坦腹。喜今宵坦腹。小姐。你要知山下路。須問我過來人。今夜那有多少人。數哩。許多甜言蜜語。好不着人知趣。到那地步呵。又下細工夫。噯。想他也沒用了。〔皂羅袍中〕我烏啼花落自支吾。他雲尤雨。殢相憐護。我淒涼無緒。他綢繆有餘。那小姐知道我先到手了。還要氣我不過哩。〔桂枝香尾〕道鴛鴦早把枝頭占。〔向內啐介〕我今夜鴛鴦枝也無了。咳。我好沒要緊處。幾乎忘了本來面目。且到洞房之中。花燭之下。顯個小小神通。回頭去幹自家正果。豈不是好。

春來春去爲花忙。

花又隨風別處香。

讓你歡娛嫌夜短。

教咱寂寞恨更長。

### 第十七齣 鬧婚

〔風入松慢引〕〔外老同上〕門闌瑞氣藹蔥蔥。頓豁心胸。雀屏射處天然中。小周

耶莫負喬公〔老〕喜得嬌兒似玉。幸招快婿如龍。〔外〕白髮蕭蕭在廟廊。喜看兒女已成行。〔老〕謾誇冰玉相輝映。更慶松蘿共久長。〔外〕夫人吉辰將近。怎不見龍生到來。〔老〕想必也就到了。〔丑上〕暫離嬌客馬。來到老爺家。我家相公教我打點一應入贅儀從。諸般俱已停當。誰想臨安城中。從來沒有儂相。倘若胡爺要將起來。紙畫泥塑。又輕又重。在下心生一計。假扮一個儂相。胡謔幾句詩兒。騙他賞包。有何不可。〔進見介〕稟老爺夫人。相公到了。〔外〕着儂相伺候。〔丑〕已在門首。不敢擅入。〔外老〕着他進來。〔丑〕曉得。〔下中淨上〕房內梳妝就。堂前擺列齊。啓老爺夫人。小姐妝束完了。〔外老〕待儂相到來。自然有請。〔中淨〕龍興。叫儂相進來。〔丑內妝兩樣聲音介〕叫儂相來了。來了。〔白髻扮儂相上〕元是龍興。改造儂相。全虧白髻。做出丑樣。〔妝老人咳嗽介〕儂相叩頭。〔外〕起來贊禮。〔丑應妝老人聲介〕銷金帳下剔銀燈。節節高歌喬合笙。紅繡鞋行錦纏道。梅花引。出祝臺英。〔中淨〕只有個祝英臺。那裏有祝臺英。〔丑又妝老人聲介〕祝英臺便不叶韻了。我正笑如今做曲子的不叶韻。偏要叫做祝臺英。請請。請仙郎入畫堂。〔中淨〕龍興不知那裏去了。怎麼叫這個花嘴老人家來。〔丑〕儂相元是老人家。曾見蟠桃幾度花。請得新郎來下馬。登時生個小哇哇。

〔中淨〕難道這等容易。〔丑〕只要他會做人。請。請。請。

〔五供養引〕〔生上〕關雎寄詠。恰喜桃夭淑女相從。襄王尋舊夢。怕打五更鐘。

〔丑〕請。請。請。小姐出畫堂。碧紗窗下畫雙蛾。八幅羅裙着地拖。恰似嫦娥離月窟。三年就好做婆婆。

〔中淨〕怎麼這樣快得緊。〔丑〕又道日月如梭。趨少年。請。請。請。〔中淨扶旦上〕妝臺簇擁。白璧

下藍田曾種。〔合〕天仙來會合配雌雄。願多生桂子滿堂紅。〔丑〕喝拜介。生旦拜天地回

拜外。老介中淨。拜見老爺奶奶了。把好說話讚上來。〔丑〕老爺奶奶不是人。〔中淨喝介丑〕蓬萊

仙侶謫凡塵。今日華堂來祝壽。雙雙活到一萬斤。〔中淨喝介丑〕一萬春。沒了牙齒。字眼不真。〔生

旦交拜介中淨〕再把好說話讚着新人。〔丑〕二位新人用當真。當真之處要殷勤。到得明年正月

半。金盤捧出玉麒麟。〔中淨〕你怎麼就曉得正月半生兒子了。〔丑〕我是一掌金搯過了。如今四月

到明年正月半。剛剛十個月。是真正的花下子。〔中淨〕龍興狗才。〔丑〕打嚏介中淨〕好不中用。那裏

尋這個花嘴老烏龜來。〔丑〕我是杭州一老翁。鬚鬚雪白響喉嚨。今日成親求賞賜。只要十兩好紋

鬆。〔中淨〕怎麼叫做紋鬆。〔丑〕紋者細也。鬆者絲也。〔外〕小英賞他個包兒。〔中淨與介丑〕還要夫

人一個包兒〔老〕小英再與他一個。〔又與介丑〕還要小姐賞一個。〔外惱介〕小英攙他起去。〔中淨揪丑白髯下介〕阿呀。這債相元來是龍興假扮成的。〔外老〕這小廝怎麼假妝債相。〔丑〕世間人宜假不宜真。百凡事假得去就好了。〔外〕快斟酒來。〔丑脫衣介〕這等仍舊是龍興了。〔斟酒介生旦送酒介〕

〔夜行船序〕〔生〕繡幙牽紅。滿華堂盡是翠圍珠擁。鴛幃共。咫尺百花芳叢。朦朧點勘春光。又早漏洩東風一種。惺惚軟款在被窩中。重把麗情摩弄。

〔前腔〕〔旦〕如夢。幸配梁鴻。喜齊眉燕爾。自甘提瓮。些閒空。索自剪綵鋪絨。從容洗手調羹。沒個小姑前來嘗奉。還同嫁雞。且逐雞飛。生得女兒何用。

〔蝦蟆序〕〔外〕天風縹緲長空。送仙郎誤入瑤島瓊宮。把文鴛托付鳳雛麟種。相從。寥寥冷宦中。翩翩快婿逢。〔合〕喜融融。好似蕭郎秦女。跨鳳乘龍。

〔前腔〕〔老〕玲瓏。環珮丁東。雜笙簧恍惚降下飛瓊。羨于歸華屋頓生光瑩。房櫳。氤氳寶篆濃。飄飄翠袖重。〔合前小生上〕報報報。爲緊急軍情事。請老爺看報。〔外出前場〕

小生送報外。接看讀介。河南都統制吳玠一本。爲缺官防守要害事。奉聖旨着都招討胡某。卽刻提兵五萬。火速到河北地方。設法防守。毋得違慢。欽此。我知道了。叫龍興賞他酒飯。〔丑應與介小生〕謝老爺賞。〔下外進裏場介衆介〕夫人。朝廷命我出守河北。限在卽刻起程。〔老〕喜筵未完。事出倉卒。如何是好。〔外〕小英快請大爺來。〔中淨向內介〕大爺有請。〔淨上〕把酒剛歸坐。催人不斷頭。胡老先生好不知趣。區區正陪大媒喫酒。有何見教。打斷酒興。〔外〕朝廷差我出守河北。就要起馬。叫你來時。有話分付。〔淨〕爹爹不要性急。完成酒筵了去。〔外〕軍情緊急。怎好稽遲。夫人須了花燭之事。不可草草。〔老〕曉得。〔外〕孩兒不要遊蕩。須料理科場的事。〔淨〕知道。只是媳婦要緊。〔外〕賢婿青年妙才。今秋還當努力。〔生〕謹奉教。〔外〕弱妹孩兒。旣爾于歸。當循婦道。〔旦〕孩兒敢不奉命。〔老〕奈何如此急遽。行裝尙未整頓。〔外〕止將寶劍錦袍。交付隨行軍士便了。〔末小生中淨丑扮將官上〕朝中天子三宣。關外將軍一令。門上通報。兵部張爺差來迎請胡爺。到大教場內交割兵符牌印。〔淨出接傳介外〕教他們伺候着。就此起行前去罷。

〔錦衣香〕〔合〕羽檄來。兵戈動。詔旨宣。軍聲闐。家國相關。須權孰重。〔對老介〕夫



人你快囑家僮。屏收孔雀。褥捲芙蓉。〔對淨介〕去膏車勒鞵。〔對生旦介〕做新人不須遠送。我七尺原君用。敢辭倥偬。心期二帝復歸皇宋。

〔漿水令〕〔合〕統貔貅三軍接踵。掃羶羶萬騎齊衝。須知眼底有飛熊。劍拖秋水。旗滾春風。誅猾虜。收強衆。燕然勒處人稱頌。校場內。校場內。掄材隨用。邊疆上。邊疆上。奏凱成功。

〔尾聲〕〔衆悲唱介〕別離骨肉心疼痛。〔外〕快不要如此。我當國難敢生悲慟。〔淨〕爹爹。請一個上馬杯如何。〔外〕罷。赴敵何須仗酒鍾。〔衆將官旗引外下淨向內叫介〕龍興備馬。隨我送去。〔隨下老中淨生旦弔場老〕小英執燭。引相公小姐入洞房。〔中淨〕曉得。〔執燭引生旦走介老隨轉介〕

〔七娘子〕〔老〕迎將畫閣蘭房裏。〔悲介〕正交歡生出別離。〔中淨扯老袖向耳邊低白〕老夫人今晚做好事。〔老作喜看生介〕看女婿風流。〔又看旦介〕孩兒嬌媚。這回且了花燭喜。〔老〕小英在此。好生伏侍。〔中淨應介老〕眼前佯作喜。背地暗生悲。〔下中淨〕相公小姐。

老夫人去了。我小英也交付臺場。方便你們去罷。〔旦〕小英在此伺候。不要去。〔中淨笑介〕阿呀小姐。今夜你須掙圍。小英替你不得。龍相公。你須放些手段。小姐是熟路。一下子漏了網。半夜三更沒尋處。我自迴避去了。正是嬌枝未慣風和雨。分付東君好護持。〔下生笑介〕小姐是熟溜的了。何須你這個丫頭多嘴。小姐。小姐。〔旦不應介〕堂上便是新人。房中依舊是熟人了。〔旦不應介〕持杯奉旦走開介。

〔思園春〕〔生〕笑飲燈前合盞杯。雙雙攜手入鴛幃。〔執旦手旦撒手介〕與你重縮同心雙結。〔旦走遠介〕哦。小姐想是喫惱了。把舊話且休題。〔旦〕呀。此話他來對着誰。好教人心下轉驚疑。〔生〕自慚玉樹傍蒹葭。〔旦〕可怪言詞句句差。〔生〕落花已自隨流水。〔旦〕呀。流水何曾戀落花。〔生〕小姐怎麼還妝這個嘴臉。〔旦扇遮不理介〕小姐。我和你容易到得今日來。

〔粉孩兒〕〔生〕生生盼到今朝得成連理。記花園晚會似隔千日。〔旦〕呀。我閨門生長足不離。這言語怎地無稽。〔生〕是我不是了。舊事提他怎麼。請睡了罷。〔旦不採介〕內打三

更三點介生聽漏頻（生替旦卸妝旦推開介生）小姐正是其新孔嘉其舊如之何請卸妝

梳（生吹燈旦扇遮不滅介生）吹燈隱同你安息（小旦暗閃上偷覷介）

〔福馬郎〕（旦）爲甚書生不達禮合香處把人鎮狼籍是主何意（走介生攔介）小

姐你到那裏去（旦）我去娘跟前講講明是非（生）你會講我也會講（旦）你講些什麼來

（生）講你送我明珠羅帕約我花園晚會（旦）呀見鬼了有什麼明珠與你（生）夜明珠可是

伊的（旦）呀有什麼帕與你（生）綠羅帕現是我收拾（中淨暗上聽介又引老在前聽介）

〔紅芍藥〕（旦）胡言語全沒巴鼻珠和帕那個將伊（生）珠和帕娘行手親遞約

花園晚來會你（旦）怎麼有許多胡說（生）我若胡說（取袖介）這個帕兒是那個與我的（出

袖中帕介小旦暗吹氣介生）呀分明一個羅帕怎麼變了一片蕉葉（旦）擘分明着鬼迷（哭

介）我那爹娘也好人家兒女怎招這樣邪人爲婿（生）小姐這蕉葉你當紅葉爲

媒倩着他尋我佳配（旦）跌脚介（一發了不得叫小英叫小英）急叫介小旦閃下旦去開門生

攔住介旦）小英小英快請夫人來（中淨應介）來了來了老夫人也在此（老掩中淨口介旦又

叫介急開門介老中淨進門介生跌腳立遠介老中淨持燭看生旦在兩邊介

〔南耍孩兒〕〔老〕呀。今夜兩人諧伉儷。怎在燈兒下特兀的站着東西。〔向生介〕賢婿。〔生嘆介老〕看龍郎惱恨無語長吁氣。〔向旦介〕我兒。〔旦掩面哭介老〕爲甚的弱妹汪汪淚。〔又向生介〕賢婿。〔中淨〕相公。〔生不應介又向旦介〕我兒。〔中淨〕小姐。〔老〕我兒。你叫我來有甚說話。〔中淨〕你便說一句兒麼。〔旦指生介〕他。〔欲說不說介老〕咳。開着口仍還閉。

〔會河陽〕〔老〕你百歲夫妻好在此夕。須回嗔作喜莫差池。〔中淨〕你女娘便忍耐些兒。看小英面皮。〔向生介〕相公。雞要叫。天要明。人要倦。沒要緊。〔生不採介向旦介〕小姐。雞叫了。天明了。人倦了。少不了。〔旦不採介又向生介〕相公。不要說別的。你看那雄鴿子他呱呱呱呱趕着那雌鴿子。那會見雌的來趕你雄的。依着小英。你還過來。〔扯生撒手介中淨〕噢。你也要喬作勢。〔生指旦介〕他那壁罵得我無言對。〔旦指自介〕我這壁嬾受他惡滋味。〔旦急踏

下老〕小英快請小姐轉來。〔中淨隨趕下復上介〕噯。小姐一逕去老夫人牀上睡了。那裏肯來。

還用夫人親去要他纔來〔老〕小英你在此勸解相公待我自去〔下中淨〕相公梅子開花就撚酸起頭。你好沒家數。還用小英做師父教道你哩。

〔縷縷金〕〔中淨〕他年幼小。假迷癡。用溫存。〔跪介〕你看便跪一跪。他定皈依。進籠鳥被他飛去。怎生處置。急急孜孜眼飽肚中饑。斷送得沒孔吹笛。〔生〕倒是你說得有理。煩你快去請來。〔中淨〕也罷。今晚正是你羅幃中用人之際。我替你走一遭來。〔下生〕且住。明明一個羅帕。一時變了蕉葉。小姐怪我提他舊事。翻了臉皮。一逕去了。倒弄得我好不耐煩。且坐着待夫人小英去請來。又作計較。〔仰戲椅作睡介〕

〔越恁好〕〔小旦上〕露頭藏尾。露頭藏尾。好教多忸怩。驟來驟往。衣襟上我再把詩題。〔取生衣襟袖中出筆寫介〕蕉葉卽羅帕。仙姬點化成。端陽天目會。指引爾前程。問道神仙不

可接。心隨湖水去悠悠。〔下生醒介〕呀。坐下怎麼打盹去了。〔看衣介〕古怪。這衣襟之上有字兩行。墨跡未乾。小姐又進去了。是誰寫的。〔念前詩介〕怎麼有這樣怪事。〔脫衣介〕且將此衣穿在裏面。慢慢詳察。〔換衣介〕待小姐來時。陪個小心便了。神仙握管眞隱微。待言又恥。口兒內

絮聒聒難追悔。心兒內兀突突難瞞昧。〔老扯中淨推旦上〕

〔紅繡鞋〕〔老〕嬌兒休得徘徊。徘徊。〔中淨〕小英在此追隨。追隨。〔合〕趁良時和

吉日。到這里且歡會。〔搵旦進門旦做檻踢介老中淨隨手卸門介〕進畫檻。卸朱扉。進畫

檻。卸朱扉。〔老中淨先下生搵旦不理介〕小姐。小姐。〔旦不應低頭介〕是小生多說的不是了。

把頭擡將起來。去睡罷。〔旦不理介〕

〔尾雙聲〕〔生〕再三不把頭擡起。難道這夜夫妻不做美。〔內作雞啼介生向內介〕吓。

惱殺多情報曉雞。〔內亂雞啼介生〕吓吓吓。就扭死這些蛆蟲不許啼。〔旦終不擡頭并不

開口介生搵旦頸同下〕

## 第十八齣 赴任

〔南普天樂〕〔中淨小生雜旗手引外上〕赤雲高。紅塵漾。馬蹀躞。軍雄壯。旗開處。旗

開處。陣勢堂堂。氣凌空劍吐光鉞。呀。爲中原板蕩。狼烟起四方。統領貔貅前往。

往前整頓封疆。〔外〕將校們傳令。此去逢山開路。遇水疊橋。日夜趲到河北。毋得違慢。如誤事者

軍法從事〔衆〕得令〔外〕趁此天色清明衆軍快轡上去。

〔北朝天子〕〔合〕遶山長水長。鬧花香草香。展鞭梢把隊伍忙催上。齊齊整整。列青天鴈行。五方旗。風飄颺。簇戈矛兩傍。按弓刀一攥。敢當敢當敢當。奮雄威龍爭虎攘。龍爭虎攘。掃羶羶。除烟瘴。掃羶羶。除烟瘴。〔下淨黑臉雙鞭末紅臉大刀

老丑旗手引上〕

〔南普天樂〕〔合〕煞星臨。天罡降。據梁山。把官兵抗。招安下。招安下。倒寨歸降。輔朝廷轉禍成祥。呀。爲兵戈執掌。紛紛起戰場。統領儂儂前往。往前斬將擒王。

〔淨〕小將呼延灼是也。〔末〕小將關勝是也。〔合〕吾等奉着宋公明哥哥將令。受了大宋招安。東蕩西除。南征北討。衆弟兄多有散失。獨我二人歸投岳少保帳下。蒙王師差我二人前往河北。打探劉豫軍情。將校須索踐行則個。〔衆〕得令。

〔北朝天子〕〔合〕罷山林虎狼。佐邦家棟梁。俺山東宰相山西將。南征北討。靖干戈八荒。凱歌旋。圖形像。挽雕弓幾張。打鋼鞭一響。犬羊犬羊犬羊。笑翻他。

成羣颯颯。成羣颯颯。撞着咱。爲齷齪。撞着咱。爲齷齪。〔下衆旗手復引外上〕掃羶羶。除烟瘴。掃羶羶。除烟瘴。〔衆〕啓爺。後面一隊軍馬。打着岳字旗號。趕上來了。〔外〕將校們。扎住了人馬。前去打探報來。〔衆〕得令。〔扎住介淨末衆引上〕撞着咱。爲齷齪。撞着咱。爲齷齪。〔衆〕啓將軍。前面有兵馬住扎在此。〔淨末〕擺下陣勢。去看端的。〔外衆〕來的是何處兵馬。〔淨末衆〕是呼關二將。奉岳元帥將令。前往河北緝探軍情的。你們是何處兵馬。〔外衆〕我們正是新任河北都招討使胡爺的軍馬。待我們稟上。〔稟介〕啓爺。岳元帥差呼關二將。前往河北緝訪軍情的。〔外〕快請相見。〔淨末〕招討大人。小將們盔甲在身。不敢施禮。〔外〕二位將軍請了。下官欽奉勅旨。往河北守禦地方。幸遇二位將軍。可謂有緣。〔淨末〕小將們奉元帥將令。正往河北緝探軍情。願作後部。扈從大人前去。〔外〕如此甚好。將校們。天色尙早。趕過黃河。靠着北岸安營下寨。〔衆應介〕

〔南普天樂〕〔合〕趲兵車。催糧餉。渡黃河。乘風浪。安營寨。安營寨。遍插刀鎗。到黃昏。須索隄防。呀。聽瑟瑟鼓響。提鈴更打梆。傳令二軍宿歇。歇宿再作商量。

## 第十九齣 超悟



〔小旦上〕休言衣畔有明珠。打煉還須仗藥爐。正是欲求生富貴。也應先下死工夫。俺家修真三世。練氣千年。虧那龍生。已借得些丹頭在肚子裏了。但仙胎雖結。不得上真點化。怎生脫得這副皮毛。聞得各位大仙將到西山。候他來時。向前皈依。求個解脫。卻不是好。俺想從苧蘿村被范大夫賺去。斷送夫差。轉眼又許多時代也。

〔仙呂端正好〕俺則爲儘輕盈多瀟灑。沒來由自浣溪紗。遇一個有心人。說幾句姻親話。離草舍。入皇家。沼吳國。泛仙槎。羞粉黛。悔鶯花。餐紫雪。煉丹砂。煉丹砂。今日裏方脫化。〔暫下〕

## 第二十齣 脫化

〔雙調新水令〕〔末鍾離小生洞賓淨鐵拐中淨果老上〕倒騎白鶴下青霄。望西山霎時間到。〔小生〕又不是城南來度柳。〔衆〕又不是華北去偷桃。〔合〕爲一個多嬌。他在睡酣處喚將覺。〔小旦暗上跪正場介衆〕列位師父。你看這業畜呵。

〔駐馬聽〕〔衆〕捏怪興妖。出脫千般新做作。藏頭露脚。騰那一種舊苗條。〔小旦

伏地叩頭介衆）他躬身羞斂假纖腰。低頭怕露虛花貌。那女人。恁爲着何事。則管叩頭也。〔小旦〕弟子敢求列位師父們的長生不死的方兒。〔衆大笑介〕你要咱們不死的方兒麼。列位纔懂得路頭兒走錯。求咱的貯葫蘆不死的長生藥。咱們不是仙家。你錯尋了路頭也。〔小旦〕弟子千年來打壓下一雙慧眼。好不認得真哩。

〔喬牌兒〕〔衆〕你怎不趁這秋風早泛着五湖棹。多情范蠡還年少。隨他歸去好。〔小旦〕這些舊事。不索重提。弟子則求列位師父們一粒脫化的金丹。〔衆大笑介齊點小旦裙介〕

〔攪箏琶〕〔衆〕您自有閒爐竈。煮不乾水一瓢。配搭上姹女嬰兒。受用過劉晨阮肇。風流界儘逍遙。鍊什麼白鏹紅茅。把朱顏一時留住了。倒大堅牢。〔小旦〕弟子一心向道。再不要提起慾界事情也。〔衆〕哦。您要除慾界。只怕洗不淨那花園晚會四個字兒哩。

〔小旦羞介〕弟子惶愧知罪也。

〔雁兒落〕〔衆〕你將綠依依窗前。一葉蕉。變翠的的軸上千絲料。瞞了他聰明的卓氏姬。驅了他懵懂的張京兆。〔小旦〕這是弟子傍門外道。從今皈依正果了也。〔衆〕你要皈依正果。

須翻一個偌大的筋斗纔好哩。〔小旦叩頭介〕但憑師父們點化。〔衆〕起來。你須聽咱說者。從今後呵。

〔得勝令〕〔衆〕再不許付粉弄蹊蹺。拜斗逞妖嬈。花月場來撮俏。燕鶯羣去調包。

羶粿。須帶頂溫涼帽。鑿糟。用金蟬來脫殼。〔鍾鐵〕這妮子既然堅心好道。純陽子。你收他在

門下。做個弟子罷。〔呂〕師父在上。弟子怎敢。〔衆〕不必謙遜。就是你替他翻個筋斗。待他早登證果。

〔呂稽首介〕列位師父。你弟子呂巖卻斗膽了也。柳樹精何在。〔丑柳樹精上〕黃鶴樓前一株柳。撞着師父來喫酒。一時點化上蓬萊。長年只把丹爐守。師父叫柳樹精。有何法旨。

〔折桂令〕〔呂衆〕央及你個岳陽城大榦長條。你可豎着腰叉。挺着肩梢。〔指小旦介〕

撩他去。蜃市茫茫。滄溟渺渺。弱水滔滔。〔柳〕師父。這個標致婦人。只怕喫不得這樣鼻頭

酸哩。〔呂〕咄。這方法將他洗澡了。恐怕污我波濤。沒半點塵囂。換一副皮毛。你兩

個回來呵。〔指柳介〕咱賞你幾粒金丹。〔指小旦介〕咱與你別樣丰標。〔柳〕來來來。小娘子。

你將俏身子。跨着我的肩膀。這兩隻小脚。不要撐開哩。〔小旦〕撐開來待怎麼。〔丑〕俺有個柳樹椿。

兒礙着你不當穩便。〔小旦〕說也不該。〔丑〕俺領着師父的法旨。大海中走一遭來也。〔柳馱小旦旋下呂〕列位師父。咱要他翻這個筋斗。不是耍處。〔內鑼鼓介呂〕你看他忽刺刺架着一朵祥雲。前往弱水渦兒去也。

〔甜水令〕〔衆〕咱家是大漢鍾離。純陽鐵拐。騎驢張老。作隊鎮遊遨。今日用個金針。撥開瞳子。救着兒曹。世人也休認做閒話漁樵。〔呂〕你看那女子脫了凡胎。另換一套

妝束。那海中龍神旛幢鼓樂送上來也。〔小旦換色衣丑馱介生扮龍孫旦扮龍女各持寶旛外扮龍王執笏送上內作細樂介〕

〔收江南〕〔合〕呀。咱離了水晶宮。恰便駕鯨鰲。早分開。揭天千丈浪。頭高。觀波中旛影閃。鮫綃。捲風濤。雨雹。捲風濤。雨雹。則一霎到蛟門。不覺路迢。〔衆先下小旦丑馱復

旋介〕

〔清江引〕〔小旦〕凌空瑞烟前後遶。漸漸離雲嶠。回看碧海中。便有旛旗導。鐵杵兒磨繡針工到了。〔小旦下肩叩頭介〕弟子叩謝師父。今日方證大道也。〔衆〕起來。柳樹精。

你到海中。可見些什麼來。

〔前腔〕〔丑〕蒙差海中真懊惱。走過龍王廟。教拿柳樹精。逼要隨身寶。俺說不會帶得。下次補來。他不肯。叫蝦將軍。都督割下吊。〔呂〕咄。胡說。去守丹爐者。〔柳應下小旦〕敢求師父們替弟子取個法名。〔呂〕還是老師父。〔鍾〕你用過苦工三千餘年。今日方歸大道。取爲長春子罷。〔小旦〕多感師父了也。〔叩頭介衆〕長春子〔小旦〕弟子有〔衆〕你有一樁心事不曾下得。你須聽者。

〔鴛鴦煞〕〔衆〕你有個大恩人。赤緊無些報。他是個俊多才。牢記休忘卻。你做一個點首朱衣。檢卷天曹。到座主房中。用些方略。顛倒文書。惹起科場鬧。那時節纔得個名姓高標。指點他一路前程。恰非小。〔齊下〕

第二十一齣 鬧題

〔梁州令〕〔生上〕海棠枝上拭羅巾。新紅點點眞眞。怎生發付兩紅裙。難擺畫。無倒斷。枉逡巡。燈前恍惚還疑夢。被底綢繆宛似初。要識兩邊玄妙處。中間須用下工夫。那晚花

燭之下。我只道小姐是個舊人。那知道還是個處子。看將起來。兩個小姐形容笑語。一樣無差。前日相遇的小姐。不是仙姬。定是神女。小生何緣有此奇遇。今日且喜新小姐到岳母處問安去了。不免將那舊小姐衣上之詩熟玩一番。有何不可。〔向內取衣念前詩介〕他元來約我端陽之日。在天目山相會。想將起來。他與我何等恩愛。何等繾綣。總是妖怪。料不害我。看他詩兒字兒。好不令人動火。

〔山漁燈犯〕字兒端。詩兒俊。模想他才華有多少風韻。他爲我好不殷勤。端陽已近。〔旦暗上聽介生〕果然在天目相逢穩。敢分別新舊親親莫論。但小心他兩邊喜欣。我若親了新的小姐呵。還怕那舊底嗔着我。若親了舊的小姐呵。又怕這新底對着我嗔。〔嘆介〕添些三悶。〔笑介〕更添些笑哂。〔拿衣在手介〕〔玉芙蓉〕怕相逢兩邊都問我。還與那邊親。〔旦隨手奪衣擲地介生拾衣介〕

〔錦庭樂〕〔錦纏道〕〔旦〕小郎君。不讀書學做好人。一謎暗藏春。眼睜睜瞞人忒狠。〔滿庭芳〕想着你與狂徒串勾欄。染惹風塵。將幾句情詞調引。〔生〕什麼情詞。小姐請再一看。〔旦看介〕你讀與我聽。〔生讀詩介旦奪衣又擲地介〕今日也蕉葉。明日也蕉葉。但提

起蕉葉偏恨。你好好題詩的還了我就罷。〔生〕小姐在此。小生也在此。你道是那個題的。〔旦惱介〕吓吓。〔普天樂〕敢來調唇。自招人唾罵。費我香盞。

〔刷子序犯〕〔生〕欲說吐還吞。〔旦〕這等你是肯說的了。〔生〕沈吟。再休提起根因。

〔旦〕不要沈吟。有話便說。〔生〕小姐說便說。你卻不要喫惱。〔旦微笑介〕我不惱。你說來。〔生〕我說了呢。〔旦〕你說。〔生〕晚會花園。還有說不出云云。〔旦〕啐。又是什麼晚會花園了。我那會

在花園會你。有什麼云云。〔生〕真真。〔旦〕敢是什麼精怪。假託是我。且問你這一晚你與那精怪做些什麼來。〔生〕他與我先諧秦晉。〔旦〕咳。不好了。這詩兒是幾時寫的。〔生〕花燭下留

詩爲信。〔旦〕阿也。一發不好了。這精怪也到我房裏來了。〔生掩旦口介〕苦殺人。他不是精怪。是個

仙女。〔旦〕唬怕人。看起來還是個精怪。生又掩旦口介〕輕說些。不是個精怪。若是精怪。怎麼有許

多情分到我。〔玉芙蓉〕〔旦〕他有何情分。〔高聲介〕我愈加惱了。〔生又掩旦口介〕方纔說過

不惱的。〔旦〕惱伊家爲何先去惹花神。〔生笑介〕該惱。該惱。〔旦〕我且問你。此去天目山。有

多少路程。〔生〕有一百餘里。〔旦〕要去我和你同去。〔生〕只怕岳母不允。〔旦〕這個不難。只說要去

天目山仙姑廟中了還香願。兼求子嗣。我母親必然見允。〔生〕雖然如此。只怕路上辛苦。〔旦〕我自要去。也說不得了。

〔朱奴兒犯〕〔生〕須歷盡山村水村。管踏破娘行脚根。〔旦〕我打抹梳妝出了門。眞和假大家尋問。〔生〕你如花嫩。怕難禁苦辛。〔旦〕這等我不去也罷了。〔生〕小姐元不該去。〔旦〕我偏要去。我不去。你又與那精怪做些什麼事出來。〔生〕小姐去去去。〔旦〕你不怕我喫辛苦。〔生〕這等怕你那一件來。〔玉芙蓉〕〔旦〕怕我嗔伊。這些言語都是假溫存。待我請母親出來。與他說個明白。來早就好起行。〔生〕正當如此。〔旦向內介〕母親有請。〔老上〕征人無信息。嬌女有呼聲。〔見介生〕岳母拜揖。〔老〕賢婿少禮。〔旦〕母親萬福。〔老〕孩兒到來。賢婿孩兒請我出來。有何話說。〔生〕向年劣婿曾許下天目山仙姑娘廟中香願。今要與小姐一同到彼了還前願。兼求子嗣。揀定明日起行。故此預先稟知。〔老〕夫妻求子。極是美事。我兒。只是你從來嬌養。不出閨門。恐怕路上辛苦。我做娘的怎生放得你下。〔旦〕孩兒同往。方表虔誠。〔老〕神明之事。不好阻留。我去收拾些乾糧素菓。明早同去便了。〔生〕多感岳母費心。



桃源只恐路難通。

尋訪仙姬意甚濃。

自是桃花貪結子。

錯教人恨五更風。

## 第二十二齣 防險

〔神仗兒〕〔外呼關引衆上〕

桓桓將帥。堂堂臣宰。耀金盔銀鎧。看取風驚電駭。脚

勅命下江淮。脚勅命下江淮。〔中淨扮將官捧令牌冲上〕手捧金牌離帥府。口傳將令到軍門。

前面來的軍門且住着。〔衆扎住介中淨〕吳元帥有令。着送令牌到都招討胡爺。就教同呼關二將

軍兩路兵馬。屯扎河北白鹿岡上。用意防守。待元帥不日到營。親自查點犒勞。毋得有違。請收下令

牌。〔交付牌介外〕有勞了。〔中淨〕不敢。乍逐紅塵來細柳。又驅白馬返高牙。〔下外〕此間離白鹿岡

有多少路程。〔衆〕還有五里程途。〔外〕傳令禮上前去。〔衆跑轉扎住介外〕將大軍分作三營。二位

將軍屯扎左右。老夫親督中軍。傳令各營軍士。俱要小心防守。不許疎虞。〔呼關〕得令。

〔降黃龍〕〔外〕國祚中衰。屈指胡塵。震驚多載。孤忠七尺。拚這回馬革裹尸。何

害。〔搥淚介〕咳。哀哉。滿朝金紫。慷慨有誰擔戴。〔指前場介〕劉豫這賊子。誓不與你俱生。

〔按盔介〕□□整錚錚髮豎。管教組醢。

〔前腔〕〔呼舞鞭介〕鞭開一片紅埃。閃水搏霞。萬人喝采。〔關舞刀介〕俺刀輪偃月。

羨生平壯氣。未論超海。〔向外恭身介合〕明臺是軍中韓范。撐住半天全賴。小將們

呵。仗威靈七擒破敵。凱旋稱快。〔外〕二位將軍。可傳令三軍。就此擺開陣勢。操練一番。〔呼

關〕領鈞旨。〔外上臺麾旗介呼關領各軍轉介〕

〔黃龍衰〕〔合〕元戎上將臺。元戎上將臺。飛騎分江介。〔內搥鼓介〕搥鼓三通。萬

馬奔蜂蠆。〔合〕旌旗列綵。戈矛攢黛。誓赤心。誓赤心。掃虜庭。清邊塞。

〔前腔〕〔合〕忙傳帥府牌。忙傳帥府牌。緊守天關隘。〔內號頭介〕發砲連聲。聽進

止轅門外。〔合〕旌旗列綵。戈矛攢黛。誓赤心。誓赤心。掃虜庭。清邊塞。

〔尾聲〕〔合〕忙排犄角安營寨。且截斷黃河一帶。莫放他遊兵半騎來。〔外下臺同

呼關衆引下〕

## 第二十三齣 叩仙

〔丑上〕睡起仍朦眼。離牀尙打鼾。醒來還做夢。恨殺五更頭。我家相公小姐要往天目山了。還香願。昨晚分付整備船隻。在武林門外伺候。今日端陽佳節。船戶俱不肯去。只得稅下空船一隻。那小英丫頭元是船幫中女兒。正好騙他做個梢婆。大家弄去。城門已開。怎麼相公小姐還不見來。〔候介〕

〔憶鶯兒〕〔生旦中淨持燈引上〕雞已鳴。天又晴。〔中淨〕小姐前來靠着燈。趁街市

無人正好行。〔旦揉脚介〕阿啲。纖纖脚疼。〔生〕走得幾步。脚就疼了。〔旦扯生手摸自頸介〕看

這些汗生。〔生〕快了。那橋邊就有船相等。〔丑〕相公小姐來了。〔生旦中淨〕快來迎。〔做上

船介〕梢公甚處。解纜莫留停。〔丑〕梢公在下。〔生旦看船介〕沒有。梢公在那裏。〔丑指自

身介〕梢公就是在下。〔生〕怎麼你是梢公。〔丑〕今日端陽佳節。有家小的船。都叫去看龍船了。止

稅得這隻空船。自家弄去罷了。〔生〕又胡說了。沒個人看梢。你怎麼弄得去。〔丑〕相公。你不知道。小

英元是船上的女兒。今日權做個梢婆。我便扯他。便搖。怕弄不來。〔生〕哦。這樣快開船去。〔中淨搖

櫓丑撐篙開船介丑〕相公燒利市。好大順風。〔生〕掛起篷來。

〔前腔〕〔合〕江景澄。風色增。穩坐中流不必驚。小小篷窗日脚明。〔中淨〕龍家阿

興〔丑〕胡家小英〔中淨〕把吳歌誰唱誰人應〔丑〕不須爭大家唱個小姐相公聽〔丑作吳語介〕家婆我里讓你先唱〔中淨〕我占子先哉呢〔朝生唱介〕

〔吳歌〕張家裏蜜蜂飛過李家牆飛來飛去只爲介點野花香自家園裏鮮摘摘牡丹芍藥倒偏弗採也〔點生介〕弗識介樣蛆蟲乃亨介憊肚腸〔生喝介閉眼看丑介〕龍興你也唱一個〔丑作吳音介〕我里也唱一個回你呢〔朝旦唱介〕

〔吳歌〕江水上一對鴛鴦弗走開好像梁山伯了祝英臺雌個蛆蟲乃亨偏要搭子雄個走也〔點旦介〕你逢山逢水也跟子來〔旦中淨喝介〕

〔漁家傲〕〔生旦〕匆匆駕一葉扁舟離錦城隨風掛幾摺蒲帆渾如羽輕〔丑中淨〕相

公小姐看前面鬪龍船的來了〔內打鑼鼓作划龍船介划船歌〕標致姐姐俊俏哥一邊打鼓一邊鑼你打鼓來哄着我我打鑼來引着他〔打和介丑中淨〕阿也有趣有趣〔生旦〕看兩兩畫船波心競往來馳騁〔丑中淨趕起烏介生旦〕猛驚起對對鴛鴦忒楞楞飛遠斷汀〔旦〕龍郎這是什麼故事〔生〕他是學荆楚鄉風鄉風都吊屈平。

〔別銀燈〕〔旦〕天目路從來未省。〔生〕況又是登山薦嶺。〔旦〕你心堅怕甚麼崎  
嶇徑。若見他把佳期重訂。〔生〕惺惺。今成畫餅。〔旦微笑介〕撇不下花園舊情。〔丑〕  
前面想是天目山了。〔生〕這樣把船泊近岸去。

〔攤破地錦花〕〔生〕細叮嚀。且泊向芙蓉涇。須慢着撐。待上去問個分明。〔旦〕龍  
郎。四野茫茫。一望無憑。路頭生。何處去覓前程。

〔麻婆子〕〔生〕這搭這搭人烟靜。村莊沒半星。那里那里園林盛。樓臺有數層。  
遙聞犬吠兩三聲。我去問個人端正。你暫在船中等。等我來到就同行。〔中淨丑〕  
曉得。人去綠楊外。舟停紅蓼邊。〔搖旦〕先下生弔場。那山窩裏有許多人。不免前去相問則個。你  
看野草閒花鋪滿地。啼猿唳鶴在空山。〔下〕

〔南耍孩兒〕〔小旦上〕莫說神仙心性硬。曾借芭蕉瓣。題詩句撮合書生。那酸丁。  
生刺刺攆去無乾淨。熱碌碌一片溫存性。撇不下來把天書贈。我長春子喜得新證  
道果。卻也舊有盟言。當初會題詩衣上。約龍生在天目山相會。今日待贈他天書三卷。指點一路前

程。誰想他和小姐同來赴約。不免再耍他一番。〔向內介〕龍郎。龍郎。轉來罷。〔生上見小旦介〕呀。小姐。你怎麼也上岸來了。〔小旦〕那仙姑到船上來。手拿書冊一卷。說道你一世功名。都在書內。怕你逗了個空。故此叫你轉去。〔生接書介〕待我收了這書。和你一同轉去拜謝他便了。叫龍興小英。放船過來。〔丑中淨搖旦上介小旦作跳上船閃下介生〕小姐。船未到岸。怎麼就是這等一跳。〔旦〕我那會上岸來。〔丑中淨〕相公。青天白日。放正經些。〔生〕你分明追上我。說仙姑在船上了。怎麼說個不會上岸。〔旦〕我知道了。你把天目山的話兒哄着我。不定又來圓這個謊了。〔生〕是了。這書卷是那裏來的。〔旦〕這書冊真是仙姑與你的。想是那個精怪。又來弄把戲了。〔生掩旦口介〕輕說些。不是耍處。〔旦〕且把書來。待我看一看。〔生藏書介〕這不當耍子。待回去。明早焚香盥手。纔好開看他哩。〔丑中淨〕我們不睡。怎麼做夢。〔生〕胡說。快放船回去。〔丑中淨搖船回介〕

**〔尾雙聲〕**〔旦丑中淨〕眼前難辨神和聖。〔生〕這一卷書分明照證。〔合〕明早開時要志誠。〔旦〕龍郎。岸上有個人來了。〔生看介〕敢是仙姑。〔旦〕不是價來拿你謊的。〔生〕又來了。

〔旦〕他來拿你療天說謊精。〔生笑介〕且看。且看。

楊柳青青江水平。

曲終不見使人驚。

東邊日出西邊雨。

道是無情又有情。

## 第二十四齣 造逆

〔北點絳脣〕〔淨劉豫末小生丑老旦旗手上〕大宋山河將他脫貨。換個君王做。兩眼摩挲。盼不上金龍座。一朝天子一朝臣。賣國何須問主人。做下平天冠一頂。可憐還要等時辰。

自家劉豫的便是。做官厭了。尋思做個皇帝。昨日背了宋朝。投降金國。兀朮四太子許封我做個大齊皇帝。怎麼詔使還不見到來。好生焦躁。左右。〔衆應介淨〕你每會起馬前課。替我排一個卦。看這皇帝做得成做不成。〔丑排卦介〕啓爺。先是個蠱卦。變作夬卦。有些古怪。〔淨〕卻怎麼。〔丑〕大齊皇帝倒就上頭了。只怕後邊要降做齊景公。〔淨喝介〕哇。只等金國有使臣來。快報我知道。〔衆應介外扮達官二旦捧金冠袍帶同上〕丹詔新傳下。黃袍并賜來。通報。〔衆〕啓爺。大金皇帝聖旨到了。〔淨〕快排香案迎接。〔排案淨跪介外讀詔介〕大金皇帝詔曰。天厭宋亂。特簡新君。咨爾劉豫。棄暗投明。朕心喜賀。封爾爲大齊皇帝。即日受冊。并賜金冠一頂。蟒衣二襲。玉帶二條。寶劍一口。美女十

人良馬百匹。以下諸臣。便宜自爵。謝恩。〔淨叩首介〕萬歲萬歲萬萬歲。〔受冊璽介外出書介〕四太子還有私書奉賀。說待新齊皇帝登基之後。就要同往南郊打圍。不得有誤。小官使命在身。就此告辭。不及候朝賀了。〔淨〕上國天使。怎好慢去。煩代奏大金皇帝。說劉豫就有表章來貢獻了。〔外〕謹領旨。今朝胡地主。昨日漢宮臣。〔下淨〕文武衆官。〔衆〕臣等有。〔淨〕今日吉晨。待寡人坐下龍庭。把皇帝試演一番。爾等諸臣。不得違慢。〔衆〕領聖旨。〔淨坐高處介衆〕願吾皇萬歲萬歲萬萬歲。〔淨作戰身介〕衆卿平身。〔作跌下介衆〕陛下闌闌龍體。〔淨〕寡人一時身子戰起來。想是不曾燒得利市。衆卿快扶着寡人。也要抖擻一番。擺個隊伍。護從鸞駕回宮。待寡人學慣。不要引壞了他。〔衆應扶行介〕

〔節節高〕〔合〕忙排曲柄羅。駕前呵。穿街一道金骨朶。黃旗闊。繡扇多。朱輪大。金朝誰似威風我。軍民萬口齊聲賀。〔淨作矮人走介〕容易凡蛇變成龍。一時抖得牙關蹉。一時抖得牙關蹉。〔引下〕

## 第二十五齣 演法



〔淨上〕區區極伶俐。諸般學得會。人無害虎心。虎有傷人意。我家妹夫。同着妹子。去到天目山。得遇仙姑。說道受他天書三卷。今日要在花園中開書演法。那吳山上三茅觀王道士是我嫖友。昨日對他說了。傳我一個破他法兒。幾句口訣。念得爛熟。待他演時。我也捻訣步罡。等他弄不將來。耍笑一場。〔對衆介〕列位你看。那時纔有些趣哩。且躲在太湖石後。待他來時。教他有法難施。沒法可治。〔虛下介〕

〔霜天曉角〕〔生上〕彩雲如蓋。縹緲天之外。〔旦中淨隨上〕指點神仙何在。笑你個俊喬才。〔生〕仙子萬山中。胡麻有路通。〔旦〕天書收拾下。只怕是場空。〔生〕小英。今日教你安排香案在茶蘼架下。可停當未曾。〔中淨〕停當了。〔生〕小姐。同去看拆如何。〔旦〕我若同去。只怕你那個謊兒要做破了。〔生笑走介〕也看。小英點起香燭。你自迴避。〔中淨點介〕交付臺場。慢拆慢唱。〔下〕  
生跪介旦立介

〔金蕉葉〕〔生上香三上香介起拆書介〕拆開呀。元來是遁甲天書。〔揖介〕把祕法恰賜與我秀才。喜盈腮。好向人前喝采。小姐。你過來。快叩首虛空也該。〔生扯旦介〕過來拜謝

了仙姑。〔旦搖頭介〕我不來，也不拜。

〔章臺柳〕〔旦〕夫子戒不語怪。〔指生介〕你恁聰明如何着鬼賣。〔生〕怎麼說是鬼。是神仙秘受的，好不信也。〔旦〕分明類齊諧，讀盡聖賢書。反信祥信災。〔生指旦介〕你一捻捻女裙釵，薄喋喋口胡開。又道五穀不熟，不如稊稗。你那知個道在稊稗。〔旦〕我且問你。這天書要他何用。〔生〕你元來一些不曉得。

〔醉娘兒〕我看來，此書你定然不解。他將天地人做三卷排。〔旦〕天怎麼樣。〔生〕天卷可喚雨呼風。〔旦〕地怎麼樣。〔生〕地卷鞭石能驅海。〔旦〕那人卷呢。〔生〕那人卷召得神和怪。〔旦〕一發胡說了。那神怪怎麼召得來。〔擺頭介〕定沒這事。

〔雁過南樓〕〔生〕女娘何須浪猜。女娘何須浪猜。我將人卷一試如何。這神通彈指中埋。〔旦〕要試演。只怕用齋戒。〔生〕不必用齋。〔旦〕用搭個臺兒麼。〔生〕不必上臺。〔旦〕這等怎麼。〔生〕一瓣香就滿空雲霧。把諸神召來。切莫驚駭。小姐說過了，你卻不要害怕。〔旦〕我怕你召不來。若是召得來，我也不怕。〔生〕你要召什麼神道。〔旦〕我要請馬趙溫關四

大元帥〔淨暗上披髮執茗帚捏訣舞介〕小姐。你去取了劍水來。〔旦〕使得。〔向內取介〕劍水倒有了。只怕法兒還沒有哩。〔生〕也看。也看。〔持劍噴水燒符步罡介〕天靈地靈。水火無情。吾今宣召。速現真形。吾奉太上老君急急如律令勅。勅。〔淨念呪介〕法作劉真君。掛起二郎神。喝令四大將。急急轉回身。吾奉太上老君急急如律令勅。勅。〔內鳴鑼鼓介〕小旦引四大天君上轉立介。且慌躲生背後介。龍郎。不好了。快教他們去罷。〔淨慌躲隨處介〕四將殺淨介。小旦勸介。且打生背介。沒奈何。你便遣他去了。〔生〕小姐如何。〔旦〕是我不是了。〔生念介〕汝今速退。不得留停。吾奉太上老君勅。勅。〔小旦引四天君轉下。旦坐地介〕小姐。小姐。〔旦低頭不語介〕

〔山麻客〕〔生〕爲甚不頭擡。多管人驚壞。〔扶起介〕呀。驀忽的容顏霎時頓改。〔淨〕救救救救。〔生向淨介〕呀。大舅也驚倒在此。〔淨〕這神通嚇嚇得我魂不在。〔旦〕我那仙姑娘娘。〔忙連拜介〕娘。我婦人家短見可哀。望取包容。瀆神還再。〔淨叩頭介〕妹夫大人。妹夫相公。妹夫爺爺。妹夫皇帝。〔生扶起介〕

〔尾雙聲〕〔淨〕幾乎把我殘生害。咳。賢妹夫。我平常慢你。切不可記憶。今後呵。我另做一

雙眼睛看待。〔丑冲上介〕相公方纔白相公到來。是龍興回他去了。〔生〕他來何事。〔丑〕他來報科場掛試牌。〔生〕大舅我和你打點者也之乎歟焉矣哉。〔淨〕賢妹夫。你去歇得之乎者也來的。我是歇他不來的。若去白白壞一個卷子。〔生笑介〕畢竟要去。〔淨〕賢姊丈。適纔這些神將。怎麼憑你弄來弄去。倒也有趣。〔生〕若大舅歡喜。再召他來如何。〔淨慌介〕我的爺爺。饒我罷。〔竟踰下生〕小姐如何。〔旦〕阿也罷麼。

全憑符水叩高真。

說道無神卻有神。

畫虎未成君莫笑。

安排牙爪始驚人。

## 第二十六齣 鬧閨

〔小旦紅衣執拂懷一試卷上〕命裏無官莫強求。時來喝水也西流。文章自古無憑據。惟願朱衣一點頭。俺長春子撇不下龍生。已曾授他天書三卷。如今春榜動。選場開。一發結果了他前程之事。來到這貢院裏邊。我且蹣上這瞭高樓。等待龍生入場。顯個神通。安排他做個狀元便了。〔做登高立介〕正是大抵乾坤都一照。免教人在暗中行。

〔番卜算〕〔丑試官末吏衆手下引上〕奉旨掌文場。明鏡當頭捧。誰道皇家結網疎。

打盡他鱗和鳳。莫說登科難上難。得來只作等閒看。不用文章中天下。只要文章中試官。下官万俟高的便是。今歲開科。虧秦太師的力量。特旨命下官做個考試官。〔笑介〕這些舉子造化。遇着我這樣一個有興頭的座師哩。左右開門。放舉子入試。〔衆應開門介〕大門開了。〔小旦暗下取案上筆仍上立介〕

〔窳地錦襠〕〔生外淨小生同上生〕三千海水混魚龍。〔外〕點點桃花陣陣風。〔淨〕不

知誰向錦標中。〔小生〕奪得鰲頭一丈紅。〔進見跪揖介丑〕今年主司不比往常。你每衆舉

子須要用心。各認東西文場字號。靜坐待題。不得紊亂。〔衆打恭應介丑〕聽事吏散卷。〔末應唱名

散卷介〕天字號龍驤。〔生〕有。〔末〕東文場。〔生執卷出小旦將懷中卷換生卷生做不知東下介

末〕地字號白元鈞。〔小生〕有。〔末〕西文場。〔小生執卷西下介末〕玄字號秦嶺。東文場。〔淨應執

卷東下介末〕黃字號孟琪。西文場。〔外應執卷西下介末稟介〕稟爺。散卷完了。〔丑〕封門。〔衆應

丑出看封門進坐介丑〕散題紙。〔衆應接末題紙下介小旦做寫卷介衆上稟介〕稟爺。題紙散完

了。〔小旦執拂向內一招內鳴鑼鼓扮魁星上小旦從高擲筆魁星接筆跳舞介衆驚稟介〕稟爺。魁星降了。〔丑〕不要驚他。今科試官得人。魁星也來助采頭了。〔內鳴鼓三聲傳禮文字介又鳴鼓五聲傳禮交卷介魁星將筆仍放案上跳下介生執卷上小旦又換生卷生上交卷介生〕交卷。〔丑〕聽事吏給照出籤一枝。〔末應給介小生淨外以次交卷領籤末唱介〕一名二名三名四名。〔衆開門介〕大門開了。〔放出介衆稟介〕舉子出完了。〔丑〕封門。〔衆封介〕封鎖好了。〔丑〕你們外邊伺候。〔衆應下介丑〕聽事吏取燭來。待我老爺就在至公堂上看卷罷了。〔末取燭立邊介丑〕聽事吏我老爺有句話對你說。昨日我去謝秦太師爺。太師爺就把孫兒秦垠。托我要中個狀元。說文字裏邊有個春字。就是他的卷子。我曉得春字頭與秦字頭一般。做得這個關節恰好。只一件。瞞官不瞞私。場中三四千卷子。我老爺那得許多工夫去尋他。你替我用心去尋一尋。秦相公中了狀元。連你也重重有賞哩。〔末應介〕曉得。待吏典去尋。〔做尋見介〕爺。這卷裏邊有個春字。想是秦相公卷子了。〔丑〕快取來我看。〔做執筆看卷介〕

〔一封書〕〔丑〕青花蘸筆鋒。點和圈用得濃。〔笑介〕文字卻是胡說。之乎者欠通。半

嫖經半酒鍾。這怎麼好也罷。〔向末介〕你帶得墨進來不曾。〔末〕爺的拜帖匣裏不是墨。〔丑〕

轆趣取來待我替他改一改。中了罷。〔做改介〕抹上胭脂加上粉淘去泥沙拔去銅。〔笑

介〕如今好了。鼓鑿鑿報公公。這樣文章也得中。〔末〕爺中。怎麼叫做中。〔丑〕他元是

中不得的。〔小旦〕下案前拂生卷介丑開生卷內作細樂介丑那裏作樂。〔末〕不知道。〔丑〕怪哉。

〔前腔〕纔開卷就起風。聽喧闐響得凶。收了這卷。看道怎麼。〔收卷內止介丑〕就不響了。

我再開這卷。〔開介內又作樂介丑〕真個怪哉。〔問末介〕你聽得是那裏響。〔末聽介〕是這卷子裏

邊響。〔丑〕與人間樂不同。管和絃在卷中。〔又收卷內又止介又開又作介丑〕真個怪哉

怪哉。待我看文字何如。〔看介內大作樂介丑點頭加圈介〕文字卻絕妙。都是神仙之筆。凡人做不

到的。嘔出珍珠千顆瑩。繡得蓮花幾瓣工。公然好似春字那一卷。怪道你在虛空顯

神通。你把這一卷呵。另閣在高頭做一宗。〔末〕爺文字這卷好。勢力又那卷好。還把那一卷中

狀元。〔丑〕如今時世。只要有勢力。怎麼論到文字。只把春字這一卷做狀元罷了。〔取前卷執筆將

批介小旦執拂向上一揮作雷響介丑〕卻怎麼天雷響了。

〔皂羅袍〕把筆真成驚恐。這些兒私事便惱天公。雷便響。狀元卻定用是他。〔小旦〕又拂內又響。介丑作慌介。主司頭腦太冬烘。何勞神將都喧闐也罷。且闔起這卷。看這雷響不響。〔聽介〕就不響了。咳。這老天平常是極勢利的。滕王貴客。便幫他順風。寒儒薦福。便春雷夜轟。如今秦太師偏不奉承他。當朝宰相倒沒些兒用。〔末〕爺若怕天。只怕還用存些公道哩。〔丑〕也罷。再把後一卷取來我看。〔末笑介〕小旦又拂卷內又作樂介丑〕怪哉。樂又響了。

〔前腔〕又是宮商迭弄。〔拍案嘆介〕信陽春一字不用絲桐。看來狀元還該是你。只是你的勢力比不得他。文章元自有雌雄。瞞心無奈人情重。〔末〕這樣怎麼處。〔丑〕沒奈何。就把這一卷做狀元罷。〔取筆做定名次介〕還他榜首。難逃至公。〔末〕爺。這一卷呢。〔丑〕留將第一。憑他阿翁。〔末〕爺。一時間怎麼不怕秦太師起來。〔丑〕這弟子孩兒不聽得天雷響麼。〔小旦〕又拂內又作雷響介丑〕如何怕天雷打下鑽沒縫。〔末〕其餘這些取上的卷子怎麼處。〔丑〕都混帳填去。明早揭榜罷了。聽事吏說便是這樣說。秦太師的兒子中了狀元。又要把孫兒中狀元。難道狀元是他一家包定的。那皇天也不肯。你家也有子孫讀書。只是依天理做去。你看科



場裏邊信有鬼神。便是天大的人情。主司也做不得主哩。〔末〕爺說的是。

試官有眼總如盲。

全靠天公自作成。

萬事勸人休碌碌。

舉頭三尺有神明。

〔小旦弔場〕你看這一弄兒。白奪得一個狀元與龍郎。不然閃些被那賊臣孫兒壓在上面了。龍郎。龍郎。你明日只曉得脫白掛綠。替那胡小姐榮耀。不知道我做有情人。費了多少氣力哩。〔對衆介〕列位。這叫做從空伸出拿雲手。提起天羅地網人。〔下〕

## 第二十七齣 打圍

〔丑扮達官上〕颯颯西風刮面寒。單于牧馬在陰山。朝來飛報軍情事。不管征人兩鬢斑。咱家是大金天子。駕下哈迷癡是也。只因兀朮四太子約定西齊皇帝。今日南郊打圍。命咱催趲兩家人馬。俱到此處會齊。道猶未了。金鼓連天。四太子與大齊皇帝一同來也。

〔北新水令〕〔淨劉中淨兀朮外末小生丑將官老小旦胡女上〕一聲畫角動南郊。撼天關鼓。鞏誼謀。霜濃狐兔滑。風急雁鴻高。鷹犬飛跑。打圍的一齊到。

〔南步步嬌〕〔胡女〕寶鏡斜籠雙彎小。纖手把琵琶抱。烏雲護錦貂。似一幅昭君和番般貌。看風颭絳裙飄。儼紅雲一朵飛來俏。

〔北折桂令〕〔衆〕咱生成猿臂熊腰。發一矢準透長空。穩落雙雕。〔衆〕啓爺。大西邊一陣天鵝來也。〔劉兀〕叫將校。〔衆應介〕劉兀。把海青忙解絨繩。〔衆放海青介〕追上天

鵝管甚雲霄。放海燕去者。〔衆應放介〕看海燕身軀纖小。把海青紙帽輕捎。天鵝也你飛得空高。只一擊青冥。便血灑翎飄。〔衆喊介〕掉下天鵝來也。〔劉兀〕取者。〔內作鵝叫介

衆〕啓爺。大東邊有一陣鴈來也。〔劉兀〕取弓來。〔衆送弓箭介〕內又鴈叫介。

〔南江兒水〕〔衆〕旅鴈空中叫。韻寂寥。他啣蘆漫過衡陽道。一字斜來知多少。替當年蘇武傳家報。今日相逢堪惱。雙矢離弦。管取向空齊落。〔射介衆〕啓爺。兩個鴈一齊中箭。都掉下來了。〔劉〕太子手段果高。寡人手段也不低。〔兀〕大齊王眼力還比咱家高幾分哩。〔劉笑介〕好說。將校。趕過白鹿岡去。〔衆〕啓爺。白鹿岡上。虎狼出沒。只恐去不得。〔劉〕哇。

〔北鴈兒落帶得勝令〕〔劉兀〕咱從來慣屠龍。會斬蛟。那怕他虎負嵎。狼當道。將校

每則索把挖孜孜箭搭弦。豁刺刺刀出鞘。由你插翅上青霄。騰足向黃茅。撲刮刮風千尺。不登登路一條。魚休縱犬去將狐捉。飄飄放鷹飛把兔抄。〔衆吶喊走〕

轉介)

〔南僥僥令〕〔胡女〕黃沙飛漠漠。紅葉舞瀟瀟。吶喊連聲驚天表。馬如雲。人似潮。馬如雲。人似潮。〔衆〕趕起隻老大白鹿來也。〔兀〕大齊主。此鹿讓咱家射罷。〔劉〕請太子開弓。叫將校每吶喊助威者。〔衆喊介兀執弓做射鹿介〕

〔北收江南〕〔衆〕呀。看你個下高岡白鹿閃瓊瑤。猙獰兩角觸風森。咱子向獸壺中探箭撚弓梢。覷不差半毫。覷不差半毫。嘶琅琅狼牙一發中闌腰。〔作射倒介劉〕

妙哉妙哉。〔衆〕願太子千歲千歲千歲。〔內鳥鵲鳴介衆〕啓爺。前面大樹上鳥鵲喧鳴。想是下有虎狼。不如回到西邊平坡之上。攪擾一番。〔劉〕哇。住着。太子。寡人十年前。赤手搏死二虎。今日況有許多人馬在此。若有虎。寡人不用器械。止憑拳打脚踢。活捉一個來與太子耍子。看寡人喝個采。如何。〔兀〕倒不知大齊主有這等手段。〔內虎叫介衆〕虎來了。

〔南園林好〕〔衆〕見鳥鵲爭喧樹梢。聽虎狼前山怒嘯。〔劉〕咱伏虎玄壇離廟。顯手段。逞粗豪。顯手段。逞粗豪。〔扮虎衝上介〕劉做跳下馬解縲脫袍介。

〔北沽美酒兼太平令〕〔劉〕笑哈哈解寶縲。笑哈哈解寶縲。忙劫劫卸錦袍。〔虎

撲介〕這業畜逢咱難恕饒。〔虎跳舞介〕恁張牙露爪地振與山搖。〔撲虎介〕咱則

向當頭虛抱。〔指將校介〕你須將金鼓齊敲。〔虎來撲介〕引他來望前空跳。弄得他

眼花顛倒。〔去撲虎介〕這遭怎逃。〔虎來撲空跌倒介〕撲楞騰一交呀。〔打踢介〕儘拳踢

不數下莊存孝。〔虎臥地介〕大齊主不用器械。赤手搏虎。真個遠過卞莊子李存孝。壯哉技也。

壯哉技也。〔劉〕今日之樂。可謂極矣。只不知宋兵連日聲息如何。咱家一面打圍。一面掛心着哩。

〔衆〕啟太子萬歲知道。探馬報來。去白鹿岡三里之地。立下三個大寨。中間是宋朝主將胡招討。左

右兩翼是梁山泊歸順草寇雙鞭呼延灼與大刀關勝。勢甚猖獗。須索策應。〔兀〕胡招討是個文官。

料想不諳武事。呼關二將。些些草寇。何足懼哉。〔劉〕太子言之有理。將校聽令。

〔尾聲〕〔劉兀〕將雄兵十萬齊圍了。似鐵桶般沒些兒孔竅。把三處紅旗只一掃。

將校們。擂鼓鳴金。擺個長蛇陣勢。把他三個大寨團團圍了。不許走漏一人。如違梟首示衆。〔衆應領陣下〕

## 第二十八齣 報捷

〔綿打絮〕〔旦上〕泥金信傍。含笑罷梳妝。〔內鶻叫介〕聽鶻噪紅窗。想爲報佳音特故忙。鶻兒。我問你討個消息。今日是揭曉的日子。若龍郎中了。你可再叫三聲。〔內叫介中淨暗上〕

小姐。鶻兒噪得早。昨夜燈花又開得好。龍相公穩穩的中了。喜非常。昨夜花燦銀缸。〔旦〕你看我的氣色如何。〔中淨看介〕小姐恭喜。眉尖隱隱兩道紅黃。〔旦拂鬢介〕是什麼東西。

〔中淨〕呀小姐。是蟾子掛下來了。〔合〕剛道個打點做夫人。又轆着蟾子雙雙掛鬢傍。〔老衝上看旦介〕真個好打點做夫人。你看蟾子雙雙掛鬢傍。兒。我怕你等報捷的心焦。特來伴你。〔旦〕多謝母親。〔中淨〕奶奶小姐。不要心焦。我小英的奶頭極有准的。若是癢發了。那報喜的也就來了。

〔太平令〕〔丑急上〕心急行慌。跑得渾身汗似漿。〔見介老中淨旦〕龍興來了。相公中了。

麼。〔丑〕奶奶小姐。相公已中今科狀。〔旦老〕不差麼。〔丑〕龍興的報。那有差的那金榜上。寫頭行。〔旦老拜介〕謝天謝地。大相公怎麼。〔丑擺頭介〕不得停當。〔老〕我道他不肯讀書。也罷。那

白相公可中麼。〔丑〕白相公也中了。〔旦老〕倒也中了。〔老〕我那兒。

〔前腔〕你夫婿名揚。〔旦合〕他平地風雷起頡頏。〔老〕龍興。你該在那裏伏侍相公。〔丑〕恐夫人小姐懸懸望。〔老〕這也說得是。小英伏侍小姐上樓去了。我到廚下檢點喜筵。龍興。你去廳上呵。忙點燭。快燒香。〔旦老中淨先下丑〕如今已牌時分。這些報捷狗娘養的還不見來。我假寫一張報單。貼在高處。只說有人報過了。騙他炒鬧一場。倒也有趣。〔帖報單介〕

〔前腔〕〔外末小生急上〕問個端詳。〔向內介〕老的胡衙在那搭兒裏。〔內〕前面白粉牆裏呵。

〔衆〕指點胡衙白粉牆。〔打門介〕報報報。〔丑〕外邊什麼人。大驚小怪。〔衆〕爲狀元報捷來求賞。快開門。快開門。〔丑開門介〕來報那個的。〔衆〕衙內婿。喚龍驤。〔丑〕吓。來遲了。〔衆〕我每是頭報哩。

〔前腔〕〔丑〕不用慌張。〔指單介〕撐開驢眼看。報過紅單帖畫堂。如何。〔衆〕那個天殺的鑽

做頭報去了。小官你每有捨物事賞他不曾。〔丑〕己曾賞過銀百兩。是鬆紋。還有哩。〔衆〕還有舍物事。〔丑〕還有十疋絹。做衣裳。〔衆嚷介〕我每讓他做頭報。第二報是我每的了。九十九兩纔去哩。〔敲鑼打椅嚷坐介淨上〕狀元繫在荷包裏。無奈人頭剪絡多。什麼人在此喧嚷。〔丑向淨耳邊倒鬼介衆〕大爺。我每是走報的。貴衙駙馬中了狀元。不知是那個天殺的鑽做頭報。騙了我每物事去了。故此喧嚷。〔淨〕哦。你每有多少東西。寄在我這裏。〔衆〕大爺。我每是走報的。〔淨〕你方纔說騙了你的物事。想是你有丟兒放在我衙裏。可惡可惡。〔衆〕不敢。〔淨〕我且問你。你每報捷的。還是總裁老爺。察院老爺。布按兩司老爺。府縣各位老爺。差你來報的呢。還是自家要騙物事來報的。〔衆〕這個大爺說得好笑。我每是上年規矩。怎麼說這樣話。〔淨〕我再問你。你曉得我姓什麼。〔衆〕大爺姓胡。〔淨〕我中第幾名。〔衆〕我每是報龍狀元的。〔淨〕這等在我胡衙裏什麼子。叫小廝。與我一個個縛了。送他到縣裏發落他去。先與我打上一造。叫小廝打打。〔丑打介衆跑介〕

〔尾聲〕〔淨〕官衙許你來擾。〔衆〕大爺。便是打殺了要賞了去。〔淨〕叫小廝。〔丑應介淨〕賞他些拳頭巴掌。〔衆眠地介〕打殺罷休。打得好。打得好。〔淨〕赤身拿棒槌打介衆慌跑走丟鑼

介丑趕打搶帽下介淨丑那裏撮擁這夥光兒光打光〔淨〕龍興如何〔丑〕大爺停當。

〔淨〕你也識貨。這羅大爺自用。〔敲介〕帽子賞了你。〔丑〕謝大爺。

打得有便宜。

報錢沒一釐。

洞房花燭夜。

金榜掛名時。

## 第二十九齣 陷差

〔上林春〕〔淨秦檜末堂候衆從人上〕懊恨當朝甚聲勢。奪去個狀元容易。誰家白面書生。須劈腦下他一計。試官有眼卻無珠。瞎帳真龍混帳魚。我本將心托明月。誰知明月照溝渠。咱秦太師排空作雨。喝地成流。誰想把孫兒秦墳。托付万俟卨那廝。要中個狀元。卻不怕我。中出一個龍什麼來。可是二十年來怪事。那小畜生傳臚之後。也不到我私宅來拜個門生。甚是可惡。〔冷笑介〕我要擺布這個小畜生。有何難哉。那官兒叫那万俟卨這狗弟子來。〔末應介〕

〔光光乍〕〔丑上〕主司命兒低。撞着打頭雷。今日升堂須子細。只怕躲了天雷有霹靂。〔問末介〕今日太師爺沒有什麼怪我麼。〔末〕說道要問万俟卨討狀元哩。〔丑驚介〕罷了。我



道是這樁買賣發動了。〔進跪介〕万俟高參見老太師爺。〔淨喝丑驚介淨〕哇。畜生。你知罪麼。〔丑叩頭介〕万俟高該死。〔淨〕你把我孫兒中在那裏。消不得一個狀元麼。〔丑又叩頭介〕万俟高該死。〔淨〕那龍什麼子那裏討來的人情。你就不放在心上。我把你畜生的頭不要寄在你頸子上。〔丑〕万俟高該死。望太師爺暫息雷霆之怒。容小官一稟上。〔淨喝介〕有什麼說。〔丑〕那日看卷之時。令孫老大人元取作狀元。不想天雷打下三次。那龍驤卷子元取第二。又三次樂響。故此只得顛倒中了。万俟高該死。該死。〔淨〕你怕天雷。不怕我秦太師麼。〔丑〕那日小官怕天雷。今日天雷怕太師爺了。〔淨強笑介〕那天雷還怕我麼。起來。說了說。〔丑〕不敢。〔淨〕站着。〔丑應站介淨〕那龍驤這小畜生好生倔強。不來見我。我要了了他的官兒。你這花臉。慣會算計人的。設個計較來。將功折罪罷。

〔風入松〕〔淨〕喬才新進太無知。他大膽道狀元及第。笑蛇兒倒有蛟龍氣。待設個牢籠之計。斷送他前程。這回除是你有心機。〔丑打恭介〕這有何難哉。

〔急三鎗〕〔丑〕此三須事。不必用煩相公慮。一舉手。〔吹氣介〕做飛灰。太師爺在上。如今

雷公料管不着他。依小官愚見。一發了了他的性命罷了。〔淨回噴作喜介〕妙妙。坐下講。〔丑〕不敢。〔淨〕坐下好講話。〔丑坐介淨〕依你的見識。怎麼擺佈他纔是。〔丑〕小官今日見塘報。那兀朮會同劉豫圍住白鹿岡一帶了。太師爺就教龍驤領兵前去策應。定然送死。這是羊落虎口之計。伏乞太師爺尊裁。

〔風入松〕雄兵十萬合重圍。可易一時殺退。他書生料是無張智。不用費些三兒力氣。〔點紗帽介〕把他這件東西呵。就送與番人祭旗。那時節說什麼狀元誰。

〔急三鎗〕〔淨〕妙哉。這計較真希罕。便打點差他去。莫教遲。万俟大夫。我算道你有些見識。果然。只是你把這個好門生反面就弄他一下。覺道忒狠了些兒哩。〔丑〕太師爺在上。這個也是小官的薄敬。〔淨笑介〕堂候官就分付兵部。速差新狀元龍驤。領八千人馬。星夜往白鹿岡策應。不得違誤。如若遲延。卽正軍法。〔末應介淨〕万俟大夫。你

主張文字太糊塗。

算計他人卻有餘。

莫道此人全無用。

也有三分鬼畫葫。

第三十齣 分別

〔瑣寒窗〕〔旦老上〕喜仙郎月桂初攀。又誰知詔旨頒。離他金馬。去跨雕鞍。〔旦〕鴛幃寂寞。黃昏清旦。好教人意慵心懶。〔背悲介〕怎禁啼淚暗漣漣。〔老偷看介〕咳。是少年夫婦。怪不得有此牽絆。〔旦〕母親萬福。〔老〕孩兒到來。方纔龍興來報。說你丈夫今日就要起馬。剛撥巍科。又當遠別。怎生是好。〔旦〕便是。都是秦檜那廝的陰謀。真個事出無奈。〔老〕此行想定與你爹爹相見。倒也是一個機會。〔旦〕只是龍郎不諳武事。不知成得功否。孩兒未免掛心。〔老〕正是呢。

〔臨江花〕〔衆引生上〕自信如丹心一瓣。勤王敢憚間關。笑書生今日也登壇。看一股青萍照眼。長隨外廂伺候。〔衆應下相見介老〕賢婿。聞你就要起程。赴援河北。匆匆怎好。〔生〕劣婿此行。正求相見岳父。岳母不必掛念。〔旦〕龍郎。妾身愁你不禁勞役。又值寒冬。一時別去。好不傷感。〔悲介生〕眷戀之情。彼此皆然。只是欽限嚴緊。不得久住。〔老〕叫龍興看酒過來。〔丑持酒上〕有酒。〔斟酒遞旦接送介〕

〔針線箱〕〔旦〕好夫妻別離不慣。只爲着朝廷欽限。拚沈沈酩酊離亭盞。做個不知分散。〔生〕我功名闕外能先許。你涕淚閨中莫浪彈。〔老〕賢婿。你何時返。〔生〕怕玉門關遠。滿拚他頭白生還。〔丑稟介〕啓爺。兵部差官催督卽刻起程。〔生〕知道了。〔旦〕龍輿收了蓋。〔丑收介〕

〔搗白練〕〔老〕別思縈。〔旦〕愁腸縮。〔生〕去和留左難右難。〔旦〕怎禁這般鞅掌。這般留戀。〔悲介〕天也。又恁般催攢。〔丑〕啓爺。天色晚上來了。請起馬去罷。〔生〕分付伺候着。〔丑應介〕

〔三學士〕〔生〕底事今朝天易晚。爲征人行色闌珊。〔旦〕我深閨欲寄書非易。你急足時傳信不難。〔合〕但願鞭將金凳挽。急唱取凱歌還。〔內云〕報。白爺送行。〔丑〕住着。待我通報。稟爺。白爺特來餞行。〔生〕知道了。岳母。小婿就此分別去罷。

〔半叫鷓鴣〕〔老生〕骨肉分離在等閒。分離那值又天寒。〔旦〕我那要識分離苦。把我分離淚眼看。〔老扶旦下生弔介小生上末隨介〕殘照落長川。驪駒唱別筵。雁飛不到處。人

被利名牽〔報介見介小生〕年兄。我和你榜墨未乾。勅書早下。姦相肆謀。吾儕結舌。惶愧惶愧。〔生〕此去恰好與妻父相見。倒是不幸中之幸也。〔小生〕元來如此。看酒過來。〔末送酒介〕

〔解三醒〕〔小生〕乍離了玉皇香案。早建着大帥高竿。我準備一雙望你旌捷眼。盼翁與堦兩師班。〔生〕恐才疎難副年兄望。〔嘆介〕怕計拙仍投大相姦。〔小生〕

休嗟嘆。休嗟嘆。但仗個生平膽略。定斬樓蘭。〔內云〕衆將伺候久了。請爺起馬。〔丑〕知道了。啓爺。兵部點差將校頭目在此候久了。〔生〕教披掛伺候着。〔小生〕小弟別了。百凡事年兄須用保重。〔生〕領教。〔合〕正是話不斷頭重話話。行難分手再行行。〔小生下外淨老旦中淨將官上〕一把鸞刀箭一壺。衝鋒破敵血模糊。生平要掛封侯印。不愧人間大丈夫。兵部點差隨行頭目叩頭。〔生〕此處到清水灣。多少路程。〔衆〕有三十餘里。〔生〕傳令趕到那邊住扎。明日五更長行。〔衆應介丑大帽青衣隨行介〕

〔神仗兒〕〔衆〕旌旗色燦。旌旗色燦。戈矛光爛。向清淮斷岸連營。作長空飛雁。從他河北金兵百萬。須淨掃。莫留殘。須淨掃。莫留殘。〔引下〕

第三十一齣 巡警

〔山歌〕〔淨外中淨軍上〕鐵衣忙着五更頭。五更頭霜露冷飈飈。我裏個嬌滴滴家婆嫌脚冷。正喚做悔改夫婿覓封侯。咱們是白鹿岡上把守的軍士。被兀朮四太子與劉豫那厮統領十萬鐵騎。把我胡爺圍困在此。昨日呼關二將軍殺透重圍。請救兵去了。我每巡警的須要小心。〔衆〕哥說得有理。我每輪流打梆敲鑼。不要倦了。〔內鴉鳴介〕

〔六么令〕〔衆〕黃昏靜悄。見呀呀鳥鵲爭巢。〔內搥鼓〕營中鼓角動嚴宵。排短戟。列長刀。一聲鑼纔是初更報。一聲鑼纔是初更報。〔內作打一更介〕

〔滴溜子〕〔末上〕乘飛騎。乘飛騎。紅塵一道。賁急報。賁急報。皇封兩托。點差狀元來到。他精兵有八千。威權不小。起馬前來。只在明朝後朝。關上把守的接飛遞文書。朝廷差狀元龍爺來策應了。〔衆立高處接介〕曉得了。〔末〕起馬前來。只在明朝後朝。〔下衆〕哥每。我們把這角文書到十里鋪叫直番的打進去便了。〔走介〕

〔六么令〕〔衆〕星稀月小。〔內打二更介〕聽鼙鼙二鼓方交。〔內雁叫介〕滿天霜露雁

聲高風凜烈夜迢遙〔內打三更介〕霎時又是三更到。霎時又是三更到。這是十里鋪了。叫鋪兵〔丑內應介〕來了。來了。

〔滴溜子〕〔丑上〕郵亭內。郵亭內。風寒似掃。深夜裏。深夜裏。是誰廝叫。起來向前看着。元來是長官。巡風來到。〔衆〕快收文書。快收文書。〔丑〕投下文憑。不須鬧抄。〔衆〕這是新狀元龍爺領兵來策應的文書。不要誤了。〔丑〕曉得。投下文憑。不須鬧抄。〔下〕

〔六么令〕〔衆〕荒雞叫早。〔內打四更介〕這些時四鼓頻敲。冷風刮面利如刀。人寂寂。影蕭蕭。〔內打五更介〕又交五鼓天將曉。又交五鼓天將曉。

〔滴溜子〕〔小生上〕狀元的。狀元的。統兵將到。忙傳示。忙傳示。常川軍校。早來特差前哨。弓都要上弦。刀須出鞘。急向軍前。迎接節旄。招討胡爺傳令。教前哨官兵迎接。新狀元龍爺軍馬。不得有誤。〔衆〕曉得。〔小生〕急向軍前。迎接節旄。〔下衆〕哥每。這叫做眼望旌捷旗。耳聽好消息。我每快去。我每快去。〔打鑼下〕

第三十二齣 祈雪

〔傾杯玉芙蓉〕〔外末小生淨中淨旗手引生佩劍上〕詔揭紅旗下九重。〔吹響器三聲介〕畫角三聲動。我則待卸了烏紗。跨了金鞍。掣了青萍。架了雕弓。憑將虎節當頭。捧看取狼烟轉眼空。〔衆喊介〕軍聲闐似春雷夜轟。笑書生此行殺氣正。

〔玉芙蓉〕〔生〕他權姦計較凶。便座主也成趨奉。喜丈人行今朝有女婿乘龍。你說我胸中膽略三軍恐。便是這肘後天書萬法通。劉豫的賊子。你成何用。任圍如鐵

桶。管到時節救他。垓下出重瞳。〔住介生〕將校。什麼地方了。〔衆〕這地方上名叫做捉魚灘。

〔生笑介〕倒也輾巧。捉者擒也。魚者豫也。傳令就在此安營下寨。捉那劉豫這賊便了。〔衆〕得令。

〔扎介生〕叫將校。搭下一丈八尺的高臺。張下紅燈三十六盞。打一角緊急文書。到白鹿岡胡爺寨中投下。約定四更時分。領本部人馬到岡南相會。不可誤了時刻。〔衆應打文書介生〕再傳一令。不

論馬步諸軍。俱備下白甲白袍伺候。到三更時分。一齊整隊。去攻打賊營。違者立時斬首。〔衆應介

生〕不論大小頭目。俱在帳外聽候。〔衆應下介生〕軍中取淨水香燭過來。〔丑應取介生〕你自迴

避。〔丑下介生〕下官得蒙仙姑賜我天書。今夜依他作法。請下大雪一壇。就此進兵。學那李愬收淮



蔡的故事。卻不是好。〔登臺仗劍燒符噴水念呪作法介衆扮神鬼小旦引上立高處暗候介〕

〔普天樂〕〔生〕畫靈符倩神風送。借壇雪作今宵用。〔默念咒勅介小旦用帚一拂衆神

鬼作扯雲介〕呀。你看彤雲起。彤雲起。布滿西東。〔小旦用帚拂介神鬼灑雪介〕呀。果

然雪下了。早紛紛飄墮長空。〔揖介〕謝仙姬暗中。霎時間便來顯應神通。〔小旦單

弔介神鬼下穿白衣扮軍士同衆上〕哥兒每。怎麼一會兒就下起大雪來。〔生〕將校。〔衆應介生〕

諸軍俱要卸下鎧甲。穿上白衣聽令。〔衆〕俱已換了。〔小旦執小白旗在前暗引行介〕

〔馱環着〕〔生〕把前軍擺動。〔衆應吶喊介〕把前軍擺動。〔做走雪介〕躡跡潛蹤。人盡

啣枚。馬皆勒鞚。趁此雪深風猛。夜朦朧。認不出錦重重。幟鸞旗鳳。〔衆稟介〕稟爺。前

面雪大。只怕去不得。〔生喝介〕哇。說什麼藍關堆擁。將校。〔衆軍轉身低應介生〕你每聽岡上

將軍一銃。〔合〕就連營湧。兩翼衝。管元濟成擒。檻車傳送。管元濟成擒。檻車傳

送。〔衆〕將近賊營了。〔生〕將校每。大膽殺上前去。〔急走轉介〕

〔對玉環帶清江引〕〔合〕馬蹴蹄鬆。銀杯散幾重。車驟輪衝。玉龍碾幾通。燈兒

又不紅。鼓兒又不響。殺奔中軍。霎時山海崩。寒天夜深人戰悚。驚起南柯夢。刀鎗沒處尋。手脚無些用。殺他不留一個種。〔引下〕

### 第三十三齣 擣巢

〔小旦上〕天兵此日破重圍。酒色昏迷尙不知。叛逆到頭終有報。只爭來早與來遲。我長春子先自顯個神通。與龍生大雪三尺。待迷了劉豫的行蹤。只是那廝有萬夫不當之勇。書生臨陣。怕道抵敵不過。我如今閃入賊營。先攝了他的魂靈。使他昏迷不醒。交戰之時。墮落陷坑。多少是好。正是饒君脫得去。扯破紫羅欄。〔暫下〕

〔剔銀燈引〕〔淨劉豫老丑扮宮人上淨〕打盡嬌姿一網。把中軍帳做鴛鴦帳。〔老丑〕謾說羊車。何須蝶幸。拚斷送一番紅浪。〔合〕雪中梅放。且檢點淺斟低唱。〔淨〕寡人與四太子會兵攻打白鹿岡。已將胡招討那廝圍住在此。料他插翅也飛不出去。今夜大雪漫空。且教隨行官妾歌舞一回。做個賞雪筵宴。明日進兵。未爲遲也。內侍每。筵席完備未曾。〔老丑〕完備多時了。〔淨〕衆侍兒每。歌的歌。舞的舞。看大觥來。〔老丑〕領旨。〔內鼓樂介奉酒介〕

〔好事近〕〔淨〕萬騎冒風霜。一霎行殿銀妝。瓊旌玉旆。望裏滿空飄揚。何妨去覓梅花消息。弓刀上暗遞幽香。乘夜擁紅裙玩賞。拚烹茶喚醒。又攻打前岡。〔小旦暗上前場閃介淨擡頭見介〕侍兒每。筵前穿白的女子是那裏來的。〔老丑〕沒有。並不曾見個穿白女子。〔淨〕胡說。

〔前腔〕筵前瞥見一嬌娘。底事得入營房。敢是觀音出現。〔小旦又閃介淨〕呀。怎地恁般趨踰。〔雜扮假劉豫暗上坐卓下介淨〕參詳。或是瑤池王母。親來到。奉我霞觴。〔起請介〕王母娘娘請了。淹屈你鸞車半晌。〔小旦吹氣拂淨介淨坐倒睡介鬼上索牽卓下假劉豫出介小旦〕把你魂靈找去。先交付無常。〔小旦引前鬼牽魂轉下介淨作昏介老丑〕皇爺醉了。快扶到龍牀上去。一壁點茶伺候。〔扶淨下介〕

〔賺〕〔小旦執小旗引生衆軍上〕雪緊風狂。〔衆〕稟爺。前面有一個女子在此引路。〔生〕你見他怎麼模樣。〔衆〕是穿白的。〔生〕是水月觀音縞素妝。將校是神仙來助陣了。你每齊催上。〔衆〕將到賊營了。〔生〕偃將旗鼓莫張皇。〔衆〕怎商量。〔生〕着幾個有膽量的過來。〔衆〕有。

〔生〕你潛身直到中軍帳。每人各帶乾柴一束。妝裹黃硝七尺長。〔衆〕將來何用。〔生〕學諸葛亮。先將一火燒博望。教他膽飛魂喪。膽飛魂喪。〔生〕將校。放起火來。〔衆應〕放火。介下末扮內官急上介。

〔么〕〔末〕火勢倉皇。報皇爺。報皇爺。〔老冲上〕皇爺醉着。不要喧嚷。〔末〕怎麼了。還爛醉佳人

錦瑟傍。大營外宋兵殺來了。快報皇爺。〔老急扶淨上做醉介淨〕看大觥來。〔末〕怎麼了。皇爺。宋家

人馬。不知多少。放火燒營。將近中軍帳了。〔淨〕哇。來欺誑。我雄兵十萬緊隄防。〔末〕事非

常。白袍小將真粗莽。燒得前營一片光。〔淨〕這等你每都廝殺去。〔末〕難擔當。〔淨〕罷

了。罷了。這些雪下得不好。這些酒又喫得不好。夜來卻像掉了魂靈一般。怪片魂飛去青霄上。

怎麼有些惚恍。有些惚恍。〔生引衆又放火圍轉介下淨〕衆女侍每。你每快屯住後營。待寡

人御駕親征。〔老丑先下介〕

〔撲燈蛾〕〔淨〕何方棒與鎗。何方棒與鎗。那里兵和將。半夜與三更。攪散低低

歌唱也。〔小旦冲上將小旗插淨頸介在前引淨路介淨〕聽鑼喧鼓響。怕火光後隊逼娘娘。

抖精神快些殺上。寒威壯。大家靠個汗如漿。〔暫下〕

〔前腔〕〔小旦暗引生乘右上〕前軍擺戰場。〔立左介小旦又暗引外乘左上〕前軍擺戰場。

〔立右介合〕後隊施羅網。〔生〕將校。一面掘深坑。〔衆做掘坑介生〕再把雪來妝涼

也。〔衆做擁雪介生外立高處衆低伏四角介小旦又暗引淨上淨〕內侍們。你看前面神仙引路。快些

殺上去。跟神仙去向。殺他片甲不還鄉。〔小旦淨衆穿花走介引入中央用拂一掃淨作落

坑倒地介小旦用拂招生外衆拿介起立中央高處介淨〕罷了。罷了。太子救人。太子救人。〔生外下

高處介〕叫將校每。用撓鉤將他搭上。〔衆做搭上綁介生外〕休疎放。把囚車押在一

邊廂。〔小旦暗閃下衆押淨下介生外見揖介生〕小婿來遲。有勞岳父費心。〔外〕多謝救援。真是神

算。〔生〕此功全仗仙姑之力。小婿有何德能。〔外〕仙姑是誰。

〔尾聲〕〔生〕事關鬪縷真難講。他功績在萬軍之上。〔外〕哦。元來如此。待一路上去。還要

備細請教。〔合〕始信天上神仙不渺茫。〔生〕將校傳令。一面搜檢賊營。一面追趕兀朮。一面

寫本將逆賊劉豫解京。候旨發落。〔衆應介生外〕就此班師回去。〔衆應介內打得勝鼓介〕

雪中一戰解戎衣。

此日歡聲震似雷。

方信鞭敲金凳響。

果然人唱凱歌回。

### 第二十四齣 相逢

〔羅帶風〕〔旦上〕檀郎去請纓。安危未省。又不知翁婿見未曾。我那爹爹也。你緣何半載信無憑也。〔老暗上〕我那兒。你若這等憂煎。怕惹出些兒病。難道鵲聲沒準繩。難道燈花沒準繩。〔合〕想榮歸只在須臾頃。〔老〕我兒。今早你哥哥問卜回來。說你爹爹與你丈夫時下就有好音。且自消遣則個。〔旦〕軍旅之事。吉凶未定。好生掛懷。如何消遣。〔淨急上〕母親妹子。爹爹同妹夫擒了劉豫。得勝回朝來了。〔旦老〕如此。謝天謝地。〔拜介衆引生外上〕

〔掛真兒〕〔外〕千里提兵臨虜境。喜今日談笑功成。〔生〕土馬揚威。仙靈助勝。又早榮旋鄉井。〔衆見介外〕曾作邊庭客。〔老〕常爲魂夢人。〔生旦〕一朝重會合。此日受恩新。〔老〕老相公。經年戎馬。今幸凱旋。軍中事情。老身不知端的。〔外〕夫人。那日呵。

〔宜春帶〕承王命。事遠征。陷重圍。艱難虜營。〔指生介〕賴龍生兵到。又是仙姑雪。

夜來策應。〔旦老〕哦。又是仙姑娘去。到那裏顯聖了。〔淨縮頭伸舌介〕嘖嘖。真個古怪。古怪。〔老〕喜麻姑。此日飛符。使樂昌今朝完鏡。〔外〕賢婿。只不知仙姑怎生的模樣。老夫待畫他一幅神像。好得焚香禮拜。〔旦老〕正該如此。〔生〕與令愛一般影形。脫幅春容。就是女仙神幃。〔外老〕哦。有這等事。〔丑急上〕稟爺。朝廷差白爺。賈恩詔到了。〔生外〕快排香案迎接。〔丑應排香案介〕末扮長班引小生捧詔書上。旦老暫下介。

〔前腔〕〔小生〕黃金轡。白玉鞵。打頭踏趁。天街乍晴。朱門將到。長班先去稟胡爺宅裏。教快排香案中庭等。〔末〕報過多時。俱已齊備了。〔小生到介〕外生淨接見拱手介。請問白老先生。今日是何詔旨。〔小生〕爲明公德著青編。〔對生介〕又年兄鞭敲金凳。〔外生淨〕元來如此。〔小生對介〕胡大兄快換冠帶。〔外〕小兒何故有冠帶。〔小生〕聖旨到齊來跪聽。這特典中間。又賜令郎勅命。〔淨着武職五品服介〕列位賀喜。這是天上掉下來的紗帽。〔衆跪介〕小生讀詔介。詔曰。頃者胡塵紛擾。國步多艱。矢志勤王。功成翁婿。陰謀助順。力藉神仙。茲特進爾都招討使胡章爲兵部尚書。妻諸氏封韓國夫人。子胡連授錦衣衛正千戶。狀元龍驤進翰

林學士妻胡氏封秦國夫人。所奏天目山仙姑封白衣元君。有司立廟崇祀。逆賊劉豫凌遲處死。一應效勞將士俱以次論功陞賞。欽哉。謝恩。〔衆〕萬歲萬歲萬萬歲。〔外〕龍興。看酒過來。〔丑〕應送酒介。

〔奈子窗〕〔合〕寶爐中香藹金屏。綺筵間曲奏銀箏。歌聲雜沓。燭光交映。則索把酒盃頻罄。〔合〕一輪皓月可中庭。儘交玉漏三更。

〔前腔〕〔丑急上〕在邊廂得個風聲。報中堂列位公卿。〔跪介〕權臣秦檜。一朝安靜。〔衆〕怎麼說。〔丑〕昨夜三更時分。被岳爺一頓鐵鞭打死了。喜殺了滿城百姓。〔合〕這回上下始安寧。舉頭湛湛天清。

〔尾聲〕〔合〕掃羶羶。除姦佞。指日迎還二聖。管取中興賀太平。

幸喜仙姬暗助功。

一家骨肉受恩封。

今朝賸把銀缸照。

只恐相逢是夢中。

### 第二十五齣 提因



〔小生上〕一間茅屋萬重山。人住半間雲半間。〔小旦〕白雲長被清風引。到底終輸我輩閒。〔小生〕長春子。那龍驤功成名遂。夫貴妻榮。好不受用。好不快活。既是你成就他生前事業。我豈可不指點他日後終果。今日他闔宅到湖上賞雪。你可仍作弱妹模樣。使他父母兄弟相見之時。把那花園晚會事兒。一朝冰釋。只是一件。偌咱天氣嚴寒。彤雲密布。雪緊風狂。路僵冰凍。那龍驤未必到湖心亭畔。不免叫柳樹精指引前來。有何不可。樹精何在。〔柳樹精上小生〕柳樹精。你可仍變舊日枯椿。站在西湖厓上。待龍驤繫舟之時。則用一陣好風。帶到湖心亭來見俺。不得有違法旨。〔柳樹精〕領法旨。〔下小生〕長春子。你道那龍驤弱妹。前身是什麼樣人。〔小旦〕這個弟子不知。〔小生笑介〕你還不知道。龍驤是王母燒香童子。弱妹是王母執拂侍兒。因他兩人動了一點凡心。謫在塵世。王母又恐他墮落泥塗。轉身不得。又使你撮合姻眷。復歸正道。〔小旦〕呀。元來弟子根本。都是王母指化。〔小生〕你那時正果不明。仙凡兩昧。那裏知道。又一件。大凡世上之人。只要成自己功業。那管他人利害。汝乃山木之妖。一點仁心。如珠在腹。既利龍驤之有。復念龍驤之無。伉儷功名。椿椿替他成就。故吾輩與你一粒金丹。了完你的正果。雖則是仙家功德。亦是上天報應。〔小旦〕敢問師父。不知龍

驥日後也可超昇到洞府來麼〔小生〕這個你不要管。他若到來。俺自有他的說話。你只將自己本等照管便了。〔小旦〕不知弟子怎麼修爲。纔到上乘。〔小生〕你聽者。

〔賞花時〕你再休想芭蕉作破題。再休想薔薇攝影戲。〔點自心介〕把這一搭的東西。時常來料理。便是你分內鐵基。

〔前腔〕〔小旦〕曾與他丸內明珠作聘儀。又替他錦字高高鴈塔題。又幫襯他凱旋歸。這都是長春子的氣力。俺咱還要師父扶持。〔同下〕

### 第三十六齣 揭果

〔丑上〕忙排酒。忙排酒。一樹桃花間株柳。等閒大雪塞長堤。舊路難尋沒脚走。俺家龍爺。同着闔府宅眷。要到湖上賞雪觀梅。教俺備下酒船。在清波門伺候。我想俺老爺只管自家快活。那管我們受苦。這等大雪。怎生行走。且喜船已備下。不免到前面酒鋪上沽他一壺。伺候上船便了。正是受他衣食。憑他管。不顧天寒與天暖。若是有個別思量。自然手長衣袖短。〔下小生引小旦上小旦〕師父。你看西湖景致。好不瀟灑了也。〔小生〕長春子。那洞天福地。處處是俺莊子。人間華麗世界。羨他怎麼。

只把咱家事兒試說一遍。你須聽者。〔小旦〕師父試說。弟子恭聽。

〔北仙呂點絳脣〕〔小生〕鍊鐵成鋼。有收無放。泥丸上。透出靈光。照破了多少公侯相。

〔混江龍〕你從今已往。再休將詩謎學荒唐。則索把心猿歸鎖。意馬收韁。赤緊的經卷丹爐。放心坎內。沒揣的車輪馬足。在耳邊廂。受用些胡麻當飯。榲葉爲裳。松花酒醞。菊蕊茶香。靈芝吐秀。瑞菌呈祥。鸞聲清亮。鶴翅飄揚。打漁鼓隨詞按拍。吹鐵笛。信口無腔。閒掃白雲消永晝。倦堆紅葉臥斜陽。那裏管乾坤蕩蕩。宇宙茫茫。吳興越敗。楚弱齊強。耳不聞斬蛇逐鹿。口不言失馬亡羊。一任他桑田變海。海變田桑。過去四季一周。到有十二月。算來百年三萬止。得六千場。咱想聖賢出處。自分清濁行藏。有兩個乾癟癟餓死首陽山。有一個苦耽耽困殺簞瓢巷。又有個自求屍葬。鴟夷革。還有個他甘身跳汨江。倒把空殼落認爲正果。反將主人公撇在邊傍。恰推開了生前那富貴。剛留下些死後的文章。〔同下柳樹精上〕俺領着師父的法

旨。叫俺露個向來根本。仍做柳樹枯椿。待等龍狀元船來。繫在俺身上之時。則用一陣好風。吹那船兒到湖心亭上。與俺師父和長春子相見了。完他的正果。只得伺候者。〔暫下。隨生衆上。立前場。介。外老生旦淨丑同衆作船上。〕

〔南桂枝香〕〔合〕波平如掌。雲垂若篋。趁着幾樹梅開。又值六花雪颺。任悠悠畫船。任悠悠畫船。湖心搖蕩。儘宜清賞。〔生〕龍興風緊雪大。住了船罷。石尤狂。振柁過

梅嶼。收船繫柳椿。〔丑繫船介。柳樹精帶船內作風引船下介。小生小旦上。立卓上介。小旦〕柳樹

精去了多時。怎麼還不見到來。〔小生〕遠遠一隻畫船從空而來。想是他也。〔柳樹精帶船上生〕前面亭子上。好似仙姑娘娘。我們快上船去相見。〔作上船相見。伏地介。柳樹精丑下介〕

〔北油葫蘆〕〔小生〕咱憑着一朵紅雲借玉皇。順風兒到此方。龍驤擡起頭來。〔指小旦介〕這可是使君舊日野鴛鴦。胡章諸氏擡頭起來。〔指旦小旦介〕教你識破兩個孩兒樣。龍驤替你明白。一主芭蕉帳。〔指旦介〕你真弱妹燒着香。〔指小旦介〕他假弱妹頂着缸。〔笑介〕龍驤花園內你落了狐狸涼。肚兒裏還道真個做新郎。

〔南八聲甘州〕〔衆〕自慚草莽。念仙凡輒敢顏行。湖波滉瀟。與恩波一樣汪洋。正思天目一瓣香。底事仙風助馬當。端詳。這師父敢是純陽。〔小生笑介〕你可認得咱家哩。〔指小旦介〕這可是什麼人。〔生〕這是仙姑。〔小生笑介〕

〔北天下樂〕〔小生指小旦介〕他消受一夜春光到海棠。難也波忘。用芒鞋則一雙。踏遍了九點齊烟萬里蒼。他至公堂強把持。他殺人場硬主張。你可思量。不爲東君爲甚忙。

〔南解三醒〕〔外生〕喜鶴駕並臨塵壤。做景星慶雲瞻仰。前程似漆難趨向。把家國事叩其詳。〔外生〕弟子胡章龍驤呵。徒懷忠憤悲靖康。怎得勳名繼李綱。〔齊叩頭介〕心難忘。心難忘。望吾師指示何妨。〔小生〕那趙大郎家不須問得。

〔北那叱令〕偏安的一方。那有個辟疆。胡塵的四方。自有個小康。爭雄的八方。終有個下場。新人的趨舊人。後浪的推前浪。這的是陽九運世合承當。〔外〕弟子

胡章。問師父討個終身結果。

〔南長拍〕擠擠豺狼。擠擠豺狼。紛紛魍魎。何日脫他羅網。〔老〕弟子諸氏。問師父討個終身結果。崦嵫日短。更兼雞骨久支牀。〔旦〕弟子胡氏。敢問師父。未弄瓦和璋。天上石麒麟。他日可得下分祿福。〔淨〕弟子胡連。苦惱子。苦惱子。苦難相求。作過從前都莽戇。望饒恕我蠢皮囊。〔生〕弟子龍驤。試問取幾年勞攘。敢廬生一夢。飯糗黃梁。〔小生〕

胡招討。〔外擡頭起介〕弟子有。〔小生〕你前身乃紫微殿下修文使者。上帝着你再遊塵世。遍考山川。只因你做秀才時。于世上文章。妄加評議。故中年與你一子。目不識丁。但你忠孝存心。仁慈及物。所以福祿壽考。仍還爾身。二十年後。同妻諸氏。可到華陽洞天。再與你相會。〔外〕弟子領命。〔小生〕諸氏。〔老〕弟子有。〔小生〕你爲婦能孝。爲妻能賢。但你居室之中。勤事打掃。或于蜘蛛之網。螻蟻之埕。輕加破壞。雖是下界微蟲。亦是上天生命。行遊使者奏聞上帝。但與你半子之榮。不許你一兒之貴。二十年後。同夫胡章。也到華陽洞天相會便了。〔老〕弟子領命。〔小生〕龍驤。〔生〕弟子有。〔小生〕龍驤。你前身是王母殿前燒香童子。只因動了一點凡心。謫在塵世。旣生閨閣之家。當習詩書之禮。胡招討與你父親有僚案之情。你與弱妹有兄弟之誼。焉得復盟私念。輒爾鑽窺。若不是長春子弄

假成真。你便將他敗倫傷化。但天曹念爾父死于國難。有子合當富貴。且弱妹與爾有夙世姻緣。故不得不轉移禍福。五十年後。甲子年七月十五日。相會在謝羅山中。不得有違法旨。〔生〕弟子領命。  
〔小生〕胡氏弱妹。〔旦〕弟子有。〔小生〕爾前身是王母殿前執拂侍兒。動了凡念。謫墮爾身為女。減歲壽母。篤孝聞于上帝。代兄爲子。樂及天親。節操凜似秋霜。雍熙和同春日。女德旣修。婦道亦備。合當與你三子一壻。俱登黃甲。五十年後。甲子歲七月十五日。一同夫壻龍驤。到謝羅山相會便了。  
〔旦〕弟子領命。〔小生〕胡連。〔淨〕弟子有。〔小生〕胡連。汝本是王屋山下一條蟒蛇。只因咬死了兩個逆子。上帝許你做個人身。足汝一生衣食。誰想毒惡不悛。乖戾如舊。弱妹旣爲兄妹。有事便當隱瞞。金釵揭證。于心何忍。若不是長春子把薔薇花換去。弱妹冰清玉潔。幾乎被玷罹冤。那日演法之時。天曹便欲誅戮。又虧長春子求饒。留汝性命。從今已後。須作好人。把仁義忠信牢牢放在心上。日後也好受咱家指揮。不然。天曹賞罰。決難輕貸。〔淨〕弟子敢不領命。

〔北後庭花〕〔小生〕你道一家兒享榮華。是那椿都。只是長春子的擔當。道你骯髒世界隔天堂。特兀的咱同來下降。你休認仙家道理不尋常。左右是人家的比

方則要你爲臣的忠與良爲子的孝着爹與娘爲夫的柔與剛爲婦的端與莊爲兄的和與光能者納祉與祥不能者罹災與殃。

〔南安樂神犯〕〔衆〕難逃胎蟹生前罪過到此都彰已拚墮落淤泥鄉反蒙提挈雲霄上甲子孟蘭會平地放毫光脫我頻婆帳〔排歌〕夫和婦婿與郎一朝泥馬渡康王同稽首齊合掌千年仙鶴下遼陽〔小生〕龍驤你須聽者。

〔北寄生草〕你年方壯氣正強待玉門關外驅兵將殺人場裏分劉項凌烟閣上圖形像〔拋紙包與生旦介〕把金丹幾粒賜伊行會你本來面目在瑤池上〔衆扮金童玉女持寶幡引小旦小生下內作細樂介〕

〔南短拍〕〔外老生旦淨〕俯伏多時俯伏多時徘徊半晌猛擡頭見羽化翱翔對對引旛幢片片天花歷亂朵朵景雲沈澹渺渺瓊簫嘹唳遙遙玉佩鏗鏘。

〔北煞尾〕鼓腹白鷗莊舒足紅梅帳胸中無別物曲魔兒時常作癢不是咱山人誇伎倆略知些腔調宮商任閒口漫雌黃壓着咱則是西廂琵琶記輸些斤



大正  
九年

目錄

第一齣 開宗

第二齣 爻集

第三齣 探春

第四齣 換馬

第五齣 縱姬

第六齣 審音

第七齣 遊仙

第八齣 訪舊

第九齣 託媒

第十齣 巧探

第十一齣 下定

第十二齣 捧盒

第十三齣 納聘

第十四齣 假駿

第十五齣 就婚

第十六齣 協賀

第十七齣 拾簫

第十八齣 賜簫

第十九齣 詔歸

第二十齣 勝遊

第二十一齣 及第

第二十二齣 惜別

第二十三齣 話別

第二十四齣 送別

第二十五齣 征途

第二十六齣 抵塞

第二十七齣 幽思

第二十八齣 夷訂

第二十九齣 心香

第三十齣 留鎮

第三十一齣 皈依

第三十二齣 邊思

第三十三齣 出山

第三十四齣 巧合

紫簾記 目錄

四一開明書店

# 紫簫記

明 湯顯祖 箸

## 第一齣 開宗

〔小重山〕〔末上〕瑞日山河錦繡新。邀歡臨翠陌。轉芳塵。共攀桃李出精神。風色好。西第幾留賓。銀燭映紅綸。此時花和月。最關人。翠盤輕舞細腰身。嬌鶯囀。一曲奏陽春。〔末〕衆賓請勿誼。見今後房子弟搬演李十郎紫簫記。聽賤子略道家門大旨。

〔鳳凰臺上憶吹簫〕李益才人。王孫愛女。詩媒十字相招。喜華清玉瑄。暗脫元宵殿。試十郎榮耀。參軍去。七夕銀橋。歸來後。和親出塞。戰苦天驕。嬌嬈。漢春徐女。與十郎作小。同受飄搖。起無端。貝錦。賣了瓊簪。急相逢。天涯好友。幸生還。一品當朝。因緣好。從前癡妬。一筆勾消。

李十郎名標玉簡。

霍郡主巧拾瓊簪。

尙子毗開圍救友。

唐公主出塞還朝。

第二齣 爰集

〔珍珠簾〕〔李十郎上〕春明曉燦。青帝瑞臨東觀。雲氣光華重日。紅日麗長安。人傍靈臺風轉。芳椒今已獻。慶元會萬年觴滿。綵勝出宮花。柳色青袍欲換。帝里

新元會。天門拂曙開。瑞雲生寶鼎。暖吹度靈臺。萬戶宜春帖。千官獻壽杯。丹墀多計吏。擲管問賢才。

小生姓李。名益。字君虞。隴西人氏。先君諱揆。前朝相國。先母辛氏。狄道夫人。貴襲貂裘。祥標鵠印。朱輪十乘。紫詔千篇。王子敬家藏賜書。率多異本。梁太祖府充名畫。並是奇蹤。小生少與窮玄。早持堅

白。熊熊旦上。層城抱日月之光。閃閃宵飛。南斗觸蛟龍之氣。對江夏黃童之日晷。發清河管輅之天文。兄弟十人。生居其末。俗號十郎。正是賈家三虎。偉節最著。荀氏八龍。慈明無雙。朱公叔之恣學。中

食忘餐。譙允南之研精。欣然獨笑。文犀健筆。白鳳瑠璋。懸針倒薤之書。雲氣芝英之簡。壇場草樹。院宇風烟。閒則飄舉五方。游戲三昧。經稱小品。還下二百籤。賦爲名都。略點八十處。看郭象之註逍遙。

何如向子。斷平叔之言道德。不及王生。頗吟招隱之章。輒動懷仙之操。笑時流義輕於粟。鄙儒輩知不如葵。悲蒯生一說而亡三。詫墨子九拒而餘六。園池幸足。臺閣無心。爭奈朋友彈冠。郡縣勸駕。趙

元叔河南計吏。張昌宗丹陽孝廉。忝春宮桃李之塵。雜上苑桂林之玉。正及殿試。忽奏吐蕃入破隴西數郡。抄至咸陽。烽火照于甘泉。車駕親屯細柳。暫輒龍軒之對。俱奔燕幕之生。此向隴西。奄成塞北。楊祖德家惟弱柳。殷仲文庭止枯槐。三川爲飲馬之泉。陸渾纏兵妖之氣。旁藩列鎮。據穴橫兵。井樹無遺。干戈滿地。金魚玉盃。感朝暮之情多。寶軸龍文。嘆文武之道盡。顧松楸而耿涕。去桑梓以遙奔。依止神京。春燕並巢林木。摧殘旅館。秋鴻半落蘆洲。且喜生意漸回。春光再轉。今日是元和十四年正月朔旦。兼逢是日立春。天下朝覲官員。應制士子。俱入雲龍門太極殿朝賀。萬疊雲中窺日。九光霞裏朝元。車喧百子之鈴。庭現九金之鼎。戲魚成殿。預章宮裏朝儀。舞馬登牀。花萼樓前故事。帝御青龍之座。光生萬戶千門。人斟白虎之尊。響動千秋萬歲。朝畢之後。光祿賜宴。皇恩浴羣臣醉。降氤氳調元氣。誰道七哀無象。由來萬樂有聲。只是一件。小生年已十九。逢此佳節。尙未婚宦。椒花可頌。不逢劉氏之媛。柏葉空傳。未取戴憑之席。以此長歎。及此春新。所喜五陵豪傑。多所知名。四姓小侯。爭來識面。有個故舊喚做花卿。字敬定。曾授西川節度。今升驃騎將軍。有一個武舉生徐州石雄。字子英。智勇無雙。在京中武選。有一個吐蕃侍子喚做尙子毗。羊同部崑崙山下人。在此入國子監。



受業。二君年紀不同。俱稱豪傑。今曉賀正朝門外。相約過我館中拜正。已喚青兒置酒。不知齊備否。  
〔青兒上〕梅花欲待歌前發。蘭氣先過酒上春。稟相公。柏葉酒五辛盤俱已齊備。〔生〕門外伺候三位老爺。至卽通報。〔青兒〕理會得。

〔賀聖朝〕〔花卿石子英尙子毗上〕皇州暖。律星旋。榮光燭地翔天。雲龍門外慶朝

元。看萬國春前。〔相見拜介〕天正初啓節。日陸蚤迎祥。百靈添景福。萬里慶年光。〔開鼓科花卿〕

十郎。你們才子。年年元日試筆。可已有新作否。〔十郎〕朝罷歸館中。遙望故鄉幾拜。不勝客邸之思。旋卽整具辛盤。奉候佳客。未遑及於毫翰。〔花卿〕對客揮毫。便可口占絕句一首。只是一件。不許用舊年元日的詩。立一新體。上句要說自己。或表字。或姓名。或俗號。下三句說自家新年來意概。何如。

〔十郎〕願老將軍先占。〔花卿占詩介〕道是花卿出衆來。將軍曾宴集靈臺。雲龍帝座朝元日。羽衛鵬盤紫氣迴。〔十郎〕正是驍騎將軍意概。詩到石子英了。〔石占詩介〕身是淮南石子英。翹關此日拜王正。願令春氣銷兵氣。無事空邀麟閣名。〔十郎〕好武狀元的意概。詩到尙子毗了。〔尙占詩介〕身是崑崙尙子毗。朝正侍子拜龍嬋。西歸更祝金王母。玉瑄東風滿月支。〔十郎〕正是侍子的意

概了。〔花石尙〕請教十郎。〔十郎笑占詩介〕四海才情李十郎。春開闔闔轉年光。椒花此日傳椒殿。柏葉新年侍柏梁。〔花石尙〕十郎意概。一定中狀元了。〔青兒持酒上跪介〕小青兒也新正口占幾句。〔衆笑介〕好。你也學做詩。〔青兒〕我相公玉笈金書。牙籤寶笈。中間覓怪搜奇。分門案類。俺相公目卽成誦。在青兒手不停批。〔花卿〕這等是近墨者黑。你便占來。〔青兒占詩介〕書房僮幹小青兒。春日春盤青菜絲。老我百年愁爛熳。呼兒覓紙一題詩。〔花笑介〕好。杜子美是我的老朋友。他的詩到被你小使們抄來抄去也抄熟了。〔青兒〕也抄不全。只抄得些杜律虞註。〔十郎〕小廝不要胡謔。看酒過來。〔把酒科〕

〔玉芙蓉〕椒花媚曉春。柏葉傳芳醞。願花神作主。暗催花信。良家少俠隨魚陣。侍子陽和起雁臣。〔合〕青韶映。看條風拂水。獻歲含英。年年春色倍還人。

〔前腔〕祥雲入呂新。麗日長安近。向正元共祝。壽觴初進。丹萸瑞曆宜三正。粉荔高盤簇五辛。〔合〕春風鬢笑林中未有。柳上先過屠蘇。偏讓少年人。〔國子監

差人上報介〕道有韶華地。偏宜令節新。今日聖旨。凡在京文武學生。四夷侍子。俱要入太學習樂。

石老爺尙老爺要行了。〔石尙二客辭別介十郎〕老將軍再飲數盃去。無事逐梅花。相教覓楊柳。且復去還來。含情寄盃酒。〔石尙下內作鼓笛唱〕喜春光。歲首還。〔十郎問介〕什麼人在門外唱。〔花卿〕想是教坊子弟迎春還的。〔十郎〕青兒外面叫那唱的進來。勸花老爺酒。〔教坊上見叩頭介〕久聞隴西李十郎相公大名。教坊門迎春而回。在此經過。敬獻一曲。〔唱介〕

〔雁來紅〕喜春光。歲首還。醉芳辰。媚遠天。晨祥此日開春殿。緹瑄風灰轉。一片青旛暖玉田。〔合〕黃雲見。人霑聖泉。露盤漿。長樂宴。〔十郎〕勞了。〔教坊〕還舞一曲。〔唱

介〕

〔前腔〕女夷歌。寶瑟絃。舞雲翹。綵勝偏。青湖富貴長如願。畫帖宜春燕。柳帶桃枝又一年。〔合〕香書獻。御龍佩懸。展銀幡。開笑面。〔十郎〕勞了。青兒取錦帕銀錢。賞他們

去。〔教坊〕不須賞。俺們教坊中供奉。不唱舊詞。只要見今有名才子詩曲。玉樹園中。何但先朝伴侶。

沈香亭北。曾經後夜清平。李嶠在時。一歌汾水。王維去後。懶唱陽關。今日十郎之名。遍滿京都。欲譜陽春。翻歌子夜。但得巧心一詞。不用纏頭雙錦。〔十郎笑介〕原來你們都唱新詞了。到有志氣。只一

件來。客中篇製不多。復爲好事傳去。你今後供奉。旋來相求未晚。〔教坊〕教坊們供奉都有時節。且求眼下急用新詞。霍王府裏最重人日登高。皇帝御前首要元宵設宴。請相公先揮寸管。見借二詞。〔花卿〕十郎便可揮與他去。〔十郎〕使得。〔十郎〕做吟哦寫介付與教坊介。人日詞可用宜春令譜之。元宵曲可用探春燈譜之。〔教坊〕背看新詞笑贊介。奇哉奇哉。果是洛陽秀才。〔回身介〕借相公酒謝一杯。〔唱介〕

〔簇御林〕銅駝陌。集少年。金馬門。尋俊賢。新詞巧出驪珠串。這才華定是金閨彥。〔合〕看新年。雲香浪暖。變化濯龍川。〔花卿〕你們不知。這小詞兒。大才的人着甚麼緊。

〔前腔〕青雲器。白雪篇。待吹噓。送上天。胸臆列宿人空羨。倒珠璣寫出君裁見。〔合前教坊辭介十郎〕客館蕭條。勞卿歌舞。〔教坊〕優人競勸宜春酒。才子新抽絕妙詞。〔下〕

〔尾聲〕春氣待芳金谷苑。春歌轉暖玉隆天。〔花卿〕十郎。明後日可過寒衙一飲。有姬鮑四娘可出勸酒。好看桃李過青軒。

九天春色滿神臯。

燕市相過意氣豪。

綠酒待看花爛熳。

陽春初奏曲彌高。

第三齣 探春

〔滿宮花〕〔鄭六娘帶侍女浣紗上〕陌似春樓似綺。腰細楚王宮裏。〔浣紗捲簾科〕鈿

籠金瑣睡鴛鴦。高軸畫簾珠翠。〔六娘〕〔訴衷情〕紅梅高簇小樓臺。風和錦繡開。新睡覺。報

春回。山枕映紅腮。羅袖裏香煤。步芳階。從今蝶暖花融畫。幾回來。自家鄭六娘是也。與杜秋娘同

是內家第一班絃索。後來詔賜諸王歌舞。老身與杜秋娘同籍霍王邸。在伍中雖非碧玉之容。與拂

雲臺之席。陽成妬盡。那曾南戶窺郎。冰井才多。每聽西園侍客。三星罷望。八子陪歡。生下女兒一人。

名喚小玉。年方二八。才色殊人。畫出天仙。生成月姊。南都石黛。分翠羽之雙蛾。北地燕脂。寫芙蓉之

兩頰。稱詩說禮。唾東鄰之白媒。雅舞清歌。晒西施之被教。驚鸞冶袖。誰偷得韓掾之香。繡蝶長裙。未

結下漢姝之佩。住下紅樓一座。金枝掩映。玉樹玲瓏。起紅壁之朱塵。寫青錢之翠影。窺窗玉女。靈光

殿上神仙。聚陌春人。行雨山前氣色。此際春新明媚。梅花待落。柳葉新開。王孫苑裏。便有春游士女。

不免喚出小玉。望春一會。正是凍解池開綠。雲穿天半晴。游心不應動。爲此欲逢迎。浣紗。叫櫻桃請

郡主出來〔請介霍小玉帶侍女櫻桃上〕

〔滿宮花後〕綠粉窗前香雪膩。乍雨黃鶯雙起。〔櫻桃〕郡主呵。驚春游女探芳菲。

你看開到柳條還未。〔娘女相見浣紗櫻桃叩頭介小玉〕日長消盡繡工夫。喚兒怎的。〔六娘〕

曉春春游。與女兒同步翠閣銀塘者。〔行介六娘〕春還春望美。〔小玉〕春色春人過。〔浣紗〕春風春

日鼻。〔櫻桃〕春情春夜多。夫人到翠閣銀塘也。〔六娘〕

〔綿搭絮〕繡闌清悄。鶯錦護妖韶。畫粉雲屏。寶鴨薰爐對寂寥。〔浣紗〕夫人寬懷。

〔六娘〕破花朝。儘着逍遙。那管得桂叢人老。香夢無聊。〔合〕兀自裏袖染檀紅。

銀字笙寒不奈調。

〔前腔〕〔小玉〕瓊樓春照。雲鬢裊金翹。〔櫻桃〕郡主。你聽別院碁聲呵。碎玉凝霞。驚起

紅房醉欲銷。〔內作鳥聲櫻桃伴小玉游介〕嚶鶯嬌。細葉柔條。正是落梅時候。薄袖輕

搖。〔合〕無人處拾翠閒行。煙迳霏迷。罨畫橋。

〔前腔〕〔浣紗〕啄花紅溜。畫鳥拂輕綃。〔浣紗略舉手舞介〕謾試春衫。人影衣香一

路飄軟嬌。慣裊纖腰。〔浣紗開懷叫天暖介〕愛殺暖池吹皺。翡翠蘭苕。〔六娘〕浣紗。  
怎的把懷鬆了。〔合〕背人處繡抹酥胸。暗束琴心未許挑。

〔前腔〕〔櫻桃〕臉霞宜笑。幾度惜春宵。窈錦銀泥。十二青樓拂袖招。杏花梢。暖  
破寒消。〔浣紗〕櫻桃姐。你看陌上游郎好不嬌俊。〔櫻桃嘆息介〕貪看寶鞭年少。眼色輕撩。

〔六娘〕櫻桃。怎的說那年少。〔合〕瑣香奩玉燕金蟲。淡翠眉峯祇自描。

〔餘文〕春墀綠草愛人嬌。玲瓏珠閣坐烟宵。〔六娘〕你歸去繡房呵。還把金針鳳眼  
挑。

楊柳春風本自奇。  
紅綸吹暖映銅池。

臨闌折得花枝笑。  
恰是王孫草綠時。

### 第四齣 換馬

〔夜遊朝〕〔花卿上〕檠戟黃牙金埒擁。文貂錦帶玉韃幪。暫喜繡甲塵浮。綠槍苔  
臥。清世龍鈴何用。戍罷旌幢映錦川。白頭尤自戴金蟬。調箏解唱關山月。還似春歌石鏡前。自家

花卿是也。唐朝驃騎將軍。出鎮西蜀。今已還朝。閒住。食祿二千石。玉帶蟒袍。有伎妾一人。喚做鮑四娘。容色多情。周旋少好。雙聲曲引。營妓無雙。一手琵琶。教坊第一。怕有畫堂人到。相教綠酒歌傳。鮑四娘何在。

〔賞宮花〕〔鮑四娘上〕書閣紅梅芳色弄。玉管吹舒。柳容瑣翠蕙烟籠。寒峭曉春殘夢。柔暈怯東風。將軍萬福。〔花卿〕喚你出來有話。前日迎春。遇故人才子李十郎。約今日來我營中飲酒。已教庖人辦治。想便到來。你可抖擻歌喉。安排舞態。〔四娘〕理會得。〔花卿〕還分付你。俺記得李十郎詩。有開簾風動竹。疑是故人來之句。你便可將開簾風動句造一曲。換新詞歌之。他日翰林供奉了。〔四娘〕省得。

〔步蟾宮〕〔十郎上〕御溝萍吹全銷凍。麗園花事從容。芳菲池館畫橋東。有個人兒共。〔相見介并問鮑四娘久聞介花卿〕鮑四娘代我把盞唱一新詞。〔四娘送酒介〕

〔五供養〕開簾風動。吹幙霞翻。罩鼎烟濃。承雲開舞扇。匝地起歌鐘。雲屏障疊。繞畫翠輕紅重。風流縈秀色。富貴綺春叢。玉壘嫵姚。翰林供奉。〔花卿〕十郎。你有



開簾風動之詩。他有開簾風動之曲。真好意態。一武一文。是二難并了。當爲四娘各飲大金卮取醉。  
〔前腔〕紅筵巖崑。醪醑氤氳。珠曲玲瓏。畫裙朝彩。芳鬢曉雲融。神臯麗色。絲騎陌闌塵湧。纏頭花宛轉。蹀步錦丰茸。竹葉留連。梅花同夢。〔十郎〕醉矣。〔花卿〕移去酒筵。醉卻芳春酒。還望春山郭。呀。多少游俠子。金鞍映華薄。十郎。你看春城陌上。

〔江兒水〕翠路平如水。紅騎迅似風。〔內作馬叫鈴響花卿〕左右。去尋問是誰家好馬。奔宵躡影蹄雲縱。〔卒子上報介〕是郭小侯家騎射。〔花卿〕十郎。你曉得郭小侯麼。是汾陽王的孫子。小侯王繁華多騎從。玉容將相麒麟種。緊趁青春閒閨。呀。看他馬射絕精呵。羨他玉羽盤飛。巧把金丸疊中。〔十郎〕將軍何羨此少年。他止是千金買馬。萬石調弓。將軍若有此馬。便出塞封侯。

〔前腔〕匹練江南路。乘黃塞北空。將軍若得此馬呵。風生鼻火魂飛動。立橫草功名人歌頌。那時不得閒住。老卻將軍矣。金弋玉轡趨朝用。齊道花卿殊衆。昔馬伏波老年。尚平武陵蠻。鑄馬相愛他金馬名圖。蚤向碧雞蠻洞。〔花卿〕十郎說得有理。左右。便追請

郭小侯馬到此。問他更賣否。〔內作人馬哄動叫請介郭小侯鞭馬上〕

〔空地錦襠〕章臺走徧綠塵空。叫道花卿絕世雄。青絲繫馬繡林中。人在歌樓第幾重。〔花卿笑接介〕便在第一重門迎接了。〔請進相見介小侯〕這位是誰。〔花卿〕是隴西李十郎。來京應制。〔小侯〕這一位紅粉。可是將軍愛姬鮑四娘否。〔花卿〕正是。〔相見介小侯〕適戲馬彈鵬。將軍有何見召。〔花卿〕愛公子人馬雙駿。延至一飲。并問名馬從何而來。〔小侯〕人非玉人。馬如金馬。既然愛馬。先去門前一望。後來領酒。〔望馬科〕

〔玉交枝〕這馬呵。瑤池龍種。噴紅雲闔闔崆峒。湊蘭筋綠髮權奇聳。懸鈴鏡紫豔方瞳。虎背連錢映伏龍。鱗文八暈旋奔竦。〔十郎〕可得買否。〔小侯笑介〕啼翻玉俠路相逢。斗堆金侯家何用。〔花卿〕知買不得了。且進酒。〔小侯〕將軍看小生打鳥時。鮑四娘在否。〔花卿〕同見英風。〔小侯〕可勞一曲否。〔花卿〕鮑四娘把盞奏曲。

〔前腔〕〔四娘〕翠猥紅冗。步花光綺薄珠櫛。倚闌千十二層波送。春潮暈半醉芙蓉。慢粉晴嬌軟蝶慵。流黃暗滑雛鶯弄。搯紅袖笑捧金鐘。醉雕鞍爛傾銀甕。

〔小侯〕久聞鮑四娘閉月華容。停雲絕唱。此乃百萬蛾眉。何用千金馬骨。〔十郎〕花驃騎愛金埒之名馬。郭小侯賞玉塵之妙音。倘肯相移。各成其美。〔小侯〕果然驃騎貪雲騎。願向花卿覓愛卿。〔花卿〕但得千金留越影。何妨一笑贈傾城。鮑四娘便可侍酒。拜送郭小侯處。

〔泣顏回〕〔花卿十郎小侯〕玉粉換青驄。片花銷滅薰籠。飛香紅玉。並浮雲颯露。行蹤。翔麟翠鴻。照飛霞皎雪迴波動。對嬋娟白兔朦朧。拚青臺銅雀飛冲。〔鮑四

娘啼介〕將軍這般薄倖。

〔前腔〕恁般教妾若爲容。美人化作奔虹。桃花玉面。等千金蹀舞春風。青絲綺櫳。共徘徊顧影。憐嬌寵。聽長鳴噴玉搖駿。怨紅顏薄命飛蓬。〔花卿〕不消啼。丈夫志在功名。自後多在塞上了。

〔山桃紅〕歎花飛帳冷。人去屏空。一曲迴鸞奏。翻成斷鴻。你秀色憐么鳳。我見這叱撥馬呵。含思逐游龍。四娘。今宵夢裏。不要錯喚了人。睡醒時休喬認。別是梨花夢也。郭小侯是年少公子。鮑四娘。你好生侍奉。軟款溫柔。夜月春風。小侯呵。舊恨還新寵。串

卻眉峯著意溫存。休傷翠容。〔小侯〕不消囑付了。四娘穩心。

〔下山虎〕〔四娘〕織蛾移鏡。愛鳥離籠。一縷青霞氣飄搖。任風。率地裏愛著龍

文。紫燕悲鳴別雄。〔四娘〕老爺。妾去後還覓一侍姬早晚伏侍否。〔花卿〕我有塞上之心。無復房

中之想。〔四娘〕老爺也年大了。保重保重。去後離魂滿碧空。玉體煩珍重。莫道封侯

在玉驄。老爺呵。妾侍奉歲久。妾去後。幾個家丁都是男子漢。小丫頭又不省事。夜來都睡着。誰人奉

事得老爺周全。枕褥無人奉。怕的是春寒酒中。愁殺孤燈兩鬢翁。〔十郎〕郭公子等

久了。終是要別的。

〔蠻牌令〕趁青絲雲騎動。拭紅淚臉珠融。〔四娘罵十郎介〕冤家。爲你來惹出這斷腸事。

那馬呵。將軍有日騎到小侯家來。只妾一去。永不得到將軍府矣。去馬思回轡。飛花絕故叢。

恨不得殺了那馬呵。紫叱撥將人斷送。老爺。你以後也過小侯府走一走。公子愛敬客。料不

慢你。不道雲山萬重。隔寒喧。題書燕鴻。老爺。你說郭小侯愛奴音容。只怕去後呵。總斷

舞零歌。落燼摧紅。〔四娘哭倒介花卿〕討轎先送鮑。四娘過郭府去。公子仍乘舊馬隨行。〔小侯〕

已別有馬。〔四娘拜別介〕

〔鷓鴣天〕去留天際慘雲容。胡馬依然戀朔風。〔花卿〕桃葉幾時還接取。〔四娘〕

蘼蕪何日再相逢。〔衆擁四娘下小侯辭下花卿作笑介〕十郎今夜繡閣無人好。是春宵寥寂。便

可達曙一飲。〔十郎〕明日再來相伴。〔花卿〕左右便將新馬送十郎去。如花妾。侶霞驄。雲龍

暫送雲中客。明日呵塞馬長隨塞上翁。

謾自千金惜綺羅。

桃花十倍價偏多。

啼妝墮馬都忘卻。

興在青驪白玉珂。

### 第五齣 縱姬

〔天下樂〕〔小侯上〕春風騎獵少年情。撼佩驚香蹀影行。看劍重傾燕客酒。對花

新按越姬箏。妖姬怨別侶。曙鳥憶辭家。何處題情思。春衫溼淚花。自家姓郭。名鋒。世號小侯。祖是

汾陽王郭子儀。姊是當今貴妃娘娘。帶管皇后玉璽。生下太和公主一人。小子身是國舅。自小封侯。

昨日走馬射鳥。過花驃驍門首。他看上我所騎之馬。請入歌樓。便以愛姬鮑四娘換去。那鮑四娘雖

別花卿。好生愁絕。到我府中。涕咽忘餐。呀。大丈夫何忍傷人之意乎。小使。我分付你。送鮑四娘閒庭別院。隨他自便。只到良辰佳節。入我府中。相隨歌舞便了。〔小使〕已送出鮑四娘去。就有一人稱是霍王府裏鄭六娘。請他教唱。〔小使〕是了。那霍府中有個杜秋娘。原是鮑四娘弟子。因此鄭六娘也來請他。我在花卿筵上。見李十郎讀盡萬卷書。纔得科名。花卿偕大年紀。要換馬邊疆立功。誰似我自小封侯。多少快活。〔小使〕正是天下三山客。人間萬戶侯。〔小使〕你看俺

〔五供養〕蟬花半臂。剗戴飄冠。挾綬藏緋。長權出獵馬。數換打球衣。傾銀注玉。作使錦靴紅袂。笙歌隨騎擁。寶燭待郎歸。花鳥三春。王侯百歲。

年少新豐斗十千。〔小使〕

長騎駿馬傍花眠。〔使〕

安知寂寞楊雲宅。〔小使〕

暮宿靈臺私自憐。〔使〕

## 第六齣 審音

〔遶地遊〕〔鄭六娘小玉浣紗上〕瑤樓麗彩。春色回雲海。閒院無人翠靄。〔月宮春〕〔六娘〕王家春到日初長。濃檀獸吐香。〔小玉〕畫鸞金縷繡紅幫。盈盈步玉堂。〔浣紗〕花色賺人還院

落。風光到處點金簧。〔六娘〕調罷隔簾鸚鵡。新聲教女郎。〔小玉〕娘說甚麼新聲教女郎。女兒好清淨。不慣弄曲。〔六娘〕梵偈仙歌。何妨清淨。我已着櫻桃去請鮑四娘。想已到來。

〔前腔〕〔四娘上〕團花細茵。檀板急相催。春晝瑣窗誰在。自家鮑四娘是也。纔到郭小

侯別院。卻道霍王府鄭六娘請俺教他郡主唱。此中便是不免進去。〔相見介六娘〕望卿卿不來。臨池畫春水。〔四娘〕與娘不相識。那得情如此。〔問小玉介〕這便是郡主麼。〔小玉拜介四娘〕好精致。窠墮學梳頭上髻。木難才作耳邊璫。新番豔曲教來好。腕裏聲低暗動郎。〔小玉羞介六娘〕四娘他年輕靦腆。聽奴一話。此際香塵麗日。紫陌青臺。多有新傳錦曲。別製檀歌。靈娥芳樹之音。上客幽蘭之曲。織綃泉上。歌成字字明珠。拾翠洲前。唱出篇篇綠羽。雲謠西北。驚教鶴舞成雙。日照東南。聽和魚麗數葉。教西家之好女。須南國之佳人。〔四娘〕六娘。奴家慣舞仙仙之珮。笑他生舞草迎人。能歌昔昔之鹽。恨半死歌泉喜客。清聲奏笛。空隨郭字長生。澀指縫絲。曾教石家羣少。怎到得高雲不動。虛傳秦伎之名。那些有逸響猶飛。浪借韓娥之食。便唱淮南麗曲。敢向河間數錢。只是六娘請自方便者。〔櫻桃上〕玉杯寒意少。金屋豔情多。鳴環催妙舞。斂袖待新歌。稟上六娘。櫻桃纔到教坊游。

戲抄得一紙新詞。道是隴西李十郎所作。六娘。你與郡主看者。〔小玉六娘四娘同看介〕呀。原來這紙詞是人日登高之曲。用宜春令譜之。好詞好詞。〔四娘〕這人沒有年紀。與俺相識。〔六娘笑介〕四娘。你好相識得人多哩。俺將此詞送到杜秋娘別院。練習一番。明日霍王登高。便用此曲進酒。女兒。你從容伴四娘學謳者。〔四娘〕六娘相浼一事。杜秋娘從老身教唱。尙欠教錢百緡。他又教成弟子善才了。好將前件相償。〔六娘笑介〕四娘好記事哩。〔下四娘笑小玉云〕郡主。你叫俺是師父了。在意聽俺教。〔浣沙〕四娘教的曲子唱不得。〔四娘〕說那裏話。只要在行。郡主端坐。聽俺道來。唱有三緊。一要調兒記得遠。二要板兒落得穩。三要聲兒唱得滿。〔小玉〕調兒有許多。〔四娘〕一時數不起。略說大數。黃鐘三十四章。正宮二十五章。大呂調二十一章。小呂調五章。仙呂四十二章。中呂三十二章。南呂三十一章。雙調一百章。越調二十五章。商調十六章。商角調六章。般涉調八章。共三百三十五章。從軒轅黃帝制律一十七宮調。至今留傳一十二調。中間又有音同名不同的。假如一枝花便是占春魁。陽春曲便是喜春來。拋毬樂便是彩樓春。鬪蝦蟆便是草池春。六么遍便是柳梢青。昇平樂便是賣花聲。沽美酒便是瑤林宴。漢江秋便是荆襄怨。採茶歌便是楚江秋。乾荷葉便是翠盤。



秋。知秋令便是梧葉兒。荆山玉便是側磚兒。小沙門便是禿廝兒。憨郭郎便是蒙童兒。村裏秀才便是伴讀書。殿前歡便是鳳將雛。掛玉鉤便是挂搭沽。醉娘子便是醉也摩挲。喬木查便是銀漢槎。調笑令便是含笑花。耍孩兒便是魔合羅。也不羅便是野落索。搯鼓體便是催花樂。靈壽杖便是呆骨朵。鸚鵡曲便是黑漆弩。滴滴金便是甜水令。陣陣贏便是德勝令。柳營曲便是寒兒令。急曲子便是急捉令。歸塞北便是望江南。玄鶴鳴便是哭皇天。初問占便是卜金錢。撥不斷便是續斷絃。臉兒紅便是麻婆子。凌波仙便是水仙子。潘妃曲便是步步嬌。相公愛便是駙馬還朝。紅衲襖便是紅錦袍。女冠子便是雙鳳翹。朱履曲便是紅繡鞋。三臺印便是鬼三臺。小拜門便是不拜門。朝天子便是謁金門。壽陽曲便是落梅風。折桂令便是步蟾宮。郡主又有名同音不同的。假如黃鐘雙調都有水仙子。仙宮正宮都有端正好。中呂越調都有鬪鶴鶉。中呂南呂都有紅芍藥。中呂雙調都有醉東風。唱的不得索混。又有字句多少都唱得的。相似端正好。貨郎兒。混江龍。後庭花。青哥兒。梅花酒。新水令。折桂令。這幾章都增減唱得。中間還有道宮高平歇拍。又有子母調一串驪珠。休得拗折嗓子。郡主。你明日要嫁個折桂枝的姐夫。俺先唱個折桂令你聽。

〔北折桂令〕展纖蛾怯的輕寒。蹙著春衫，略權雲鬟。無人處向曉窗圓夢，暗損  
嬋娟。被人兒早挖了眉窩翠粉。被人兒早奚落了臂上檀痕。玉軟花眠，枕障爐  
烟。小鸚哥刮絮絮厭得聽聞。〔小玉〕唱便唱得好。此乃游童豔婦之篇。非上客幽人之操。可  
有外間才子詩詞見示幾首。〔四娘〕外間才子更有誰人。適纔教坊所傳人日登高之曲。便是個才  
子做的。那人與花柳相知。俺因此也熟其吟詠。〔小玉〕請教。〔四娘〕記得他有開簾風動竹。疑是故  
人來之句。〔小玉做吟詠介嘆介〕真雅情幽致。不減沈約江淹也。四娘。俺和你寶花關外。翡翠池邊  
行者。

〔黃鶯兒〕畫額綵屏開。鳳窠團。弱線催。銀塘慢色春如海。葳蕤紫釵。玲瓏鏡臺。  
檀霞膩玉嬌痕在。四娘。這兩句詩真好也。〔合〕羨多才。開簾動竹。疑是故人來。

〔前腔〕〔四娘〕夢笑轉紅腮。展銀簷。戲蝶迴。申腰小立迴闌外。香綦淺苔。深裾  
落梅。春閨暗恨頻眉帶。〔合前四娘〕我看你愛他這詩忒緊。還不會見那人哩。

〔簇御林〕凝粉面。映珠胎。似神僊出紫臺。龍章鳳質多奇彩。璚林玉樹風塵外。

〔合前小玉〕可也愛人。

〔前腔〕〔四娘〕他心良慧影徘徊。不止你見了愛他。遍嬌娃擲菓回。調琴獻帽多人愛。你見了呵。窺韓盼玉凝波待。〔合前小玉〕他是何處人。

〔尾聲〕〔四娘〕隴西才子赴京來。〔小玉〕姓甚名誰。〔四娘〕知名李十郎。〔小玉〕知他還有新篇在。〔四娘〕你要許多怎的。〔小玉〕要寫入秦樓聲一派。〔四娘辭下小玉〕那人真好詩也。恨記不全。是他碎金殘壁。正是

風簾搖竹動春陰。

爲拂餘埃寫綠琴。

莫道香閨絕流賞。

幽蘭原自有知音。

### 第七齣 遊仙

〔神仗兒〕〔二宮臣上〕靈辰青昊。春暉日耀。聽流鶯報道。今歲風光及蚤。喜人日是今朝。廣袖欲登高。忽聽西園召。游客初梁邱。朝光入楚臺。賢王開令節。餘吹拂衣灰。自家霍王府左右尉是也。今日人日。霍王登高設宴。姬人鄭六娘杜秋娘俱已安排絲竹。在望春臺下伺

候。想駕到來。

〔望吾鄉〕〔霍王上〕托體東朝。天門紫氣高。朝元殿上春明蚤。梁園雪罷啼春鳥。翠蓋擁幢摩。爐香撲絳袍。人日風光好。草色玉孫苑。雲光帝子家。瑤臺多暇日。酌醴對春華。自家霍王是也。順宗皇帝之弟。今上皇帝之叔。龍種多奇。鳳毛殊色。分土而開者九國。寧須立上東門。同日而策者三王。何事爭強北土。不比宜春桃李。爭如鄴下芙蓉。謝北海之文辭。空勞驛奏。少東平之知慧。有愧腰圍。豪傑游梁。侈賜旌旗萬乘。藏書等漢。閒參禮樂三雍。雖然畫轂朱丹。愛鍊紫金黃白。風雲寄勝。花柳忘憂。有兩個侍妾。一個喚做鄭六娘。一個喚做杜秋娘。俱是內家分賜。在左右二十餘年。止是鄭姬生女小玉一人。二姬呵。包家明月。嬌聲啼鳥。曙窗前。石氏翻風。細骨倒龍香屑上。詎是富筵舉手。那曾聽樂悲心。今日正是人日登高。風色晴媚。與宮臣宴笑一會。正是庶子南皮。取醉謝莊之月。司徒北邸。重襟宋玉之風。典膳官想酒筵齊備。喚鄭杜二姬登臺。

〔掛真兒〕〔鄭杜二姬上〕穿衣寶鏡無人照。慵掠約鬢綠飄蕭。〔秋娘〕曲譜閒抄。飲巡偷記。花葉籠歡笑。〔入見介六娘〕宮姬鄭六娘叩頭。願君王千歲。〔秋娘〕宮姬杜秋娘叩頭。

願君王千歲。〔霍王〕二姬好唱人日新詞者。〔鄭杜〕理會得。〔起立王左右介宮臣進酒介〕

〔黃鶯兒〕日宇麗初韶。臨綵簿。宴芳霄。金枝綠輦榮光皎。春湊芸苗。春開柳條。輕烟半拂靡蕪道。〔合〕太平朝。千秋人日。開宴酌葡萄。〔霍王〕酌宮臣酒。

〔前腔〕平樂侍賓寮。承燕綵。步蘭臯。蘋池尙覺雄風小。春心鬱陶。春色嬌嬈。花前雁後同驩笑。〔合前二姬進酒介〕

〔宜春令〕慶靈辰。接誦椒。翦春人。金屏阿嬌。鈿筐銀粟。花窗點綴靈妃笑。裊行雲翠帶香縵。曳生烟青蕤彩蠹。〔合〕願君王人日千秋。仙顏轉少。〔霍王〕好詞好詞。還有沒有。〔秋娘〕還有一套。

〔前腔〕日初長。年暗消。空襟塵花填酒澆。饒他王母。依然白髮啼青鳥。日輪中逐日人忙。人世上愁人日老。〔合前霍王〕這詞何人所作。分明要飲我以長生之酒。坐我以

不老之庭。好才調。好心懷。是何名姓。〔六娘〕傳是隴西人。李益秀才所作。〔霍王〕聞說朝中有個李益。他平生甚是妬嫉。那得知此。〔宮臣跪介〕有兩個李益。老李益現今在朝官職。少李益才舉博學。

宏詞有妬疾的是老李益。〔霍王〕原來有兩個李益。俺聽這詞兒。使俺塵心頓消。寡人老矣。若不修仙。無緣再少。宮臣。我入華山去也。二姬可酌我酒。聽我說與。

〔惜奴嬌〕蕙色娥嫋。雲歌月豔。并在今朝。瑤臺畔。逐勝等閒歡笑。我看你們風韻

呵。嬌饒。白雪香吹。清臚送巧。半束烟綃。飄搖春韻。軟粉酥融。蚤年風調。〔鄭杜〕

願我王年年此日。享受未央之樂。〔霍王笑介〕二姬。俺年老了。〔鄭杜〕我王千歲。〔霍王〕只怕饒不過。

〔前腔〕難饒。二姬。你不曉得。人生莫遣頭如雪。你看我貴人頭上。便春風幾度難消。只想我當初呵。年少。暗拋紅豆。相調俊俏。寶襪沾雲。紅絲串露。轆轤春曉。到如今呵。你們侍寢。有甚麼歡事。還笑。洞房中空祕戲。正落得素女圖描。〔鄭杜〕千歲。想是爲賤妾容顏減昔。遂爾無歡。千歲。何不國中別選。自有溫柔之卿。可以娛老。〔霍王笑介〕二姬。

〔鬪寶蟾〕總饒。雲翹。細腰。儘翠腕紅殷。都成別掉。俺今日呵。只是對迎風舊館。睚陽故道。閒眺。看邸第樓臺。疊紅塵多少。影蕭條。厭鸞笙鳳撥。猿林雁沼。〔鄭杜〕千

歲縱然厭此。更有何處可以逍遙。〔霍王〕我要去尋個朋友了。

〔前腔〕王喬相邀路遙。〔鄭杜〕既然路遙。千歲怎的去尋得王喬到。〔霍王〕二姬俺便做尋仙不到。也強似在塵中相處。遠碧落朝敲。明星夜醮。勝高唐閒夢。洛浦空挑。〔六娘〕千歲就要游仙。也待嫁了女兒小玉。賤妾們一同修道。〔霍王笑介〕想到頭一路。女兒顧不得你了。須曉總愛海千層。浮生一了。〔六娘〕千歲就在深宮修道。何必遠游。〔霍王〕在人間自然不

能清楚。我去了呵。自逍遙。看桂嶺參差。芝樓窈窕。〔鄭杜〕千歲遠游。也要表奏傳位。方纔可行。〔霍王〕俺若先奏。便恐朝旨相留。俺就此先入華山。然後表聞。你們就此辭別。各尋歸老便了。〔鄭杜〕千歲富貴極矣。猶自尋仙。賤妾二人。願逐淮王之仙雞。備彭公之采女。

〔黑麻序〕〔六娘〕雲霄看千秋有靈氣。何事燕昭妙舞旋懷。少不得夜蛾分照。千歲昔趙王宮妾。嫁爲嘶養婦。高陽美人。嫁得衛將軍。妾雖微細。心常醜之。堪笑。月華姬叢臺女。空教氣分銷。〔合〕爲誰嬌。到不如雲裏金雞。洞中青鳥。

〔前腔〕〔秋娘〕悲悄。辟邪旗珠絡襍。榮華夢杳。斷雨零雲。教人困咽無聊。昔毛女

飛金。嫦娥占月。妾雖微細。心常慕之。奇妙。玉姜飛。靈藥擣。凌風帶月飄。千歲。賤妾從金陵入侍。得事我王二十餘年矣。王去修仙。棄妾何處。冷春宵。怎禁北斗停春。西王侍嘯。〔霍王〕我看你兩人頗有志氣。只是鄭姬有小玉未嫁。怎得出家。暫賜汝名淨持。賜汝女紅樓一座。寶玉十廚。可從我封邑姓霍。那杜姬既有志出家。可到金鷄門外西王母觀中。度爲女道士。弟子善才。可教相從。賜汝浮金鑿紫霞帔。二姬呵。俺去後不用悲思。待我有白鶴之歸。汝再響青鸞之唱。宮人。可將玉芙蓉冠九光衣來。換了寡人服色。〔換冠服介〕

〔尾聲〕便換金巾脫絳袍。又何用武陵犀導。二姬呵。免得你銅雀西陵恨寂寥。

〔鄭杜跪送王下再上別介六娘〕秋娘幾時入王母觀去。〔秋娘〕便同弟子善才去也。〔相抱哭介〕姊妹二十年來。一旦分張。好不悵然也。

〔醉太平〕〔六娘〕堪歎。畫鸞金雁。曾分飛別館。瘦燕肥環。向花時節。鼓風流陣。點綴霞檀等閒。桂叢人去竹枝班。閃殺人隔花相喚。春明淚眼。仙樓琪樹。幾度堪攀。



〔前腔〕〔秋娘〕闌珊輕頻淺盼。把玉釵金篦。捨入巖巒。怨王孫服散吹笙處。鳳水縵山。淚彈一團春翠。擲人間。急罰盞夜筵燈散。〔耿咽介〕塵嬌自浣。想弄簫香雨。暗溼雲殘。

〔尾聲〕可憐世事殊昏日。紫陽宮女帶花冠。他日相逢海上山。

北渚淮南去學僊。

知他少別也千年。

佳人並逐花源去。

脂粉殘脂最可憐。

### 第八齣 訪舊

〔似娘兒〕〔十郎上〕山水仲長園。背關河搖落胡天。春風游子悲鄉縣。破帽空憐。敝衣難護。誰家柳陌花源。翠澗春光慘綠楊。花溼怕有杜蘭香。瑤臺望罷無萱草。道是忘憂卻

不忘。人人道李十郎是個才子風流。其實爲人本分。止因花卿宅上。聽了鮑四娘一唱。容誇落月。曲駐行雲。既生人世。誰能無情。笑殺花卿。你有這般可人。卻沒緣沒故。將去換馬。那四娘去時。何等有情。啼聲一市俱愁絕。回首千門別恨生。喜得郭小侯是大懷豪傑。見他無聊。重傷其意。送他閒庭別

院。門戶不曾離。傳歌教舞。隨其自便。小生雖在年少。客中秋毫無犯。水清石見。休疑旅舍之妻。雪白  
蘭幽。不受主人之女。只是今年春心稍動。想是時候到來。雖有定情之篇。不少懷春之誘。今朝風色  
融惠。日影舒華。不免獨自閒游。到郭侯別院。望鮑四娘一遭。可得見否。青兒。我去街上走走。你好護  
門。休教瓦雀行污硯。莫遣花風吹落書。〔青兒〕理會得。〔十郎行介〕呀。一兩日未到門首。御溝上柳  
都青遍了。

〔錦纏道〕銅池上綠生波。春明遠天。柳穗蘸輕烟。記將軍樓閣。暗露嬋娟。向俺  
挑銀甲。瀉紅螺。盤花鈿蟬。半空裏響歌雲。玉碎珠連。薄倖的韻綿纏。他倚微風  
閃金屏半面。惹心懷骨興牽。趁寶馬青門別院。聽百般鶯語妮花前。呀。迤逗是這  
條路來。前面卻有兩條路。一邊是華陽街。一邊是尙冠里。不免問取居民。大哥。郭小侯府在那邊去。  
〔內應〕尙冠里高樓子去。〔十郎〕謝了。不免向前問去。正是

迷花欲待醉羅裙。

撲地歌塵晝不分。

夾轂慢勞相借問。

侯家朱閣自凌雲。

第九齣 託媒

〔薄倖〕〔四娘同侍女上〕翠影雲移。綠香烟冷。對遠山慵畫。安黃未正。游絲冒蝶。繫情難定。眞薄命。謾禱錦蹰。對劇還記花前舊興。〔南歌子〕夜幌銷蘭炷。朝妝拂瑞檀。無端玉馬映花鞍。公子橋邊盡與強陪歡。薄倖狂難倚。輕軀怯未安。殘啼醒夢溼冰寒。賴是驚魂似蝶暗飛還。自家鮑四娘是也。劣相花卿。將人換馬。好心公子。置妾閒庭。自前日到霍王府教小玉郡主唱後。情緒無聊。不曾一到寶花欄外。丫頭。你聽得外面有甚新事否。〔侍女〕今早到小侯本宅。聽得霍王宴罷。聞樂感傷。便入華山游仙去了。賜鄭六娘和小玉郡主紅樓一座。隨他擇婿。又改他姓霍。又有一姬杜秋娘。自陳無子。願入西王母親修道。公子府中嘆息此事。不聞餘語。〔四娘作驚介〕呀。郡主十分嬌慧。霍王何不看他成了人去。卻是捨得。杜秋娘是俺弟子。他卻有志清淨。妾身猶在風塵。眞是藍不如青。蓮能自白也。〔侍女〕四娘別住閒庭。薰香獨坐。公子不相聒譟。歡處隨教往來。也似神女一般了。〔四娘〕哈。你這話都不到頭。還是修真好似人間多少也。

〔步步嬌〕青樓那到瑤山靜。花醒柳夢渾難醒。脆管煩絲不奈聽。傷歡中酒年

年病。何似禮金經。清虛打滅輕狂性。〔十郎上〕

〔不是路〕粉閣妝成。出衆風流舊有名。彈花柄。想烟籠宿蝶睡初驚。〔四娘驚介〕  
是何人。定知公子閒乘興。〔十郎〕我是花卿舊友生。〔四娘驚喜介〕好似隴西李十郎聲  
氣。快開門。朦朧聽。高軒未得迎門應。有虧恭敬。有虧恭敬。〔十郎〕郭小侯或來不便。  
立語一回而去。〔四娘垂淚哽咽介〕裏坐不妨。

〔前腔〕〔四娘〕別院閒庭。〔十郎〕只在堂上坐罷。一話中堂便可行。〔四娘〕話還長哩。從  
容聽。見卿渾似見花卿。〔十郎〕四娘呵。喜遷鶯。新歡早已封侯定。俊麗還過驃騎  
營。〔四娘〕休譏評。勞君此事爲媒證。這般德行。這般德行。〔坐介〕十郎。你這兩日過花  
卿未。〔十郎〕見你後悶懷旅館。不曾一過人家。餘響遶梁。特來遣遣。〔四娘〕你要俺唱呵。俺也無心。  
唱也沒趣的。花卿教人長恨。聽奴訴者。

〔好姐姐〕當初銀蘭翠屏。花窠畔金蟬擲鏡。那時少年游冶。都來追歡買笑。丁香舌  
上。留連作巧聲。多歡慶。明膠熱酒偏饒興。細汗露軀別有情。自到花卿府。游興便已

消索了。

〔前腔〕燈炮香煤暗驚。十郎你蚤不相尋。到此已似遲了。如今情緒。唱出甚的來。惹雲袂曳。烟春暝。兩牀絲竹。凝愁按不成。忒殘病。那堪綠瑣千條影。枉自紅飄一番情。

〔十郎〕你既慵歌。生當愁絕。別有歌容。煩相屈指。〔四娘〕十郎。你千金之軀。怎去娼樓銷費。不如聘一名姝。相陪作客。〔十郎笑介〕好容易得名姝。我要有三件的。一要貴種。二要殊色。三要知音。〔四娘〕呀。蚤是你說起知音的。俺前在花卿處。聞你有風簾動竹之詩。說與一女郎聽。那女郎好生吟愛。可是知音。〔十郎驚介〕有此知音女子。定有好容顏。〔四娘〕絕精。〔十郎〕可是大家兒。〔四娘〕不小。〔十郎〕問是誰家姝。〔四娘〕他是霍王之女。〔十郎〕可求否。〔四娘〕到有幾分。〔十郎〕怎見得。〔四娘〕聽奴說來。

〔前腔〕多嬌柔紅嫩青。金詞豔玉融花映。十郎。我把你的詩諷與他呵。他好不沈吟。泥春無力。凭欄暗恨生。閒吟詠。知他惜玉憐香性。解得開簾動竹情。〔十郎〕便托卿爲媒何如。〔四娘〕使得。

〔前腔〕恁般良媒作成。也須合紅鸞到命。〔十郎〕只怕年清成不得人。〔四娘〕褪腰珠被風流事可經。十郎這女子正是破瓜時節。他若肯時。便蚤下聘禮。〔十郎〕領教。〔四娘〕成嬌倩。聞書選日行婚聘。管取那女兒呵。障袂爲雲感夢情。〔十郎〕四娘請就行。小生辭去。〔四娘〕君與花卿有故情。敢不成君之美。只是簡慢十郎了。〔四娘掩涕介十郎〕你還有甚麼話說。

〔尾聲〕憑將此淚寄花卿。從別後香閒粉賸。十郎奴家失身青樓。朝東暮西。理當生受。你明日倘成就翟郡主呵。不要似花卿這般薄倖哩。怎擲下青樓薄倖名。

春情雪色豔經過。〔十郎〕

似醉如慵不奈歌。〔四娘〕

莫向章臺還折柳。〔合〕

留來香閣畫姮娥。〔合〕

### 第十齣 巧探

〔意遲遲〕〔鄭六娘上〕一自殘雲飛畫棟。蚤罷瑤華夢。花露曲璫垂。春風細拂簾旌動。絃將手語暗思量。卻不道東王也有僊妃從。〔浣溪紗〕氣色春前別一般。梅花淡瘦水仙寒。錦薰籠畔帶初寬。不似湘靈還拾翠。那堪嗚佩到仙巒。夢回新試小龍團。自家鄭六娘

是也。螻蟻前驅。擬上千秋之壽。螢光莫報。翻游七日之仙。撇下老身。鶯花無主。兼憐小玉。鳳竹孤吹。這兩日小玉身子不爽。拋俺獨步芳庭。想念我與杜秋娘同事霍王時。好不感傷人也。

〔小桃紅〕屏花暗矗。鏡蕊空蒙。憶昔高陽院。雙娥豔容。那時歌舞呵。笑眼按花送。錦帶度生紅。說我霍府好不富貴。坐吹笙翠瑣中。暖玉啣鈴鳳也。團扇朝雲。迎風旆龍。看來人情豪華已極。便多感傷之情。日暮鐘鳴。止有神仙一路。老去真成夢。歡慳笑慵。霍王呵。你到學仙去了。都不想這老身與女兒。去時也不叫女兒辭一辭去。撇鳳拋雛。彫傷綺叢。

〔縷縷金〕〔鮑四娘上〕花瑟瑟。柳濛濛。妖姬和睡聽。鳥聲中。莫道不思量。眉心自懂。閒掀蜀紙渲巫峯。鬢雲薄。揜攏。昔是花卿妾。今作李郎媒。好將冰下語。去問月中來。此間不遠是紅樓了。想小玉郡主已梳洗。〔唱閒掀蜀紙渲巫峯鬢雲薄揜攏叫櫻桃開門櫻桃開門介〕呀。原來是鮑四娘。〔相見介四娘〕淮南底事愛生離。〔六娘〕腸斷高樓桂樹枝。〔四娘〕何似向平婚嫁畢。〔六娘〕還嫌子晉學仙遲。〔四娘〕請問郡主梳妝了未。〔六娘〕小玉不知怎的。近來這兩日癡

癡的喜睡。也是父王去後。啼痕未燥。美目難開。頭都沒興梳。口不待要飯。俺在此獨坐好悶。正娘來。  
〔四娘〕郡主敢是傷春。〔六娘〕又來了。女孩兒家曉得什麼春。〔四娘〕呀。那裏有二八一十六歲的女孩兒不曉得春。〔六娘〕今普天下男女不曉得傷個春。女兒怎的傷來。〔四娘〕只有氍毹的男女們不曉得傷春。難道伶俐人不傷春哩。你郡主好不伶俐也。聽我道來。

〔江兒水〕他腰細纔勝露。〔六娘〕那的討露水來。〔四娘〕他也在想了。身輕欲倚風。〔六娘〕小玉也本分。〔四娘〕六娘好不會看人。嬌輝翠影看行動。你聽他聲兒。花樓玉鳳輕彈。六娘。敢怕郡主也動心。〔六娘〕正是這兩日。〔四娘〕可知道夔鬆姪點露春縫。六娘。敢怕郡主曉得做夢了。失笑暖雲偷夢。六娘。你不曉得昔吳王愛女。也與郡主同這小名。煞恨吳夫人不能成人之美。六娘。你看郡主身子呵。怕他害得瞳矓。險做了翠烟韓重。〔六娘〕四娘說得有理。只是眼下那裏就有托身之人。〔四娘〕天緣有一快婿。不知六娘肯否。〔六娘〕那人才貌何如小玉。〔四娘〕真是錦屏風對子哩。聽俺道來。

〔前腔〕他文字呵墨光飛素蘊。他積的書呵粉迹度花蟲。〔六娘〕這等是書底藏身一蠹魚。



怕沒有甚風調〔四娘〕儘有琴心曲髓供調弄。〔六娘〕他家世何等。〔四娘〕故家青箱畫  
棨門庭重。〔六娘〕他們下得多少聘禮。〔四娘〕你要他時胡瓶瑞錦連車送。〔六娘笑介〕這  
是閒說。果是兒聲。何須阿堵。只要白璧一雙。〔四娘〕白璧成雙。蚤種。〔六娘〕那人姓甚。〔四娘〕  
便是前日做人日登高曲兒的相公。姓李名益。〔六娘〕原來是他。霍王甚愛其詞。極是佳選。只一件  
來。俺女兒雖從封邑。改賜姓霍。其實天家姓李。同姓有妨了。〔四娘〕賜姓霍。便是霍了。古時王侯同  
姓在宮中的。後來轉更蕃盛。〔六娘〕也待俺占一占來。〔四娘〕管取歸妹也。〔四娘〕懿母占祥。  
蚤嫁得一雙鳴鳳。〔六娘〕百年姻眷。且得從容。〔四娘〕他貴游公子年少才人。此處不留人。定有  
留人處。只好一兩日間定貼此事。〔六娘〕女兒小時定人。由在母親。如今長成了。也要與他商量定  
了。便着櫻桃回話。〔四娘〕若與郡主商量。定是個肯字。他也曉得李益詩詞。十分吟賞。六娘見郡主。  
只說俺又將李益新詞送與他看。因郡主睡着去也。〔六娘笑介〕省得。〔四娘〕告辭。專聽回示。須知  
月下繩千尺。遙想風流第一人。〔四娘下六娘〕叫櫻桃請郡主來。

〔二臺令〕〔小玉上〕啼蟾晝滴高花。紅壁闌珊翠霞。殘夢到西家。風吹醒遲日窗

紗。娘親萬福。呼兒怎的〔六娘〕纔間鮑四娘到此。〔小玉〕他也來閒走走。〔六娘〕他來度曲。〔小玉〕父王仙去。有甚閒心。聽他度曲。〔六娘〕道有李益新詞。〔小玉〕不是李益。是李十郎。〔六娘〕便是一個人了。你爲何知他。〔小玉〕前日鮑四娘來諷他詩。并說他人才出衆。只是王父不在家。若在家時。請他看看。想他才似相如。貌多王粲。〔六娘〕你要看他。他又要看你。〔小玉〕他怎的看得兒。〔六娘〕他要聘你。托鮑爲媒。〔小玉〕娘不要聽鮑四娘哄你。他見兒愛李生之詩。故相調弄。且父王旣作神仙。女兒當爲仙女。古有烈女事母。終身不嫁。孩兒雅志。亦復如是了。

〔繡帶兒〕掩春心坐瑠璃翠榻。羞人喚作渾家。〔六娘〕兒只有仙女住在無欲天中。一墮凡身。便相求取。〔小玉〕想仙官不是蘭香。笑漁郎空問桃花。非誇冰清到底無別話。何事把仙衣亂搭。〔啼介〕娘和女僇仔可嗟。乍形影相依。怎生撇下。

〔前腔〕〔六娘〕年華爲甚的雲寒月寡。守着一搦香娃。兒就麻姑仙子。也有人間之情。看羅敷早配玄都。恨玉蘭空孕蓮花。仙查天宮織女猶自嫁。銀河畔鵲橋親踏。今日呵。香釧臂須纏絳紗。取人地高奇。有光門闕。〔小玉〕兒一嫁與人。怎能奉事得我。

娘。斷然不嫁了。

〔前腔〕〔櫻桃〕休差。嬌花女教人愛殺。恨不蚤嫁東家。夫人。古人說得好。阿婆不嫁女。

那得孫兒抱。〔小玉噴介〕劣丫頭。我不嫁人。爲憐母親夫人。你閒管怎的。〔櫻桃〕郡主。你憐老夫人。

麼。只怕柘枝兒兩頭繫絲。別大來貪結桃花。〔小玉〕吓。你曉得甚的來。〔桃背介〕哄咱。

青春不多也。二八少不得籠窗動闌。好和歹這些三時破瓜。強指領搔揉。橈頭凹

軋。〔櫻桃回身跪介〕老夫人。俺郡主戀着你。不肯嫁人。那李十郎又是好郎君。倘肯在京師居住。同事

夫人。亦不可知。何不再請鮑四娘問個詳細。〔六娘〕兒。這話有理。你便去請四娘到來。〔小玉〕娘。鮑

四娘與李生雅熟。定相遮護。女兒料他這樣人才。沒做女婿處。到得如今。想是娶第二房。取了便回

隴西去。隴西去此千里而遙。怎麼去得。女兒一計。不如着櫻桃假作鮑四娘養女兒。到李生客館。說

商量親事。就中透出情懷。〔六娘笑介〕我兒真個老成也。櫻桃。你便聽郡主分付去。不要漏洩了。正

是全憑青鳥舌。當作彩鸞吹。〔六娘下櫻桃〕郡主用人之際。有話儘言。〔小玉〕俺只怕他兩件來。你

聽我說。

〔前腔〕爭差。作人小遭人繇。又怕不住京華。他年少高才。不在話下。爲甚的俊灑多才。尙沒個襯搭人家。考察。那人當眞新結納。又肯在京城頓插。摩可濃恁般挑達。便擺下擔頭。蚤些三簽押。〔櫻桃〕郡主。你先要作神仙女。如今這等要快活了。〔小玉〕癡丫頭。俺做得神仙。也拖帶你做神仙的。侍俺得快活。也拖帶你有快活了。

〔尾聲〕巧將言詞看對答。櫻桃。你是乖巧的。不比浣紗。俺在樓上望你。倚樓人過盡昏鴉。櫻桃。停當時教他有聘儀。就可相付。〔櫻桃〕郡主。你纔說也拖帶。我敢問事停當時。將何見賞。〔小玉笑介〕與李十郎說。討個精致小使賞你。〔櫻桃〕生受郡主了。可知道處處團圓對月華。搖曳仙裾不自持。凌波相及盛年時。

誰憐弄玉多情種。

月裏參差不斷吹。

### 第十一齣 下定

〔清江引〕〔李十郎上〕梅花曉帳紅雲碎。細葉籠金翡。旅思欲萋迷。夢遠春迢遞。扶頭酒會心人。縈腸事。〔愁倚闌〕雲花落。雨香飄。索春饒。皺蹙柳絲吹不斷。翠條條。銀蟾暗。

咽春朝。知他在第幾朱橋。說與曉鶯休喚。怕魂消。昨日到鮑四娘閒喜。許爲媒求雷郡主小玉歸來。春宵枕上。睡得不沈。醒得不快。是真是假。且把昭明文選來醒眼。〔番書介〕呀。好采頭。就番着第十九卷一個情字。過了便是高唐賦。第二篇神女賦。第三篇好色賦。第四篇洛神賦。呀。由來才子都是這般有情。

〔皂羅袍〕高唐賦呵。憶昔高唐枕席。正擇日垂旒。把諸神醮禮。只見高唐去處。淒切杳冥。相似鬼神來了一般。抽絃障袂。好增悲。松聲直下深無底。懷王正望間。忽見朝雲之女。侍他晝寢。可惜止是朝暮之間。若久長相處。真個延年益壽。霓旌翠蓋。登高此時。朝雲暮雨。相逢美姬。教人九竅都通利。看神女賦呵。

〔前腔〕見一婦人奇異。似屋梁初日。照耀堂堦。人間那得更須臾。神心蚤逐流波去。襄王呵。這樣神女。只夢一夢也散了。醒後又想他怎的。玉鸞低盼。芬芳已離。精神記取。私懷語誰。教人向曙空垂涕。再看好色賦呵。

〔前腔〕何處東家之子。嫣然一笑。下蔡魂迷。誰教宋玉有微辭。兼他體貌天閒。

麗。宋玉呵。你有這樣人做鄰。自然文賦生色。說甚邯鄲鄭衛。三年未許。東牆自窺。芳花有意。春風幾時。教人頓有章臺思。再讀洛神賦呵。

〔前腔〕正自凌波拾翠。向神霄解玉。縱體通辭。流風矯雪。映綃裾。輕雲蔽月。籠華髻。子建呵。這樣有情仙子。不得蚤就。後來懊恨可如何矣。當年未偶。明珠獻遲。人神異路。君王怎歸。教人灑遍長川淚。看這四篇賦呵。洛川形貌千秋恨。江漢風流萬古情。小生雖無

好色之心。頗有凌波之想。不免拋書枕几。也學高唐畫寢。想將巫峽雲來。小玉姐呵。不知你爲是瑤臺客。爲是宋家鄰。爲是章華豔。爲是洛川神。鮑四娘爲何音信沈沈。沒些定誓。〔做睡介櫻桃上〕

〔天下樂〕繡步香風紫陌吹。石榴裙襯腰肢。僑妝試覓花前事。到春風第幾枝。

自家霍府櫻桃是也。着事小玉郡主。今日承老夫人命。假作鮑四娘女兒。來詣李十郎。因探問他家中曾娶新婦。肯在京住否。并看他才貌怎的。此間是他旅館。不免咳嗽一聲。〔李卽驚醒介〕呀。恰睡着有一佳人。貌甚奇麗。含笑含嚙。如來如去。在咱眼前四顧。青衣向前相訊。正交接間。只聽得紅蕉搏雨。翠竹敲風。原來就是陽臺一夢。真個夢裏不知身是客。醒來那辨雨爲雲。原來不是雨打風敲。

卻是人來戶響。多應好事君子。載酒問奇。或是平生故人。題梅附訊。呀。原來是女郎聲息。必是鮑四娘人到。〔開門相見介十郎〕女郎來從何處。見爲何因。〔櫻桃〕咱是鮑四娘女。使來報喜。〔十郎〕可是霍小玉姐見許。〔櫻桃〕蘇姑子作了好夢。有幾分肯。只要瞞過他些。〔十郎〕敢是不愛我了。〔櫻桃〕愛你幾件來。家堂誇得你很。

〔懶畫眉〕道你是芙蓉玉碗漾秋波。〔十郎〕這是家尊家堂生的這般好。〔櫻桃〕道你綠鬢烏紗映畫羅。〔十郎〕小生從來帶一種愛好的性子。〔櫻桃〕又道金張子弟慣鳴珂。〔十郎〕到不消說到門風上。只說小生這個人兒也那得家去。〔櫻桃〕也道來。道是十名八斗君還過。因此向喬木高頭詠伐柯。〔十郎〕這等事諧了。只要典過一所大房子取親。〔櫻桃〕且住。還要瞞過他些。他有兩事相疑。

〔前腔〕道你舊家王謝識人多。少什麼故里潘揚繫女蘿。〔十郎〕你說俺怎的。家中沒有娘子。要到京城求親。想是疑做二房了。〔櫻桃〕正是了。道是何緣千里隔山坡。還有一件。霍王游仙。他一娘一女。相憐相守。他怕暫時在此。以後撇他去了。怕莫做寶瓶透雀穿花過。相

公家堂已定計了。只說相公求了婚。又在京師久住。待相公成了這親。慢慢搬他回去。做大做小。都由相公了。也只要成就了君家大錦科。〔十郎笑介〕原來有這話。〔背語介〕俺正好喬他探出郡主才貌家事若何。〔回身問桃介〕呀。女郎。想似你說。郡主也忒揀選大了。他有甚才貌。對得俺才子過。便思量做大娘子。〔櫻桃〕相公。到不是誇。只怕你隴西的人才相似。京城女子。似這郡主的才貌也少。聽俺道來。

〔醉羅歌〕柳弱柳弱嬌無那。花淡花淡著春多。俺今日看他曉妝正罷。露春纖彈去了粉紅澆。半捻春衫妥。香津微搵。紫絨輕唾。芙蓉暗笑。碧雲偷破。一尖鳳履些兒擲。輕唐突。鎮阿那。書生有分和他麼。〔十郎笑介〕月裏嫦娥。我也近了他。說甚人間郡主。只一件。俺是要享用的人。霍王去後。只怕府中清淡了。養活小生不得。怎麼不思起故鄉來。〔櫻桃〕說那靈府裏呵。

〔前腔〕烟漠烟漠閒院落。翠染翠染深簾箔。炷麝香金暖睡鸞窠。鎮日薰香坐。天廚玉饌。地衣珠落。雪獮熒弄。午貓花臥。餐香豆澡金環鎖。花徑軟。助情多。合



昏眠柳夜舒荷〔十郎〕女郎有這樣去所。李十郎生受你了。願你明日嫁個男兒。也像李十郎女郎。俺便在此終身。儘霍府享用了。〔櫻桃〕你撇下得大娘子一個在隴西。好薄倖。〔十郎〕女郎。小生有才。有貌。無室無家。早失先人。旋遭兵火。杜曲花無賴。果然游子澹忘歸。藍田玉有烟。似此佳人難再得。便爲結髮。竟是齊眉。俺這裏不用支吾。他那裏何須疑惑。聽我說來。

〔前腔〕孤忒孤忒。淒惶我。兵火兵火。遁逃他。女郎莫說我家臺池。連隴西數十城。都沒入吐番去了。閃生羌旗鼓斷西河。片片魂飛墮。故鄉何處。西風淚多。上林棲穩。新春景和。花邊強自愁顏破。魚水難。□□□。曲中都是憶秦娥。〔櫻桃〕相公。你定初婚。

又占籍京師。這親譜矣。

〔前腔〕停妥停妥。有定奪。歡慶歡慶。蚤黏合。相公。那郡主才貌。京師有名。王孫公子。多相求聘。你有甚寶玉。只管將與俺去。付家堂。送過霍府。便是個定了。拚千金買得春宵着。受用些兒個。琴牀筆格。淒涼一個人兒共枕。春宵暖和。股兒閣着眉兒磕。二日後。五更過。紅羅十擔謝媒婆。〔十郎〕客中急忙。不得全禮。有二寶物。是先相國先夫人遺下。雖經

離亂常隨行篋。郡主才容足可當此。並是傾城無價之美。青兒可取金縷箱中九子金龍鏡三珠玉燕釵來。〔青兒取上介十郎〕多勞女郎。可捧過霍府。致意郡主妝次前。小生不曾薰沐。未敢親奉。容造膝面謝。女郎這邊鏡雙龍。楊子江心鑄就。瑤釵對燕娥。娥臺上模來。老夫人郡主見之。自當寶重。

〔東甌令〕瑤筐燕珠釵。鏡裏和龍卷花臥。女郎只是客中一時難措。若論郡主身價呵。黃金百萬買雙娥。買得心兒麼。女郎想郡主心中。也有了這人麼。但得一心人。錢刀定何用。他半指心兒納著可。下着葳蕤鎖。〔櫻桃〕這是定了。說郡主的心呵。

〔前腔〕香噴噴。美鞞鞞。不寒不深又不闊。〔十郎〕快些快些。俺就要過了。〔櫻桃〕讀書人好性緊。霍府裏人煉丹慢慢的扇。似龍虎相貪。脚正渴。慢的抽添火。〔十郎〕女郎。我讀書的人那裏說那個過。說俺明後日就要過門。相一相郡主。〔櫻桃〕原來這等。你相公明後日過門。鮑四娘不長在府裏。只有區區在那裏伏侍了。〔十郎〕容小生相謝。〔櫻桃〕相公不敢望謝。只伏侍不中。免賜噴責便了。相公那時呵。休得哄人丟了。將人脫。獨自圖生活。

〔尾聲〕郎才女貌都不弱。又向甚春風尋播搭。十郎呵。蚤辦取拭雨露雲半帖。

羅〔十郎〕多多拜上。

碧海雲偷出翠微。

阿環分付小青衣。

今宵暖夢游何處。

十二樓中玉蝶飛。

第十二齣 捧盒

〔六么令〕〔櫻桃捧盒上〕粉香花氣。玉人兒沒得參差。秋眉換綠咱愁思。紅梅上。紫流鶻。聲聲叫得人心碎。聲聲叫得人心碎。櫻桃過處有人覷。苦跟着郡主不得遊戲。今纔在御道走哩。這粉梅花黃鶯兒都是嬌滴滴的。空便偷閒耍半會。將盒兒放在草裏。蹣上樹去。摘這花兒。打着鶯兒。看待怎的。〔上樹打鶯科四娘上〕

〔前腔〕多才人地。配紅樓恰的相宜。淺春庭院報花期。青綺陌。步香吹。金光玉豔平蕪起。金光玉豔平蕪起。呀。緣何草間光色異常。是誰家妝盒。忘在此間。〔開看科〕有金鏡

玉釵在內。不知出在誰家。想鏡背有款識。上鏤着隴西李相國。天寶五年五月五日。楊子江心鑄。看釵股上鐫得有四字。狄道縣君。呀。隴西李相國。不知是誰。我今正去回李十郎親事的話。就將此兩

件去問他。想他知道。〔四娘作行科〕玉吐藍田氣。金舒草堦光。非經問南陌。定是覓東牀。〔桃在樹上見叫科〕鮑四娘。你偷我盒兒那裏去。〔四娘〕你是霍府鄭櫻桃。緣何在梅樹上坐。〔櫻桃〕我在這裏等作媒。〔四娘〕休閒說。下來問你。〔桃作遠梅樹走介四娘〕這是怎的。〔櫻桃〕這叫做走媒。〔四娘〕閒說。且問你爲甚的鄭六娘放你出來。

〔步步嬌〕〔櫻桃〕老夫人呵。聽說李郎才貌多奇異。教我閒尋覓。只爲怕他兩事。怕他有個人兒在隴西。又怕他青春作伴還鄉去。因此上喬作卿卿女兒。鵲橋相仔細。〔四娘〕還是鄭六娘老成。我到不曾訪得他。他如何講。

〔前腔〕〔櫻桃〕他說一生消渴藍橋水。沒得甌兒吸。〔四娘〕這等是初婚了。〔櫻桃〕趁比翼。睡交枝。阿婆和女同家計。〔四娘〕這等是他在京師了。他問你甚麼來。〔櫻桃〕他問我那主的心兒怎的。〔四娘〕你怎的答他。〔櫻桃〕俺說他的心怎的問我。問取黏腰細衣。來時有些三溼。〔四娘〕諱話。這盒的金鏡玉釵。敢是李十郎的。〔櫻桃〕便是。

〔前腔〕是他夫人相國生留取。寶氣紛尤異。〔四娘〕緣何把與你。〔櫻桃〕他說咱真是你

的女兒。將來與你送過府裏作聘。開金縷。繫紅絲。有這樣郎君。老夫人和郡主呵。多嬌阿。母心應許。只是一件。我家郡主有些作樣。咱是侍女。不好弄他。還是你同回去。開了盒兒。扯定郡主。對了這鏡。簪上這釵。笑他一會。氳他對鏡簪釵。問他喜不喜。四娘。你爲何走上梅樹去。

〔前腔〕〔櫻桃〕爲那鶯兒。呀。碎紅梅雨。打起鶯兒去。四娘。你與郡主成了人。咱也長大了。你也尋個十郎。這般對兒與我。〔四娘〕吓。那裏討。〔櫻桃〕也罷。今日到十郎書院。見他家青兒。到也眉目乾淨。愛人子。不如明日十郎到我府中。高低把青兒捨與我罷。四娘方便。小青哥。俊俏兒。

〔四娘〕青兒是那十四五歲的。會幹些甚麼事。要他。〔櫻桃〕終不然就要幹得大事。也有大的日子。些兒也是男兒氣。四娘。你作快講。奴家有這般貌。若沒有主兒。十郎到家。定要郡主喫醋。有青哥時。免得半夜鷓鴣。踏步摸魚兒。〔四娘〕你要一個。你家浣紗也要一個。〔櫻桃〕那十郎籠

下養有個炊火的。聽得喚做烏兒。便捨與他。〔四娘〕醜的便厝與別人。休閒話。且同到府裏去。

〔縷縷金〕花信緊。乳鶯啼。碎影篩紅陣。點春池。半爲朱顏苦。閒尋舊事。香衫畫。釋有情時。回嚮向閨裏。〔櫻桃〕四娘。望見俺府裏了。郡主獨在紅樓。望俺回話。你到府中。且將

盒兒捧在東廂亭子坐着。待俺說與郡主來請你。

帝城文物豔青春。

寶鏡珠華下玉人。

爲轉嬌鶯出琪樹。

乍教羅襪起香塵。

### 第十三齣 納聘

〔番卜算〕〔小玉上〕屏外籠身倚。睡覺脣紅退。輕蜂小尾撲香歸。颺得花憔悴。

〔滿江紅前〕遲日烘烟。紗廚畔。魂香睡足。閒撩亂。乳禽成對。暖氳花褪。暈閃膏凝。渾倦。彈枕痕一線。紅如玉。背畫欄。斂刮悄無言。看屬玉。俺霍小玉。雖然些小年紀。蚤已曉事。家堂前輩人。怎知時世不同了。午上叫櫻桃去透問李十郎。叫他先到俺處回話。天欲斜陽。還不見來。好悶人也。

〔三換頭〕嬌酣困媚。喚醒夢輕難記。亞粉枝紅墜。寒煤糝袖絲。好忒煞春無力。女孩兒沒緣由把相思。做場情事。葉染花欵也。手搓裙帶蕊。淺醉深慵。怎的那人兒沒話兒。〔桃鮑上〕

〔傳言玉女〕〔四娘〕翠袖籠寒。踏遍春塵無迹。〔櫻桃〕寶衣春瘦。正暮雲凝碧。〔合〕

映餘紅斂。避掛簾殘日。〔櫻桃〕四娘已到了府中。你且在東廂坐地。待俺回了小姐話來。請出老夫人過禮。〔四娘〕正是。〔下櫻桃見介小玉忙問介〕你來了。那人怎的。〔櫻桃〕賀喜賀喜。好一個風情年少。委係初婚。又在京師占籍。十分之美。〔小玉〕他怎便拋得家裏。〔櫻桃〕原來是隴西人。隴西地方都沒入吐番去了。已是無家可歸。〔小玉〕原來這等。果稱了人心。〔櫻桃〕郡主。他明日伴你睡呵。〔小玉作羞介〕

〔二換頭〕〔櫻桃〕人兒清翠。話兒濃媚。親夫婿。好花枝蝶迷。捅着腰肢喘息。郡主。那日有人叫你做妻了。快活人也。命哥哥來了。也叫聲妻。高頭怎的。戰着聲兒應。魂飛怎的支。記取青衣。把這段香甜送與伊。〔小玉〕還不會到手。就要人記得你。你聽他幾時下聘。〔櫻桃〕鮑四娘已捧着聘禮在門外了。〔小玉〕這等快請老夫人出來。

〔勝葫蘆〕〔鄭六娘上〕金屋明妝起鳳臺。姻緣好。謾遲回。共道仙郎才貌今無對。怕絲蘿曾係。有時歸去杳難來。〔四娘帶櫻桃上六娘〕呀。櫻桃回來了。怎的說。〔櫻桃〕委是才子初婚。又在京師住下。十分是好。已有聘禮到來。鮑四娘也在門外。〔六娘〕請進來。〔四娘見科〕

簾幙春風。門楣喜氣。小玉姐有美玉之貌。李十郎有磐石之心。千里良緣。百年佳眷。可備紅筵香燭。陳此玉鏡珠釵。〔六娘〕四娘且捧着櫻桃。你在那裏會四娘的。〔櫻桃〕只是櫻桃去問了詳細。李十郎只道當真是四娘女兒。便將二件寶器送來爲聘。櫻桃持歸。過了五鳳門大東頭。紅梅樹下。遇着四娘。要轉同回夫人話。〔六娘〕原來如此。〔四娘〕夫人好不精細。〔六娘笑介〕明日花紅。櫻桃分一半兒。〔對小玉云〕今日你是李十郎的人了。聘儀你看着。〔小玉羞介〕娘看了就是。〔六娘〕便可拜了天地。

〔月上海棠〕滿光輝。銀花錦燭香雲鬢。看春風桂幕。喜氣蘭闥。匣中玉合璧光迴。掌中珠連環翠佩。〔合〕神仙配。年年寶鏡。歲歲瓊釵。

〔前腔〕〔四娘賀介〕湊良媒。朱絲畫縷同心帶。看蟾生綠柱。鳳遶青槐。秦樓女碧玉簫吹。漢署郎紫薇花對。〔合前六娘看鏡釵科〕還是相國人家。我昔在內家。聞有楊子江心

鏡。是玄宗皇帝年間鑄的。不知就是李郎家的。我兒當鑄此鏡。聽說有雙龍護舟。鏡背自然成雙龍蟠合之象。非關人巧。委係天成。這玉釵刻得雙燕兒。就是活的一般。真是世中希有。庚申便是吉日。



李郎在旅舍清冷。就擇後日成親。四娘你與小玉在房裏戲戲。我與浣紗在下面排些夜筵。請你下樓去喫。〔四娘〕正好。〔六娘下四娘〕今日就是好日期。櫻桃捧鏡兒。釵兒在房裏對郡主插帶。〔小玉〕只在堂前亮些。〔四娘〕在房裏方便。〔行介櫻桃〕這便是郡主梳洗處。〔四娘〕清楚。好傍紗窗兒掛了鏡子。郡主你也來照一照看。〔小玉作羞科〕

〔二郎神〕紗窗內。碧珊瑚看菱花露彩。轉片月寒空生碧海。姮娥相對。曉雲初弄瑤臺。瀉翠窺紅鸞倚態。照澄心冰壺巧耐。〔四娘〕少說些影徘徊。看明朝雙笑人來。〔四娘〕玉燕釵也和你插上。〔小玉〕明日插罷。〔四娘〕釵兒也要今日插。〔做插科小玉〕輕些。插得疼人。〔四娘〕插便疼。〔小玉〕吓。

〔前腔〕威蕤。玉花兒貫珠題翠蕾。鏤素燕差池。啣細茵。玲瓏纈紐。璫抽寶纈。綉綉。慢簇輕搖垂鬢彩。插纖梁蟬鬆膩解。〔四娘〕怕插鬆了。明日放緊些。〔小玉〕吓。〔四娘〕謾推排。雲橫處枕側檀偎。〔小玉〕四娘。你說話村得怕人。〔四娘〕你只怕那人兒。怎的怕我。〔小玉〕怕他甚的來。〔四娘〕他要你煮飯他喫。〔小玉〕也不難。

〔風入松〕軟雕胡帶笑與郎炊。〔四娘〕要你的酒喫。〔小玉〕情願點銀瓶玉蕤。葡萄卓女燒春在。願舉案齊眉看待。〔四娘〕也要你唱。〔小玉〕使得。唱關雎酌彼金罍。〔四娘〕他還要三五頓夜飯喫。要囉噪你。〔小玉〕儘他喫。只要他有這福量。餐秀色。任多才。〔四娘〕好不怕事。他要你與他戴冠兒。〔小玉〕當得。

〔前腔〕拂烏紗向曉平眉戴。〔四娘〕他要你做衣擺與他穿。〔小玉〕常事。愛并州翦快。風生錦繡片雲裁。指領上繡針憑在。〔四娘〕你怎曉得他長短。又一時揣得他腰兒這熟。〔小玉〕想得。想身材暗圍腰帶。〔四娘〕若論他的腰帶儘是長大。〔小玉〕你做媒的好眼巧。怎的恁般相知了。巧眼色。劣情懷。〔四娘〕小學生不要先罵媒人。俺先會教郡主曲。本來也是師父。趁今日教些本事。老夫人不好教你。〔小玉〕甚麼教得。學無前後。達者爲先。〔四娘〕休要做乖。新人一進房。對了一枝紅溜溜的銀蠟燭。蚤已腩腆了也。

〔玉交枝〕燭花無賴。背銀釭暗壁瑤釵。待玉郎回抱相偎愛。你此要些腔兒。顰蛾掩袖低迴。他喚你。不可就應他。千喚佯將一度回。他畢竟先有些不緊要的話摩弄你。相挑

巧着詞兒對。郡主他叫你上牀。你只在牀帳外挨着。等他抱你上去。挽流蘇羅幃顛開。又不  
可自家解衣襦。先打些格達兒。要他扯斷纜好。結連環紅襦懊解。〔小玉〕知道了。絮絮叨叨  
的。〔四娘〕還有牀上工夫要講。上牀時。他在東頭。你走過西頭。在西頭。你又走過東頭。

〔前腔〕做個鸞驚蝶駭。你假將指甲兒搵着他。亂春纖抵着郎腮。那人定不相饒。壓花枝  
要折新蓓蕾。郡主也索放軟些手了。那管得豈惹含胎。那時節白綾帕兒方便着。迸破紅  
雲玉峽開。哎。挺得人疼。你須聽着。斜抽沁露荷心靄。喫緊處花香這回。斷送人腰肢  
幾擺。〔小玉〕師父。你怎麼曉得許多家數來。〔四娘〕我是過來人。想咱嫁時呵。

〔漿水令〕憶年時紅鬆翠窄。正初婚膩腋雲姻。坐郎兜裏倒郎懷。薰籠卸襪。繡  
鳳眠鞋。細軀捱。含顰待些兒受用疼。還耐。拭紅綃。拭紅綃。斜燈送暎。移繡枕。移  
繡枕。引被佯推。〔小玉〕有得許多說。

〔前腔〕〔四娘〕下鴛帷。嬌殘薄黛。臨妝鏡巧對瑤臺。暗尋閒事笑還唉。餘紅偷  
覷。碎蕊愁揩。衣桁前。簾櫳外。蘭房新婦深深拜。賀新人。賀新人。許多丰采。那郎

君那郎君底樣情懷。〔小玉〕難爲得你這般狠來。〔四娘〕明日到你。〔六娘上〕夜筵已安排在堂上。鮑四娘你只管在房中。有甚麼講不出來。〔四娘〕閒講。〔六娘〕今日沒甚大設。

〔尾聲〕青玉案。紫琉璃。碗茗盤餐對舊醅。待十郎過了門。重開鳳燭宴冰媒。〔下〕

### 第十四齣 假駿

〔月雲高〕〔十郎上〕篆烟籠黛。春心透簾外。燕尾交香褶。龍沫吹飄帶。稗柳蘇晴。梅魂恣風色。蝶點花尖上。暖院戲穿窗隔。報道合歡紅欲開。攜手佳人和夢來。〔百字令前〕幽窗客裏。算無春可到。和愁都閉。正好一盃花弄影。報道雨香霞翠。枕帶籠金。鈎欄凭玉。別是歡情味。輕疑慢竚。朝雲宛轉何意。昨日鮑四娘的女兒領了聘儀去霍府。今巳日高花塢。想有回耗。且把做新婿的手段閒想一會。正是幸有朝雲眠楚客。不勞芳草思王孫。

〔金瓏璫〕〔四娘上〕綠枝么鳳語。香痕暗沁平蕪。紅幫暖襯畫羅襦。銀蒜押簾偷覷。自家鮑四娘。調絲品竹。蚤謝同心。挾策追鋒。還推老手。昨夜鄭夫人發了鸞箋。請他龍婿。俺今早朝醒頭重。日向午了。裁來走走。〔叫介十郎〕原來是鮑四娘。何勞親降。昨日寶鏡珠釵。已付令女郎送

上轉過霍府。事可諧否。〔四娘〕事諧矣。鸞箋在此。〔十郎看書介〕

〔一封書〕妾鄭氏敬拜書。卽相國李君虞。小玉霍王女。才和色俱無取。蒙君過聽。堪爲婦。寶鏡珠釵禮聘殊。庚申吉。候光車。金水相生慶有餘。〔十郎笑介〕好事忒近了。元日日辰。己酉。算到明日。是庚申了。四娘。俺此時心事。還怕那郡主當不起小生的才與你。還與俺細說一番。〔四娘笑介〕他興亦不減。

〔孝順歌〕扶嬌起。困勻酥。聽啼鶯。花隔香兩餘。那時節。百事都懶了。彩局未收移。金絲沒情拂。〔十郎〕他敢是做出來的風情麼。〔四娘〕天生成的。他便是尋常笑語。掠約精神。也有許多天厝。十郎。有這樣女兒伴你呵。除卻正理追陪。別有繫人心處。十郎。你明日蚤過些。他望得你緊了。新頓禱。細肌膚。洞中花。恣君入。〔十郎〕請問明日穿甚服色去。〔四娘〕你有進士大衣服就好。〔十郎〕帶幾個小使去。〔四娘〕終不然步走。你須向花卿家借馬去。他府裏好少的後生。〔十郎〕領教了。

〔前腔〕開鳳曆。賜鸞書。借鴛鴦。繡騎金鏤衢。排比做親夫。調停弄嬌女。四娘。小生

酒量也不十分見得。托你去說。明晚一兩杯後。就賜飯了。用得。玄漿半壺。熟了雕胡。便向洞房深處。對着匡牀。儘力餐紅玉。小生只有今宵作客。明宵呵。花帶蝶。柳藏烏。暖茸茸。香馥馥。〔四娘〕俺辭你去。你可便過花卿處去。爲問花卿。復能相憶否。〔四娘作嘆介〕今日不能勾擺個酒兒。有慢四娘。明日在霍府不忘報謝。

〔尾聲〕明朝車騎美相如。那人兒不是當爐。〔四娘〕你去見花卿。不要說俺竟在你館中來。只道俺獨自山中詠薜蘿。〔四娘下〕青兒。跟俺到花老爺宅子上去借馬成親。〔青兒〕成親用得驢子料。顧個驢子去罷。〔十郎〕哇。快行。〔行介〕

〔月雲高〕趁春詞客。東鄰復南陌。葉鞞楊低翠。粉褪梅銷白。潤暖烟絲。水皺鴛鴦色。解得多情種。臂上隨人轉側。日影春妝繡箔開。笑指銀雲拂袂來。青兒。前面就是花老爺府了。你說與把門的。李十郎相公來訪。〔青兒叫聲把門軍上〕細柳新軍籍。咸陽舊酒徒。門上何人誼擾。〔青兒〕隴西李相公。〔軍士〕且住。待通報。

〔金瓏璫〕〔花卿上〕錦袍初置府。兵鈐萬里魚符。黃衫年少擁花騎。一笛武陵何

處。原來是李十郎。〔揖介十郎〕營高細柳葉初齊。〔花卿〕日暖花邊教碧蹄。〔十郎〕莫惜千金借名馬。

〔花卿〕懸知一點透靈犀。〔坐介十郎〕將軍何緣說及靈犀一點。〔花卿笑介〕纔問着了鬢去看看

鮑四娘。說過十郎館中。可不是一點靈犀。〔十郎〕將軍不知。他近來有大功於小生。〔花卿〕怎的來。

〔十郎〕生託四娘爲媒。聘了霍王之女。〔花卿〕日前上直。見老霍王游仙傳國的本。記得本中一聯

說道。才子抽詞。感會八公之操。嬌雛未嫁。先爲五嶽之游。也便想得才子是足下。只不料嬌娃便爲

足下所得。父王修仙。女兒便是仙女。足下便是仙郎。一時盛事。老夫這幾日宿衛。今日纔換了射聲

將軍入直。老夫正要攜壺相問。蚤辱光臨。兼失迎候。左右看酒。〔左右持酒上〕寶騎名千里。金尊滿

百花。稟將軍酒到。

〔一封書〕〔花卿把酒介〕遶春光禁廬。蕊花澆病酒餘。聽嬌鶯鳥雛。似金槽絮念

奴。玉盞香黏羅袖縷。鮑四娘呵。一髻濃煙。可是初。〔十郎〕他也相思難擺。〔花卿〕正是。今

日有他。也多哄得幾杯酒下喉去。他點飄蕭。彈綠續。屈醉邀歡。可百壺。〔十郎〕請罷酒。

小生有所求請。聽說。

〔孝順歌〕邀青女。作黃姑。笑臨霞半辭投□□。他明日請小生去上門成親了。錦燭豔紅渠。銀蘭待棲宿。〔花卿〕這些事都妥貼了。〔十郎〕他親王府裏富貴人家。小子客中騎從所少。借紅蹄碧駒。〔花卿〕要馬麼。〔十郎〕正是。和那綠幮蒼奚。送到瑣窗窺處。〔花卿〕好首面的。謙從儘有。只怕還要別樣金幣之費。隨足下相取。〔十郎〕不用了。爲仰風流。百事從清楚。小生告辭了。催寶勒。罷行廚。愛將軍。多禮數。〔花卿〕左右。好生韉馬。揀幾個好門幹。送李相公明日過霍府去。〔二軍應介花卿〕老夫幾番要尋個名勝配足下。今日呵。

〔前腔〕通桂苑。遇名姝。有此喜事。歡飲幾爵。對黃油酒囊。花覆爐。十郎。與你做媒的。是老夫的俊人。送你成親的。又是老夫的駿馬。可是湊合。這馬呵。鬧色紫茸鋪。壓勝黃金鍍。真個飛香紅玉。這樣駿馬。馱上一個才子。到那有色目的人家呵。一種風流。十分門戶。十郎。做魔兒中有乖巧的。你留幾個在那裏用。〔十郎〕他家自有平頭奴。〔花卿〕雖則有人。何方多僕。阿對前頭。也要彤騶護。十郎。俺不留你了。金裏馱。錦塗麻。碧桃春。藍橋路。

〔尾聲〕金燈此夜垂銀粟。照明宵帶枕茱萸。再過一日。俺約同石子英。尙子毗。同到霍府。



來打喜。那時節呵。春紅蚤已透琉璃。

柳葉桃花屬此君。

春城人散酒初醺。

北堂後夜人如月。

南陌明朝騎似雲。

### 第十五齣 就婚

〔鶻橋仙〕〔小玉櫻桃上〕衾鴛微潤。屏鸞低扇。曙色寶奩新展。絳臺銀燭吐青烟。  
熒熒的照人靦腆。〔好事近〕〔小玉〕紅曙卷窗紗。睡起半拖羅袂。〔櫻桃〕何似等閒睡起。到日高還未。〔小玉〕催花陣陣玉樓風。樓上人難睡。〔櫻桃〕有了人兒一個。在眼前心裏。〔小玉〕丫頭。這是俺身上的事。怎的睡來。〔櫻桃〕李郎不知來得遲早。〔小玉〕他客中沒有人會打理他來。〔櫻桃〕前日櫻桃與十郎對坐調笑。怕他見責。〔小玉〕他是君子人。那裏計較這些。鮑四娘說蚤來。還不見到你。你去堂上迎着他。〔櫻桃〕郡主忒忙了。

〔臘梅花〕〔四娘上〕花籠錦匣春色偏。生香翠氣簾初捲。結着千里緣。綠雲天借。鳳樓今日會雙仙。〔櫻桃〕四娘。你來了。俺郡主五更初點就起來梳洗早膳。省得要催妝詩。你快

上去。新郎可來也。〔四娘〕還早。〔四娘上樓見小玉介〕郡主。你好睡睡。今夜不得睡了。俺從不到這樓上。李十郎一時未來。且同郡主樓上望望。〔做望介四娘〕郡主。你看那東頭一派衙門。遶着皇城的是十六衛。中有個驍騎衛花老爺府。這西頭尙冠里一帶高房子。是令公府。俺郭小侯在此中住。〔小玉〕四娘。你有許多來路。〔四娘〕瞞你不得哩。俺還曉得一個去處。那向北去一所。不大不小。粉牆八字門兒。正對着章臺街。紅簾兒裏有個人兒。生得絕精。與俺相識來。〔小玉〕你的眼會走。〔四娘〕你却不要走了眼。守那人兒出來。〔小玉作望介〕呀。四娘。委的一個騎馬官兒出來了。〔四娘〕看在那邊去。〔小玉〕呀。望南頭來了。〔十郎走馬三人跟上〕

〔空地錦襠〕春紅帶醉袖籠鞭。壓鞦葳蕤照水邊。美人香玉豔藍田。遙望紅樓生翠烟。〔下小玉驚喜介〕四娘。你看那人走那一灣馬呵。風情似柳。有如張緒少年。迴策如縈。不減王家叔父。真個愛人也。

〔皂角兒〕是誰家玉人水邊。斗驕驄碧桃花旋。坐雲霞飄飄半天。惹人處行光一片。〔四娘〕郡主。你看那生騎馬。許多歡慶。俺見這生騎馬。許多感嘆。〔小玉〕怎的來。〔四娘〕這馬

原是郭小侯騎在花將軍裏去。花將軍就上看這馬了。〔小玉〕四娘良馬比君子。就是你對過這馬了。〔四娘〕瞞不得你了。猛可的影翩翻。聲迴合。送新人。懷舊侶。惆悵花前。郡主只是俺有這些緣。要來成就的一對夫妻。你說那馬上的美少年是誰。便是十郎了。〔小玉喜介〕當真生受你了。青袍雪面。儂家少年得娘憐。稱玉臺雙結。紅絲一線。〔四娘〕快下樓去。請老夫人堂上坐。迎接新郎。〔下介〕須教翡翠聞王母。不奈鴛鴦噪鵲橋。〔鄭六娘上〕

〔小蓬萊〕花氣玲瓏仙苑。和龍爐寶燭薰天。標梅將贈芳華正攬。桃葉初傳。鮑四娘。多勞你了。李十郎將到門。郡主可更衣迎婿。〔十郎上〕

〔上林春〕醉雨烟濃。泛晴波激。雲縹緲銀鸞半。見香生錦燭高燃。響處佩環低轉。〔四娘出迎進介衆贊禮新郎新人拜天地詩介〕青皇垂裏地。黃媪上交天。二曜長相逐。三星徹夜圓。〔贊拜堂上老夫人詩介〕上壽西王母。玄都婉大真。瑤花看結子。桃葉笑宜人。〔贊夫妻交拜詩介〕百歲爲夫婦。雙飛比鳳凰。生男爲將相。生女配侯王。〔贊把酒介〕

〔錦堂月〕吹錦雲鮮。流珠日暖。春光蟬連畫院。鏤牒簾紋。笑隱芙蓉嬌面。金莖

蝶半簇華翹。香樹蛾滿。樞絲璽。〔合〕持觴勸。看取才子佳人。百年姻眷。

〔前腔〕歡宴。橘浦仙媛。蘭陵貴士。同進花臺法膳。月醴華清。銀稜翠勺。河源金平脫。半筋萍齋。畫油奩兒家禁巒。〔合前〕

〔前腔〕宛轉。繡履牆偏。瓊纖縫表。寒玉暖笙初轉。新樣釵篦。點鬢招弄。嬋娟。星語透竹玲瓏。款款催貼花檀串。〔合前〕

〔前腔〕情盼。織女星傳。美人虹闕。暗褻畫鸞金線。襯體紅綃。燭夜花房如茜。長頭錦翠答宜男。同心枕夜明如願。〔合前〕

〔醉翁子〕〔六娘〕堪羨。這才華定參時彥。怕京都紙價高。洛陽花賤。〔十郎跪介〕不淺。似海樣深恩。何處金珠買翠鈿。〔合〕成姻眷。但學天邊明月。四季團圓。

〔前腔〕〔小玉〕閒辨。你蚤晚要魁金殿。看織錦回文。裁紈歌扇。〔十郎小玉同跪介〕情願。對熱腦梅花。一縷真香結誓言。〔合前〕

〔僥僥令〕燈花紅笑顫。高燭步生蓮。且喜闌夜。口脂香碧唾。環影耀金蟬。愛少

年。

〔前腔〕顏酡春暈顯。花月好難眠。無奈斗轉。銀虬催漏悄。翠鳳裊鬢偏。待曉天。  
〔尾聲〕繡帳流蘇度百年。作夫妻天長地遠。還願取桂子蘭孫滿玉田。〔十郎小玉浣紗下四娘辭六娘〕四娘。你也房裏揸些撒帳錢回去。〔四娘〕不。便。了。明日再來相看好郎君也。〔下〕

芳樹交花御宿林。

女蘿低度結同心。

瑤樓自有吹簫侶。

何用高堂綠綺琴。

### 第十六齣 協賀

〔櫻桃上〕銀蔓牽花紫帶長。絲絲絆着有情娘。紗窗細拂蛾眉了。斜斂輕身拜玉郎。奴家喚做櫻桃。從小伴郡主刺繡。昨晚郡主配了李郎。俺做櫻桃的在牀後睡。教我怎的睡得着。那十郎甚麼的心。俺郡主許多的門面。俺也聽不得了。如今日已向午。老夫人還教不要驚了他。只是郡主帶醒。蚤已起來梳頭了。〔小玉上〕

〔探春令〕紅樓半夜暖溶溶。羅帳春風。〔櫻桃前扶介小玉〕嬌倩人扶。笑嗔人問。沒奈多情種。〔荷葉盃〕還記夜闌相見。膽顫鬢亂四肢柔。呢人無語不擡頭。羞麼羞。羞麼羞。櫻桃。昨日折睡了身子。好不耐煩。〔櫻桃笑介〕賀喜郡主。辛苦郡主。〔作摩痛介小玉〕一上牀鞦韆的睡覺到天亮。有甚麼疼來。〔櫻桃笑介〕郡主。你哄櫻桃。櫻桃到不會聽見。〔小玉〕聽見甚的來。〔櫻桃〕聽見郡主一上牀就啼起來。

〔鶯啼序〕銀缸背帳肌色融。阮郎要攀花洞。碎嬌啼月底聞鶯。從容明宵再奉。猛喬才那些見饒。急答着盡情偷送。牀籠動。脆腰支怎生攔縱。〔小玉〕閒說。你去伏侍他起來梳洗。俺這裏不用你了。〔櫻桃〕李郎只怕還要睡睡。〔桃背介〕郡主要俺去。俺暫去簾兒裏。覷他在此怎的。〔虛下介復上潛覷介小玉私云〕羞殺羞殺。做女兒見人只要藏。蔦地裏一個面生的男兒。要身子兒貼他睡。又有許多做作。那幾下疼。就是殺人一般。曉起走下妝臺前。他又眼兒看着帳外。只得出此間獨坐。捫一捫疼。又怕丫頭們笑。他去了。看看花綾帕上。〔看介〕呀。這真紅點子是怎的來。怪道疼得慌。只是他也相似有幾點紅來。卻不聽見他說疼怎的。〔櫻桃搶帕小玉

袖介櫻桃〕紅點子都是郡主的。不要混了李十郎的點子。郡主。這是你身上的寶。借看一看。〔小玉〕四角帕兒。甚麼寶。也要看他。〔櫻桃〕昨晚是素林禽錦帕兒。今日變了紅。可不是寶。〔小玉〕原有些紅。

〔前腔〕眉州小錦新退紅。織成斷霞啼鳳。〔櫻桃笑介〕這分明桃源錦津。印透春痕一縫。〔玉罵桃唱〕眼乜斜無端覷人。這事絮他何用。輕調弄。櫻桃嘴那些尊重。

〔推櫻桃跪介櫻桃〕定要借點兒看看。與櫻桃作個樣子。〔小玉〕你要看。俺去說與老夫人。〔櫻桃〕情願桃跪地。隨郡主責罰。〔小玉做行介十郎上撞轉抱住介〕

〔阮郎歸〕春光水暖翠芙蓉。宛轉繡衾中。妻。朝雲何處覓行蹤。生憎日影簾旌動。〔相見介十郎〕花色豔陽春。〔小玉〕邂逅奉清塵。〔合〕惟願長無別。合形作一身。〔坐介十郎〕呀。鮑

四娘合愛不勞行禮。〔小玉笑介〕他是俺府裏丫頭。奴家有事着他跪。〔十郎〕怎的充媒人過禮。

〔小玉〕是俺着他來探你。〔十郎〕娘子。你這等有心。怪道這女郎說你心兒好。〔小玉〕甚麼女郎。喚他櫻桃便了。〔十郎〕看俺情分上。饒他起去罷。〔櫻桃〕不敢起去。討了賞纔敢起去。〔十郎〕你要甚

麼賞。〔櫻桃〕郡主有話在前了。〔十郎問玉介〕怎生說來。〔小玉笑介〕許了他一個小使。〔十郎〕把烏兒與他做對兒。〔櫻桃〕消不起。〔十郎〕有多少小使。隨你揀得。〔小玉〕把青兒與他罷。〔十郎〕青兒忒伶俐了。怕他配不起。〔櫻桃〕櫻桃到也伶俐。〔十郎〕伶俐人正要配個不伶俐的。纔搭得勻。〔櫻桃〕郡主伶俐。卻又配着相公伶俐。怎的。〔十郎笑介〕就是青兒罷了。叫青兒來。〔內叫有客來報相公知道介浣紗上〕馬簇金吾仗。人薰異國香。稟上相公。花老爺。石老爺。尙老爺。到來相賀。〔十郎〕既然客到。櫻桃且起來看酒。娘子。他與俺有兄弟之義。你可穿了服色。出來把酒。〔小玉〕理會得。〔玉下十郎〕請三位老爺進堂上。〔三客上〕

〔鵲橋仙〕花轉風心。柳擡烟眼。着處紅霏綠颭。瓊樓珠閣映春山。拂仙掌翠華濃淡。〔相見介三客〕百年嘉禮。未獲少助紅筵之費。有愧朋情。〔十郎〕客邸匆匆。未獲裁粟。轉辱光臨。有失門候。〔三客〕請夫人拜賀。〔十郎〕義當出見。〔小玉上拜介十郎〕新人看酒。〔櫻桃將酒上〕雅杯金作友。團扇玉爲人。酒到。〔把酒介〕

〔玉山頽〕金堂客至。下紅樓翠鬪銀篦。薦芳塵點玉青碁。起華箔押絲珠綴。微



風約水。嫋處□羞眉半聚。裏手拈鸚嘴。鬢釵垂。酒光浮溜映雙題。

〔前腔〕美人雲氣。傍秦樓玉葉金枝。印春山半暈新眉。破朝花一條輕翠。畫梁初日。似綽約未勝羅綺。柳絮才輕麗。透春飛。笑和嬌語畫屏欹。

〔前腔〕〔十郎〕幾年排比。這姻緣十字詩媒。遇仙媛濟北追陪。裊烟絲竹西歌吹。忘京華留滯。儘百媚天應乞與。且自停絲騎。綵雲飛。銀蟬壓酒拚如泥。

〔前腔〕〔三客〕可人風味。篆烟籠畫漏遲遲。瑞香膏帳碧初垂。玉腰春茜紅新試。俺狂儔怪侶。來盼問雨香雲迹。喜氤氳人醉。笑低徊。從郎更索縷金杯。〔花卿〕

罷酒。老夫一言。十郎和俺們游俠長安。功名在邇。郡主可勸教十郎。努力前程。休得貪歡。費此白日。

〔朱奴兒〕好男兒芙蓉俊姿。爭聲價錦繡篇堆。勸取郎腰玉帶圍。休只把羅裙對繫。〔合〕看封誥鈿軸鸞迴。還比翼天池奮飛。〔小玉〕三君在上。只怕十郎富貴。撇了奴

家。

〔前腔〕夫人號排窠印泥。新縑手別樣蛾眉。〔花卿〕十郎不是兩心人。肘後香囊半

尺絲。想不是浮雲夫婿。〔合前〕

〔尾聲〕紅林春殿轉霏微。歸軒動暮雲凝睇。〔三客〕十郎。明日元宵佳節。聖上勅賜燒燈。燈市最盛。明夕好同郡主游玩一會。俺們朋友不便相從了。可怕金吾玉漏催。〔三客下小玉〕相公。妾看此三君意氣。俱公侯之相。〔十郎笑介〕女孩兒家曉得甚的來。〔小玉〕昔僖大夫之配。蚤識趙狐。山吏部之妻。暗窺嵇阮。方知女子過男子。不道今人讓古人。〔十郎笑介〕領教了。且向堂上問候老夫人。

翠氣春浮玉洞霞。

王孫去後碧桃花。

香風醉逐乘鸞影。

錦帳三千阿母家。

### 第十七齣 拾簫

〔點絳脣〕〔內官嚴遵美上〕萬點星懸。九光霞見。芙蓉殿上元燈樹。掩映黃羅扇。海色紅雲。玉班深護。從龍宴。香雷燭電。緩步着流蘇輦。太乙壇前月色新。明光宮裏

太平人。龍脚火樹千重焰。鳳吐蓮花萬壽春。自家北院副使嚴遵美是也。先出馬存亮公門下。後

與西門季玄公同掌掖庭。袴衫供奉。無心作執笏軍容。檀舍藏書。那用到帖黃廳事。長想去青城  
山度日。暫掛了紫微垣一星。擁護龍顏。周旋豹尾。恭遇上元佳節。官家勅賜燒燈。下官祇候聖駕。宴  
罷羣臣。遊賞各宮。這是華清宮。真個好燈也。只見弱骨千絲。輕毳萬眼。庭開茵蔯。熒熒華岳明星。洞  
遠簷簷。點點竹宮權火。雲母帳前灑激。多則過十千枝光滴滴的露影琉璃。夜明簾外輝煌。少也有  
一萬盞脆冷冷的雨絲纓絡。急閃閃瑤光亂散。妝成鹿脚五色靈芝。慢騰騰獸炭雄噴。做出犬吠三  
花寶葉。遊魚上下。似洞霄宮裏。隱隱約約。魚遊錦上生波。走馬縱橫。像吐火山前。瓊瓏瓏。馬瑙屏  
中絕影。怎見得星移萬戶。赤溜溜的珠球滾地拋來。可知他月到千門。碧團團的銀燭半空丟下。靈  
船低泛。通霞臺上沈沈靄靄。平白地透出霞舟。百里丹烟流宿海。火鏡高然。望日觀前雄雄魄魄。半  
更天推開日扇。九枝紅豔簇天壇。的的攢攢晃舳舣。盡點綴了丹房簷蔔。霏霏裊裊旋華蓋。鎮飄搖  
的紫蔓葡萄。綠綠天天。高掛着明璫宛轉。都來是方壺素艷黏成。紅紅白白。細看他花格綸連。好不  
過員嶠輕蠶翦就。又不是龍吟聲。彪吼聲。麟合邏。驕佗夜。驕跋至。蚤發插了。瑟瑟瞳瞳端門禁鼓。六  
街驚摻。阿香車裏行雷。且道個退雲社。飛益社。喬宅眷。喬迎酒。喬樂神。旋扮裝來嘈嘈雜雜複道危

棚。百隊喧攢。玉女窗前笑電。綠香沈穗。吹笙送度九微。峨峨豔豔。半層圍絡。金莖盤上。映初晴。繡襖  
雲花。夾仗繞開四照。玲瓏瓏。幾柱冰條。玉膽瓶中看欲化。水晶繁瑣。璨璨。白鳳凝酥。到處廣寒  
宮。一般清徹。珊瑚座。瑤瑤。玄龍吐燭。咫尺融皋國。萬里通明。玉消膏。琥珀餚。屑屑霧霧。裝花灌  
藕。朱盤架簇。插飛蛾。流蘇帶。芳提葉。閒閒淡淡。糝火楊梅。縞衣衫。爭傳帖。別樣機關。活動得奇奇  
怪怪。綵樓高處。削成仙子三山。諸般故事。渣畫得分分明明。玉柵鋪時。簇成皇帝萬歲。正是黃道宮  
羅瑞錦香。雲霞冉冉度霓裳。龍輿鳳管。經行處。萬點明星。簇紫皇。道猶未了。聖駕早到。

〔望吾鄉〕〔衆擁元和皇帝上〕萬戶春初。榮光麗寶圖。樓臺晻映。星橋路。龍啣鳳燭  
雲霞曙。列彩豔椒塗。連廊耀綺疎。玉管金輿度。金鎖通宵啟。玉京。遲遲春箭入歌聲。寶

坊月皎。龍燈澹。紫館風微。鶴隊平。朕乃神堯皇帝九代玄孫。紹引金繩。宏調玉燭。賴天地和靈。祖宗  
載祀。日兄月姊。長開五色金輪。雲帥風師。每應三元玉瑄。翠陌湧瑯邪之稻。香機足房子之絲。風枝  
蚤報千秋。雪鳥長呼萬歲。且喜今夕元宵佳節。燈月交輝。豐年之占。朕與百姓樂之。此是華清宮。徘徊  
一會。分付穿宮。傳令教坊司。暫停餘樂。踏歌一曲。〔內奏曲介〕

〔黃龍探春燈〕鵲鵲風新。芙蓉宵近。昇平萬年光運。明霞秀色。明霞秀色。玉燭調輝。冰壺寫暈。照山河國泰民安。謝天地風調雨順。璧月度歌塵。長春聖人。長春聖人。

〔前腔〕縹緲紅雲。青鸞成陣。闌蟬玉梅風韻。紗籠半隱。紗籠半隱。笑語遙分。衣香暗認。謾揆搗細骨腰輕。解縱送迴波眼俊。璧月度歌塵。長春聖人。〔帝云〕詞是

何人所作。〔內應介〕隴西進士李益。〔帝〕真才子也。嚴穿宮把他名字黏在御屏風上。〔嚴呼萬歲介〕再起玩賞一會。

〔望吾鄉〕寶炬金爐。宸遊席錦圖。上陽宴笑瓊霞駐。天風縹緲吹雲護。鰲綵怵嵩呼。鵲光照海醮。萬歲登高處。嚴穿宮。元宵勝節。朕與文武官宴罷太早。朕看他們都有不盡之興。可傳示都下士女。無論貴賤道俗。俱得至華清宮玩燈。盡丙夜金吾不可呵止。稱朕與民同樂之意。〔嚴呼萬歲帝下殿〕分付監門尉。傳示金吾衛將軍。奉聖旨。都下士女。貴賤道俗。並許至華清宮玩燈。盡丙夜不得呵止。稱與民同樂之意。〔內呼萬歲介〕嚴下郭小侯鮑四娘同上看燈介。五

夜好春隨步暖。一年明月打頭圓。俺郭小侯蚤已皇親賜宴。旋開聖旨許至華清宮玩燈。鮑四娘伴俺入宮游賞一會。

〔出隊子〕星毬銀樹。星毬銀樹。畫翼烟權照綺珠。千門如晝晃金鋪。萬燭光中彩雲護。〔小侯〕四娘留些興回去。〔合〕且歸去侯家。香風九衢。〔下杜秋娘善才扮女道士上〕樓臺皎似長明殿。燈火遙同不夜城。俺杜秋娘曾入侍先帝。賜與霍王。如今入西王母觀作女冠。今夕風光。塵心未了。聞得聖旨許玩燈。到這華清宮。善才。這是俺和你舊游之所。燈樂一般。只是人事不同了。

〔前腔〕芙蓉光吐。芙蓉光吐。絳闕霞宵月影舒。神壇太乙朗蓬壺。縹緲珠星躔漢渚。善才。回去罷。久玩此令人感傷。好歸去仙家。霓裳步虛。〔下鄭六娘十郎小玉上〕春宮不閉葳蕤鎖。星漢迴通宛轉橋。俺六娘曾事先帝。賜與霍王。這華清宮正是老身舊游之所。十郎郡主是不曾到此。正好游玩一回。

〔前腔〕帝城三五。帝城三五。紫禁烟花遶玉除。暗塵紅隘碧鈿車。墜瑟遺釵飄

滿路。十郎小玉呵。同去翫天燈。金蓮暗扶。

〔前腔〕〔十郎小玉〕絳臺雲母。絳臺雲母。綠炬朱欄上。轆轤霜蛾白鳳繞。麟鬚穠李。纖歌人幾處。娘看銀燭青烟。怕甚金吾。〔金吾將軍上喝介〕漏過三聲了。還道是不怕金吾快走。清宮太監來也。

〔浪淘沙〕官至執金吾。緹騎前驅。踢歌人散錦氍毹。玉漏三聲宵已半。聽響銅壺。聽響銅壺。快走快走。擎着〔下六娘十郎走上叫〕小玉快行。

〔前腔〕踏碎玉蟾蜍。嚴暑催呼。呀。小玉在那裏。〔作慌介〕等閒失卻鳳將雛。那邊笑聲相似他。〔十郎尋叫哭介〕巧笑燈前人不見。淚蠟垂珠。淚蠟垂珠。〔內喝拿介〕六娘十郎下小玉。冤家。我的娘。我的十郎夫在那裏。〔內喝作驚介〕走介。

〔前腔〕徼道響雲除。月墮金樞。冤家宮門屈曲。教奴從那路出去。千門萬戶怎踟躕。〔作跌拾簫科〕呀。原來是一管紫玉簫在地上滑著。想起一計來。奴家嬌弱女孩兒。外間燈市圍塞。縱出得去。也落少年之手。不如就取着紫玉簫在手。遇着清宮太監。拿到內家殿前。更有分訴處。倘天

恩垂問。便將我十郎才名說一番。或見矜憐送出。拾卻紫簫閒按取。引出仙都。引出仙都。  
〔嚴呼喝上小玉驚伏介〕

〔前腔〕火樹欲栖鳥。銀鑰催臚。手下好生搜索。各處恐有好細。樓心殿脚有人無。〔衆喊介〕拏得一個小女兒。偷卻太真娘娘紫玉簫。躲在殿西頭。〔嚴〕呀。女子犯禁了。玉管偷來緣底事。問是誰姝。問是誰姝。〔衆擁小玉下〕

〔一江風〕〔郭娘娘上〕翠雲翹。玉殿催春早。玲瓏繡額寒猶峭。過燈香。火樹銀樓。點綴星榆照。香猊穗縷搖。聽阿監巡吹遠。風清別院昇平調。〔更漏子〕展金宮。鋪玉

冊。光映錦貂梅額。三殿宴。九枝燈。春風遠畫棚。珠斗直。銀蟾滴。人在鳳橋吹笛。簪繡蝶。卜羅裙。瑞龍香自薰。自家郭貴妃是也。先祖汾陽王郭子儀。父親太尉郭曖。母親齊國太長公主。自幼聘入廣陵王爲妃。皇上卽位。進冊貴妃。掌管長秋宮玉璽。生下女兒太和公主。外家兄弟。止有小侯郭鋒一人。自家早應星娥。出參天姝。熒熒金屋。長公主調笑膠東。蕩蕩璫霄。先太傅進封高密。班婕妤竟辭同輩。看甘泉宮裏。那堪圖畫夫人。馬明德長居後堂。怪白玉階前。不記披香博士。因此輒開魚貫。長



詠關雎。且喜玉燭調輝。金環順序。恭遇元宵令節。侍宴回宮。怕有失事宮娥。詔獄來此。禮當祇候。道猶未了。穿宮早到。〔嚴太監押小玉上〕

〔前腔〕紫霞標。殿幄籠春曉。龍輿鳳吹。烟花裊。恨燈宵。傍月迴雲。亂映芙蓉笑。妮子呵。風韻好無憊。玲瓏花犯巧。偷將玉管吹雲表。聖旨道。朕賞燈宴之綺節。聽才子之芳詞。與民同樂。得盡丙夜。至期穿宮出徼。搜得一女兒。盜太真娘娘紫玉簫一管在手。可是內院宮人。厭金閨而巧出。或者教坊弟子。按珠曲以偷傳。着送長秋宮中細問。倘係都人士女。問他落後情由。〔郭娘娘〕萬歲。

〔桂枝香〕〔扣問介〕婦人。你可是宮娥。燈輝月耀。紅訛翠擾。莫不是絳殿容華。早罷卻衙。燼燦。怨重閨疊瑣。怨重閨疊瑣。洞房空曉。鏡臺空老。乘月步招搖。別有處知音也。因此上暗引瓊簫出鳳翹。〔小玉〕妾怎充得宮女。服色不同。

〔前腔〕金宮魚藻。形埤鶴草。似這般銀鑰羈鸞。怎做得雕籠去鳥。恁宮監老伴。恁宮監老伴。披圖對召。抄名暗叫。春滿睡紅綃。似這般憔悴也。羞殺容華金步

搖〔郭娘娘〕不是宮人。便是宮妓。才用得紫玉簫。

〔前腔〕看你搔頭鳳矯。檀心翠巧。若不是度曲韓娥。定則是縈情蘇小。向殿頭供奉。向殿頭供奉。傳梅索笑。歌蘭合調。隨例雜簫韶。因此上偷將也。暗譜霓裳趁綠腰。〔小玉〕妾如今非教坊人了。

〔前腔〕章臺夢悄。橫塘路杳。娘娘。若還是絳樹梨園。怎不帶柘枝花帽。和笏裙長俏。和笏裙長俏。雲棚斷掃。紅氍毹。無分逐花妖。若提起洞簫也。鳳侶曾經素手招。〔娘娘〕怎的比着秦弄玉。他是公侯貴種。你既不是宮妓。緣何到此宮來。盜此簫去。可是何等婦女。〔小玉〕妾姓霍。名小玉。霍王之女。〔娘娘〕霍王是封邑在霍。你卻姓霍。緣何是他女。〔小玉〕妾母鄭六娘。原是內家供奉左班人。賜與霍王二十年。生妾十六歲。嫌妾出微。改姓從霍。賜紅樓一座。御賜寶玉十廚。聽母擇婿。不敢欺誑娘娘。〔娘娘〕扯起玉科。〔霍王〕是順宗皇帝兄弟。並肩一字王。既係王女。便同郡主。請起借問來由。

〔集賢賓〕〔小玉〕家母呵。宮花漢殿曾分笑。賜梁園玉葉蘭苕。〔娘娘〕緣何放出。〔小

〔玉〕桂樹銀牀心好道。攬青絲素鬢無聊。〔娘娘〕他因此感傷麼。〔小玉〕正是慵禁細腰。總放卻星矐月貌。〔娘娘〕可學得仙成。〔小玉〕修行早。可知是淮王不老。〔娘娘〕郡主可招得甚才郎。〔小玉〕已配人了。

〔前腔〕隴西士族美年少。似凌雲逸氣飄飄。玉樹風前冰雪皎。綴新篇□□瑤包。〔娘娘〕他祖上可有仕宦。〔小玉〕簪裾累朝。〔娘娘〕姓甚名誰。〔小玉〕喚做李十郎。〔娘娘〕宮中常聞得外間有李十郎是才子。可就是這人。〔小玉〕便是香名滿玉堂風調。〔娘娘〕他可出得身否。〔小玉〕他見在此應制。不日上春榜了。龍欲跳。看咫尺鵬溟鳳沼。〔娘娘〕郡主。你成就許多時了。想是同到華清宮玩燈麼。

〔前腔〕〔小玉〕藍田種璧初垂耀。〔娘娘〕這等是佳人才子了。〔小生〕愧微軀不似瑤瑤。只爲十二雲衢燈月好。攬芳心對影華宵。〔娘娘〕這等是十郎同來。怎麼不回顧郡主。

〔小玉〕更深麗譙。〔娘娘〕可是金吾將軍清宮太監要鎖宮門。衝散了伴當。〔小玉〕正是。斷羣處鴻迷鵲遠。〔悲介背云〕十郎夫。心榮燥。對殘燭淚紅多少。〔娘娘〕郡主緣何偷着太真

娘娘紫玉簫。

〔前腔〕〔小玉〕歸雲背月金蓮小。殿西頭暗拾瑤簫。奴家此時想將起來。孤身獨步。怎生回去。那燈市呵。紫陌遊童喧未了。怕宵征薄行橫挑。奴家若落此輩之手。縱然他引得奴回去。何顏自洗。因此奴家拿着此簫。寧歸法條。倘遇着龍顏鳳表。明訴告。奴便死在金階下甘心了。也顯得夜行分曉。〔娘娘〕好志氣。好能事。

〔琥珀貓兒墜〕生小香娃。絕世心靈巧。多露沾衣能自保。冰壺徹底見清標。待曉。奏送孤鸞。還歸鳳條。〔小玉拜求科〕

〔前腔〕睡鳥驚啼。墜月金莖表。娘娘願借蓮臺分綺照。〔娘娘〕只怕聖躬龍寢。奏不得事了。〔小玉〕娘娘聽別殿歡笑呵。還聞天語墜雲霄。〔娘娘〕只怕天也將曉。〔小玉〕難曉。蚤賜金雞。還飛鵲橋。〔娘娘〕郡主要歸急。便可同到別殿。將霍王舊事重說一番。〔小玉〕

〔尾聲〕芙蓉別殿煩相奏。鳳管偷吹倘見饒。〔娘娘〕說那裏話。還有華燈送出中  
人導。

〔娘娘〕花宮蓮漏已三更。

〔小玉〕獨自低迷步玉京。

〔合〕到得殿頭宣賜燭。

重開金鎖放人行。

### 第十八齣 賜簫

〔天下樂〕〔女官內臣上〕香爐撲扇侍金蟬。密炬籠綃鬪玉鈿。人影漸稀花露冷。踏歌吹度曉雲邊。列位請了。玉夜迴清晝。千門映紫薇。同將花燭影。相送玉人歸。霍王郡主看燈失侶。怕落少年之手。寧可落在宮中。拾了太真娘娘紫玉簫。要人拿住。著送長秋宮郭娘娘審問。引奏御前。明白了他的氣節。着俺女宮內臣。銷金寶燭四籠。送他回府。併賜他原拾紫玉簫一管。內科一道。他如今在長秋宮謝恩去了。想卽到來。俺們在此華清宮門外伺候。〔小玉拿簫上〕

〔玩仙燈〕歸色滿銀蟾。好風光長明宮院。列位宮官。蒙聖恩多勞了。〔衆云〕夜過三更。

郡主請行。〔合〕

〔四邊靜〕春光碧瑣芙蓉殿。複道烟花轉。玉女對星懸。金童承露偃。〔合〕步搖釵戰。凌波襪軟。〔女官扶玉科〕歸路擁嬋娟。珠宮錦霞萼。〔小玉〕不勞扶了。

〔前腔〕春城夜色人深院。巧笑殘妝宴。坐冷燭花偏。啼殘香夢遠。〔合前〕

〔前腔〕琉璃蹙路平如練。緩步多苔蘚。愛月幾人眠。行雲今夜免。〔合前〕

〔前腔〕宮車夾仗香雷輾。閃碎紅雲片。翠鳳減宵眠。銀虬淹曉箭。〔合前小玉〕好了。望見本府的紅樓子了。

燈半闌珊月氣寒。

霓裳吹遍夜深還。

只應不盡婆婆意。

猶向街心弄影看。

### 第十九齣 詔歸

〔粉蝶兒〕〔六娘同十郎上〕寶鴨銅駝。珠淚暗飄紅蠟。〔六娘〕孤燈容易落。碎月好難圓。

十郎。你夫婦纔得三朝。今夜元宵。宮中游玩。正是良辰美景。賞心樂事。誰知窳地裏風波撒散。尋覓不見。不知落在天家。還落在人家。好不苦殺人也。〔十郎〕苦殺小玉妻。你若落在天家。怕你不慣考問。嬌滴滴的怎禁得摧挫。若落在人家呵。一發苦殺你了。〔哭介合〕

〔獅子序〕他若是落天家。怕驚搖嫩蕊嬌花。更燈闌紫陌。俠少豪華。〔六娘〕若是

惡少們懷着他呵。他性子不是金篦自刺。定向玉井頭骨董一聲了。虧殺他捅輕狂。推薄倖。嗔阿母。罵檀郎。玉梅花下惡咨嗟。愁腸悵觸。殘月些些。十郎。且待東窗曙了。去朝門外取消息。且在繡閣上坐等雞鳴。〔做悲哭坐科女官燈籠小玉攜簫上〕

〔粉蝶兒〕玉燭歸來。蚤已明星破夜。〔扣門鄭六娘十郎驚開科〕呀。燈燭熒煌。原來郡主到也。〔宮官〕聖旨到。跪聽宣讀。朕雅愛風謠。泛採奇秀。知隴西李益博學弘詞。妻小玉復是霍王叔父之女。看燈失侶。畏行多露。巧拾瑤簫。智能衛潔。朕甚嘉之。卽撤華清宮鳳燭。兼賜所拾瑤簫一管。送歸李益之宅。其謝本不必親齋。附霍嗣王府進上。叩頭謝恩。〔衆拱手科十郎〕留列位老公公老夫人一茶。〔衆云〕聖躬五鼓視朝。不敢久留。去也。請了。〔下介六娘十郎小玉相抱科六娘〕兒着驚了。〔十郎〕妻着驚了。〔小玉〕天恩有幸。不曾着甚驚。一從相失了阿娘和十郎。內家傳呼轉急。怎生得出。走得慌呵。丹墀一跌。原來是管紫玉簫滑着。尋思計來。外間看燈人鬧。都是少年遊冶兒。縱出得宮門。不得清白還家。因此躲在殿西頭。儘着穿宮拿去。拿到永巷娘娘宮中訊問。兒將父王名字并李十郎才學家世說起。那娘娘便相敬順。引奏御前。恩賜玉簫鳳燭。真是天恩難報。〔六娘十郎小

玉合

〔一封書〕喜片玉無瑕。乍分輝寶燭華。這皇恩有涯。逞風流出內家。香消侍女  
彈金炮。月冷歸人溼絳紗。成佳話。轉清華。帝子瑤簫度曉霞。〔六娘〕十郎還與小玉  
去睡一睡。

丹穴驚飛雙鳳凰。

歡娛轉作豔歌傷。

冲宵只避金吾貴。

破曉仍分玉燭光。

## 第二十齣 勝遊

〔櫻桃上〕意態精神畫亦難。花枝實個好團圓。曲轉新聲銀甲暖。醅浮香米玉蛆寒。自家櫻桃是也。  
郡主配了李十郎。把青兒賜了櫻桃。烏兒賜了浣紗姐。正是白的對白的。烏的對烏的。只一件來。青  
兒性格伶俐知書。卻被十郎使得東去西去。除了夜間。日間再不能勾同睡睡。到不如烏兒兩口。鎮  
日在竈前竈後譚耍。這也難怪。正是乖的走碌碌。贏得眼頭熟。癡的不出屋。夜夜皮穿肉。俺看李郎  
和郡主。什麼相偎相愛。爲他還不曾除授官職。儘着閒纏。今又分付青兒。叫承奉們開了老殿下爺



爺花園。打理棚褥牀頓。以備游倦一時之憩。老夫人又教俺取了白玉碾花尊。盛了蒲桃新釀。剔紅蝶几上安着蕙葉碗數十樣。花餞玉菓。伺候郡主。一對兒早得行游者。

〔虞美人〕〔小玉上〕楚腰螭領團香玉。鬢疊深深綠。翠□□□□□□□。年少此時

春態暗關情。〔春光好〕紗窗暖。畫屏閒。擘雲鬟。睡起四肢無力。半春關。〔櫻桃〕玉指翦裁羅勝。金

盤點綴酥山。小姐呵。你交頸深心無限事。小眉灣。〔小玉〕櫻桃。你說咱深心無限事。有什麼事來。

〔櫻桃〕郡主未遇李郎之時。俺伴着你打鞦韆。擲金錢。鬪鸚鵡。賭荔枝。拋紅荳。捉迷藏。你眉兒長展

展的快活。到遇了李郎。滿了月來。只管守着李郎在紗窗裏坐。也不與俺二人耍一耍。見你眉尖上

長簇將起來。敢是着傷了。〔小玉〕櫻桃。你怎知道。俺做女兒時。由得自家心性。帶了頭花後。便使不

得女兒性子了。做人渾家的。當得日夜迎歡送愛。卻也不耐煩了。今日他要同游花園去。十數里路。

俺怎走得。也只得勉強陪奉他。〔櫻桃〕郡主。怪道你常時更初一覺。睡到天明。自成了人後。夜裏和

李郎絮叨叨到四五更鼓。番來覆去。那裏睡來。真個是成人不自在哩。〔小玉〕不要閒話。問你酒臺

食格。俱要齊整。十郎將到。就要游去。

〔上林春〕〔十郎上〕散帙餘閒。攤書正滿。明窗罅。飄紅點視。正花冠鼓翼。牆頭好是書長人倦。〔轉身偃着小玉科〕因卿狎態堪歸畫。惹我風心欲蕩春。俺看幾篇賦。臨了幾紙帖。身子便覺慵了。你與我同去游游園池山子。〔小玉〕山子池上園中。迂曲有十數里。從容來去。要得昏黑。俺已分付浣紗烏兒在府伏侍老夫人。排備果酒。便好帶蚤去。只是俺小鞋兒怕苔滑。要你作漢子的健節些。〔十郎〕這是本等。櫻桃。前到百花亭等着。俺們緩緩來。〔做行介〕二月春來半。王家日漸長。柳垂金屋煖。花發玉樓香。呀。這就是花園洞口。好屈曲。好幽致。我和你慢慢行去。

〔畫眉序〕紅徑柳絲牽。洞口桃源香帶轉。正花柔玉暖。貪戲韶年。〔作低頭入花園門介〕礙釵翹側度雲蟬。〔作墜釵十郎拾與插介〕墜紅掌金蟲細鈿。苔痕屨印芳茸淺。暗穿花背人偷展。〔小玉〕十郎。你怎的說個偷展。〔十郎〕前面有萬春亭。百花深處無人。芳草細鋪茵。俺和你不能忘情。〔小玉〕說也可人。就到萬春亭。遶花行一會去。

〔高鶯兒〕偷眼豔陽天。映朝姝。沁彩烟。蒸霞炫日風和扇。香鬢慢飈。紅心鬪展。濃窠弄壓柔條顫。糝花鈿。瓊纖袖口。拈插鬢雲偏。〔十郎〕好到了。這亭子上卻有局脚。

床金地褥。〔小玉〕是俺叫青兒放在這裏。只說你一個來游喜。在此晝睡一睡。今日俺同來。你不得睡了。把酒酌一杯。起去游玩。〔十郎〕不妨睡睡去。〔小玉〕羞殺人。〔進酒與十郎科〕俺和你私祝花神。花神願護持俺夫婦百歲同春。〔飲十郎科十郎把酒飲玉科玉做醉科十郎扶玉坐科〕

〔四時花〕仙酒醉嬋娟。這肌兒脆。聲兒顫。帶笑花前。嫣然斜簪。拋出金縷懸。鵝黃畫袴吹可憐。皺湘裙。驪着眠。粉檀香潤。拚驕恣妍。眞珠幾滴紅上面。婀娜垂柳邊。又不是看花人倦。護春柔酒暈。惹人閒緒花片。〔玉作強對十郎科〕不要你攙着人。俺自家行。〔十郎〕你纔問昏昏的。隨俺擺布你了。〔小玉〕俺還不帶醒。〔櫻桃〕前面是華山。昆明池水。長安八水。登樓可見。郡主呵。這樓是老殿下起的。〔小玉〕是了。叫做駐春樓。十郎夫。你看樓上好不精緻。只是王孫去也呵。

〔皂羅袍帶〕十二彩鸞屏扇。恨鵲巖烟斷。罨盡春山。浮漚繡澀。畫綸連。瑤星碧霧看宛轉。花光玉洞。丹砂幾年。華清繡領。王孫故園。佳人挾瑟。一似漳河怨。  
〔玉云〕十郎夫。你只是不曾遇得父王呵。招司馬進仲宣。晴窗檢點白雲篇。頰紅頰。

數綠錢。高樓誰信與天連。〔十郎〕娘子。你不須悲咽。俺和你去假山子上走一走。〔下樓行科〕  
〔解三醒〕〔十郎〕疊春岑。踟躕幾轉。一般的蔽日迴雲岫。紫烟。金苔玉枝青偃  
蹇。透窺窗玉女懸河。似青霞削出芙蓉瓣。又似巫峽瀟湘對落猿。堪游衍。恨小  
山人去。緜嶺音傳。〔小玉〕說甚麼巫峽瀟湘。〔十郎〕巫峽楚王會神女之處。瀟湘是說虞舜學道  
入九嶷山。二妃不得相從。一似令尊父王學道入華山。令堂不得相從一般。〔小玉嘆介〕正是你說  
瀟湘。君看水上竿竹。不是男兒淚染成。

〔浣溪沙〕〔行介〕颺湘岑。簇兔園。銀花水照得潺湲。笙簫慈賭對嬋娟。相思有  
恨窺鸞遍。夏玲瓏把金釵敲竹透歌泉。歌得好賭卻金錢。〔十郎〕夫妻賭甚麼金錢。

〔小玉〕賭夜落金錢花。〔十郎〕就把夜合歡花當着金錢。〔小玉〕你作竹枝詞。俺作女兒接你。〔十郎〕使得。〔打歌科十郎歌〕赤繩千結。〔小玉接〕絆人深。〔十郎〕越羅萬丈。〔小玉接〕表長尋。〔十郎〕楊柳在身。〔小玉接〕垂意緒。〔十郎〕藕花落盡。〔小玉接〕見蓮心。〔十郎〕好個夫唱婦隨。〔櫻桃〕前面是昆明池水。十郎郡主。有一兩點催花雨。到了昆明池畔。有老殿下弄珠亭。快走到那裏。

再飲幾杯回去。(十郎小玉快行介)

〔喬合笙〕鎮催花雨點。鎮催花雨點。勒暖氤寒。垂雲一似濃鬟。渣水氣花香風暗傳。覆着同心扇。草絲薰軟。翠茸茸毯着雙彎。繡墩金線。謾細織簾紋。熨浪痕。穿花掠燕。迴蘭戲鴛。個人無賴。嬌波轉。同行並着香肩。待到深庭院。褪卻中衣絹。(小玉)到了弄珠亭坐地。十郎。你也尊重些。

〔琢木兒〕狂耍堵。遊戲仙。荳蔻圖中春數點。十郎夫。你只管擁着人。弄皺奴花勝兒。歡情態皺花呵展。俺在家中繡了幾針領子。如今閒游呵。繡工夫。葡萄桃幾線。卻怎的半踏長裙香逕遠。十郎夫。也只是奉承你歡喜。你看這歡杯對影分嬌面。(十郎)只管勸人酒。不聽我講話。(小玉)你還講閒話。那竹林外有人在作聲。好似青樓鮑四絃。(十郎)快喚一聲鮑四娘。(內作鳥聲介)呀。沒有人影。

〔玉交枝〕沈沈深院。錯呼人花林水邊。小玉耍你看那孔翠鳥兒都驚起了。雙飛翠點驚人見。丁香隊裏盤旋。你勸醉我。我還要醉你一醉。(小玉作不飲笑囁花科十郎)小玉姐。你

休要把郎拽住喬作慳。嬌嗔要得人饒慣。新花蕊芳心咬殘。戲捎鶯迴眸偷眄。

〔小玉〕十郎夫。俺看你錯愛奴家。忘其憔悴。只是一件。新人有時故。丈夫多好新。綠衣白華。自古所嘆。妾聞得昔有華山畿祝英臺二女。一感生情。便同死穴。況賤妾因緣奉君。砥礪磐石之心。有如皎日。但足下有四方之志。兼是隴西士族。亂定而歸。定尋名對。華落理必賤。誰得怨君。但私願耿耿。竊有請于君前。〔十郎〕願領教。〔小玉〕妾年十八。君年二十。願君待三十歲。是妾年二十八矣。此時足下改聘茂陵。永拋蘇蕙。妾死無憾矣。〔十郎〕說那裏話。卿非卓女。生非竇滔。一代一雙。同室同穴。〔小玉〕這也難料。只是暫時笑語呵。

〔玉胞肚〕願侍十年歡。儘着這紅嬌翠鮮。碎心情眉角相偎。趁光陰透體交眠。夫婦人過了二十八九呵。怕得海棠香晚。寶簪敲折鳳辭弦。夢裏湘雲過雨痕。〔十郎〕你不須閒想。小生這點中心呵。

〔玉山頽〕你精神桃李。紅抹肚溫香膩綿。惹嬌音春思無邊。襯輕軀著處堪憐。佳人絕世。更甚名花堪羨。薄倖教天譴。負青天。年年春病到身邊。〔小玉〕十郎。奴

家感金指盒兒裏。有烏絲欄紙數枚。綠沈管筆。螺子墨。你可寫下數句。作奴終身之記。你他日官游去。妾見所題。如見我夫矣。〔十郎〕使得。〔櫻桃取紙筆介十郎〕妻。你看昆明池上。刻有牛郎織女。就對此爲盟。題上幾句。〔詩云〕合影連心。昆明池館。織女臨河。仙郎對岸。地老天荒。海枯石爛。永劫同灰。無忘旦旦。〔小玉〕謝了。〔小玉拜謝介〕

〔川撥棹〕承相盼。十郎夫。這香火情何限。怕只怕箋梅字殷。怕只怕箋梅字殷。道得個海枯石爛。不爭你僑啜賺。謾將牢這話難。李郎。你定了這段誓盟。也不枉了伴你一游。看看日勢向晚。〔櫻桃〕這有一條路。傍着猿巖鵲橋。回去不遠。〔歸科〕

〔憶多嬌〕春色黯。香徑晚。掛猿枝。裊裊啼翠巒。紫閣岫。日猶懸。玉女峯前雲半卷。花葉芋眠。花葉芋眠。忙歸去。栖烏暗喧。〔玉作跌十郎扶起科〕有俺丈夫在此。帶月而行。未爲不可。着甚干忙。跌了腿子。綻了鞋兒。起來慢慢行。月上了。

〔月上海棠〕蓮二寸。重臺小樣紅。編綻怕逗了朱門。半約花關。這一番游滿春山。較添得許多嬌眼。人影散。花月下。櫻桃的叩響銅鐶。〔作開門浣紗持燭開門進科〕

小玉〕老夫人睡未。〔浣紗〕整了酒在內堂相待。請進去。

〔尾聲〕情展轉。興多般。一簾花影上闌干。〔小玉〕夫。俺陪你飲了酒。再來玩月。好看春庭夜合歡。

輕風綽袂翠鬟偏。

紅壁春燈豔綺筵。

今宵且自縈衾帶。

明日追陪度管絃。

## 第二十一齣 及第

〔天下樂〕〔文武官上〕玉署金鈴紫禁通。芙蓉暉映鳳凰宮。三山日色黃圖外。四海雲光綠字中。列位請了。今日乃殿試放榜之日。聖旨親點了隴西名士李益爲狀元。特許入太極殿朝見。想天下士子都在五鳳門外恭候。

〔卜算子〕〔十郎上〕鸞鳳遶身飛。五色祥雲遞。姓字先傳帝主知。唱徹龍顏喜。

〔內官上云〕聖旨已到。皇帝詔曰。昔睿后筮期。淵匠宰器。雖道泛胥盧。化參炎皞。猶復高登側隱。顯序光疇。用叶斟調。嗣輝珉檢。上智中主。咸遵此術。朕膺鴻曆。報永龍潭。空知救質以文。未獲止戈爲



武是用登進多士。論文武張弛之策。子大夫各獲展盡。慰朕虛懷。今賜汝五百名出身。其第一名李益。朕久諷其弘詞。渥其芳譽。可特入太極殿前謝恩。授翰林供奉。即日赴玉堂上任。五日之後。着往朔方參丞相杜黃裳軍事。中書省寫勅與他。〔謝恩介出朝門行介〕

〔滴溜子〕聖天子。聖天子。萬壽臨軒。春官的。春官的。八柱擎天。人中選出神仙。總送上蓬萊殿。宮袍賜宴錦桃花。曲江排比醉春筵。

〔前腔〕笑從前。笑從前。文章幾篇。高頭院。高頭院。毵毵打遍。曲裏珠簾盡捲。還認得都知面。紅箋一片桂花香。今宵熱趕在誰邊。

〔尾聲〕鈴索一聲花滿院。這清高富貴無邊。多和少留些故事與人傳。

桂林春殿一枝新。

滿路青雲屬後塵。

莫道杏園香色晚。

當筵還作探花人。

第二十二齣 惜別

〔番卜算〕〔十郎上〕春色暗蓬萊。紫陌朝初下。玉堂鈴索動邊愁。寶劍悲離匣。

〔浣沙溪〕御宿高花滿桂林。令君香暖出衣襟。玉池仙篆正堪臨。羌笛無端催折柳。蜀窠還用繡  
林禽。一心人繾一人心。自家李十郎。名魁多士。官拜詞林。因朔方兵火未淨。着丞相杜黃裳行邊。詔  
下官參彼軍事。喜得石子英又中了武狀元。花敬定昨日有表奏請邊頭效用。尙子毗亦表奏西歸。  
已叫青兒去中書訊問聖旨怎生發落。〔青兒上〕漏長丹鳳闕。花滿白雲司。老爹。朝報在此。〔十郎  
看朝報介〕呀。二月十六日。吏部一本。爲經略松潘事。西川缺節度使。仍推驍騎衛將軍花卿。奉聖  
旨有點。十七日。兵部一本。爲經略隴西吐蕃事。推武狀元石雄。奉聖旨有點。十八日。禮部一本。爲朝  
正侍子歸番禮儀事。奉聖旨光祿寺賜宴。翰林院撰答番書。呀。俺去朔方參軍。我三個朋友也都四  
方分散了。後會不知何時。可傷懷也。青兒。你去打聽三位老爺幾時起程。〔青兒〕聖旨教該部星夜  
打發起程。纔間小的在御道上遇着他三家門幹。說三位老爺就到俺府中告別了。〔十郎〕這等快  
備酒筵。

〔夜遊朝〕〔花卿石子英尙子毗上〕名勝翩聯西北去。時難駐離思愁餘。玉鏤衢鞍。  
花明攔劍。皎日寸心相許。〔相見介〕經春共游息。一旦名聯翩。莫論行近遠。終是隔山川。〔十

郎〕花敬定節度去松州。尤在內地。石子英去隴西。正是吐番蹂踐之地。尙子毗亦復西歸。吐番不知何年再朝中國。天涯兄弟。一旦分飛。可爲愴然。〔花卿〕尙君西歸。終有南來之日。石子英年壯立功。周旋尙早。只有老夫日暮途遠。恐當沒齒邊陲。星星白髮。無相見期矣。〔十郎〕老節度釣渭飛熊。伏波躍馬。終當奏凱還朝。只是暫別驚心。相爲耿耿耳。石子英。仗君威靈。恢復隴西。先君神道。伏乞除掃。尙子毗。倘有信使。幸賜題書。下官明後日參軍朔方。關山勞險。未卜前途。男兒亢壯。勉力功名。別酒離歌。且盡今日。〔花石尙〕征軒有色。杯酒無心。〔十郎〕勿謂一杯酒。明日難重持。青兒看酒。〔青兒〕桃花嘶別路。竹葉滿離尊。稟老爺酒到。〔把酒介〕

〔皂羅袍〕別酒寸腸裁繫。送將軍遠戍。侍子遙歸。紅亭一路羽旗飛。參差色映桃花水。〔合〕黃山路遠。青驪去遲。呼儔戒旅。傷心此時。今朝撇下河梁袂。

〔前腔〕蚤是銷魂別去。似猿斷三聲。鶴迴五里。關山迢遞本難期。兼之蕩子多留滯。俺四人呵。〔合〕弓調鵠血。刀寒鷓鴣。邊頭意氣。崢嶸爲誰。條支再覩西王使。

〔尙子毗〕十郎。你說條支再覩西王使。是望俺重到中國了。豈知小弟之意。留戀秦華。只是爲使臣

的義當反命。俺到國中多隱居崑崙山下。不婚不宦。恐不得重與三兄相聞了。〔十郎〕子毗雖有泰華崑崙之興。只怕吐番王不許。強欲相屈。子毗那可歸山。昔駒支由余顯迹西戎。子毗正當出勸戎王安邊保國。何得痼疾山林。高眠不救乎。〔尙子毗〕謹領罷酒了。〔十郎〕下官還要送別延秋門外。  
〔送別介〕

〔香柳娘〕送征人淚滋。送征人淚滋。流塵疊騎。飄霞亂日。翻紅旆。把心旌頓飛。把心旌頓飛。佳期後命催。閒敲唾壺碎。〔合〕聽邊頭笛吹。聽邊頭笛吹。折柳題梅。封書好寄。

〔前腔〕忍登臨送歸。忍登臨送歸。胡天漢地。長安曉日。空迴袂。暖春雲雁飛。暖春雲雁飛。離聲怯路歧。鄉心轉嘹唳。〔合前〕別了罷。〔拜介〕

〔尾聲〕陌暖春烟醉柳絲。叫不住嘶塵別騎。還記取長樂疎鐘夜半時。〔花石尙下十郎弔場〕青兒。回去罷。你看三位去。有俺相知送他。明日俺行。沒有三位老爺送俺。想起功名。都有踰躡別離之苦。〔合〕

〔前腔〕惹春風鬢絲。惹春風鬢絲。南來北去。飄風泊浪寧由自。信人生馬蹄。信人生馬蹄。愁殺路傍兒。紅塵蔽千里。要封侯怎的。要封侯怎的。賣藥修琴。浮生一世。

萬里鳴沙擁戰塵。

輕弓短劍出西秦。

征衫已帶青羌色。

別淚還持送故人。

第二十三齣 話別

〔步步嬌〕〔鄭六娘上〕紅焦抱泣回雲帳。謾銀泥印仙掌。香雲結夢長。小玉窗前。天桃葉上。倚得堦爲郎。輕鴛怕得風搖颺。〔謁金門〕留不得。留得也應無益。花院月窗春

瑟瑟。嬌娥回袂泣。

乍團圓。底拋擲。柳色灞橋明日。忍看鴛鴦三十六。孤鸞還一隻。自家鄭六娘是

也。女兒小玉。招得李十郎。中了春榜第一。官拜翰林。正是才郎美女。一代無雙。卻纔翰林上任了。便

差去朔方參杜相國軍事。俺聽得朔方之地。西邊是吐番。西北邊是回紇。這兩國回子。爭戰往來。常

在朔方。十郎去到那地。兵機勞險。好愁殺老身。又不敢說與小玉。怕驚了他。只得辦治酒肴。與小玉

明日送行。櫻桃那裏。〔櫻桃上〕拂匣看離劍。開箱疊戰衣。老夫人有何分付。〔六娘〕李老爺明日行。可收拾酒肴。今夜老身與他話別。明日郡主送行。〔櫻桃〕理會得。〔六娘〕李老爺和郡主在那裏。〔櫻桃〕在紅樓上敘別。好不悲啼哩。〔六娘悲介〕我的兒呵。

〔醉扶歸〕合歡衾覆着纔停帖。連心花結得好周遮。踰雙絲半步不離些。亂花風擺亞金泥蝶。李郎便是李輕車。關山點破香閨月。〔櫻桃〕老夫人。李老爺去。俺的青兒夫也去了。〔啼介〕

〔前腔〕公母筍嵌着沒凹凸。牝牡銅鑄得沒歪邪。那烏兒呵。膳膳的做了管家爺。俺青兒呵。俏乖哥轉眼將人撇。今後呵。門兒屜着暗咨嗟。燭心點着生疼熱。

〔尾聲〕男兒意氣本驕奢。怎顧得俺香娃小姐。只落得畫眉樓上遠山遮。〔櫻桃〕酒筵已齊備了。請老夫人且與李老爺郡主歡飲今宵。〔六娘〕櫻桃。怎得歡暢來。正是。

門楣新結好郎君。

撇下朝雲送陣雲。

今夜紅槽千滴酒。

明朝送淚溼羅裙。

第二十四齣 送別

〔卜算子〕〔小玉櫻桃上〕匝館暗高枝。滾地飛柔絮。無端燕羽欲差池。薄倖成離緒。〔河傳〕春伴花暖。離情不管。悵透青衫。雨餘香汗。草草送別溝頭。層波入鬢流。金船滿捧盈盈。淚。將人妮。魂隨到千里。想正驂去也。更回首東風。恨應同。櫻桃。俺今日到霸橋驛送十郎。卻蚤腸斷也。

〔前腔〕〔衆擁十郎上〕碎語雜嬌啼。半隔紗窗霧。海棠紅露溼胭脂。淚盡人何處。梁園初罷雪。楚岫正爲雲。誰道淮南客。翻從塞北軍。左右。車騎停在霸橋驛外。待夫人餞酒畢了起行着。〔相見介十郎〕有勞郡主遠送。老夫人到不曾來。〔小玉〕家堂從後就到了。十郎夫。今日雖然壯行。難教妾不悲怨。聽妾半詞。寫陽關之思。看酒來。

〔北寄生草〕一曲陽關淚。朱絃迸玉壺。江干桃葉凌波渡。汀洲草碧離情暮。霸橋柳色愁眉妬。纖腰倩作縮人絲。可笑他自家飛絮渾難住。〔十郎〕豈無閨秀情。仗劍爲功名。今日愁腸斷。陽關第四聲。〔小玉〕還是無情。陽關第一聲也可腸斷了。再進酒。

〔前腔〕〔小玉〕繡褶殘金縷。偎紅疊錦。毳衾窩宛轉。春無數。花心歷亂。魂難駐。陽臺半。雲雲何處。起來鸞袖欲分飛。問才郎是誰斷送春歸去。〔十郎長吁低頭科〕

〔前腔〕〔小玉〕綠慘花愁語。紅顰柳怯舒。春纖亂點檀霞注。明眸謾蹙。回波顧。長裙皺拂行雲步。送君南浦。恨何如。想今宵相思有夢歡難做。〔十郎〕再奏一曲。便分手了。〔小玉〕

〔前腔〕懶拂鴛鴦柱。空連翡翠襦。芙蓉帳額春眠度。茱萸帶眼愁寬素。紅蘭燭影香銷炷。畫屏山障彩雲圖。到如今。麝蕪怕作相逢路。〔十郎〕有甚相贈。〔小玉〕更有淚珠兒千萬串。可將袖來承着。

〔前腔〕〔十郎〕這淚呵。慢頰垂紅縷。嬌啼走碧珠。冰壺迸裂薔薇露。闌干碎滴梨花雨。鮫盤濺溼紅綃霧。層波淚眼別來枯。這袖呵。班枝染盡雙瑠筋。十郎也下些淚。着妾袖上。〔十郎〕丈夫非無淚。不灑婦人衣。〔玉作惱科〕好狠心的夫也。〔十郎〕妻。俺丈夫的眼淚在肚裏落。



〔前腔〕俊語閒根觸。迴腸轉轆轤。俺去後呵。一個人睡。不要着寒了。雙絲襪腹輕輕束。連心腰綵柔柔護。沾身襯褥微微絮。分明殘夢有些兒。睡醒時好生收拾疼人處。〔小玉〕聽這話。想不是輕薄的。只是眼下呵。

〔解三酲〕繡屏空鶯殘月午。芳枝亞蝶展紅疎。捍撥雙盤金鳳語。無聊處。贈花鬚。輸他塞北顏如玉。也寄雲中錦字書。新人故。一霎時眼中人去。鏡裏鸞孤。

〔前腔〕〔十郎〕別鴛鴦催殘雁柱。臨鳥道繡出螯弧。一曲顰蛾低翠羽。溝頭水立須臾。三春別恨調琴裏。一片年光攬鏡初。功名苦。只落得青樓薄倖。錦字支吾。〔小玉〕十郎幾時歸。望殺人也。

〔前腔〕望邊頭瓜期未數。登隴首榆塞平鋪。雲騎東方頻盼取。金匝匝。錦模糊。千回蝶帳花無主。萬里蕭關妾有夫。芳年誤。待趁作江南旅雁。薊北雙鳧。〔十郎〕從此別了。

〔前腔〕送征夫夕陽花塢。歸思婦夜月椒圖。綺席朱塵籠翠戶。銀屈卣。紫流蘇。

行雲謾惹相思樹。香淚還穿九曲珠。佳期負。小心着桐花覆鳳。桂葉啼烏。〔六娘上〕玉劍花前別。金杯馬上傾。由來多意氣。今日是功名。十郎你夫婦們好索放。征車催得忙了。將酒來。老身送上馬。

〔前腔〕勸仙郎聯驂上路。看嬌女撇袂中途。月露光陰等閒度。休回首。莫躊躇。侯封絕塞奇男子。身是當門女丈夫。旌旗豎。早趁着牙璋鳳節。繡幕麟符。

〔前腔〕唱驪駒敲殘羯鼓。鞭雲騎拗折珊瑚。紫霧黃雲生古戍。嚶紅鷺。擣玄菟。西飛隴客啼鸚鵡。南翥閨人舞鷓鴣。兼程赴。穩看着龍庭捷奏。麟閣名圖。

〔鷓鴣天〕〔拜別科〕紅亭別酒話躊躇。走馬憐君萬里途。但願封侯龍額貴。不妨中婦鳳樓孤。〔衆擁十郎下〕請了。回去罷。〔下作呼擁科〕六娘小玉留小玉娘。他千騎擁萬人

呼。〔六娘〕富貴英雄美丈夫。〔內扮千戶官走上跪介〕狀元爺前面飲六部老爺餞酒着千戶

拜上鄭老夫人狀元夫人。請及早回府去。〔六娘〕勞了。好生伏事老爺路上。〔小玉〕千戶官有兩句話說與狀元。關河到處休離劍。驛路逢人數寄書。

征驂一曲坐離亭。

唱到陽關柳色青。

但有紅塵催別袂。

那憐玉筍掩空屏。

第二十五齣 征途

〔金錢花〕〔卒子上〕渭城朝雨陽關。渭城朝雨陽關。輪臺古月陰山。輪臺古月陰山。鳴笳疊鼓度西番。腰錦繞跨雕鞍。持節去。凱歌還。兵部差俺送李參軍老爺去朔方。想李老爺已到來。

〔滿庭芳〕〔十郎上〕細柳紅營。長楊綠榭。畫橋水樹陰團。玉堂年少。何事拂征鞍。爲問綠窗惆悵。青衫溼袖口香寒。留不得。霸陵高處。猶自望長安。城頭日出使車來。古戍花深馬埒開。忽聽鳴笳兼畫角。聲聲思入古輪臺。恨殺陌頭楊柳色。縮定青衫留不得。思婦空啼渭水南。征夫早向交河北。昨日小玉姐送我至霸橋。折柳而別。縈我心曲。符勅限緊。不得淹遲。只得把芳情撇下。左右。號令整齊。隊伍已完未。〔卒子應科十郎〕便上路去。

〔朝元歌〕風氳馬塵。曉色籠驂鞞。河濱彩輪。淥水隨流軫。黑隊奔蛇。文旌畫隼。

電轉星流一瞬。沓鼓揚鉦。南庭朔方知遠近。草色伴王程。皇華送使臣。〔合〕游  
韁帶緊。早趁封侯鵠印。

〔前腔〕〔卒子上〕高闕長城隱隱。星鋌撥陣雲。月羽照花門。谷口旗迴。烽亭樹引。  
轉向交河上郡。疊騎逡巡。蜚翹插書無定準。飲馬斷河津。翻麾拂塞塵。〔合前〕

〔前腔〕〔十郎〕回首長安日近。東方送使君。南陌恨閨人。雪嶺燕支雲。臺玉粉。  
去住此情難問。短劍防身。胡沙彫顏吹旅鬢。蕩子去從軍。恩榮變苦辛。〔合前〕

〔前腔〕〔卒子〕隴上謾尋芳信。顧恩不顧身。無用想羅裙。戍邏笳鳴。關山笛引。  
不管梅花落盡。氣色河源。天街旄頭猶未隕。長笑立功勳。邊頭麴米春。〔合前〕

但曉鳴珂入紫薇。

誰知戈甲度春暉。

相如諭檄西南去。

禁苑何人待獵歸。

## 第二十六齣 抵塞

〔齊天樂〕〔杜黃裳上〕芙蓉絳闕朝元山。玄綠綬曾調珍鉉。鳩鵲觀前。麒麟閣上。

麗日黃圖赤縣。金戈畫偃。看神兵按壘。貴相行邊。武帳文櫬。玉關花舞。大唐山。

明堂太乙度飛軍。身是三朝舊相臣。剩有丹書藏虎豹。非貪白首畫麒麟。自家杜黃裳。表字遵素。京兆萬年縣人也。早中詞科。從汾陽王子儀佐鎮朔方。歷事代德順宗三帝。復事今上。官拜檢校司空同中書門下平章事。身叨上相。首贊中興。東翦青齊。南平淮蔡。北安銀夏。西循晉絳。詔封邠國公。食邑萬戶。皇朝故事。宰相行邊。聖上以老夫曾歷朔方。分牙建府。近聞勅送新科狀元李益。來此參軍。已到受降城外安歇。想今晨進見。雖則駕行未進。實啣鳳勅旬宣。敢恃崇班。宜從盛禮。聽事官李爺到門首末。〔聽事官〕已到門上候見。〔黃裳〕請見。

〔生查子〕〔十郎上〕燕支錦欲燃。馬色塵初倦。相府動珠衡。帥幕開紅薦。〔相見拜

介十郎〕開府先朝傑。〔黃裳〕參軍出衆才。〔十郎〕榮華卿月好。〔黃裳〕珍重使星來。〔十郎〕氣色歸元宰。〔黃裳〕文章落上台。〔十郎〕長城方借重。〔黃裳〕看汝畫雲臺。〔黃裳〕久聞李狀元玉堂仙品。何緣紫塞參軍。〔十郎〕朝廷以丞相上公。屈尊臨塞。敬遣下官仰瞻顏色。聊備記室之司。敢綴參軍之役。平生仰相公威名呵。

〔瑣窗郎〕佐皇朝鳳沚龍躔近三台尺五天青槐遶閣細柳傳邊看飛熊繡帽  
投壺羽扇〔合〕文昌武庫參華選銷金甲太平無戰〔黃裳〕老夫拖金報主之身衣錦

歸田之日如參軍青年才子玉署仙人皇上欽遲蒼生仰愛老夫殘年方常見託。

〔前腔〕愛仙郎玉態華年步青雲出紫烟文章獻納姓字香傳更借籌喻檄請  
纓乘傳〔合前衆軍官參見科〕

〔前腔〕鎮河源九曲三邊插旌旗滿塞垣軍府雖多誰似俺府中軍是宰相參軍是狀元  
黃扉貴品紫禁名賢看金泥詔下玉門春遍〔合前黃裳〕狀元明日老夫伴足下出塞一  
游。

〔前腔〕〔合〕動金麾都護臨邊哨燒羌獵左賢黃雲氣色紫電風烟把盧龍徑  
斷白狼歌獻〔合前黃裳〕聽事官送李爺去屬國府衙門住着打理公堂宴。

〔尾聲〕才人書記本翩翩今日春光生組練不教烽火照甘泉  
金戈未偃不言家  
絃管紛紜雜暮笳

關山海上飛明月。

鄉思天邊夢落花。

第二十七齣 幽思

〔虞美人〕〔櫻桃小玉上〕錦鶯啼碎落花風。睡軟金泥鳳。淺眉微斂注檀輕。一奩春絮殘夢悔多情。〔菩薩蠻〕玉釵風動春幡急。海棠濃露胭脂泣。香閣掩芙蓉。畫屏山幾重。照花前後鏡。花面紅相映。何處最相知。羨他初畫眉。櫻桃。十郎新婚一月。送別從軍。無情無緒。等閒又是杜鵑時節。好天氣困人也。

〔好事近〕風日洗頭天。頰鬢半壓香肩。寶檀消篆。怪飛絲裊霧撩烟。可憐。爲甚暗撚金線。春過了寶花闌前面。會心人兒去遠。便看花滿眼。鎮日無言。〔櫻桃〕少女少郎相樂不忘。恰待好處。又蚤撇下。你是聰明人。且自消遣。

〔錦纏道〕小婢娟。是天家快活神仙。儘紅笙玉串隱花叢。把蕭娘送上秋千。還做作百般消遣。怎只爲斷紅裙片。心亂落花前。〔背介〕粉腰香腸慣了着人憐。

〔回介〕想着教人繾。側身兒委的是難眠。〔小玉〕正是了。俺當初做女孩兒。早帖着繡窩。

兒睡也不省得孤另。長笑女伴們害相思的。如今到俺了。〔櫻桃〕一時着他慣了。久後較可。〔小玉〕  
怕轉要相思。

〔錦廷樂〕往常間無愁怨。看春也尋常遍。怪他行怎會相思。恰如今到了儂邊。  
怎由人願。把些闌干十二。做了關塞三千。〔合〕

〔古輪臺〕兩青年。合歡新展對文錢。逗衣煤潤香篝淺。乳禽偷哂。海棠紅顫。到  
如今惜與金鞭。不曾留戀。青衫事業。怎教長抱翠窩眠。報海西天遠。起從今夜。  
雨迴廊。朝雲別院。愛月移琴。羞花卻扇。獨自怨啼鶯。何時見。消灑翠花鈿。

〔尾聲〕燕支難道去經年。且討個平安信便。〔小玉〕櫻桃。待要保護十郎平安。有何仙宮  
道院。去燒些香也。〔櫻桃〕杜秋娘在西王母觀。四月十五日王母娘娘生日。好去燒香排遣。〔小玉〕  
臨期請老夫人同去。〔櫻桃〕理會得。心字香燒一炷烟。

春空游鳥半藏雲。

春盡香閨戀繡紋。

誤使春風調笑妾。

不勝春瘦爲思君。



第二十八齣 夷訂

〔一枝花〕〔吐番王上〕香杭白蘭路。檉柳邏沙渡。槍槊大幟也。三門豎。虎帶鷹冠。甲士連巫祝。寶楯護。高臺鼓。俺冒結朝霞。袍穿鐵褐。劍熒金縷。天驕雲幕動金微。沙磧年年臥鐵衣。白草城中春不入。黃花戍上雁長悲。自家吐番彝太贊普是也。俺國東連雋茂涼松。西陷龜茲疎勒。南至婆羅。北抵突厥。地方萬餘里。人馬數十萬。土多金寶。戶有詩書。擁絕河西。併吞回紇。如今避夏臧河。壯心不快。不免掃帳南侵。俺國有中書令尙綺心。智計可資。請來與他商量一回。

〔粉蝶兒〕〔綺心上〕捻碗氈盤。共醉駝蹄酥酪。

胡馬新裁綠玉鞍。戰罷沙場月色寒。城頭

鐵鼓聲尤振。匣裏金刀血未乾。自家吐番中書尙綺心是也。贊普有召。不免進見。〔贊普〕中書令。涉夏以來。牙帳高懸。不曾一向中原。取得片地。又可恨回紇小虜。倚着唐朝舊親。不來降服俺國。意欲捲帳南侵。分旗北指。於中書意下何如。〔綺心〕春間叔父尙子毗充朝正侍子。從中國還時。說中國民和歲樂。主聖臣忠。朔方軍府是老臣杜黃裳。此人首贊中興。練習時變。參軍是新翰林李益。此人

軍鈴羽檄。才思如飛。要害連營。東西策應。俺國侵之。恐難得志。隴西地方。舊入俺國。近來打聽得唐朝用個石雄。字子英。向隴西經略。此人翹關曲踊。曉暢兵機。隴西部落。多無固志。只有松州近蜀。地土豐華。守將花卿。其人已老。似可圖也。回紇地方。被俺國佔。十失其七。俺國之計。不如羸師匿馬。徙帳西行。唐朝聞之。只說俺國無南侵之志。定是收回朔方將相。待秋深之後。方可議兵。〔贊普〕似你叔父尙子毗所說。唐朝一發攻取不得了。尙子毗在中國半年。想知得中國事情。俺如今就要叫他爲元帥。去攻打唐國。於中書心下何如。〔綺心〕叔父尙子毗。此人涉覽天文。厭絕人事。一自唐朝使還。歸去羊同。築室崑崙山下。不婚不宦。無意於時。贊普要用他時。須待秋深。親去聘他。方來赴命。

〔贊普〕有理有理。且先發大將論恐。攻打松州。待秋深。俺親過羊同去聘尙子毗。

〔紅繡鞋〕想爰劍豪傑秦華。想爰劍豪傑秦華。烏孤占斷羌婁。烏孤占斷羌婁。開枹罕。戰允衙。通跋布。走瓜沙。還起用贊心牙。〔贊普〕中書就點起三萬人馬。着論恐

熱去圍松州。〔綺心〕理會得。

〔前腔〕俺贊普氣擁山河。俺贊普氣擁山河。中書智弄干戈。中書智弄干戈。飛

金箭走零波。齊搗鼓。響吹螺。驅漢婢。打羌歌。

大國河源星宿流。

旄頭今夜照西州。

秦兒謾奏關山曲。

阿濫聲中入破愁。

第二十九齣 心香

〔臨江僊〕〔杜秋娘同善才扮女冠上〕黃藕珠衣禮碧雲。零花瘦玉綰綽霞裙。〔善才〕

神仙妝束佩瓊文。畫幀明澹。翠鼎氤氳。〔女冠子〕〔秋娘〕星冠霞帔。住在蕊珠宮裏。〔善

才〕寒玉銷金翠。織珠減昔妝。〔秋娘〕落花輕點屐。修竹細焚香。〔善才〕青鳥傳心事。寄劉郎。〔秋

娘〕自家杜秋娘是也。建康人氏。入侍先皇。賜與霍老王歌舞。二十年來。卻爲人日。霍王聽曲感傷。

散去諸姬。游仙華嶺。分付老身入西王母觀作女冠。正是宮人入道。又教弟子善才從侍。先有宮姬

同伴鄭六娘。雅善法曲。宮中號做鄭中丞。也與老身同賜霍府。他爲有女兒小玉未嫁。賜與紅樓住

坐。別來一向無耗。今日四月半。是西王母娘娘生日。五鼓朝拜已畢。善才。俺看你自入道院。十分消

瘦。事已到此。何不擺卻凡心。撐持道教。還不灰心怎的。〔善才〕秋娘。教奴心怎的灰來。想昔時呵。

〔綿搭絮〕熟梅時候養花。天水暖雙鴛。幾度畫船聽雨眠。翠娟娟。滯得人憐。還記竊香拋豆燈兒背。半索秋千。當初歌笑。猶自瘦病懨懨。如今作女冠呵。修行甚的。全教俺嚙下甜津。怎禁凡心火自煎。〔秋娘〕彼一時。此一時。如今做神女仙姬罷了。〔善才〕神女仙姬。也要個人兒作伴。你看玉清偷度。織女無光。成智瓊要嫁弦超。杜蘭香暗通張碩。何況凡心未死。那堪獨自無聊。〔秋娘〕善才。只得忍耐。〔善才〕秋娘年已四十。奴年未及三十。怎生耐來。〔秋娘〕做婦人四十前後。正自難耐。我如今也懶提起前事了。

〔前腔〕吳江水滑膩雲蟬。那時俺自建康入侍。金縷歌殘。寶鏡分飛不到天。誤嬋娟。半染秋烟。憔悴辟旗犀鎮。無端處冷落名園。到如今修行呵。說甚麼剩粉零香。花落秦川有杜鵑。善才。你且去王母殿前閒行。可有燒香女郎到也。〔善才〕日過中了。那有人來。〔秋娘〕也去外廂望望。

〔一江風〕〔六娘小玉上〕翠亭亭別是清虛境。淄淄雲花映。兒你看半空中樓閣丹靑。襯着斜陽影。珠箔有人迎。撲鼻爐烟盛。是善才姐。〔善才出迎驚喜介〕原來是六娘和

郡主郡主怎的上頭了。〔六娘〕已招了隴西李十郎。新中狀元。官拜翰林。出朔方參軍。今特來燒香祈保。問候秋娘。〔善才〕原來這等了。相逢喜極翻悲耿。〔善才〕六娘郡主且住。待俺報與秋娘。〔報介〕秋娘。鄭六娘郡主到來。〔秋娘驚喜介〕他自不出門。怎的來此。〔出見悲介〕

〔哭相思〕燕燕差池不定。可憐還見卿卿。姐妹相隨二十年。別來消息兩茫然。王孫一去春零落。此際定應誰可憐。六娘和郡主到此來也。到王母殿上燒些香。〔六娘〕秋娘。你還不曉。俺小女已招了新科狀元李益。官拜翰林。見今朔方參軍去了。老身伴小玉來仙院燒香祈保。并來問候秋娘。〔秋娘〕這等可喜。門楣得人。老身去替你祝贊。〔行介〕六娘郡主拈香。待老身祝贊。〔拈香介〕秋娘祝云。霍王府侍姬鄭六娘。同女小玉。拜祝西王母娘娘殿下。小玉爲丈夫李益新中狀元。朔方參軍。敬爇心香。伏祈仙力。保護李益在外平安。高遷河海之勳。平步星辰之履。六娘郡主。自家再伸片詞。〔六娘小玉拜介〕

〔亭前柳〕兒婿本書生。釋褐事橫行。托身鋒刃表。寄信下番兵。〔合〕還仗王母暉靈。看游子功成。歌舞入瑤京。〔善才〕待俺小女冠和郡主再祝。

〔前腔〕閨閣正娉婷。夫婿去專征。願持身透夢。願作影隨行。〔合〕還仗王母暉靈。看連理恩情。玉樹滿階生。〔秋娘〕祝完了。請到茶堂清斂。〔行介秋娘〕六娘。令女婿李益是那裏人。〔六娘〕隴西人。就是做人日登高宜春令之曲的李益。〔秋娘〕果然名下無虛。是誰爲媒。〔六娘〕鮑四娘。〔秋娘〕原來是四娘。他近日安否。〔六娘〕十分憔悴了。〔秋娘〕俺和你三人上下年紀。如今都已憔悴了。正好郡主們及此青年。討些快活。六娘。休說俺臉兒不似往時。手也不似了。〔六娘〕怎的來。〔秋娘〕久不搗彈。前日聊按仙宮一曲。指尖銀甲弦子三件。都不相管着了。〔六娘〕秋娘。你往日間。妙手輒輕前輩。蛾眉不讓他人。二十年間。還堪憶省。〔秋娘〕六娘。俺少不曉事。長有嬌妬之心。誰料一聲河滿。雙淚君前。今昔相看。真成一夢。六娘聽說。俺當初呵。

〔山坡羊〕翠絲絲。鎔頭排定。悶綳綳。珠囊決迸。碎猩猩。曉啼蠻月。亂鶯鶯。竹裏間關應。遶銀燈。照人還照聲。如今呵。朱絲咽滅。堪誰聽。猶記君王問小名。猛驚白髮宮娥。唱道情。淚盈話着當年百感生。〔六娘〕說起宮中故事。曾有霓裳一舞。如今略

記些。

〔前腔〕爛晶晶鈎闌碧映。佩珊珊攙彈接應。站檐檐散遍慵飛。拍紛紛中序才饒興。舞衣輕。曲終長引聲。如今呵。霓裳十二難重省。贏得中丞舊日名。閒評花落銀牀半已傾。閒情會管能絃看後生。〔善才〕若說後生俺善才也還不老。莫說二位當時絃索便是善才。五陵年少推爲酒糾。也是當筵絕唱。

〔前腔〕〔善才〕俺困騰騰冠兒不正。忒煞煞俊家情性。醉喧喧葉子花籌。颯洒洒打壓占相令。曉妝晴。研羅裙上聲。無端蘸出多嬌病。還向真娘問曲名。如今呵。飄零王母前頭結伴行。僂停。何處香風繞袖生。〔小玉〕善才姐。你做了仙娥。消瘦甚的。俺說道院清楚。勝卻人間多少。

〔前腔〕軟霏霏龍綃恰稱。輝閃閃粉霞高燈。冷飄飄鵝管輕吹。響丁丁碧落新齋磬。步金經。流雲學水聲。張娟李態徒嬌靚。怎掛得仙娥籍上名。寧馨。何羨玲瓏和玉清。無憑半爲風流誤此生。〔秋娘〕郡主點點年紀。說這般話。真是蕊珠仙品。六娘。俺

把明威法籙受過幾度。便向華山去訪老霍王殿下。〔六娘〕去時約俺同去。〔秋娘〕俺道院中沒人

來往。你住紅樓。想霍嗣王處長有老殿下音信〔六娘〕府裏長着人間候。他那裏全然不寄一耗。真是無復人間之想。〔秋娘〕莫說老殿下。就是老身也罷。想人間了。

〔好姐姐〕焚香拜臨仙聖。翠交關幾曲銀屏。隔烟遙望。霏微一片青。渾無興。花邊影過空聞燕。柳外聲來不見鶯。〔六娘〕天晚。月色將上。

〔前腔〕〔鄭六娘小玉〕簷前柳昏花暝。啞低枝乳雀栖鳴。月風吹露。松雲弄玉笙。簾櫳靜。盧金擺卻風流性。碧玉拋留笑語情。〔六娘〕告辭了。〔秋娘〕道院止有清茶談話。更無餘物可相陪奉。慢過郡主了。

〔劉潑帽〕〔鄭六娘小玉合〕清談乍覺迷魂醒。破寒雲綠茗風輕。便十香春甕何爲敬。玉壺冰較洗得塵心靜。〔六娘〕閒時接秋娘和善才姐過紅樓消遣。〔善才〕俺這般妝束。還到人間怎的。只是六娘郡主閒時相過便了。

〔前腔〕〔秋娘善才合〕仙裝懶得游人境。問雙鸞肯自閒行。笑人生聚合常難定。鳳凰城恨咫尺無緣並。



〔尾聲〕雙鸞啼罷月冷冷。離別後桐陰滿。逕〔六娘〕秋娘。你怎生便捨得姊妹們。不到城  
中走走。〔秋娘〕六娘。俺到府裏來。見些舊房子舊女伴。也只是添淒楚了。俺今日送六娘郡主到此  
門外呵。也是二十年來姊妹情。

香風引入大羅天。

月地雲階拜洞仙。

共話人間惆悵事。

不知今夕是何年。

### 第三十齣 留鎮

〔寶鼎兒〕〔衆擁杜黃裳上〕明堂占氣色。太甲雲高。旄頭宿落。匣劍老。轆轤繡澀。  
邊烽冷。桔槔苔臥。幸好清時留節鎮。永日簾。醪扇喝。〔合〕正綠寫蒲桃。清御頓  
盞。翠浮桑落。蒲桃清酒白波浮。雪嶺冰寒五月秋。盡日滿城絲管沸。行人不信在邊頭。自家杜黃  
裳。出將入相。鎮守朔方。喜天威鎮壓。遠夷奔逃。昨日與參軍李君虞出塞千里。不見虜而還。正值陰  
山入夏。冰雪未逢。逡巡避暑之期。留連河朔之飲。已分付軍中。沈李浮瓜。與李參軍投壺歡暢一會。  
想參軍已到。堂候官。門外伺候。

〔胡搗練〕〔十郎上〕玉關投筆事高奢。河源一縷通秦華。記取長安西日下。綠窗

嬌映石榴花。〔堂候官稟介〕李老爺已到。〔黃裳起迎相見介十郎〕旦夕附青雲。〔黃裳〕君才自

不羣。〔十郎〕玉兵今已偃。〔黃裳〕絲管日紛紜。〔十郎〕轅門畫靜。方當展翫兵鈴。不知相國有何見

召。〔黃裳〕老夫憑藉皇靈。兼資羣力。斥地千里。推轂幾年。常有夜行之悲。未遂晝游之樂。徘徊杜曲。

留滯河源。想朝家詔召無期。與學士周旋有日。對此薰絃。聊開凍飲。〔十郎〕老相公西鎮雄高。乍掌

北門之鑰。南征借重。還開東閣之筵。下官婉婉幕中。慚無石畫。悠悠塞上。曲有銅鞮。叨陪樽俎之歡。

敬佇袞衣之詠。便借相公之酒。先獻一杯。〔黃裳〕老夫營內。參軍便是客了。堂候官酌酒。〔把酒介〕

〔駐馬廳〕玉帳清和。細柳營中簇綺羅。時候棟花飄砌。竹粉篩金。萱草成窠。游

魚出荇擺新荷。流鶯接葉窺朱果。綠酒清歌。綠酒清歌。似陳王多暇。嫩苔生閣。

〔十郎〕

〔前腔〕書偃金戈。永日何妨狎芰蘿。暗想蘋風乍起。葵露新抽。梅雨輕過。黏天

翠靄練烟和。橫峯黛色奇雲抹。雪嶺嵯峨。雪嶺嵯峨。鳳林葱碧。遙分紫邏。〔黃

裳〕參軍。老夫今當垂白之年。略著丹青之效。當息陰西嶺。步反南岡。老夫便欲東山。足下須留北落。及此會聚。還進數杯。

〔前腔〕正自婆娑。剩卻凌烟老伏波。何事舞紅猶架。慢綠生遮。豔翠微醺。琅玕素簾隱涼波。瀟湘畫軸生烟幙。指點仙螺。指點仙螺。笑綸巾何處。北窗堪臥。

〔十郎〕老相國方和戎賜樂。燕鑄言歸。下官不才也。願隨碣石之鴻。再造班行之鷺。今日呵。

〔前腔〕息馬金河。夏屋深濃散玉珂。幸好合歡鸞扇。蘸帛龍涎。淥水雲和。舞樓人去落花過。歌梁燕蹴香泥墮。朱被蹉迤。朱被蹉迤。倚紅蓮幕府。從軍差樂。

〔驛官上〕關月夜連秦塞紫。羌河流入漢家清。稟老爺勅使到。〔黃裳〕香案迎接。〔內云〕聖旨已到。

跪聽宣讀。皇帝詔曰。朕纂屬玉策。竚想金提。眷章武之舊臣。念弘文之學士。咨爾丞相。邠國公杜黃裳。氣宇天人。風謀雲將。朕已宗師黃石。臣妾烏珠。西顧元臣。久勞于外。將從憲乞。用遣安迎。參軍李益。同歸玉堂。侍掌綸筆。朔方一切邊情。暫付左將軍郝玘。右將軍閻朝。協力經理。詔到星馳。慰朕虛側。望闕謝恩。〔黃裳〕暫請勅使大人。皇華驛安頓。下官分付片時。即便起行。參軍朔方重地。原當吐

蕃回紇兵衝。先帝西顧。命老夫以相國行邊。君以翰林清貴。參理朔方。二虜聞之。消息重大。不敢窺邊。如今俺二人一旦俱還。虜人聞之。有輕朔方之心。郝玘閣朝二位將軍。忠勇有餘。文奏不足。下官意思。今夜起行。託重參軍。還任半月。調停二將。酌理邊情。待下官入了長城。將人接收。參軍尊意何如。〔十郎〕相國有命。敢不敬從。〔黃裳〕堂候官。請郝將軍閣將軍來。〔郝閣二將上〕戍久風塵色。勳多意氣豪。但須鳴玉劍。何用誓金刀。二將見〔黃裳〕二位將軍請起。郝將軍築臨涇之塞。西戎不敢近邊。吐番王鑄一金人。與將軍一般長大。購取將軍。又把將軍名字怖止兒啼。比李牧之兵也。閣將軍獨守沙州一城。虜合重圍。唐援路絕。十年不下。士無叛志。此賊洪之守也。朝廷委二君留後。足稱干城。老夫今夜南還。留李參軍在此調停半月。老夫進到長城。回軍接收。只是朔方重地。全仗二位將軍了。〔二將云〕丞相穩心。管取二虜不得過朔方而南向。〔黃裳〕二君舊日英雄。自可銷除狄人。

〔對郝介〕

〔鬪黑麻〕你控虜臨涇。沙場牧馬。名怖兒啼。等身金價。〔對閣介〕沙州戍。英雄殺。十載鑿圍。孤軍挺架。〔合〕龍泉出匣。冲星聊自拔。看萬里封侯。百年圖畫。

〔前腔〕〔十郎〕廟算投壺。軍威振瓦豹額麟符。飛騰戰伐。吾當去。君駐筍。勅勒歌殘。銅鞮舞罷。〔合前黃裳〕俺行了。到了長城。差人迎接參軍。俺前歸報與霍府。二將不得離局。

遠送。〔內報介〕受降城中諸夷長送杜老爺。〔黃裳〕分付番落。不須遠送。只一心奉事。中朝。不侵不叛。便見忠誠。〔行介〕

〔回朝歡〕歸朝去。歸朝去。萬里鳴沙。秦川雨。杜陵花。關山月。關山月。橫笛清笳。送將歸。兩鬢華。羌渾脫帽。休悲咤。東歸繡袞。催黃髮。星宿河邊轉帝車。

秦時明月漢時關。

繡纛人看相國還。

但使龍城飛將在。

不教胡馬渡陰山。

### 第三十一齣 皈依

〔北點絳脣〕〔老和尚上〕寶焰金華。南無一切同名佛。燈幢影裏。顯諸天眷屬。滿月光明照。八萬四千齊降伏。雨花禪窟。遍巧風吹活。〔長短句〕俺邪答兒麻。問人何事。

劣啣。都不邏巴幹。問人何事。輕調撥。分教塔葛多。勸人及早念彌陀。拶約厄。嚙怕。勸人及早參苦。

薩。老僧是章敬寺禪僧四空的便是。行年一百零八歲。幼尋全半。長入中邊。佛日長瞻。法雷自響。意樹空中生樹。藥樹池邊。記得經行樹影。心蓮火內披蓮。白蓮海上。何曾盜鯁蓮香。談劫燼之朝灰。懸河織女。辨常星之夜落。照露燈王。有個舊人喚做杜黃裳。作秀才時。曾在俺寺裏讀書。與老僧談禪說偈。如今他出將入相。封爲國公。在朔方鎮守。聖上請他還朝。早晚到京。路經俺寺門首。萬一進來禮佛。此人貴極人臣。功參蕭管。甚有高世之懷。倘他到時。老僧將一兩句話頭點醒。着他早尋證果。永斷浮花。正是下生彌勒見。要他回向一心歸。不免喚出弟子法香法雲門外伺候。〔法香法雲上〕拂石那會容俗客。獻花何日許門徒。弟子作禮。〔老僧〕法香法雲。你在何處來。〔二法〕弟子不喚作法香法雲。喚作四空。〔老僧〕俺師父號四空。怎麼你兩個弟子也號四空。〔法香〕弟子的四空。只恐和師父的四空不同。〔老僧〕怎的不同。〔法香〕今日徒弟出定游戲。正街坊上遇着少林寺和尚打拳。炎天口渴。去爐火房裏討些點茅銀子。到小娘家擺些酒。那酒保提得酒來。徒弟一口喫空了。一瓶。那酒保笑徒弟能會喫酒。可會說偈。可以空字爲音。相贈幾句。徒弟就將酒色財氣作成半偈。〔老僧〕怎麼說。〔法香〕酒也空。酒保終朝送酒鐘。色也空。龜子終朝辦粉紅。財也空。爐火終朝點白

銅氣也空。把勢終朝撲滾風。因此上街坊上都喚徒弟做四空。〔老僧〕怎的法雲也號四空。〔法雲〕  
法香回來。把前四空說與徒弟。徒弟因他所說四行人。都不曾得酒色財氣受用。說他怎的。只說得  
受用的也是空。因此也做上半偈。〔老僧〕怎麼說。〔法雲〕說道酒也空。酒池魂夢醉鄉中。色也空。月  
華愁照館娃宮。財也空。鄜塢黃金一陌中。氣也空。茂陵無樹起秋風。因此上寺中又號徒弟作四空。  
〔老僧〕依俺說。酒色財氣都不空。酒不空。法酒醍醐甘露濃。色不空。好相華鬢滿月容。財不空。黃金  
布地寶珠宮。氣不空。降伏魔王號大雄。〔法雲〕這等師父怎的原號四空。〔老僧〕俺原不曾說酒色  
財氣四空。俺是說地火水風俱生於空。畢竟歸空。故號四空。〔法香〕這等師父號作老四空。法雲號  
作大四空。小徒弟號作小四空便了。〔老僧〕法雲進禪房烹茶。法香門外伺候。杜司空還朝。或來相  
訪。〔法雲〕下法香接介衆擁黃裳上。

〔縷縷金〕鳴沙路。火輪飛。流金鑠景送行暉。何處涼雲起。風生大地。息陰曾記  
坐禪枝。勞生幾時逸。左右。且到寺中訪四空禪師。〔法香報介〕杜相國到。〔相見介〕猶記朱輪別  
上人。袈裟追送小平津。驅馳白髮終何事。贏得歸來問此身。〔老僧〕老相公。身子何須更問。只有老

身要從相國一問。〔黃裳〕禪師百歲有餘。度海去筏。何消問得。只是下官年纔六十。有何修行。到得百歲。〔老僧〕老僧百歲。都是些無明數目湊起來的。〔黃裳〕請教。〔老僧〕老僧昔來要捨是身。父母不許。也常愛護。處之屋宅。又復供給衣服飲食。臥具醫藥。車馬奴婢。隨時將養。令無所乏。是身不知感恩。反生怨害。仍復不免無常敗壞。復次。是身不堅。無所利益。可惡如賊。有無量癰疽。百千怖畏。是身惟有大小便利。猶如行廁。是身不堅。如水上沫。是身不淨。多諸蟲戶。是身可惡。筋纏血塗。皮骨髓腦。共相連持。如是觀察。甚可患厭。若論世間威儀束縛。男女交觸。涎唾血腥。反名恩愛。是日已過。如少水魚。思有何樂。勇猛精進。如救頭然。因此論經戒律。度過百歲。抵了多少無名煩惱。畢竟無餘。且人生的樣子十年一換。請從十歲起。講到百歲。

〔耍孩兒〕只見人生十歲。孩兒的顏如薜華美。終朝遊戲薄昏歸。二十歲。駿馬光車。盈盈的高談雅麗。三十歲。舉鼎干雲氣欲飛。一心在功名地。四十連州跨郡。垂璫出入皇闈。

〔五煞〕幢旄五十時。歌舞羅金翠。婀娜六十成家計。容顏七十無歡趣。明鏡清



波瀾得窺。八十歲聰明去。記不得前言往事。致政懸車。

〔四煞〕九十時。日告衰。那些形體是志意。非言多謬。誤心多悻。平生感念交垂淚。孫子前來或問誰。人百歲全無味。眼兒裏朦朧濁鏡。口兒唾息涎垂。〔黃裳〕人生到此。天道寧論。聖賢不能度。何得久存我。回想前事。只是蜉蝣一夢。

〔三煞〕生意定何時。婆娑枯樹枝。等閒撇下人間世。當日裏春林轉鳥何遷次。今日後秋寺聞蟬止。益悲。眼看見愁來至。憔悴了生花鐵樹。迤逗了落葉阿黎。

〔老僧〕相公怕甚麼阿黎。〔黃裳〕下官想人生少不得輪迴諸苦。今日便解取玉帶一條。乞取名香一瓣。向佛王懺悔。明日上表辭官。還山禮佛。只怕遲了。濟不得生死大事。〔老僧〕燃指成佛。說甚麼遲。便可佛殿上一走。〔作行科老僧〕請相公自懺。〔黃裳〕煩禪師一位門徒。請諸天佛菩薩懺悔。容

下官親自結念。〔喚法香請佛科〕唐太和元年六月初五日。信官檢校司空門下平章事邠國公

京兆杜黃裳。恭捨玉帶。供養名香。皈依十方盡虛空界一切諸佛。諸大菩薩。辟支羅漢。四果四向。梵王帝釋。八部龍王。伏念弟子杜黃裳。在朝相國。在外巡邊。感念輪迴。常有諸苦。爲此發念諸佛菩薩。

前。願拋煩惱。竟證禪心。貧子初歸。魔兵正苦。伏念東方阿闍。南方寶相。西無量壽。北微妙聲。諸天持護。得無上甚深微妙。至期身心歡喜。吉祥而逝。還生西方淨土。頂禮威王。不勝懇禱。〔禮畢法香〕請相公過竹院齋了去。〔黃裳〕不須得。老夫謝官後長來栖託者。多謝禪師。救我殘生。

〔二煞〕暗送人生苦不知。夜來邊馬早朝雞。從今後塵心擺去歸禪諦。也知弱草空人相。贏得天花覆死尸。海香燄。日華慧。幹不盡蜉蝣故事。安不迭怖鴿禪枝。禪師。我別你了。長望尊師賜教。〔法香〕相國莫哄了諸天聖衆。

〔煞尾〕〔黃裳〕長年已自悲。夜行還怎的。諸天蚤聽我香爐誓。禪師。我乞水焦牙已自遲。

相國南歸鬢有絲。

花宮尤記白蓮池。

何時更枉金門步。

向后常參玉板師。

### 第二十二齣 邊思

〔李十郎上〕待詔北門唐學士。立功西域漢將軍。蘭闌柳市芳塵隔。浦海蕭關木葉紛。分飛海燕無

窮極擁旆遙遙過絕國。絕國征人一望鄉。高樓思婦長沾臆。前日杜相國還朝。說入長城便有人相取。今半月了。還不見來。不知俺小玉妻在府中安否。今夜月滿瓊鉤。雲披玉帳。銀山風穴。半清炎海之威。碧漢星橋。枉晒河源之路。正是蓬轉終何極。瓜時獨未還。風塵催綠鬢。歲月損紅顏。魂迷金縷帳。望斷玉門關。別後將軍樹。相思幾度攀。小玉妻。知你相思亦復如是。

〔羅江怨〕瑤光轉玉繩。龍關柝靜。天街雲氣夜分明。絳河如練。送月度邊庭也。流照伏波營。飛入瑤華境。那紅樓對子城。那青天虛翠屏。何處也一片南飛影。妻。你那秦中天氣正暑。俺這塞外入夏猶寒。想郡主此時呵。

〔香遍滿〕茵香媚寢。浴罷團扇輕。雪體冰紈映。檀膩黝頰鬢。掠約斜簪整。悄窺人簾月。暗恨就中生。透關山一點。兀自把闌干凭。妻。當時送俺霸橋。將淚珠兒滴在俺征袍上。至今猶自鮮明。俺搵着翠袖啼痕。便想着紅亭別景呵。

〔金谷園〕他摻紅袖唱一曲離情。拘絲鞭叫幾聲薄倖。古戍花明繡嶺。扳花別淚盈盈。折柳處想卿卿。那時節怎撇得來。

〔嘉慶子〕啼珠濺送金羈影。飄粉絮撩人不平。壓金線繫紅難定。眞撇得人疼疼。還去去。重行行。那時咱待辭這差呵。

〔么遍〕早定奪驅馳使命。難迤逗分明軍令。帶他墜花翹愁靚。詎他簇金蓮行徑。不分生憎。葉冷花寒玉態橫。小玉妻。自你送別紅亭後。咱有多少歡趣都拋卻了。

〔品令〕憶他手按裙帶遶階行。只教牽恨愁蛾。暗逐飛旌。雙波慢啼妝。淚落垂紅綆。羅襟漬凝。揭調催絃怕聽。風月關人。月壯風多暈更生。咱想與小玉姐游霍王萬春園子。多少明媚。

〔逼葉發〕共看花笑笑。踏草停停。碎春風日暖吹笙。碎春風日暖吹笙。寫秋波雲寒透鏡。芙蓉對綻。玉管雙清。遙望處翠籠烟暝。遙望處翠籠烟暝。何事隔春鶯。猶自慙慙渭城。

〔玉交枝〕粉寒香剩。併玉人撇在長亭。相偎翠袖凌風並。春去也。花時難更。玉虎牽絲綠水縈。金蟾鬪鎖沈烟靜。着人呵。十分情性。撇人處。兩字功名。撇人處。

兩字功名。今日相思呵。

〔三犯六么令〕你憶遼西月殘燈映。咱夢臨邛風吹酒醒。那玉娘湖上。閨人玉筋銀屏。光祿塞前。流戍袍花劍稜。簷角墮疎螢。烽子平安火明。別時俺無淚可落。今日

日孤苦邊頭。自然堪下淚了。正是平時只道從軍樂。今日方知行路難。

〔江兒水〕憶淚天涯盡。愁眉塞草青。想衣襟餘馥。猶是舊荀令。月痕記處堪重省。只怕銀蟾漸冷。蟲啼暝。斷河難倩。鎮無聊橫笛。堪驚古輪臺。擲不出香奩詠。想不久也有人交代了。

〔一撮棹〕功名定。拚歸來笳鼓競。武騎文園茂陵。茂陵人長臥病。卸了風鞭露鏡。從教夜雨朝醒。小玉妻。那時俺和你對心星。解翠纓。倍工夫展別情。〔旗卒上〕

〔六么令〕邊關寧靜。邊關寧靜。魯酒千鐘醉老兵。榮歸相國度長城。還教接取參軍。明馳曉夜趣朝命。稟參軍爺。小旗們已送杜相國入了長城。回軍迎接老爺。〔十郎〕你來

迎俺。俺這軍中文簿。都已分付郝閻二位將軍。如今就請二位將軍一見。盡夜起行。〔郝閻二將上〕

邊思愁雲斷。鄉心帶月飛。直置猶如此。何況送將歸。參軍大人拜揖。纔間烽頭納喊。知是杜相國回軍。接收參軍南歸。俺二將敬來相問行期。攀留數日。〔十郎〕二位將軍有射像止啼之勇。有薄糜餐革之忠。左提右挈。前犄後角。朔方重鎮。自有二位將軍。此時天氣炎熱。告別夜行。寶劍二口。聊用留別。〔青兒捧劍上〕寶劍青蓮色。銅鞮細柳軍。〔十郎贈劍介〕

〔山花子〕蓮花欄土芙蓉淨。七星浮動雙星。三尺水吹寒片冰。按絲麗靨熒熒。〔合〕吐金環明月暗驚。故人把贈意不輕。旄頭一斫海水清。看取題銘同上丹青。

〔前腔〕〔郝閻〕你春坊正字文章映。幾年親近雄英。笑吾儕冠垂縵纓。乍教霄練呈形。〔合前十郎〕就此行了。〔郝閻〕送參軍出關。〔作行介〕

〔紅繡鞋〕行人車騎流星。行人車騎流星。刀頭片月連城。刀頭片月連城。歸馬度。宿鴉驚。睥睨影。轆轤聲。秦將卒。漢公卿。〔拜別介〕

〔尾聲〕心交寶劍贈生平。想後會風塵難定。〔郝閻〕參軍見杜相國問時。只說有俺二人

呵。管取朔方高築受降城。

星使南歸擁節旄。

馬頭斜對雪山高。

空牽別恨隨明月。

猶自交情贈寶刀。

第二十三齣 出山

〔菊花新〕〔尙子毗上〕昆陵雲氣滿河圖。十二芝城映紫都。長劍倚昆吾。望中原

片鴻飛度。蓬轉西風木葉寒。層城十二碧闌干。星沈海裏當窗見。雨過河源隔坐着。自家尙子毗是

也。本姓沒盧。名贊心。牙羊同國人。世爲吐蕃貴相。先贊普時。曾從父親尙結贊入朝賀問。唐憲宗皇

帝愛俺年少。送游太學。備觀丘索之書。頗習于旄之舞。同時有隴西李益。字君虞。有徐州石雄。字子

英。杜陵花卿。字敬定。三君氣決青雲。詞韜白雪。才交一臂。便結同心。客邸逢春。都門送別。君虞問俺

相見後期。雪涕相看。不能自己。俺曾道來。小弟此回。無復驅馳之想。家居崑崙山中。道書數卷。琴歌

幾絃。長揖東王。乞丹西母。若時事羈縲。不能自脫。囊韉相遇。卽當避舍。中原寶冊遙臨。倘或趁朝上

國。便假風塵之會。重沾警睡之音。如更不然。亦當託訪終南。相尋渭北。聞得中原多故。河隴不通。俺

國中論恐熱據擁強兵。贊普年來昏暴。俺今年過四十。雖然讀書不仕。能無嘯柱長悲。看咱衰鬢。已似秋天。知李十郎怎的。正是青草當年別。寒花各地憐。中原問兄弟。把臂幾人全。不免嘆息一會。

〔金落索〕金經啓綠圖。石室依玄圃。憶長安陌上尋春處。咸陽舊酒徒。野醅酥。暖屋繡簾紅地爐。豪華疊碎金腰鼓。老大敲殘玉唾壺。俺正與李君虞花敬定石子。

英相聚爲樂。唐帝忽催游國子監。彼時正是昌黎一老儒。喚做韓愈。正作四門博士。說中國秀才都傳誦他文字。俺取他數作觀之。好沒意致。等閒度。螢乾蠹死。歲歲一牀書。向後延秋門外相別。十年來河隴路斷。松潘圍逼。至今三君音徽斷絕。俺雖胡人。心馳漢道。斷金蘭雁帖全。

無。鶴夢模糊。還記取來時路。〔山童上報介〕金碧蔥蘢王母祠。笑騎龍竹弄參差。紫沂海上。衣沾溼。昨夜偷桃是小兒。稟師父吐番贊普。不知那處打圍。人馬喧騰。說到俺山中來訪師父。〔子毗笑介〕想是俺家中書令沒來由的尙綺心兒勾引他來。強起俺去做官。豈是饑寒驅我去。笑他富貴逼人來。只得開門迎取。

〔霜天曉角〕〔綺心從贊普番落上〕金雲紺露。文豹從栖霧。戴勝山中。王母鳴騶。谷



口名儒。〔相見各長揖科贊普作色問介〕先生生長羊同。早游龍漢。君臨不拜。出在何經。〔子毗笑

介〕姑射之人若雪。嚴灘之客爲星。天竺先生老而化佛。月光童子少卽尋仙。何來於人。強名曰道。

●贊普自生來意。山人少無宦情。恨不閉戶踰垣。猶自櫻鱗豎髮。若須朝禮。何用山人。〔贊普笑謝罪

介〕適間聊用相試。果然名下無虛。請爲賓主之交。敬問安危之策。〔拜科〕世上聞名久。〔子毗〕山

中養病多。〔贊普〕容顏須好在。〔子毗〕懶性欲如何。〔子毗〕贊普打圍。過草堂有何下問。〔贊普〕請

端坐聽着說。俺先人呵。

〔大聖樂〕弄贊王慷慨雄圖。隸縮王少小魁梧。獻金鵝玉馬迎公主。今贊普古

單于。如今唐朝輕相覷俺。反與回紇更親。俺要捲帳侵唐。俺本是龍支麋谷魁戎部。怎比

得烏紇雞田是小胡。只是一件。攻唐要路。無過朔方隴西松州三路。松州俺已差論恐熱人馬

攻圍。想有次序。隴西說有石將軍雄勇。攻不過去。朔方他有個丞相。有個參軍鎮守。都取回去。打聽

得留下偏軍。一個喚做郝玘。一個喚做閻朝。郝玘曾築臨徑之戍。閻朝曾守沙州之城。俺通與他交

手過來。朔方有此二人。也難攻打。俺如今還向隴西征進。不知天意何如。掃帳南朝去也。謹

占雲望氣。勝負何如。〔子毗〕待子毗去外間占望一占望。〔背云〕天呵。且喜李君虞歸。朔方猶自有人。只是松州花敬定。不知敵得論恐熱否。他向隴西難爲石子英了。〔做輕唱介〕

〔前腔〕破隴西他草次馳驅。曳落羌渾難抵護。對戎王言語須回互。〔回唱〕看

風氣有贏輸。啓贊普。昂畢以南。秦隴之間。常有紫氣團霄。昂畢以北。河湟之西。似有烏雲壓帳。且

近日日珥居東。星旄墜北。彼中之氣。氤氳如沸粉。發弩揚旌。此中之氣。紛紛似轉蓬。懸衣偃蓋。龍驪布陣。何曾月暈圍參。宛馬纒嘶。止見招搖受李。勸贊普與唐和親有利。出隴西攻戰。恐難得志。只

好向鳳池柏海迎公主。慢教他烏使籠官着縵胡。〔贊普〕若不許俺和親時。便去攻唐

朝了。〔子毗〕也未可攻唐朝。且去圖回紇也。避中原王氣。料理邊隅。〔贊普〕承教承教。

只是求得同行何如。〔子毗〕子毗不婚不宦。年將半百。坐崑崙。顧裨海。茫茫白烟。霏霏黑點。俱是塵

中。子毗懶性狂態。與世相違。又少游唐國。好習華風。機務之司。嫌疑當避。不敢奉命。〔贊普〕丈夫相

處。何嫌何疑。戰取功完。從君自遂。〔子毗〕待臣出外占一占風角如何。〔背云〕俺卻無求於世了。只

是一件。俺看吐番王老。胡運將衰。他命將論恐熱有不良之心。俺便借此圖機出避。況風塵之際。萬

一得到唐朝。再見李十郎。石大郎。花驍騎。亦未可知。〔回介〕風角之法。用辰不用日。辰是客星。時爲主人。今日風來巽方。俺是西方金王之地。日辰庚戌。天將晚。又是酉時。時辰俱正。庚爲義。戌爲公。正可以從行。只是不敢受贊普的品級。倘事完之後。容俺自便。〔贊普〕這等可喜可喜。且留中書令綺心。令姪相陪。從容而來。俺便夜獵回去。〔辭別科〕少微開北落。太白動西軍。蚤識函關氣。空爲出岫雲。〔贊普下〕綺心子毗弔場綺心。贊普厚意。欲叔父受一大相。或是一方節度使。叔父旣許同行。安得辭免。且家世仕吐蕃。吐蕃正強盛。便可收拾強起。

〔一撮棹〕唐髡種最古號強胡。大小論外覓零逋。金瑟瑟高官綴臂銀塗甲。門繪虎。懦種垂狐。廬帳煩都護。鄯州須節度。管取呵席捲漢黃圖。〔子毗〕賢姪談何

容易。只是與唐和親。便可壓鎮諸蕃。旣然許了贊普。不免就行了。〔綺心〕贊普留得車馬在此。〔子毗〕俺草廬中。只有道書數卷。素琴一張。道童便可捲入行囊。只是一件。可惜一座崑崙山。五城十二樓。再不堪回首了。我有紫磨金鑄成西王母小像。可帶隨身。崑崙山除是夢中可游。終南山或有閒時可到。〔綺心〕叔父誤矣。功成歸隱。依舊見崑崙山。終南山在唐朝國都。如何可到。〔子毗〕姪兒。

你那裏知道。既與唐和親。萬一奉命而入中國。不可知也。丈夫一入仕途。風塵之際。有如蓬轉。能必得歸隱何時。俺別了這座崑崙山呵。從此猿啼鶴怨。收拾齊備了。就上馬去。〔行介〕

〔香柳娘〕這頭顱可知。這頭顱可知。爲君強起。軟弓輕劍非吾意。〔綺心〕嘆天西有誰。嘆天西有誰。守着悶摩黎。還看悶廬水。〔合〕且權宜料理。且權宜料理。頓足風塵。終當脫屣。

舊劍生衣懶更磨。

漢家先許郅支和。

山人自愛山中宿。

何事千人費網羅。

### 第三十四齣 巧合

〔鵲橋仙〕〔小玉上〕漢曲天榆。河邊月桂。閣道暗驚商吹。拋梭振躡。動明璫。還拚取今宵不寐。〔五言古風〕河陽秋不歸。漢陰無復緒。凌波藻報章。映月抽纖縷。沃若靈駕舉。連娟思眉聚。清露下羅衣。秋風吹玉柱。流陰稍已多。餘光欲誰駐。奴家送別十郎。朔方參軍數年。常年七夕相憶。復是今宵。前日杜相國還朝。着人來說。十郎只在早晚到家。望殺人也。

〔普天樂〕盼佳期。掛玉鉤秋色微雲遞。他平日相思呵。一水相思盈盈淚。今宵卻好也。斷明河暗溼仙衣。金風玉露涼無寐。經年別。一宵會。還堪恨。傾河容易催歸。須寄語填河烏鵲休飛。正自錦稠低泥。十郎夫。若過了今日不歸呵。怕淚綃重浥。還上空機。〔鄭六娘〕盈盈一水邊。夜夜空自憐。不辭精衛苦。河流詎可填。女兒小玉自別了李十郎。每逢佳節。轉是傷神。今夕乃牛郎相會之夕。想得他停機罷織。鎮坐相思。俺已着櫻桃烏兒。去請鮑四娘。杜秋娘。過俺紅樓。乞巧穿針。與女兒消遣。想已到來。〔見介六娘〕女兒。今日七夕佳期。杜相國說十郎早晚到家。俺已去請鮑四娘。杜秋娘來與你消遣。

〔遶地遊〕〔鮑杜上〕秋期尚淺。天路迎仙眷。問何事經年別恨。〔相見介〕鸞扇斜飛鳳幄間。星橋橫道鵲飛迴。爭將世上無期別。換得年年一度來。〔鮑杜〕久不曾相問六娘和郡主。今夕又是七夕佳期了。〔鄭六娘〕正是。相請過紅樓。同候雙星。〔四娘〕織女渡河。隨人問拜乞。只得乞一。不得乞二。心中私願。三年不得說出。就此庭中排列香粉。六娘爲主。

〔駐雲飛〕〔六娘〕帝女遙川。畫繡瓊絲隔漢烟。鳳藻停機盼。翠匣懸衣捲。嗟。失喜

弄金鈿晚妝凝倩。浥露含嬌。巧笑臨清淺。今夜星眸拚不眠。

〔前腔〕〔四娘〕靈鵲初喧。寶婺奔娥送晚妍。隱鼓車音遠。緩帶靈心軟。嗟。流態及歡前。佩衿香展。舊別新知。泛碧銀灣。斂。宛轉佳期又一年。〔小玉背云〕這牛女好似

俺和十郎一般。

〔前腔〕妙會良緣。何事膏蘭向曉煎。別淚迴波戀。去路奔龍輾。嗟。無計解留連。七襄低轉。漸落銀橋。更逐流心怨。今夜單情何處懸。〔秋娘〕思憶老身年少時入宮中。一般有穿針樓。那時結願。求巧女伴嬌夸。今日王子游仙。撒老身奉事西王母觀。

〔前腔〕青鳥空傳。一夕歡娛幾萬錢。罷拭桃花面。懶注丹文點。嗟。子晉去尋仙。婕妤嬌怨。百子池邊。憶昔長生殿。贏得仙童唱粉筵。私情已畢。好向樓上穿針。〔上樓介〕步月如有意。情來不自禁。向光抽一縷。舉袖動雙針。〔四娘〕六娘。這樣巧都讓與郡主少年人。就請郡主先穿了。便到六娘。〔小玉〕僮了。〔穿針介〕

〔割綵兒〕家家此夜穿針線。眼中人去寸心牽。新縫合歡扇。相思縷懸。〔合〕香

粉庭前。螭蛛如願。巧到人間。遠人相見。〔六娘〕僂了。〔穿針介〕

〔前腔〕黃姑彩逐西飛燕。風欵弱縷暗難穿。兒你替俺穿了罷。〔小玉替穿介〕衫輕羞指現。纖纖可憐。〔合前秋娘〕到鮑四娘了。〔四娘〕僂了。

〔前腔〕秋金謾試流黃絹。披襟樓上且纏綿。郡主替老身穿了罷。〔小玉替穿介四娘〕好巧。西園射針眼。卿堪比妍。〔合前四娘〕到杜秋娘了。〔秋娘〕老身宮人入道。要什麼巧得。

〔前腔〕舞衣金縷曾縫遍。藕絲無分透雙鴛。郡主你替老身穿了罷。〔小玉替穿介秋娘〕好巧。靈芸自針選。饒卿少年。〔合前報子上〕涼年當七夕。雲閣度雙仙。願爲青鳥使。報書明鏡前。稟上老夫人。李老爺已到。〔六娘〕真個湊巧。〔秋娘〕老身喜得今日會了。

〔凌波仙子〕〔十郎上〕河鼓初諠太液池。九華燈裏動星輝。繩河暗度尋源使。還及瓜期。〔相見介六娘〕萬里長歌古別離。〔十郎〕只今秋月照羅幃。〔六娘〕也知游子多悲苦。〔十郎〕

〔郎〕幸好容顏似昔時。〔小玉〕天涯涕淚隔參辰。〔十郎〕塞外還思樓上人。〔小玉〕今夕雙仙會遙漢。〔十郎〕免教蓬首對河津。〔六娘〕杜秋娘自不會見十郎。又鮑四娘也在此迎候。〔四娘〕仙使南

歸坐玉京〔秋娘〕聞名空望紫薇星〔十郎〕今宵漢陌連歌笑〔合〕還似麻姑會蔡經〔小玉〕十郎自你去後。展轉相思。每逢佳辰。更成淒楚。年年七日。爲你曝衣曬書。今年七夕。恰好團圓。記得昆明池上。對了牽牛織女。結了誓言。今夕巧逢。莫非二星有靈了。

〔轉林鶯〕銀河拂樹驚秋氣。望天街不盡相思。俺紗窗碧霧濛濛淚。理緇紈幾度沾衣。有昆明舊誓。睇織女闌干主對。弄輝輝。金槃嬉子。迎得故人歸。〔十郎〕夫人。俺在朔方。卿居南國。雖無日夕之會。長有往來之魂。

〔前腔〕河西漢右瞻靈匹。俺仙槎奉使虛隨。嘆當年倏忽成離異。看依然舊石支機。百枝光裏。滿堂美人流睇。正佳期。紅針玉線。久別似新知。

〔長拍〕〔鄭六娘〕小扇銀屏。小扇銀屏。玉庭珠几。遙遙的七香塵起。老身看十郎眞是河西仙子也。正仙郎良會。奏清商綠粉輕吹。〔鮑杜舍〕何處曉驂歸。映雕闌巧玲瓏彩雲明媚。配盡鴛鴦無限縷。可憐處一把鮫綃擲亂絲。到如今疊就了團花綺。還勝似匆匆嫁了河西。



〔短拍〕〔合〕綵襪連心。綵襪連心。香緘燕尾。限良宵。沒得些時。浪得巧名兒。卻不解把郎心繫。問何似人間密意。笑背着銀缸縱體。推繡枕。下羅帷。

〔尾聲〕捺香方勝同心記。對星河長久夫妻。從今後歲歲相纏五色絲。

香思年年度翠梭。

從今無復恨分河。

休誇天上靈歡少。

自是人間喜事多。

水

滸



目錄

第一齣	標目
第二齣	論心
第三齣	邂逅
第四齣	遺訊
第五齣	發難
第六齣	周急
第七齣	遙祝
第八齣	投膠
第九齣	慕義
第十齣	謀成
第十一齣	約婚

第十二齣 目成

第十三齣 效款

第十四齣 剽劫

第十五齣 聯姻

第十六齣 報變

第十七齣 義什

第十八齣 漁色

第十九齣 縱騎

第二十齣 火併

第二十一齣 野合

第二十二齣 閨晤

第二十三齣 感憤

第二十四齣 鼠牙

第二十五齣 分飛

第二十六齣 召釁

第二十七齣 博執

第二十八齣 黨援

第二十九齣 計迓

第三十齣 敗露

第三十一齣 冥感

第三十二齣 聚義

水滸記 目錄

四一開明書店

# 水滸記

明許自昌箸

## 第一齣 標目

〔玉樓春〕〔未上〕東城漸覺風光好。皺縠波紋迎客棹。綠楊煙外曉雲輕。紅杏枝頭春意鬧。浮生常恨歡娛少。肯愛千金輕一笑。爲君持酒勸斜陽。且向花間留晚照。〔問答照常〕

〔滿庭芳〕義士公明。輕財任俠。由來豪傑傾心。生辰綱起。保正集羣英。劫自黃泥崗上。風聞處。脫手飛騰。梁山泊內。從此結啣深。好施多軫恤。姻緣撮合。紅粉多情。青瑣偷香巧。劍底風生。激得有家難奔。相拯處。變起江城。都因是罌纏水滸。忠義盡傳聞。

打得上情郎的閻婆息。

擔得起忠義的宋公明。

梁山泊爲頭的晁保正。

水滸傳做記的高陽生。



第二齣 論心

〔喜遷鶯〕〔生巾服上〕晏嬰身短祇自笑。區區質賦優旃。蓋世忠肝。包身義膽。然諾重似丘山。酬死士萬金立散。答君恩一劍時懸。且雌伏自功曹。有日名垂鼎

鉉。〔鷓鴣天〕身賤多慚問姓名。氣狂羞與斗牛平。側身天地更懷古。活得蒼生幾戶貧。期郭解。效虞

卿。劍橫天外八風清。生平志業匡唐舜。還待中原見太平。小生宋江。表字公明。山東鄆城人也。氣壓

三河。名傾六郡。非閭閻之豪右。設財役貧。豈今古之英雄。解紛排難。歌魚擊筑。堂前會列佳賓。屠狗

椎埋。門下養成虎士。燕趙之聲名不朽。蕭曹之刀筆可投。正是壯志凌青兕。精誠貫白虹。這也不在

話下。小生吏隱公門。家中止有荆妻孟氏。不愧樂羊之婦。洵是梁鴻之妻。日來碌碌。未及歸寧。今日

公門閒暇。不免到家中探望一回。〔行介〕說話之間。早已到自家門首了。不免逕入。呀。娘子在那裏。

〔旦上〕

〔七娘子〕香閨珠幕遮雲檻。鏡臺前菱花照妍。玉鳳雕釵。翠鈿貼鬢。畫眉人對

齊眉案。〔見介旦〕外郎高步似神仙。〔生〕檢束酬知四十年。〔合〕寂寞春風花落盡。滿庭榆莢似秋

天〔生〕娘子連日公務匆匆無暇回家。且喜今朝稍有餘閒。特地來家中料理。不知有甚要經理的事麼。〔旦〕相公。只一室之事。何煩你料理。我看方今外寇不寧。內亂交作。那些腰金佩玉的。又只管肥家潤身。不顧民害。似你這等挺生豪傑。卻又婆婆胥吏。困躓簿書。全不去經營。卻來碎聒家務。是何道理。〔生〕娘子。你道我宋江果是做押司麼。

〔錦芙蓉〕〔錦纏道〕我憶蕭曹向公門棲遲有年。六月息鵬搏。際風雲功扶漢室。無前論英雄龍蛇機變。肯守着刀筆如椽。〔玉芙蓉〕心懸念待掃清海甸。暫歸寧一時躡屩共盤桓。

〔前腔〕〔旦〕你生平氣凌霄三河少年。意在古人前。肯悠悠飾蛾眉取世相憐。看當道豺狼無厭。怎不把梟獍都殲。私相勸。暫艱貞蒙難。待他年縱橫江海效齊桓。〔外白髮野服上〕

〔燕歸梁〕俠骨嶙峋老更堅。看白髮上冲冠。不屑封侯魯仲連。齎壯志守林泉。

老夫晁蓋。鄆城縣一個保正。便是。與宋公明意氣相投。謬稱知己。聞他回在家中。不免走去探望一

回早已到他門首。不免逕入。〔見介生〕自昔蕭曹任。難圖衛霍功。〔外〕未爲朱履客。〔旦〕〔白〕見白頭翁。〔外〕公明。你我意氣凌雲。肝腸貫日。有意棄繻。擊中流之楫。無因借劍。斬佞臣之頭。如何是好。

〔生〕正是。我們且藏器待時。隨緣行事便了。晁兄。小弟見你平昔呵。

〔芙蓉紅〕〔玉芙蓉〕財疎鄧穴錢。義仗夷門劍。是千秋知己。同調相憐。論交豈爲黃金變。閱世惟將白眼懸。〔雁來紅〕還堪念。鵬程未搏。淹公掾。非吾願。

〔前腔〕〔外〕奸臣弄主權。墨吏釀民怨。我把杞人憂切。漆室愁偏。怕田橫倡義。咸思變。陳涉憑陵。遂揭竿。誰釀亂。瀕危不安。誅讒佞。酬吾願。

〔前腔〕〔旦指外介〕伯伯。你本待鷹鷂秋漢搏。〔指生介〕相公。你騏驎春風展。恨延津何事。兩埋龍劍。他妖狐空穴城隅畔。你怒馬終馳塞外山。休嗟怨。嗜甘瓦全。佐王圖。眞吾願。

〔生〕憐君一見一悲歌。

〔旦〕世路無几奈爾何。

〔外〕霄漢逼來心不動。

〔合〕年年惆悵是春過。

第三齣 邂逅

〔似娘兒〕〔老旦小旦同上老旦〕弱息蕙蘭姿。緣分薄歸妹愆期。〔小旦〕柳含烟翠  
拖金縷。韶光媚眼。鶯花入夢。撫景迷離。〔浣溪沙〕〔老旦〕水滿池塘花滿溪。亂香深裏語  
黃鸝。東風輕軟弄簾幃。〔小旦〕日正長時春夢短。燕交飛處柳烟低。玉窗紅子鬪棋時。〔老旦〕老身  
閨婆。女兒閨婆息。色奪楚娃。美嬌宋豔。淡妝濃抹。無不相宜。斂笑含顰。舉皆得體。翠翰眉。蟬翼鬢。足  
令下蔡迷魂。束素腰。橫波目。可使高唐賦夢。只是標梅有待。天桃未諧。如何是好。我的兒。我們這樣  
的人家。雖無附喬之蘿。蔦。像你這樣的容貌。定有倚玉之兼葭。你若肯行奸賣俏。何必獻笑倚門。你  
不惜目挑心招。無俟招搖過市。〔小旦〕母親的說話。奴家豈不知道。只是有意偷香。無因投珮。若  
非分淺。定是緣慳。只索自家寧耐。

〔醉花雲〕〔醉扶歸〕妝樓翠幌留春住。珠簾繡箔任風欵。年年桃李自成蹊。鶯花  
渺渺渾無主。那堪眉黛鏡臺施。莫教長袖闌干倚。〔四時花〕棲遲。〔渡江春〕芳草王  
孫歎路歧。朝日殘鶯伴妾啼。〔老旦〕我的兒。我年紀高大。這事也不消說起了。

〔前腔〕豔陽眼底誰知己。難道老梅花吐舊相思。只是可惜你這等青年誤佳期。朝朝暮暮迷芳樹。孤負了標梅眠柳及笄時。怎得箇迷花醉月風流堵。還思。若有日浴煖鴛鴦對對飛。那時節自在嬌鶯恰恰啼。我有一句話兒。不知你肯聽我麼。我思量如今桂薪無計。玉粒堪嗟。到不如尋着一個年少兒郎。潘安比貌。鄧通比財的。只說生計蕭條。要把你來。幾幾十兩銀子使用。那時便下他箇迷魂陣。起發他些銀子。你若得意着他。便與他多往來幾時。若是不得意時節。一年半載之間。尋他幾個鬮頭。大家撒開。你的意下何如。〔小旦〕孩兒的身子。是母親養的。但憑母親便是。〔老旦〕這等我到茶坊裏去尋那王媽媽。與他計較。有何不可。正是手栽桃李非無主。落盡春紅始見花。〔下小旦〕你看母親去尋王媽媽。奴家只在門前等他歸來便是。

〔一封羅〕〔一封書〕臨風半掩扉。悄含情暫倚闌。只見那結伴尋芳花外屐。選勝攜樽陌上車。〔皂羅袍〕教我惜春無計。春光暗移。惜花良苦。花期漸踰。鎮無言獨立長吁氣。〔淨巾服上〕

〔前腔〕花閒鳥自啼。杜陵東步屐移。小生姓張。行三。與宋公明同爲掾吏。今日公門無事。宋

公明又歸去了。獨立無聊。不免到街坊上散步一回。〔見小旦小旦欲避不避介淨〕呀。那女子生得十分標緻。你看他遮遮掩掩。那風韻一發動人哩。隱約朱簾遮翠髻。掩映芳容倚繡扉。教我凝眸偷覷。神魂欲飛。看他含羞斂袂。天香暗霏。〔小旦見淨避身低吁氣介淨〕似鶯聲嘸嘸吁氣。〔淨四顧介〕且喜四顧偶然無人。待我上前去。看他怎麼。〔小旦見淨半躲偷覷介淨背介〕你看他見了我。故意賣俏。待我只做借茶。走將過去。〔淨見小旦揖介〕小生尋芳歸來。一時火動。渴吻不能寧耐。敢借香茶一杯。勝似瓊漿玉液。〔小旦含笑側身介〕你要茶喫。立在這裏等一等兒。正是茗飲蔗漿攜所有。瓷罌無藉玉爲缸。〔小旦回顧虛下淨望介〕你看那小姐進去了。他叫我只在這裏等一等。我怎敢那移一步兒。〔暗笑介〕

〔醉羅歌〕〔醉扶歸〕徙倚徙倚緣階砌。延佇延佇望仙姿。依稀綽約洛川妃。炯含媚眼如秋水。〔皂羅袍〕飄風宋禕。翩翩遇奇。陽城下蔡。悠悠思迷。只怕蝶螓影阻高唐雨。〔排歌〕〔小旦持茶上〕攜茗碗。整繡襦。〔淨見小旦伸手接茶小旦放桌上介小旦〕爲憐鴻漸思依依。〔淨謝介〕

〔前腔〕茗借茗借憐崔護。消渴消渴甚相如。瓊漿一飲自躊躇。怎邀玉杵酬高誼。〔小旦〕相公。你說的話。都是偷情的故事。我好意借杯茶你喫。你到有這許多閒言閒語。我那裏睬

你。我對你說。蓬萊海外。去時路岐。姮娥月裏。望來眼枯。〔偷看淨背介〕春山懵懂

頻偷睨。〔淨背介〕我想他心私許。目亂迷。何期相見便相依。〔小旦〕我母親回來快了。你

自去罷。〔淨〕小生怎麼忍得就去了。

數尺游絲墮碧空。

年年長是惹春風。

身無彩鳳雙飛翼。

心有靈犀一點通。

#### 第四齣 遣訊

〔生查子〕〔副淨扮戴宗上〕瞬息繞天涯。信步騰雲駕。意氣欲橫秋。俠烈聞天下。

身輕一鳥過。鐵馬汗長趨。老驥思千里。飢鷹待一呼。自家戴宗的便是。捷足堪誇。神行無比。勇能挾

荆軻之劍。義堪提朱亥之椎。向往賢豪。歸依俠烈。久聞鄆城縣有個宋公明。慷慨好施。人人稱爲及

時雨。有意識荆。無緣御李。這也再作計較。只是寄跡公門。專供奔走。此時蔡九知府正當升堂時節。

不免在此伺候則個。〔末冠帶雜隨上〕

〔前腔〕五馬喜通麻。相府威權大。紆紫坐黃堂。富貴傾天下。當年好躍五花驄。玉珮成行引上公。身着紫衣朝北闕。捧持堯日慶雲中。自家蔡九知府的便是。籍父親蔭庇。爲朝廷命官。紫綬垂腰。幃帷出守。這也不在話下。今年父親生辰。例宜稱慶。括盡奇珍。搜遍異寶。差人獻納。名曰生辰綱。我姊夫梁中書在家。不免差人去約了他一齊舉行。有何不可。戴宗在那裏。〔副淨應介末〕我要差你到中書梁爺處。說太師爺的生辰近了。那生辰綱禮不可缺。作速置辦。免得臨期有誤。〔副淨〕老爺。這生辰綱也要費多少金銀呢。〔末〕你那裏知道。

〔瑣窗郎〕論潭潭相府豪奢。覩金玉等泥沙。若非世寶海岳精華。那堪鄭重綸扉獻納。〔合〕速探尋奇珍。不惜千金價。期上壽得榮誇。這生辰綱連年被劫。還要移文各郡。預先緝獲盜賊。不使猖熾。倘有疎虞。不當穩便。

〔前腔〕論年來劫掠堪嗟。剽寶玉似搏沙。若非預清草澤根芽。怎能無恐台衡獻納。〔合〕速移文都城預約三章法。期上壽得榮誇。



相國台衡重。

稱觴共比肩。

行將備禮樂。

小醜未寧邊。

## 第五齣 發難

〔雜扮官軍上〕羣盜尙如毛。官軍擁賊壕。自家鄆城縣捕盜的官軍便是。連日因蔡九知府移文各處。要緝獲盜賊。恐防今年的生辰綱。又像往常擄劫。不當穩便。故此本縣老爺差我們各地方緝獲。凡有面生可疑之人。卽同保正協拿送縣。我們今日尋訪到東村。是晁保正的地方了。那保正仗義疎財。我們都是受他青目的。不要去攪擾他。到前面寺院中安歇了罷。正是暮角飄殘韻。狐狸奈若何。〔下丑赤髮虬髯便服上〕燕南壯士吳門豪。筑中置鉛魚隱刀。感君恩重許君死。泰山一擲輕鴻毛。自家劉唐的便是。赤髮纓冠。丹心向日。千秋游俠。無愧英雄。一味粗豪。不設城府。落魄無賴。踈跽不羈。近聞得蔡京生辰。年年有那生辰綱貢獻上京。劫掠將來。到也是一主大錢。好供咱幾時賭博。只是咱一人幹不得這個勾當。欲待要去勾引宋公明。我思量他身在公門。斷然不敢做這等勾當。那東村的晁保正。爲人最直。義氣最高。不免勾合了他。同去劫這生辰綱也呵。

〔北醉花陰〕俺落魄生平甚潦草。不知書胸中分曉。還憑着膽氣豪。九死等鴻毛。問千秋誰共調。

〔北出隊子〕看世情忻然長笑。算將來眼睛前若個豪。宋公明扶危濟困。隱功曹。晁保正疎財將義好。他兩個呵。咱俛首低眉。要爲他把肝膽效。我一向要去見他們兩個。只是沒個因頭。如今乘此機會。去投靠晁保正。有何不可。咱思量起那生辰綱。好生技癢哩。

〔北刮地風〕說起那權臣忒煞也勢甚驕。慣縱着心腹貪饕。那生辰綱載珍和寶。逐件件是民間剝下脂膏。只見那搜刮價把民財耗。又見那輸運價把民力擾。那着處兒賈怨深激變囂。俺呵滿拚碎塗肝腦。入虎穴把虎子掏。料不爲蠅頭激動得英豪。

〔北四門子〕俺仔細算將來底事關非小。底事關非小。料區區怎能把黨羽招。及早向東溪保正密投膠。恁縱不貪財寶。料來聞言氣難消。仗義集英豪。生辰綱把來輕輕擔上挑。那怕着官軍勢驍。干戈衛牢。霎時間攫取如拾草。俺走得身子困倦。

不免到村中去沽些酒喫再走也未爲遲哩。正是斷送一生唯有破除萬事無過。〔虛下雜上〕號  
山無定鹿。落葉有驚蟬。我們適纔遠遠望見一個赤髮虬髯的在村坊上經過。甚覺面生可疑。怎麼  
倏然又不見他了。不再趕上去。正是由他走上焰摩天。脚下騰雲須趕上。

〔北水仙子〕〔丑醉上〕俺俺俺疲躡屨。怎怎怎說得不飲從他酒價高。早早早已是  
價醉醺醺。強強強把村徑遠。苦苦苦那迢迢跋涉遙。看看看那牛羊下日沒  
林臯。這這這這虞淵漠漠誰伴寂寥。見見見見夕陽影裏傾頹廟。暫暫暫借借宿度  
今宵。〔丑作入廟介〕你看這殿上儘好睡哩。正是尋常絕醉困。臥此片時醒。〔作就地睡介雜上〕漏永

沈沈靜燈孤的的青。你看這古廟中人跡不到。那個人一定躲在那裏邊。我們進去搜一搜看。〔作  
入廟尋見丑介〕呀。這個人果然睡在這裏。我們拿了他。先去見晁保正。一同送他到官請賞。有何  
不可。〔雜綁丑丑作夢中語介〕是那一個。不要擾咱的睡夢便好。〔丑〕

〔北尾〕俺鼯鼯醉臥恁休相攪。〔丑睜眼見衆介〕呀。俺是個海內人豪。今日價一似  
失林的困鳥。〔雜擁丑下〕

第六齣 周急

〔二江風〕〔老旦上〕景龍鍾。舊是風流種。轉眼成殘夢。歎熒熒子母相依。欲覓乘龍。向月下邀笙鳳。因此上行行柳市東。行行柳市東。迢迢曲徑通。遙瞻青帘迎風動。老身閻婆。要把自家女兒。賤財主幾十兩銀子。特來尋王媽媽做中。昨日遇他不着。今朝只得又到這茶坊裏來。不免問一聲。看王媽媽在家麼。〔丑上〕烹葵邀上客。看竹到貧家。〔相見介丑〕原來是閻媽媽。昨日失迎。不知有甚麼事務。屢勞下顧。〔老旦〕老身生計蕭條。難以度日。欲把親生的女兒。在那財主人家。賤數十兩銀子。歸家用度。待女兒有人來聘。他時節。就把那聘禮來加利奉還。媽媽。你往來貴客甚多。特來央你做中。若得成就了這個事。中人錢加倍相謝。便是。〔丑〕坊中來往的貴客雖多。要這等出錢的甚少。此事只怕有負所托。怎麼樣好。〔老旦〕媽媽。你聽我道來。

〔前腔〕泣途窮。老景多虛哄。鎮日愁眉擁。止生得這一個女孩兒呵。喜花容未及承筐。有意牽紅撮合。憐悲鳳。〔丑〕有到有一個財主。他又是不好女色的。怎麼樣區處呢。〔老旦〕是那一個。〔丑〕就是宋公明。疎財邁古風。疎財邁古風。扶危氣概中。名聞天下都

傾動。若是見他不要。就說把女兒來贖銀子。只訴自家的苦楚。又說慕他的大名。特地來央我做中。與他借數十兩銀子。說到其際。就說道你若不信。我情願將親生的女孩兒。或贖或賣。與你做妾便是。  
〔老旦〕這個說得甚妙。如今就勞媽媽同去見他何如。  
〔丑〕他如今見做本縣押司。時常開了就到。我坊中來喫茶的。只消在這裏候他便是。  
〔生便服上〕

〔懶畫眉〕自公退食過新豐。笑指生涯樹樹紅。只見那茶烟輕颺落花風。  
〔丑指生向老旦介〕那來不是宋公明。待我先拿茶去與他喫了。再作計較。  
〔生作入介丑〕押司請坐。  
〔生坐丑遞茶與生介生〕流霞滿汎親供奉。渴吻旋消春筍中。  
〔丑〕押司。這位媽媽姓閻。他久聞押司大名。因目下生計蕭條。特來央老身哀求押司。要借幾十兩銀子。  
〔生〕他的丈夫在那裏。要他來借。  
〔老旦〕老身便是沒了丈夫。止生一女。又不曾適人。因此兩口兒難以度日。要求押司見憐。若是押司不信的時節。老身情願把親生女兒。或贖在押司那里。或就賣與押司做妾。但憑押司的主意便是。  
〔生笑介〕這箇卻使不得。  
〔丑〕押司。你不知他的苦楚哩。

〔前腔〕西山日暮杳溟濛。生計蕭蕭向北風。他久聞押司大名呵。生平慷慨跨江東。

今日若得相憐。不使他監河望貸成虛哄。他情願把女兒與押司呵。箕帚從容側室中。  
〔生〕你既孀居。無所倚靠。我自然該周濟你的。若因這些小惠。就起謀心。貪圖你的女兒爲妾。這個豈是我們大丈夫的行事。你若這等說。連銀子我也不好借與你了。

〔三學士〕市義何分燕市東。便教倒篋無窮。〔生出銀介〕我祇憐伊蕭條生計傷頭白。豈爲那喜氣門闌愛燭紅。〔遞銀與老旦收介〕伊需用。幸囊中未空。說甚枯魚起彩鳳通。〔老旦謝生介老旦〕

〔前腔〕歎息年來運未通。得君周急義何窮。押司。你雖不貪老身的女孩兒。老身思量起來。就是替女孩兒擇婿。也難得遇着押司這等好人。押司。你休得推阻。老身要使他終身有託。諧連理。難道對面無緣類轉蓬。相欽重。你能敦古風。我自蛇銜切。鳳卜通。

〔老旦〕身在重霄鬢未華。

窮途日日困泥沙。

〔生〕無地可歸堪種玉。

何煩蘿蔓作交加。

## 第七齣 遙祝

〔前腔〕豔陽眼底誰知己。難道老梅花吐舊相思。只是可惜你這等青年誤佳期。朝朝暮暮迷芳樹。孤負了標梅眠柳及笄時。怎得箇迷花醉月風流婿。還思。若有日浴煖鴛鴦對對飛。那時節自在嬌鶯恰恰啼。我有一句話兒。不知你肯聽我麼。我思量如今桂薪無計。玉粒堪嗟。到不如尋着一個年少兒郎。潘安比貌。鄧通比財的。只說生計蕭條。要把你來戮幾十兩銀子使用。那時便下他箇迷魂陣。起發他些銀子。你若得意着他。便與他多往來幾時。若是不得意時節。一年半載之間。尋他幾個鬻頭。大家撒開。你的意下何如。〔小旦〕孩兒的身子。是母親養的。但憑母親便是。〔老旦〕這等我到茶坊裏去尋那王媽媽。與他計較。有何不可。正是手栽桃李非無主。落盡春紅始見花。〔下小旦〕你看母親去尋王媽媽。奴家只在門前等他歸來。便是。

〔一封羅〕〔一封書〕臨風半掩扉。悄含情暫倚闌。只見那結伴尋芳花外展。選勝

攜樽陌上車。〔皂羅袍〕教我惜春無計。春光暗移。惜花良苦。花期漸踰。鎮無言獨

立長吁氣。〔淨巾服上〕

〔前腔〕花間鳥自啼。杜陵東步屨移。小生姓張。行三。與宋公明同爲掾吏。今日公門無事。宋

公明又歸去了。獨立無聊。不免到街坊上散步一回。〔見小旦小旦欲避不避介淨〕呀。那女子生得十分標緻。你看他遮遮掩掩。那風韻一發動人哩。隱約朱簾遮翠髻。掩映芳容倚繡屏。教我凝眸偷覷。神魂欲飛。看他含羞斂袂。天香暗霏。〔小旦見淨避身低吁氣介淨〕似鶯聲嚦嚦偷吁氣。〔淨四顧介〕且喜四顧偶然無人。待我上前去。看他怎麼。〔小旦見淨半躲偷覷介淨背介〕你看他見了我。故意賣俏。待我只做借茶。走將過去。〔淨見小旦揖介〕小生尋芳歸來。一時火動。渴吻不能寧耐。敢借香茶一杯。勝似瓊漿玉液。〔小旦含笑側身介〕你要茶喫。立在這裏等一等兒。正是茗飲蔗漿攜所有。盜嬰無藉玉爲缸。〔小旦回顧虛下淨望介〕你看那小姐進去了。他叫我只在這裏等一等。我怎敢那移一步兒。〔暗笑介〕

〔醉羅歌〕〔醉扶歸〕徙倚徙倚緣階砌。延佇延佇望仙姿。依稀綽約洛川妃。炯含媚眼如秋水。〔皂羅袍〕翻風宋褱。翩翩遇奇。陽城下蔡。悠悠思迷。只怕蝶螻影阻。高唐雨。〔排歌〕〔小旦持茶上〕攜茗碗。整繡襦。〔淨見小旦伸手接茶小旦放桌上介小旦〕爲憐鴻漸思依依。〔淨謝介〕



〔前腔〕茗借茗借憐崔護。消渴消渴甚相如。瓊漿一飲自躊躇。怎邀玉杵酬高誼。〔小旦〕相公。你說的話。都是偷情的故事。我好意借杯茶你喫。你到有這許多閒言閒語。我那裏睬

你。我對你說。蓬萊海外。去時路岐。姮娥月裏。望來眼枯。〔偷看淨背介〕春山懵懂

頻偷睨。〔淨背介〕我想他心私許。目亂迷。何期相見便相依。〔小旦〕我母親回來快了。你

自去罷。〔淨〕小生怎麼忍得就去了。

數尺游絲墮碧空。

年年長是惹春風。

身無彩鳳雙飛翼。

心有靈犀一點通。

#### 第四齣 遣訊

〔生查子〕〔副淨扮戴宗上〕瞬息繞天涯。信步騰雲駕。意氣欲橫秋。俠烈聞天下。

身輕一鳥過。鐵馬汗長趨。老驥思千里。飢鷹待一呼。自家戴宗的便是。捷足堪誇。神行無比。勇能挾

荆軻之劍。義堪提朱亥之椎。向往賢豪。歸依俠烈。久聞鄆城縣有個宋公明。慷慨好施。人人稱爲及

時雨。有意識荆。無緣御李。這也再作計較。只是寄跡公門。專供奔走。此時蔡九知府正當升堂時節。

不免在此伺候則個。〔末冠帶雜隨上〕

〔前腔〕五馬喜通麻。相府威權大。紆紫坐黃堂。富貴傾天下。當年好躍五花驄。玉珮成行引上公。身着紫衣朝北闕。捧持堯日慶雲中。自家蔡九知府的便是。籍父親蔭庇。爲朝廷命官。紫綬垂腰。幃帷出守。這也不在話下。今年父親生辰。例宜稱慶。括盡奇珍。搜遍異寶。差人獻納。名曰生辰綱。我姊夫梁中書在家。不免差人去約了他一齊舉行。有何不可。戴宗在那裏。〔副淨應介末〕我要差你到中書梁爺處。說太師爺的生辰近了。那生辰綱禮不可缺。作速置辦。免得臨期有誤。〔副淨〕老爺。這生辰綱也要費多少金銀呢。〔末〕你那裏知道。

〔瑣窗郎〕論潭潭相府豪奢。覩金玉等泥沙。若非世寶海岳精華。那堪鄭重綸扉獻納。〔合〕速探尋奇珍。不惜千金價。期上壽得榮誇。這生辰綱連年被劫。還要移文各郡。預先緝獲盜賊。不使猖熾。倘有疎虞。不當穩便。

〔前腔〕論年來劫掠堪嗟。剽寶玉似搏沙。若非預清草澤根芽。怎能無恐台衡獻納。〔合〕速移文都城預約三章法。期上壽得榮誇。

相國台衡重。

稱觴共比肩。

行將備禮樂。

小醜未寧邊。

### 第五齣 發難

〔雜扮官軍上〕羣盜尙如毛。官軍擁賊壕。自家鄆城縣捕盜的官軍便是。連日因蔡九知府移文各處。要緝獲盜賊。恐防今年的生辰綱。又像往常擄劫。不當穩便。故此本縣老爺差我們各地方緝獲。凡有面生可疑之人。卽同保正協拿送縣。我們今日尋訪到東村。是晁保正的地方了。那保正仗義疎財。我們都是受他青目的。不要去攪擾他。到前面寺院中安歇了罷。正是暮角飄殘韻。狐狸奈若何。〔下丑赤髮虬髯便服上〕燕南壯士吳門豪。筑中置鉛魚隱刀。感君恩重許君死。泰山一擲輕鴻毛。自家劉唐的便是。赤髮纓冠。丹心向日。千秋游俠。無愧英雄。一味粗豪。不設城府。落魄無賴。踈跽不羈。近聞得蔡京生辰。年年有那生辰綱貢獻上京。劫掠將來。到也是一主大錢。好供咱幾時賭博。只是咱一人幹不得這個勾當。欲待要去勾引宋公明。我思量他身在公門。斷然不敢做這等勾當。那東村的晁保正。爲人最直。義氣最高。不免勾合了他。同去劫這生辰綱也呵。

〔北醉花陰〕俺落魄生平甚潦草。不知書胸中分曉。還憑着膽氣豪。九死等鴻毛。問千秋誰共調。

〔北出隊子〕看世情忻然長笑。算將來眼睛前若個豪。宋公明扶危濟困。隱功曹。晁保正疎財將義好。他兩個呵。咱俛首低眉。要爲他把肝膽效。我一向要去見他們兩個。只是沒個因頭。如今乘此機會。去投靠晁保正。有何不可。咱思量起那生辰綱。好生技癢哩。

〔北刮地風〕說起那權臣忒煞也勢甚驕。慣縱着心腹貪饕。那生辰綱載珍和寶。逐件件是民間剝下脂膏。只見那搜刮價把民財耗。又見那輸運價把民力擾。那着處兒賈怨深激變囂。俺呵滿拚碎塗肝腦。入虎穴把虎子掏。料不爲蠅頭激動得英豪。

〔北四門子〕俺仔細算將來底事關非小。底事關非小。料區區怎能把黨羽招。及早向東溪保正密投膠。恁縱不貪財寶。料來聞言氣難消。仗義集英豪。生辰綱把來輕輕擔上挑。那怕着官軍勢驍。干戈衛牢。霎時間攫取如拾草。俺走得身子困倦。

不免到村中去沽些酒喫再走也未爲遲哩。正是斷送一生唯有破除萬事無過。〔虛下雜上〕號山無定鹿。落葉有驚蟬。我們適纔遠遠望見一個赤髮虬髯的在村坊上經過。甚覺面生可疑。怎麼倏然又不見他了。不免再趕上去。正是由他走上焰摩天。脚下騰雲須趕上。

〔北水仙子〕〔丑醉上〕俺俺俺疲躡躡。怎怎怎說得不飲從他酒價高。早早早已是價醉醜醜。強強強把村徑遠。苦苦苦那迢迢跋涉遙。看看看那牛羊下日沒林臯。這這這這虞淵漠漠誰伴寂寥。見見見見夕陽影裏傾頽廟。暫暫暫借借宿度今宵。〔丑作入廟介〕你看這殿上儘好睡哩。正是尋常絕醉困。臥此片時醒。〔作就地睡介雜上〕漏永沈沈靜。燈孤的的青。你看這古廟中人跡不到。那個人一定躲在那裏邊。我們進去搜一搜看。〔作入廟尋見丑介〕呀。這個人果然睡在這裏。我們拿了他。先去見晁保正。一同送他到官請賞。有何不可。〔雜綁丑丑作夢中語介〕是那一個。不要擾咱的睡夢便好。〔丑〕

〔北尾〕俺鼯鼯醉臥恁休相攪。〔丑睜眼見衆介〕呀。俺是個海內人豪。今日價一似失林的困鳥。〔雜擁丑下〕

第六齣 周急

〔二江風〕〔老旦上〕景龍鍾。舊是風流種。轉眼成殘夢。歎熒熒子母相依。欲覓乘龍。向月下邀笙鳳。因此上行行柳市東。行行柳市東。迢迢曲徑通。遙瞻青帘迎風動。老身閨婆。要把自家女兒。戲財主幾十兩銀子。特來尋王媽媽做中。昨日遇他不着。今朝只得又到這茶坊裏來。不免問一聲。看王媽媽在家麼。〔丑上〕烹葵邀上客。看竹到貧家。〔相見介丑〕原來是閨媽媽。昨日失迎。不知有甚麼事務。屢勞下顧。〔老旦〕老身生計蕭條。難以度日。欲把親生的女兒。在那財主人家。戲數十兩銀子。歸家用度。待女兒有人來聘。他時節。就把那聘禮來加利奉還。媽媽。你往來貴客甚多。特來央你做中。若得成就了這個事。中人錢加倍相謝。便是。〔丑〕坊中來往的貴客雖多。要這等出錢的甚少。此事只怕有負所托。怎麼樣好。〔老旦〕媽媽。你聽我道來。

〔前腔〕泣途窮。老景多虛哄。鎮日愁眉擁。止生得這一個女孩兒呵。喜花容未及承筐。有意牽紅撮合。憐悲鳳。〔丑〕有到有一個財主。他又是不好女色的。怎麼樣區處呢。〔老旦〕是那一個。〔丑〕就是宋公明。疎財邁古風。疎財邁古風。扶危氣概中。名聞天下都

傾動。若是見他不要。就說把女兒來贖銀子。只訴自家的苦楚。又說慕他的大名。特地來央我做中。與他借數十兩銀子。說到其際。就說道你若不信。我情願將親生的女孩兒。或贖或賣。與你做妾便是。  
〔老旦〕這個說得甚妙。如今就勞媽媽同去見他何如。  
〔丑〕他如今見做本縣押司。時常開了。就到我坊中來喫茶的。只消在這裏候他便是。  
〔生便服上〕

〔懶畫眉〕自公退食過新豐。笑指生涯樹樹紅。只見那茶烟輕颺落花風。  
〔丑指生〕

向老旦介。那來不是宋公明。待我先拿茶去與他喫了。再作計較。  
〔生作入介丑〕押司請坐。  
〔生〕

坐丑遞茶與生介。流霞滿汎親供奉。渴吻旋消春筍中。  
〔丑〕押司。這位媽媽姓閻。

他久聞押司大名。因目下生計蕭條。特來央老身哀求押司。要借幾十兩銀子。  
〔生〕他的丈夫在那裏。要他來借。  
〔老旦〕老身便是沒了丈夫。止生一女。又不曾適人。因此兩口兒難以度日。要求押

司見憐。若是押司不信的時節。老身情願把親生女兒。或贖在押司那里。或就賣與押司做妾。但憑

押司的主意便是。  
〔生笑介〕這箇卻使不得。  
〔丑〕押司。你不知他的苦楚哩。

〔前腔〕西山日暮杳溟濛。生計蕭蕭向北風。他久聞押司大名呵。生平慷慨跨江東。

今日若得相憐。不使他監河望貸成虛哄。他情願把女兒與押司呵。箕帚從容側室中。  
〔生〕你既孀居。無所倚靠。我自然該周濟你的。若因這些小惠。就起謀心。貪圖你的女兒爲妾。這個豈是我們大丈夫的行事。你若這等說。連銀子我也不好借與你了。

〔三學士〕市義何分燕市東。便教倒篋無窮。〔生出銀介〕我祇憐伊蕭條生計傷頭白。豈爲那喜氣門闌愛燭紅。〔遞銀與老旦收介〕伊需用。幸囊中未空。說甚枯魚起彩鳳通。〔老旦謝生介老旦〕

〔前腔〕歎息年來運未通。得君周急義何窮。押司。你雖不貪老身的女孩兒。老身思量起來。就是替女孩兒擇婿。也難得遇着押司這等好人。押司。你休得推阻。老身要使他終身有託。諧連理。難道對面無緣類轉蓬。相欽重。你能敦古風。我自蛇銜切。鳳卜通。

〔老旦〕身在重霄鬢未華。

窮途日日困泥沙。

〔生〕無地可歸堪種玉。

何煩蘿蔓作交加。

## 第七齣 遙祝



〔番卜算〕〔淨冠帶上〕樂廣在皇州。屈指懸弧候。南山高對太山浮。遣祝華封壽。明時帝用補山龍。日照新池鳳跡重。□散自知霄漢隔。若爲門下許從容。自家梁中書的便是。竊相府之權。藉鄰家之蔭。一生富貴。止賴山妻。半世驕奢。惟憑岳丈。目今生辰在邇。稱觴不用蟠桃。獻壽豈徒華祝。連年舊例。搜括珠寶。獻納京師。叫做生辰綱。昨我舅舅蔡九知府。特差戴宗到來。相約祝釐。又說連年被劫。要差的當的人。押綱進京。庶不致臨期有誤。我府中止有幹辦楊志。這人可以重托。我一向也另眼看他。如今不免差他一往。有何不可。楊志那裏。〔生扮楊志上〕養軍千日。用在一時。〔見介淨〕楊志。我太師爺生辰在卽。例有生辰綱。賚送京師。以祝遐齡。只是連年被劫。今歲必須一個的當的幹辦。押綱進京。庶可無虞。我府中惟你老成停當。我如今差你送去。好好回來。我自另行擡舉你。你不可違誤。聽我道來。

〔桂枝香〕我玄黃輻輳。瓚璜駢偶。只是頻年剽劫堪虞。此際驅馳不苟。你莫沿途逗遛。莫沿途逗遛。落人機彀。臨歧僂僂。暗夷猶。我見你報主心常赤。圖成策更優。〔生〕小人蒙老爺一向擡舉呵。

〔前腔〕承恩自舊。啣環已久。既蒙不棄驚駘。怎敢輒辭牛走。但區區遠遊。但區區遠遊。輜裝頗厚。不虞難救。還要求老爺分付。凡運綱的人夫早晚行止。都要聽憑小人的主意。不可執拗纔好。〔淨〕這箇何難。我只要你小心在意。早去早回便了。〔生〕老爺。你問行舟。不  
惜驅馳苦。還憑約束優。

〔淨〕百花春隔景陽鐘。

紅蠟香殘誥未封。

〔生〕無計歸心何日是。

路邊戈甲正重重。

### 第八齣 投膠

〔絳都春〕〔外野服上〕一方保正。喜今日共推。齒德皆尊。本分衣冠。隨緣耕鑿。安時論。猛按着腰間霜刃。發於新硯。問何年遇事。錚錚感奮。勞生擾擾。竟何能。鵬翅垂雲不自矜。得劍乍如添健僕。肯教世路日兢兢。老夫鄆城縣一個保正晁蓋的便是。年老無成。雄心未耗。乘時感憤。每思奮不顧身。見事風生。不憚親爲戎首。不輕然諾。果然季布千金。有意酬知。真是候贏一劍。今早優游無事。不免向門前散步一回。〔行介〕你看遠遠有人來了。只得避跡門中則

箇〔雜綁丑上行介〕

〔出隊子〕〔雜〕沿村盤問。莫夜禪林照烝星。一朝雁爪共鷹擒。〔丑低介〕俛首無

言心自省。〔合〕轉過溪橋。天色乍明。我們拿了這箇賊頭。要去請賞。不免報與保正得知。此間已是他門首了。待我把這賊頭縛在這株樹上。進去相見則箇。〔縛丑作進見介外〕列位何來。

〔雜〕我們是縣裏差來捕盜的。本不敢驚動保正。只是昨夜在村中古寺。拿得一個異人。赤髮虬髯。甚覺可駭。他醉臥在佛殿上。因此被我們拿了。及至問他。只是不應。本縣老爺原分付說。叫我們協同保正。緝獲賊盜的。故此特來通與保正得知。

〔鬧樊樓〕綠林遍野多亡命。因此上各郡都效秦庭大索。漢時黨禁。我們昨夜緝訪到貴村。不想遇着這一人呵。紺宇藏身穩。面目真堪憎。更三緘聲審。這行藏狐疑難定。特忙投照妖秦鏡。〔外〕妙妙。這樣古怪的。正該拿他。如今在那裏。〔雜〕如今見縛在保正門前樹上。

〔滴滴金〕〔外背介〕聞言暗把狐冰聽。我這裏若有這等樣一個人呵。管取荊州曾識

認牛衣影裏難懸問。哦。我有計在此了。待我瞞過了他們。背地裏去問他一個端的。〔轉身向雜

介〕列位。既是這等說。要老夫同到縣裏去。只是今日有些須小事。列位在此寬飲一杯。待老夫完

事。即便同行。念朝來鞅掌甚。乞容整頓。效陳遵井中投轄穩。把村醪共傾。拚得

沈沈酩酊。〔外〕叫小使快拿酒來。〔雜飲介外潛出見丑介外〕果然是個奇男子。我且問你。你是

甚麼樣人。到這村裏來作何勾當。〔丑睜眼看外介外〕對我說不妨。〔丑〕我要見晁保正來的。〔外〕

老夫就是晁蓋。〔丑〕我姓劉。名唐。別號赤髮鬼。有一主偌大財錢。特來送與保正。〔外〕這等你且從

容。待老夫送他們出來時節。你見了我。便叫舅舅救人。待老夫見你。假意發起怒來。提着棍只是打。

這個叫做苦肉計。他自然放你了。〔丑應介外轉與雜坐把盞介〕列位。老夫失陪。切莫見怪。

〔畫眉序〕〔外〕草寇匿鄉村。想卽鹿無虞未狂逞。賴窮搜穴兔。捷取饑鷹。又何

須擊柝重門也。免得伏戎時警。此行功蹟貽荒徑。〔出銀與雜介外〕聊把青蚨相

贈。〔雜收銀介〕受之不當。卻之不恭。怎麼樣好。〔外〕這些須何足掛齒。〔雜〕這等多謝了。我們同到

縣裏去何如。〔外〕老夫就此奉陪。〔作出介丑見外介〕舅舅救我一救。〔外見丑怒介〕呀。原來是你

這畜生。〔向雜介〕這是老夫的外甥。〔雜〕既是令甥。得罪了。〔放丑綁介外〕一向漂流在外邊。你今日既回家來。就該來見我。怎麼又喫醉了酒。睡在那古廟之中。成何勾當。〔提棍打丑介〕

〔啄木兒〕〔外〕睛將裂。挺頓橫。羞說韓家宅相親。你果然訪戴臨歧。又緣何僵臥祇林。我待不送你到官呵。你行蹤詭祕誰能信。我待送你到官呵。一時柱國家聲隕。到不如杖下將伊一命傾。〔外又打丑雜勸介雜〕保正。你請自息怒。

〔三段子〕〔雜〕他鼾眠梵林。又誰知擒同臂鷹。我疑爲綠林。又誰知竿驚隱鱗。蛇弓誤落杯中影。茫然造次真堪哂。幾送家禽淪陷阱。〔雜〕我們告別。〔外〕列位。還是帶

這不肖的到官。打死他纔是。〔雜〕豈有此理。〔外又出銀介〕這等還有些須薄意。一發請收了。〔雜收

丑怒視介外向丑介〕你只在這裏。待我送列位幾步轉來。正是故里疎蕪獨掩門。春前爲送浣花

村。〔外同雜下丑〕你看他們把我縛了這一番。又白白的得了晁保正的銀子去。我氣他們不過。趁着晁保正不曾回家時節。趕到前村去。殺了他們。又奪了那銀子回來。方出得我的氣。〔作急走介〕

〔鬪雙雞〕胸中氣。胸中氣。斗牛怒噴。腰間劍。腰間劍。虹霓光奮。崗轉疑村飛奔。

行行未一程。相逢狹徑。〔雜〕恩人相見。分外眼青。仇人相見。分外眼昏。〔丑拔劍介〕怎顧得

怒當車螯。蝦臂逞。〔丑〕你好好還了我舅舅的銀子。萬事全休。不然。你看我這劍不是好惹的。

〔雜〕這銀子是你舅舅與我們的。便是要還。也當面交與你的舅舅。沒得與你。〔丑〕我偏要你與我。

〔雜〕我偏不與你。〔丑輪劍雜抵介小生綸巾羽扇急上〕古人稱逝矣。志在必騰。小生吳用。在

此教學。見他們相關。不免去救一救則箇。〔小生隔住丑雜介小生〕你們爲甚麼在此廝殺。〔丑〕小

人到村裏來訪舅舅。保正。不想多喫了幾盃。醉倒在古廟中。他每竟把我做賊。綁去見保正。保正

見了小人。只是箇打。又送他們些銀子。因此我氣他們不過。趕來與他們討這箇銀子。他們不肯還

我。不殺他更待何時。

〔下小樓〕〔小生〕暫停一朝之忿。謾關弓類越人。他們都是你舅舅的相識。你何無愛

屋及烏情。〔丑〕干你甚麼事。要你多管。〔小生〕小生也是你舅舅的好朋友。雖是鄉鄰相競。怎

能閉戶無聞。〔丑又輪劍向雜小生止不止介外急上〕一心忙似箭。兩脚走如飛。這畜生休得要動

手。〔丑住介小生〕我也說須得保正來勸一勸。〔外〕老夫送了列位轉去。再尋他不見。我料想一定

是趕來與列位相爭。故此急急趕來。你這畜牛。果然在這裏胡行。〔外向雜揖介〕無知小子。一時冒犯。休得見罪。〔雜〕令甥趕來索取保正所賜之物。我們原對令甥說。面還保正。如今保正請收了。〔雜出銀介外〕列位又來了。

〔鮑老催〕他粗豪素性。嗔伊疏屬拘攣甚。馳驅祇欲抒小忿。但念薄分。且包籠。還含忍。區區不腆聊將敬。難道受餐返璧多遺恨。須知我生平長物何曾吞。〔雜〕這等保正你且自請回。我們也告別罷了。日暮長堤更回首。一聲鄰笛舊山川。〔雜下小生向外介〕保正。你的親友。我都相識的。那裏又有這一位令甥哩。

〔雙聲子〕瞻行徑。瞻行徑。這親故非凡品。明詢問。明詢問。這蹤跡休容隱。〔外低向小生介〕他仗事因。仗事因。特訪尋。特訪尋。怕屬垣有耳。怎班荆相證。〔外〕老夫那有這個外甥。這話只好瞞得他們。學究。難道瞞得你過不成。他姓劉。名唐。說有天大一注錢財。送與老夫。特地來的。老夫正要來請學究。共商此事。如今就同行罷。〔小生〕待小生放了這些蒙童。就來。保正與劉兄先行。正是暫去還來此。幽期不負言。〔小生下外與丑行介〕

〔尾聲〕〔外〕一朝邂逅多微倖。〔丑〕我自分交誼期刎頸。〔合〕款款林臯並轡行。

〔外〕門館無私白日閒。

家僮不復掃柴關。

〔丑〕異鄉一笑同酣醉。

感會潛生氣概閒。

### 第九齣 慕義

〔末雜扮軍士扛箱上〕斷磧簇烟山似米。野營軒地鼓如雷。〔末〕我們梁山泊內小僕儼的便是。昨日蒙寨主差我們到地方上搶擄。且喜得勝歸來。寨主還未升帳。不免在此伺候。你看這梁山泊。真好一箇形勝也。〔雜〕怎見得。〔末〕但見四山兀突。一水滌河。嶙嶙若海上神山。迴迴似江皋赤壁。影浮烟水。氣壓雲林。飄飄漾漾。依依稀稀。若遠若近。參差雁落平沙。紅蓼下列成陣勢。網網縕縕。霏霏疊疊。非烟非霧。縹緲雲歸遠浦。碧峯前插起旌旗。如雲如雨。如貌如貅。如狼如虎。糾糾桓桓。冲冲矯矯。前有茅。後有勁。右有突。左有衝。蓼兒洼內。義屯豪傑千千。如崇如墉。如櫛如比。如茨如梁。整整齊齊。累累若若。東有積。西有倉。南有府。北有帑。宛子城中。富積餼糧萬萬。青翰船。蒼隼船。先登船。飛鳥



船博昌船。潯陽船。大翼中翼小翼。載浮載沉。載翔載翺。破長風。衝巨浪。怕得那鯨鯢深伏寒潭。天竺  
駝。鄯國駝。識泉駝。知水駝。陽光駝。泉渠駝。上乘中乘下乘。倏奔倏逸。倏疾倏徐。吼外廐。鳴中陽。嚇得  
那糜鹿遠藏茂少。六軍所望。左青龍。右白虎。前朱雀。後玄武。若五牛。若四獸。若九仞。若六旂。蛇虹之  
垂天。認旗飄漾。綠楊影裏飛出黃雲。四介所旋。表東京。獻西宛。傾函夏。竭都城。若龍兔。若鸞盼。若雞  
目。若鷹形。匹練之曳光。戰馬咆哮。青山叢中騰來紫燕。這壁廂持專諸所持。舞統陵所舞。銅口金頭。  
有那昆吾刀。鳴鴻刀。靈寶刀。含章刀。露陌刀。龍鱗刀。文身刀。水截鯨鯢。陸剗犀兕。那壁廂鑄歐冶所  
鑄。造辟閭所造。玉頭珠口。有這純鉤劍。湛盧劍。豪曹劍。魚腸劍。巨闕劍。干將劍。莫邪劍。氣沖斗牛。形  
轉鹿盧。曲灣灣的權弓。彘弓。弮弓。角弓。雕弓。彤弓。墨弓。綉質綠沈。青檀墨幹。無非楚之桃。越之  
棘。風高月影圓。直矗矗的枉矢。潔矢。殺矢。鏃矢。矰矢。隼矢。恒矢。庫矢。青鏃。赤莖。白翎。朱羽。無非夏之  
服。趙之鞬。霜重麟膠勁。個個披堅。則穿的是浴鐵。縹金。纓滕綴組。曰甲曰介。曰函曰鎧。韋人製縫。函  
師震椎。說甚麼繕京益趙。人人策肥。則執的是指天柱地。埋銅持鐵。曰鞭曰弮。曰策曰箠。埋自北山。  
種從南社。說甚麼楚令秦謠。列着亂叢叢。密札札。整齊齊。高的高。下的下。參的參。差的差。關柵營屯。

如天險。如層巒。如連雲。如列棧。林路一樣森羅。不數那如礪的金城。百雉千雉。鑿有混漾漾。浩蕩蕩。亂滾滾。深的深。淺的淺。灣的灣。直の直。溪澗流波。如羶湍。如鯤壑。如蛟室。如鯨灘。水港一般罄折。不數那如帶的湯池。委水委輸。陸戰則乘墉伏莽。疊路開山。荷戈的。執戟的。操戈的。橫槊的。五步六步。七步八步。鸞鈴一振。人人立馬峯尖。水戰則翻江擾海。破浪乘風。擊楫的。鼓柁的。扣舷的。操舵的。五伐六伐。七伐八伐。鼙鼓三搥。個個勒兵水次。靜悄悄。潛天潛地。攻不意。備不虞。伏路的不須盤蛇谷裏。喘吁吁。倏往倏來。偵其虛。伺其實。哨馬的。自有落雁坡前。輕輕重重。疾疾徐徐。清清濁濁。高高下下。聲振林木的。菰蒲忽起漁歌。那曉是轅門號令。呀呀啞啞。切切鳴鳴。繞繞繚繚。遠遠近近。響遏行雲的。荆棘陡開牧笛。誰知是陣上金鉦。饒伊是孫臍。是張良。是諸葛。便有陰符黃石。說甚麼聚米能籌。終須閑箸。怕你是尙父。是廉頗。是韓信。總有大樹唾壺。說甚麼按圖可定。到底摧鋒。河自兗州迤邐而來。盤盤旋旋。環雷夏。帶離沮。達濟漯。投鞭豈可斷流。山自秦岳迢遞而入。龍巖嵒嵒。聳天門。通日觀。傍石閭。靴尖安能踢倒。洵矣天塹之雄。進可攻。退可守。不讓那劍閣崢嶸。美哉山河之固。水難泛。陸難登。枉說那金陵鞏固。正是激水蛟龍三浪闊。拒人虎豹九關雄。道尤未了。寨主早到。〔淨扮〕

王倫上

〔光光乍〕措大泣窮途。投筆祗干戈。召英雄哨聚梁山。那怕官兵爭勝負。決志身殲軍務勞。家家壁上有弓刀。雄應垓下收蛇陣。滯想溪頭伴豹韜。自家白衣秀士王倫的便是。哨聚山林。招徠豪傑。官兵不能直搗。商賈不敢私行。卽此可以終身。舍是何必過分。日來糧餉不敷。差僕僮們到外村擄掠。怎麼還不見回報。〔末雜扛箱見介〕稟主帥。小僕僮每昨日到鄆城縣東村擄掠了一遭。人家金銀衣飾。請元帥親自檢點。〔淨作看驗指割付介淨〕這是甚麼文書。〔看介〕阿呀。僕僮每擄掠差了。這是一紙割付。上寫着宋公明的名字。這擄掠的一定是宋公明家裏了。他是個當今好漢。我們正要。去結識他。怎麼到去擄掠他的財物。我如今要你們拿去送還他。〔雜〕我們做賊的。只恨擄掠得少。怎麼到要送去還人。〔淨〕你們那曉得。

〔瑣窗繡〕〔瑣窗郎〕及時兩名震皇都。是當今大丈夫。登龍附鳳。愧我無途。怎探囊拏篋。教他被虜。〔繡衣郎〕〔合〕疾忙的璧還故土。疾忙的璧還故土。〔雜〕小僕僮每

將這些擄掠來的一一送還他。到不打緊。萬一他就把我們一時拿住。送到官府去時節。怎麼區處。

〔淨〕你這個也慮得是。只是宋公明不是這樣的人。

〔前腔〕他慷慨仗義堪多。豈區區小丈夫。若負荆開罪。樂與爲徒。他怎肯乘機就計。輕收降虜。〔合〕疾忙的壁還故土。疾忙的壁還故土。〔雜〕既是這樣好人。就此送去。還他便了。

階平庭滿白皚皚。

始信昆明有劫灰。

地僻尋常來客少。

臨期終日獨徘徊。

### 第十齣 謀成

〔點絳脣前〕〔小生上〕羽扇綸巾。自誇多智天罡耀。參謀巧。帷幄供談笑。思飄雲外。物。律中鬼神驚。多病休儒服。悠悠滄海情。小生吳用。多謀足智。應變隨機。陳平之奇計。先人足參帷幄。諸葛之玄機。役鬼。有裨韜鈴。雖然力不勝衣。自是術能籠衆。只是未逢知己。有謀無用。有奇不施。暫在村中做個塾師。訓誨蒙童。以消胸中硯礪。適纔晁保正約小生議事。蚤以放了這些蒙童。來到此間。寂無一人。不免喚一聲。晁保正有麼。〔外丑同上〕

〔點絳脣後〕密語關情。附耳言難了。羊求到。且匆匆。屣倒。〔見介合〕功成借箸緣非小。〔小生〕徐庶交高友。憐君如弟兄。〔外〕將期一諾重。〔丑〕歛使寸心傾。〔小生〕保正。那劉兄不知有甚麼事來相議。〔外〕劉兄因生辰綱一事。相約去劫他的。故此不憚遠來相訪。〔丑〕學究。你曉得那生辰綱麼。

〔降黃龍〕權相當朝。祇爲生辰。剝盡民膏。奇珍異玩。看輻輳。渾如米船多寶。我思量那黃泥崗上。人跡罕到的所在。我們預先屯聚在那裏。不怕他走了天上去。林臯。先張羅綱。料千箱須臾籠罩。〔外〕學究。你道這事如何。〔小生〕此事深合小弟的意思。〔丑〕保正。不要說劫將來可以肥家。就是供我們的酒資。亦是好的。我每苦杖頭告乏。取供潦倒。

〔前腔〕〔外〕羣豪。傾蓋投歡。抵掌圖謀。應非草草。只是有一件可慮。他累年遭虜。到今日隄防必然周到。學究。這箇定須用着你的計較。難調。千鈞倚重。藉武侯錦囊機巧。學究。據小弟愚見。此事又動不得干戈。使不得氣力。怎能勾將伊輜重。任吾傾倒。〔小生〕

這箇事有何難處。我們扮做山東販棗子的客商。先把幾輛車兒。裝了些棗子。也推在那崗上林子

裏面躲下。那崗下有個白勝。專以賣酒爲生。待小弟去合他入夥。叫他等載生辰綱的上嶺來了。如此炎天。他們必然在崗上避暑。白勝挑兩桶酒上來。待我們先買他一桶喫了。只做到他找一瓢。強把瓢去兜他的酒起來。就把蒙汗藥放在酒內。白勝搶那酒。仍舊倒在桶裏。他見我們喫了一桶。決不疑心。一定也買這一桶喫的。那時他一齊跌倒。我們把車上棗子傾翻。將這生辰綱內財物大家同載而歸。有何不可。〔外笑介〕妙計妙計。

〔前腔〕〔小生〕龍韜六出奇謀。縱智乏陳平。運籌差到。佯爲估客。似優孟權將叔敖相效。山椒乘機應變。料難逃漫天圈套。管教似探囊取寄。使人絕倒。〔外〕這等我們且自飲酒。叫院子。外面有人相訪。一概不見。不許通報。〔作飲酒介末道服上〕

〔前腔〕逍遙鶴氅趨。玉笈隨行。自雲龍山嶠。貧道公孫勝。思量劫取生辰綱。特地來見晁保正。此間是他門首。待我問他一聲。裏面有人麼。〔雜上〕衡門深似海。不許外人敲。呀。師父何來。〔末〕貧道有一事要見你主人的。可通報聲。慕緣羽士。欲觀面主人東道。〔雜〕主人今

日在此議事。一概人來。分付說不相見。老師父不過要抄化的。待我拿些錢與米送你罷。何必定要

見我主人。〔末〕貧道不爲抄化而來。要見你主人的。遊遨遠方跋涉。我自挾智囊相效。

〔雜〕你就要多布施些。也是容易的。我主人實沒工夫相見哩。〔末〕你不肯與我通報。待我自進去

罷。〔末將入雜攔阻末怒推介末〕按不定雄心磊出。把崑崙踢倒。〔雜跌倒起與末鬧外

出相見小生丑暫下介末〕貧道公孫勝。在雲龍山裏。便聞得晁保正的大名呵。

〔黃龍滾〕當今一俊豪。當今一俊豪。遠躡芒鞋到。誰料你浪得虛名。那裏肯虛左

夷門老。我向驪龍領下。探珠計巧。今日裏豈無因相溷擾。〔外〕老師父。既是有事相聞。

請裏面坐談。〔進介末〕貧道爲那蔡京的生辰綱。思想去劫掠他的。特來叩見保正。〔小生潛上聽

外回見小生搖手介外〕老師父。這是官物。我們平民怎麼好去劫掠他的。〔末笑介〕保正。你道

是官物麼。你看如今百姓爲何窮了。你道平民不可行劫麼。你看如今的好漢。那一個不思倡亂哩。

〔小生〕待我試他一試。〔急出把末扭介〕你們在此思量劫掠官物麼。〔末變色不語小生放末

介外〕實不相瞞。我們早已計定了。又得師父相助。正所謂三人同心。其利斷金。〔丑相見介合〕

〔前腔〕羣雄聚義高。羣雄聚義高。羣策陰謀巧。俠骨槎枒。不覺寥天杳。爲嘖貪

驥。故要把江翻海倒。豈止爲利蠅頭相溷擾。〔外〕公孫師父與劉兄都在舍下暫住幾日。一

同到黃泥崗去便了。學究。你去約那白勝。不可有誤。〔小生〕這箇自然的了。

〔外〕今朝貫酒與君傾。

我與汝曹俱眼明。

〔合〕遙想青雲丞相府。

此中多恨恨難平。

### 第十一齣 約婚

〔上林春〕〔生淨同上生〕碌碌功曹掌公案。家園裏不遑分念。〔淨〕蕭曹協力同

寅。管鮑交情金斷。〔生〕悵望春襟鬱未開。心從到處卽成灰。〔淨〕哎。公明。莫思身外無窮事。且盡

生前有限杯。〔生〕張兄。你那裏知道小弟的心事。小弟不爲一家愁絕。止因萬姓心傷。奸佞盈朝。豺

狼當道。不思爲民爲國。但要自利自私。小弟適纔接着紙文書。又是爲那生辰綱一事。既要差民轉

運。又要委兵隄防。張兄。你只看因他一個生辰。驚動多少地方。剝剝多少小民。如今人人思亂。家家

動搖。豈是個太平的景象。〔淨笑介〕公明。你又多事了。他們自家一身也顧不來。這樣的事管他做

甚麼。〔生〕張兄說那裏話。



〔小措大〕城狐社鼠。擾朝廷。毒閭閻。今日轉輸。騷動何堪。不思民困時艱。衆心難按。因此上頻年劫掠滋變。〔淨〕這盜賊就是太平時節也是有的。干上官甚麼事。〔生〕呀。張兄。

你看如今爲盜的那裏盡是無賴所爲。便是那豪傑人人甘作亂。膽欲寒。眼見中原不獲安。一木難將傾厦撼。杞人妄自憂天。

〔不是路〕〔丑老旦同上〕攜手風前。糝徑楊花鋪白氈。蒼苔軟。萬家烟樹滿晴川。訪名賢。〔丑〕早已到縣門首了。〔老旦〕只見琴堂軒敞臨南面。〔丑〕那邊廊下便是他的公廨。

〔轉介合〕轉過迴廊公廨邊。〔丑指介〕早已到他門首了。〔看介合〕門斜掩。只見他同心握麈閒消遣。〔見介老旦丑〕斂衽相見。斂衽相見。〔淨〕王媽媽。這位是何人。秋娘雖老。丰

韻猶存。〔丑〕張押司。你又來笑話了。這位閻媽媽。特來叩見宋押司的。〔生〕媽媽。又有甚麼事。來見小生呢。〔丑〕押司請猜一猜。

〔紅衲襖〕〔生〕莫不是剡溪舟乘興還。〔老旦〕老身特地來的。〔生〕莫不是豫章郵乘風便。〔丑〕我們又不是殷洪喬。〔生〕莫不是桃源誤入迷劉阮。莫不是雀角縱橫訟淑媛。

〔老旦〕都不是。〔生〕莫不是慕河陽看花遍。莫不是乞監河搖尾憐。〔丑〕一發不是了。〔生〕哦。這等我猜着你們了。多敢是投桃思報不忘莢莢也。今日同喲黃鳥環。〔丑〕這個到有幾分猜着了。押司。老身實對你說罷。

〔前腔〕他怎敢再干求冒那馮婦嫌。他怎敢妄思量焚那馮驩券。他祇念感恩圖報骨空鐫。他祇念恩山義海盟難變。如今押司與他令愛呵。一個兒閨閣幽枉待年。一個兒館舍虛誰作伴。因此乞好逑君子暫詠關關也。花燭輝煌映玉環。〔淨〕媽媽。你特地送

一個如夫人來與宋公明。妙妙。〔生〕這個豈有此理。我當日原對二位說。親事斷然不允的。哦。我曉得了。你們一定尋得一個郎君要嫁。恐怕我來取償夙負。故此先來盡我一個意思麼。〔老旦〕押司。那有這等說話。〔淨〕公明。他們送一個如夫人與你。這是尋也尋不來的。何故如此推三推四。〔生〕張兄。你不知道這位媽媽。當日央王媽媽與小弟借幾十兩銀子。小弟借他的時節呵。原是

〔大節高〕〔大勝樂〕憐孤寡仗義周旋。又何心諧繾綣。丈夫意氣原非淺。〔節節高〕那風流擔。祇席緣。婚姻眷。區區何足經吾念。媽媽。我若因你窮的時節。借你幾兩銀

子就貪圖了你的女兒呵。乘機輒利私情便質之公義甚堪慚。一時墮落千秋願。

〔老旦〕押司。這個不是你貪圖我的。小女老身爲小女擇配。情願送與押司的。況且不要說我。

〔前腔〕啣高誼薄雲天。就是押司這樣一個大丈夫。使小女效齊眉相舉案。終身有託憐嫵婉。也好帶挈老身呵。桑榆晚。婺織艱。龍鍾倦。相依白髮無憾。〔淨〕公明。適纔王媽

媽說一個館舍虛說得極有理。你尊嫂在宅上管家。又到這裏來不得。你如今公廨中又沒有個服事的人兒。梅花紙帳眠孤館。況且情之所鍾。正在我輩。鍾情我輩又何嫌。鷓鴣莫負于飛願。〔生〕王媽媽。你及再三求我。張押司又是這等勸我。我只得勉強從命。只是我公廨裏不便。就在閻媽媽宅上罷。〔出銀與老旦介〕閻媽媽。這是合愛的聘金。你先收了去。若是一應使費。待我明日送來。〔丑〕押司。這等幾時做親。〔生〕這個且從容。

〔尾聲〕〔生〕須擇日開羅韞。〔合〕依稀犢子遇眉連。始信姻緣匪偶然。

一飲瓊漿百感生。

玄霜搗盡見雲英。

藍橋自是神仙窟。

何必崎嶇上玉京。

第十二齣 目成

〔熙州三臺〕〔淨上〕日來公務蹉跎。無因訪問嬌娥。乘興暫相過。願天教瞥然  
遇他。酒不醉人人自醉。色不迷人自迷。我張三郎爲何道此兩句。前日無心走到街上。見一個女子。  
十分丰緻。我看他。他也看我。我因此與他借茶喫。他就進裏面拿茶出來我喫。我把言語調戲他。他  
甚是知音。一向忙忙的不曾訪問他是甚麼樣人家。且喜今朝無事。閒步到他門首。看他若在。再去  
乘機調戲他一番。不然到他鄰舍人家訪問個下落。也好用些計較。做些勾當。〔老旦上〕計拙無衣  
無食。途窮仗友生。〔淨見介淨〕你是閻媽媽。在此何幹。〔老旦〕張押司。這是老身家裏了。〔淨〕哦。  
小生到不知道。這就是媽媽家裏。〔背介〕這等說。我前日見的那女子是他女兒。哎。到不想喫宋公  
明得了這等丰緻的女子。〔老旦〕押司爲何到此。〔淨〕我出去拜個朋友。打從這裏經過。不想撞着  
媽媽。〔老旦〕這等舍下請坐。待了茶去。〔淨〕這等造次了。〔老旦〕好說。

〔黃鶯學畫眉〕〔黃鶯兒〕榮藉子猷過。奈衰殘應接疎。蛙居窄狹慚虛左。女孩兒有  
客在此。快拿茶出來。〔淨〕這位令愛。莫不就是許與宋公明的麼。〔老旦〕正是。〔淨〕青春多少了。

〔老旦〕年華不多。瓜期未過。止有十六歲。〔淨〕正是二八佳人。〔老旦〕好說。前日多蒙押司攬掇。成就得這姻緣。東牀賴贅東方朔。〔小旦持茶上〕〔畫眉序〕堂前喚客嬌鸚鵡。捧龍團光映冰壺。〔小旦見淨急轉身老旦過接茶小旦偷覷淨下淨見背笑介〕

〔黃鶯穿皂羅〕〔淨〕黃鶯兒看他拂袂似穿梭。俏身材軟玉搓。嬌羞一段真無那。不要說別樣。你只看進去的時節。有許多光景哩。他芳眸暗賸。我香魂欲蘇。〔老旦〕押司請茶。〔淨喫茶介淨〕瓊漿飲自藍橋路。〔皂羅袍〕〔小旦偷覷淨望介淨〕看他遮遮掩掩。光

生綺羅。霏霏拂拂。香穿綺疏。哎。可惜他許嫁了宋公明。教我芳菲有主空相慕。〔淨〕就此告別。〔老旦〕且慢。〔淨虛下小旦〕母親。這個是甚麼人。〔老旦〕這個就是與你官人宋公明同房做押司的張三郎。〔小旦〕他前日也會在這裏經過。問孩兒借茶喫哩。這個人倒也俊俏。

〔貓兒墜玉交〕〔貓兒墜〕隔簾偷覷。彷彿憶當初。鴻漸曾經駐玉珂。翩翩結束自婆婆。〔老旦〕我的兒。你快不要說這樣話。我把你許嫁宋押司。原是貪他的錢財。〔玉交枝〕盟姻祇是居奇貨。況檀郎風流不負。配嬌姿姻緣不錯。〔淨復上〕有緣千里能相會。無緣對面

不相逢。今日那女郎甚覺有情。只可惜他母親在坐。待我再走轉去。或者那媽媽進去了。他有小生的情。獨自在門前等。也不可。

〔貓兒墜桐花〕〔貓兒墜〕他回頭一顧。留意在秋波。我欲向瑤宮問玉蜍。梧樹何

年歇鳳雛。〔淨作入門小旦避老旦後介老旦〕呀。押司爲何又轉來。〔淨〕我失落了十數兩銀子。不

知在那裏失落的。〔老旦〕這等押司你自尋便是。〔淨作低頭小旦避老旦後介淨背介〕只見他

〔梧桐花〕六幅瀟湘水半拖。我低回睨處金蓮露。

相見眼還明。

香羅疊雪輕。

飲中相顧色。

送後獨歸情。

### 第十三齣 效款

〔天下樂〕〔旦上〕夜半妖星照水濱。遭逢樑上相驚。探蹤跡。憑閨闈。側望傷神

不自禁。萬事干戈裏。低垂氣不蘇。衣冠兼盜賊。饜饕用斯須。奴家昨夜門掩梨花。戶扁魚鑰。不驚清

夢。來既無蹤。劫盡黃金。去又無跡。今早起來。方纔知道偷兒相犯。如何是好。不免待相公回來。再做

道理。〔生上〕家山牢落戰塵西。匹馬偷歸路已迷。〔生入見介〕娘子。吾聞家中失盜。特地回來。不知昨夜那賊從那裏進來的。看得個蹤跡明白。便好教人緝獲。〔旦〕便是。昨夜杳然不覺。今早起來方得知失盜。

〔瓦盆兒〕穿窬輕覷。正出花宮漏報嚴更。迷香夢。擁孤衾。那裏是無端揖盜自開門。端不爲謾藏疎誨盜相侵。〔生〕我陡然間侍琴堂青鸞把信聞。忙慰你少原遺恨。塞馬去無憑准。楚弓喪何須問。況且那盜賊本王臣。〔雜扛箱上〕將心感知己。萬里寄懸旌。我們是梁山泊的小僕僮。奉主帥之命。將昨日擄掠宋公明的財物。一一送還。此間已是他門首了。不免徑入。〔入見介〕勇士何來。〔雜〕小校們是梁山泊上一夥僕僮。昨日不知潭府。偶然犯夜。今早檢點財物。見了押司劊付。方纔得知是押司宅上。不勝惶悚。特奉主帥之命。一來負荆請罪。二來送還財物。一毫不失。悉憑押司檢點就是。

〔榴花泣〕梁山水泊聚義有羣英。〔生〕吾聞得寨主是個白面書生王倫。果然是麼。〔雜〕正是。遵約束。稟王倫。聞得押司的爲人呵。大名遠播素欽承。輕干閫禁擢髮罪不勝。

小校們此來呵。負荆相請。便成擒我自甘心忍。〔送箱還介雜〕把珠還合浦重淵。更劍合豐城舊型。〔生〕這區區長物。何必送還。只是你們寨主固係書生。列位僕僮亦皆人子。何苦拋離家業。哨聚山林。既犯不赦之條。更爲無藉之輩。何不棄去山寨。歸就耕耘。你們若無本錢的。就將這些須財物分爲資本。我決不吝惜。你們回去。可對你寨主說。

〔喜漁燈〕書生白面應知禁。怎學黃巢亡命。須知你每原屬良民。怎憑依綠林。綠林烏合猖狂甚。好勸你星散歸耕。金銀你權爲資本。我便罄囊中曾無吝心。〔尾聲〕〔雜謝介〕你言詞正意可親。果不負生平有盛名。直教我感激自傾心。

〔生〕一談一笑俗相看。

直道無憂行路難。

〔雜〕今日鑪錘任君宰。

強移棲息一枝安。

## 第十四齣 剽劫

〔香柳娘〕〔外小生末丑俱扮商人推車上〕早匆匆出門。早匆匆出門。驅馳前進。我們都扮做販棗子的客商。來到此間。已是黃泥崗嶺下了。大家同上嶺去。〔行介〕看森森樹蔭黃



泥嶺。〔小生立顧指介〕這林子裏面正好藏身。把車兒推進去。〔推車介合〕且推車入林。且推

車入林。藏器待時行。圖謀預期待。〔外〕白勝怎麼不見。〔小生〕我已約定他。等他們到了。白

勝方纔挑酒來哩。俟紛馳畫輪。俟紛馳畫輪。暫憩炎蒸。暗施勾引。〔衆虛下生扮楊

志同衆載生辰綱上〕

〔前腔〕向山前趨行。向山前趨行。〔生〕莫辭勞頓。須知日遠長安近。〔衆〕歎炎

天困人。歎炎天困人。重負不能勝。微軀已將隕。〔衆共歌倒地生催介〕你看這個嶺上。

人跡不到的所在。可是安歇得的。念連遭綠林。念連遭綠林。怎在僻徑存身。我自先

驅導引。〔衆〕隨你怎麼樣。也要歇一歇兒。〔生拔劍嚇衆小生上見生介小生〕你是何等樣人。提着

刀在此嚇人。〔生〕干你甚麼事得。〔小生鬪生衆上介〕

〔劉滾〕〔小生〕咱每是。咱每是。咱每是。經商自鄰郡。棗販安期。車踰峻嶺。溽暑不能行。

婆婆疏影。你怎敢乘機。輒思剪徑。

〔前腔〕〔生〕咱每是。咱每是。公甸苦奔命。幾輛圖書。京華呈進。你們既是那估客

憩林陰。何須窺影。蹤跡堪疑。莫非翦徑。〔住鬪介小生〕原來大家是行路的。正好伴件同

行。你若疑心。我們是歹人。請你看我們的棗子。就是。〔衆〕如今既有伴兒。我們放心坐一坐去罷。

〔旦扮白勝挑酒上〕

〔吳歌〕此酒釀成恰是有價個因。一味裏馨香。誰勿起子個貪心。要曉得麴蘖一時那價得容易。一擔挑來雙手子價送與人。〔歇擔介小生〕你這酒挑到那裏去的。

〔旦〕我這酒挑過嶺去。賣與農莊人的。〔小生〕賣一桶與我們何如。〔衆〕我們也買他這一桶喫了

罷。〔生怒介〕得知他這酒怎麼樣的。就要買他的喫。〔旦〕你這客官好不達理。這個我是挑與主顧人家的。又不強要賣與你。你說這等話做甚麼。〔挑酒行小生扯介旦〕不賣不賣。這個酒是有毒藥的。你不要買他喫罷。〔小生〕他們只是這等說。也不衝撞你。況且說的又不是我們。怎麼就使起性來。我多與你幾個錢罷。〔遞錢與旦小生外末丑共飲衆看介外小生末丑〕

〔大研鼓〕村醪比聖明。欲消渴吻。不必芳尊。價酬生樂何須論。我持螯兩腋便風生。〔小生把酒與生介小生〕老兄不妨事。喫一杯。乘醉偏能信步行。〔生飲衆飲小生奉棗

介丑 這酒我們要找兩瓢。〔旦〕你這客官適纔說過了賣的，怎麼又要找起來。〔丑〕我偏要你找。〔把瓢兜酒飲罷，又兜一瓢走林裏，且趕奪酒傾桶內。〕介旦 好沒趣，找了一瓢，怎麼又來兜。〔衆向生介〕你看這酒眼見得不妨事的了，難道一桶是好的，一桶是有毒的，不成。況且這一桶那位客官又喫過一瓢的了，你看

〔前腔〕香醪噴鼻馨，教我們涎垂口角，汗漬周身，數杯未必沈沈困。〔生〕這也說得是，隨你們罷。〔衆買酒介。衆〕把青蚨幾貫，易縹清醕，何辭襍穢行。〔衆生同飲小生看笑，且挑桶下介〕

〔吳歌〕〔旦〕此酒釀成原自那個麴生，麴生價得售好，把大家傾，你便好好，好像子個鬼，那亨子出得個劉伶造計深。〔旦先下，生衆倒介小生〕你看倒也倒也，我們一齊動手。〔外丑未推車出，裝生辰綱介〕

〔金錢花〕〔合〕堪憐一飲沈沈，沈沈空教兩眼睜睜，睜睜干戈不必用縱橫，將杯酒易車輪，齊拍手，快生平。由你好如鬼，喫了洗脚水。〔小生外未丑推車下，生先起，衆亦起〕

看介〕 這個事怎麼了。怎麼了。

〔前腔〕 看他們呵呵齊下山林。山林教我們茫茫何處追尋。追尋須知竹葉鳩偏深。憑誰救。淚空橫。天欲暝。暮雲平。〔生〕 我叫你們不要喫這個酒。你們不肯信。如今害得我上天無路。入地無門。怎麼樣了。〔衆〕 如今我們趕上去拿他便是。〔生〕 也罷。趕得着時。是千幸萬幸了。若趕不着時節。只得先去見蔡九知府。叫他行文各處緝獲便了。正是一心忙似箭。兩脚走如飛。〔下小生外末丑推車上〕

〔引駕行〕 〔合〕 怪他每遇生辰。便紛紛騷擾民生。幸喜得今日呵。大事圖謀已有成。乘夤夜載歸輪囷。有甚風聲。誰知影形。〔末〕 貧道還有一句話說。我們劫了生辰綱。少不得連累地方。又不是我們倡義的本意了。不若就叫白勝哥出首在本府。待本府來拿我們的時節。貧道設起法來。呼風喚雨。走石飛沙。把官兵驚得他魂不附體。我們竟逃到梁山泊水窪哨聚。豈不兩得其便。〔衆〕 此計正合我們意思。

〔前腔〕 〔合〕 牽牛無妄堪矜。料伐國不問仁人。教他首匿潛同狄慶靈。那梁山泊

水窪難進。我們預辦前程。堪藏影形。

當年膽氣已縱橫。

錦帶駢弓結束輕。

獨對一樽開笑口。

十年身世一浮萍。

### 第十五齣 聯姻

〔淨上〕姻緣姻緣。事非偶然。謀事在人。成事在天。我張三郎半世風流。一生落莫。前日遇着那女郎。十分丰緻。十分有情。滿望偷香竊玉。與他鳳倒鸞顛。不意就是宋公明所定偏房。今日做親。叫我做了一場春夢。好生敗興。只得在此納悶閒坐。〔丑上〕媒婆媒婆。兩脚奔波。成事時少。說謊時多。今日宋押司與閻婆息成親。閻媽媽因前日張押司攬掇成了這個婚事。叫我請他陪宋押司過門。此間已是他的公廨了。〔見介丑〕押司。爲何悶坐在此。〔淨〕今日宋押司納寵。喜氣冲冲。你又不肯與我作伐。叫我不在此悶坐則甚。〔丑〕老身不曉得押司也要納寵。得罪。如今慢慢的與押司尋有丰緻。似他的便了。〔淨〕這閻婆息我曾見來。那裏還有丰緻如他的。可惜到喫宋公明先下手了。

〔荷葉鋪水面〕〔淨〕思嬌豔。煞自憐。誰教祖生鞭着先。只是宋公明不是個知趣着人。

的人哩。一朵奇葩到把遊蜂採野蝶穿。我想他每今夜兩個好不受用。雀屏花燭。象牀鸞鳳顛。〔丑〕正是他們今日成親。閻媽媽叫老身請押司陪宋押司過門。〔淨〕我不去。〔丑〕押司怎麼不去。〔淨〕我去時節對面無緣。有夢難成。睜睜祇懸雙餓眼。〔丑〕押司。你還去一去兒。〔淨〕這等待了宋公明同去。〔生上〕

〔玉井蓮〕館舍蕭然。良夜交歡。嬌婉。〔見介丑〕押司。老身在此候久了。閻媽媽請押司奉陪過門。〔生〕既如此。即便同行。〔行介丑〕轉灣抹角。此間便是。〔丑〕閻媽媽有請。〔老旦小旦同上〕

〔前腔〕虛左堂前。此日紅鸞光燦。〔相見介淨覷小旦歎小旦偷視淨介老旦〕今日蒙押司

不棄葑菲。使小女終身有託。即備魯酒。以爲合巹之杯。女孩兒送酒。〔小旦送酒淨小旦偷視介〕

〔海棠醉東風〕〔月上海棠〕〔合〕酒合歡。杯浮琥珀光偏豔。〔老旦指生介〕看五陵俠

少。裘馬翩然。幸蔦蘿附木纏綿。更兔絲從風婉轉。〔沈醉東風〕念奴暮年。〔指小旦

介〕念伊少年。影形弔處。相依有伯鸞。

〔姐姐插海棠〕〔好姐姐〕〔小旦〕枉然。小星光燦。妬娥眉入宮難免。〔月上海棠〕怕形

孤友鳳影隻交鸞。〔淨〕尊嫂請自放心。宋公明不是這等的人。喜今朝二姓交歡。管異日

百年相眷。〔丑〕還須念我月下冰邊。拈成繾綣。〔淨〕我們知趣些。別了罷。天上碧桃和露

種。日邊紅杏倚雲栽。〔淨丑老旦下生小旦吊場生坐小旦移近生坐笑介〕相公。奴家種玉不虛。破

瓜無負。今夜得侍君子。真是三生有幸。百歲多緣。〔生笑不語介〕

〔撥棹入江水〕〔川撥棹〕〔小旦〕三生願。喜燈前繡帳懸。〔又移近生笑介〕擁鴛衾夢

繞巫山。擁鴛衾夢繞巫山。〔貼生臉笑介〕但豆蔻含胎可憐。〔江兒水〕須要款款輕

輕。呵護香溫玉軟。〔生作倦伸腰又坐介〕

〔玉枝帶六么〕〔玉交枝〕〔生〕酒闌人倦。我眼矇矓神思黯然。〔六么令〕娘子。你燈前

絮語煞堪憐。奈樵樓鼓已催殘。那黑甜鄉裏周公伴。〔小旦〕正是。〔樓生頸介〕我們去

睡罷。〔生作睡在椅上介小旦〕啐。遇着這等一個俗子。豈不孤負了奴家的終身也。〔掩淚背介〕

〔園林帶僥僥〕歎今生緣慳分慳。到今宵情憐意憐。看他月思風情曾不諳。教

我寂寞若爲妍。珠淚連。〔生醒向小旦介〕我們去睡罷。

〔生〕樓前鐘鼓遞相催。

〔小旦〕温嶠終虛玉鏡臺。

〔小旦〕此夜斷腸人不見。

〔生〕起行殘月影徘徊。

### 第十六齣 報變

〔海棠春〕〔末冠帶上〕心懸輜重渾難定。但願得沿途寧靜。何日到神京。偏怪鴉成陣。事不關心。關心者亂。我蔡九知府。爲那生辰綱一事。日夜在心。昨戴宗自梁中書處回來。聞說已差的當幹辦楊志押送至京。可保無虞。雖然如此說。我只是放心不下。必待京中有回信出來。方纔安穩。叫左右。若京師有人到來。即便通報。〔生扮楊志上〕有事不敢不報。無事不敢亂傳。我楊志押生辰綱到黃泥崗。被賊劫去。追趕不着。又不敢回到梁府中去。只得走到蔡九知府這裏來。求他緝獲盜賊。此間已是他門首了。不免逕入。〔進末驚介末〕楊志。你怎麼這樣光景。敢是生辰綱又被賊擄掠了。〔生〕便是。小人押這生辰綱到黃泥嶺上。人跡罕有。忽被一起強人。不知多少。在林子裏衝將出來。衆人俱已逃散。叫楊志一人難以抵當。竟被他們剽劫殆盡。小人不敢回去。特來求老爺作主。緝獲強人則個。



〔六么姐兒〕〔六么令〕途經兗城黃泥鳥道。小憩炎蒸。乘墉誰料有黃巾。〔好姐姐〕干戈蠶起苦只苦無救兵。〔梧葉兒〕虎口逃生。拯救求憐切人。

〔前腔〕〔末〕聞言頓驚。我因莊躑充斥。叫他們刁斗時鳴。那濟州的北門鎖鑰屬何人。任伏戎于莽縱容毫不禁。我如今不難移文到濟州府去。叫他緝獲便是。限勒嚴明。那管詰捕頻驚邑人。〔末〕楊志。我寫書與梁爺。一定不難爲你的。你自回梁府去便了。〔生應介〕

辛苦賊中來。

茫茫何所開。

不知滄海上。

天遣幾時迴。

〔生弔場〕蔡九知府雖然寫書與我。叫我回去見本主梁中書。只是我自羞見江東父老。怎麼回去得。聞得梁山泊廣招豪傑。不如逃到那裏去存身幾時。再作道理。正是明知不是伴。事急且相隨。

〔下〕

### 第十七齣 義什

〔顆顆珠〕〔淨扮公差上〕公務不容停。濟州匹馬蚤已到鄆城。自家濟州府緝事公差

便是連日因黃泥崗上劫了生辰綱。蔡九知府移文到府。要立刻緝獲這盜。報聞蔡太師。我本府老爺好不心焦哩。昨日黃泥崗白勝到府出首。說劫了生辰綱。中間有箇鄆城縣保正晁蓋在內。故此我本府老爺立刻僉了文書。叫我來鄆城縣下了公文。協拿晁蓋。星夜來到此間。天色尙早。縣主還不會升堂。只得在這茶坊少坐一坐。〔生上〕傲吏身閒笑五侯。人間不解重驩囑。〔見淨介〕客官何來。〔淨〕小子濟州府差來縣裏下公文的。〔生〕小生本縣掌案的功曹。有甚麼事。該對小生說知。少間纔好答應。〔淨〕押司莫不是宋公明麼。〔生〕小生正是。〔淨揖介〕久慕久慕。這等小子便說與押司得知。料也不妨事的了。那黃泥崗上打劫了生辰綱。押司一定得知的。一向緝訪。再沒下落。昨日有人出首在本府。特地行文到貴縣來拿人哩。

〔馬蹄花〕竄盜橫行。爲劫生辰綱內珍。一向明懸象魏。督責功曹。廉訪無憑。陡然告訐喜分明。堯天不共驩兜穩。因此上向沙中博浪追蹤。還怕他做髡鉗季布潛身。〔生〕這箇一定奉命。待縣主升堂。小生即便稟差幾箇的當人協拿便是。但不知是那幾箇。〔淨〕押司下問。不敢不說。〔附生耳介〕是本縣保正晁蓋。〔生〕是那箇出首的。〔淨〕黃泥崗居民白勝

出首的。〔生〕少待。小生略有些小事，轉一身兒就來。〔淨〕押司不可誤事。〔生〕這箇豈敢有違。

〔前腔〕怯篋堪噴。況令甲森然敢不遵。那人呵，好似籠中窮鳥，釜底枯魚，頃刻成擒。我們縣中百姓都是守分的，那有朱家仗義屬明庭。那有鄰邦須賈藏孫臧，只是神君未蒞琴堂。你從容此地安身。〔淨〕正是鼎魚猶假息，穴蟻欲向逃。〔生別淨出淨下生〕不想劫

生辰綱到是晁保正。我若不預先去通知他，叫他逃走。臨時怎能勾脫身。適纔賺了這緝事的出門，不免乘馬趕到他家裏去則箇。〔上馬介〕

〔撲燈蛾〕聞言膽戰驚。聞言膽戰驚。緝捕風聲緊，株及惜雷陳。欲待旁觀安忍也。那區區保正，真成一賭擲乾坤。效漁人縱子，胥星奔。驅馳傳信，早見馬足起紅塵。〔下馬繫介〕早已到他門首，不免奔將入去。晁保正在那裏。〔外上〕日間不幹虧心事，半夜敲門

不喫驚。〔見介生〕晁兄，你那黃泥崗上的事已露了。本府差人來縣中，叫添人協拿。小弟特來通知。晁兄，爲今之計，古人說得好，三十六着，走爲上着。〔外〕首人可是白勝麼。〔生〕他說是白勝。

〔亭前送別〕〔亭前柳〕條見郅都鷹舞爪，攬鵬鷗。須傍那陽烏朝展翅，陰魄夜飛輪。

〔江頭送別〕倉忙快把征衫整。敢賣心知做負義君卿。〔外〕小弟此舉原不是。一人做的。因劉唐來報信。隨後又有道者公孫勝贊助。故此與吳用商議定了做的。又恐連累平民。特地叫白勝到本府去出首。他們都在後花園內。逃奔之計。已布定在此。只要待差人到來。顯箇手段與他看看。即便起程了。〔生〕原來是這等。小弟不知詳細。一時聞聽得這箇消息。到爲晁兄着忙了。〔外〕公明。你的高誼。我自然佩服的。

〔雁過南樓〕感君交存故人。肯臨岐引手殷勤。小弟們此舉。也不專爲些須財寶哩。爲豺狼當塗擾民。英雄發憤。甘共叢神一逞。這其間參謀有人。今婆婆娑三徑。教你

好把荊州識認。〔生〕快請出來相見一面。縣主此時想已升堂快了。小弟就要去答應哩。〔外〕學究那裏。〔小生末丑上〕客到但知留一醉。盤中祇有水晶鹽。〔相見介外指小生〕這是吳兄。〔指末〕

這是公孫師父。〔指丑〕這是劉兄。〔小生〕公明。小弟們

〔章臺前柳〕〔章臺柳〕〔合〕瞻山斗仰止殷。恨介介紹無從御李膺。誰料天涯知己存。你仗義知非浪得名。〔亭前柳〕入林把臂交盟訂。〔生〕小弟就此告別。會晤無期。前途

保重〔合〕賦別銷魂。早結伴向通津。關河萬里秋風急。望見香山不見家。〔生別作上馬同

下淨上〕

祇因與朋好。且得慰蹉跎。你看本縣將次升堂了。宋押司怎麼還不見到來。〔生上〕往來

星騎一相過。行盡清溪日已蹉。〔見介生〕小弟失陪。得罪得罪。如今本縣將次升堂了。我們同去罷。

〔尾聲〕狂且運落生應隕。看敗露一朝難禁。管頃刻追蹤不暫停。

官曹崇重難頻入。

第宅清閒且獨行。

敢請相公平賊後。

暫攜諸吏上崢嶸。

### 第十八齣 漁色

〔秋藥香〕〔小旦上〕金井轆轤歷亂。渾驚覺珊枕捱殘。手攬寒衾窗內見。敗葉蕭

蕭風翦。〔蝶戀花〕庭院碧苔紅葉遍。黃菊開時。已近重陽宴。日日露荷凋綠扇。粉塘烟水明如練。試

倚涼風醒酒面。雁字來時。恰自層樓見。幾點護霜雲影轉。誰家蘆管吟秋怨。奴家閨婆息。雖嫁了這

箇宋郎。鹵莽有餘。溫存不足。那曉嘲風弄月。豈知惜玉憐香。夜月獨啣盃。孤負梁鴻之案。秋雲空掩

鬢。冷落張敞之眉。衾冷爐烟。說甚麼蜂交蝶戀。牀閒明月。那些箇鳳倒鸞顛。真箇可人期不來。俗子

推不去。好生悶人。且門首閒步一回。消遣悶懷則箇。

〔忒忒令〕歎寂寞沈吟畫闌。暫徙倚徘徊雕檻。金風颯颯。景物增悽惋。悲搖落向誰言。悲搖落向誰言。嫁蕭郎也枉然。鎖愁凝淚臉。

〔尹令〕〔淨上〕憶邂逅春風曲檻。又蹉跎秋風紈扇。我思量那閻婆息呵。他幾度秋波偷展。彷彿時惡笑。壓教我魂蕩香閨。百尺游絲夢裏牽。小生爲這閻婆息。眠思夢想。意亂情迷。今日明曉得宋公明在縣中。只說去尋他講話。到他家裏。看閻婆息出來見我。還是不出來。且去再作道理。呀。你看他早已在門首。不免闖將過去。〔相見介淨〕宋公明在宅上麼。〔小旦〕今早到縣中去了。還不曾回來。〔淨〕小生與他同出縣門的。他又不知到那裏去了。〔小旦〕這等押司。且請在裏面坐了。等他便是。

〔品令〕〔淨〕須知子猷訪戴步踟躕。誰知呂安題鳳惜留連。蒙尊嫂留小生進裏面來坐。這箇都是看宋公明的分上。屋烏推愛。一時相繾綣。〔小旦嘆介淨〕你新婚正燕。況佳人莫愁字豔。因甚霧鬢雲荒。翠黛顰含遠岫攢。

〔荳葉黃〕〔小旦〕眼兒前。落莫光景堪憐。怎教人瀟灑蘭閨。怎教人瀟灑蘭閨。只落得香愁玉怨。舞裙歌扇。塵埋可憐。〔淨〕這等看來。多分是宋公明不知趣。不着人了。

〔小旦嘆介〕好一似失羣的孤雁。好一似失羣的孤雁。形影淒然。爲着那風流扼腕。〔淨〕呀。人常說道兒女情長。英雄氣短。宋公明爲人到是反這兩句話的。故此擔閣了尊嫂。

〔玉交枝〕〔淨〕錦衾羅幃。誤卿卿青春少年。芙蓉狼藉秋江畔。若是小生得了尊嫂。這樣一位美人呵。妝成金屋闌斑。攜將阿嬌相貯偏。爲雲爲雨迷鶯燕。只是你可惜差配了對頭。嘆紅蕖浪交野鴛。只是我可惜緣分淺些。嘆金梧不停彩鸞。〔小旦〕押司。你休得要調戲奴家。奴家實對押司說。

〔賽紅娘〕紅顏命淹蹇。鳳衾寒。秋風任冷落。悲團扇。祇自憐。他雖然奚落奴家。奴家只是守他的閨門。羅敷蚤把兔絲綰。難挽斷。宿瘤甘把翠鈿減。難逗亂。〔淨笑介〕尊嫂雖是這等說。難道不會聞古時節偷香竊玉的故事麼。

〔雙蝴蝶〕香偷羨賈午青瑣裏。琴心司馬把綠綺彈。便匪石心難轉。聽關關鳥

兒也相喚。若得神女繞巫山。香夢圓。便做韓重赴黃泉。鴛塚安。〔小旦〕押司。你一發說得沒理了。我只是不睬你。〔小旦走入淨。追入小旦轉身介〕押司。各有內外。你跟我走進來。做甚麼。〔淨笑介〕只走進來這一次兒。〔小旦〕有你這箇涎臉。

〔鶯踏花〕你絮叨叨空煩巧言。笑吟吟空涎慢臉。難道你家裏沒有內眷的。只管在此胡行亂走麼。便無衣綏狐堪念。那陌上褰裳可慚。〔淨〕尊嫂還不知小生心事。小生自見了尊嫂的面呵。

〔元卜算〕從來意惹情牽。未及尋芳覓便。今日天憐念。教江妃逢洛川。難道隔蓬山。〔小旦〕這等。你去把門閉上了。再作區處罷。〔淨作閉門。摟小旦。小旦作不肯下介〕

〔窄地錦襠〕〔生上〕外郎高步似神仙。壯志仍輸祖逖鞭。呀。爲何門都閉上在此。柴門深鎖綠楊天。細草侵階亂碧蘚。〔生作敲門。淨慌介。小旦〕想是宋郎回來了。你且往我母

親房裏躲一躲。〔淨避。小旦作開門。生進介。小旦〕相公會喫晚膳不會。〔生〕我在公廨裏喫了來的。媽媽在那裏。〔小旦〕出到親眷人家去。還未回哩。相公。你坐在這裏。待奴家去拿茶你喫。〔生〕這



箇到好。〔生坐小旦出介〕張三郎出來。〔淨出介小旦〕今日不能勾成事了。你去罷。

〔十一二嬌〕〔淨〕今朝鴛侶驚散。何時鳳友團圓。〔小旦〕明日你早些來就是。不可失信。宓

妃留枕君須念。休孤我眼懸懸。〔淨〕這箇怎麼敢遲時刻哩。月下共星前。敢蹉跎這良

緣。〔生〕娘子在那裏。快拿茶我喫。我要睡哩。〔淨驚介小旦〕你去罷。〔淨〕牡丹花下簾鉤外。獨憑紅肌

捋虎鬚。〔下小旦持茶進介小旦〕相公喫茶。〔生〕早識臥龍應有分。先判一飲醉如泥。〔不顧下介

小旦〕啐。你看他把奴家

〔尾聲〕等閒相視司空慣。誰解憐香依玉軟。哎。張三郎。張三郎。我一發要思量你了。教

人留意桑間。

城烏獨宿夜空啼。

孔雀東飛向處棲。

我寄愁心與明月。

五雲仙佩曉相攜。

第十九齣 縱騎

〔六么令〕〔旦同雜扮士卒上〕官差緊者。爲黃巾鈎黨嚴者。風行雷厲莫停者。怕鼠

竄掉頭者。東溪望望忙行也。東溪望望忙行也。我們鄆城縣官兵便是。蒙縣主之命。差往東溪村協拿晁保正。只索去走一遭哩。正是上命公差。概不由己。〔下〕

〔前腔〕〔外戎服上〕田嘗客也。盡雞鳴狗盜人也。田橫死士義高也。便官兵百萬也。臨岐怎出牢籠者。臨岐怎出牢籠者。老夫晁蓋。只爲劫了生辰綱。府上移文本縣。來協拿我們。今日准備行裝。一齊起身到梁山泊逃躲。不免請衆兄弟們出來則箇。〔小生末丑戎服上末〕不薄今人愛古人。馬蹄空踏幾年塵。指揮能事回天地。訓練彊兵動鬼神。俺公孫勝。氣吞日月。掌握乾坤。風伯雨師。供吾呼喚。天兵神將。任我驅馳。一縱一橫。九天九地。今日官兵到來。不免顯箇神通。使他膽戰心驚。那時節。咱們長驅前往。可保無虞也呵。

〔北新水令〕一時舉義倡豪傑。到頭來怎能辭跋涉。不倩着齊關雞叫徹。管取那海島田橫越。這些時苦費周折。猛可的怒懷起壯心熱。

〔南步步嬌〕〔外小生丑〕悠悠往事休提者。孔亟情何切。臨岐浪自嗟。預計前程把行囊打疊。他怎肯網開三面。謾相遮。教我掉頭鼠竄無寧帖。〔旦同雜持器械上〕

劍決浮雲氣。弓彎明月輝。此間已是晁保正門首。你看重門緊閉。我們先把四下裏密密圍定。然後打將進去。〔吶喊介外〕外面喊聲動地。一定是官兵到了。

〔北折桂令〕〔末〕怪他們敢肆兇劣。驀地裏顯箇神通直教膽怯。那裏要矢石紛射。旌旗高揭。戈戟森列。子憑着運陰符鬼谷玄訣。煞強似役鬼神法和妖孽。不爭差英雄送也。〔一任恁地網天羅。怎禁俺熟路輕車。〕〔外〕待我到牆頭上望一望看。〔立望介〕你看。

〔南江兒水〕驍騎重重列。圍兵密密設。喊聲四下如雷徹。〔小生〕保正。你看那官兵小覷我們哩。他道子陽井底蛙堪滅。誰知道金蟬有計軀輕脫。談笑臨期。祇用着一時俠烈。〔末披髮仗劍作法介〕

〔北雁兒落帶得勝令〕〔末〕俺仗着那晃晃的星劍光生月。俺噴着濛濛的法水壇霏雪。早見那封家嫂一時林下徹。張超霧五里空中合。〔旦〕阿呀不好了。怎麼一時間狂風四起。烟霧漫天起來。〔末〕莽騰騰陣勢把軒轅設。顛巍巍牙纛把玄武列。〔雜扮鬼兵上末〕任

官兵十萬親提挈。俺仗倆何窮竭。〔外〕這房子把火燒了罷。〔放火介旦〕阿呀。你看裏面火

起了。〔末〕家業都付那燬燼同消滅。我們快出門去。車轍蚤趁着流星奔飛電躡。  
〔鬼兵先殺出旦雜驚下外小生末丑行介鬼兵下介〕

〔南僥僥令〕 〔外小生丑〕 五丁同夾盾。六甲共隨車。籓觸羝羊隨手決。一似白登圍輕解脫。白登圍輕解脫。〔旦同雜持器械復上〕 行人趕行人。一程又一程。我們適纔喫這些鬼兵驚散了。如今再趕上去。

〔北望江南〕 〔末〕 呀。早則是破重圍前隊捷。〔外〕 追兵又來了。〔末〕 子又見逞窮追後塵躡。〔又作法鬼兵上介末〕 驀地裏怪風獵獵走飛沙。黑雲渺渺彌原野。〔旦雜慌介末〕 管教恁殄絕。俺這裏天兵八部甚猖獗。〔旦雜逃下外〕 你看這些官兵逃的逃。死的死。我們如今可以縱意行走了。

〔南園林好〕 〔外小生丑〕 喜追兵一時隕滅。趁長驅一鞭輕捷。分明似蛟龍戰野。  
〔外〕 這也不干我們事。都是蔡京有甚麼生辰綱。激動我們的哩。〔外小生丑〕 我們豈無端造妖孽。祇因伊釀冤業。〔小生〕 我思量今日公孫師父施了這等樣的神術。不要說本地方的官兵

害怕。便是蔡京那厮知道了。也不敢來搖動我們哩。〔外〕正是。

〔北沽美酒帶太平令〕〔末〕他今日心膽懾。他今日心膽懾。怎敢再小覷英雄者。南北東西恁阻截。驅馳縱輓輒。早棄着家鄉舊業。好盼那關山明月。望梁山雲樹幾疊。計水窪烟波百折。忙發疾發。途路無停轍。呀。難打熬一腔熱血。〔外〕那

宋公明呵。

〔尾聲〕我回思當日堪銜結。他爲人真箇能爲徹。〔小生〕我們此行。那王倫不過一箇書生。無甚伎倆。見了我們這一夥。他還未必肯容留哩。還怕那措大臨岐把我們輕磨滅。

## 第二十齣 火併

〔迎仙客〕〔淨戎服雜持禮上〕事謀始。費商量。權在我。任主張。他們似虎更如狼。今日容情到底有參商。女無美惡。入宮見妬。士無賢否。入朝見忌。昨日晁蓋數人相投山寨。本該留他。只是我區區一個書生。頗無過人謀略。他們人人勇敢。箇箇高強。若還留他在寨。這箇位兒到底要讓那晁蓋坐了。這一時怎麼容得人情。〔笑介〕我是箇秀才出身。怎脫得秀才見識。不免請他們

出來。打發他們起身便了。叫嘍囉請晁保正上堂。〔外小生末丑上〕久客將歸失路蹊。家山牢落戰塵西。江春不肯留歸客。太白山前月欲低。〔見介淨〕列位遠來。扶持山寨。不勝欣幸。只是山寨窄狹。不能容長者之車。聊具黃金綵段。以供從者喬裝。萬勿見笑。〔外背向小生介〕學究。這箇如之奈何。〔小生〕保正不妨。小弟見衆好漢意思。甚是欣然樂從。憑小弟三寸不爛之舌。激動衆好漢。使他自相火併便是。〔外小生轉向淨介〕小弟們此來。思效犬馬。豈貪錙銖。既蒙見拒。自當遠遁。金帛一些也不敢拜嘉。只要請衆好漢一別。就起身了。〔淨〕請衆好漢上堂。〔生且雜戎裝上〕殷勤相送出天台。不惜千金佐酒盃。〔小生〕小弟拜辭。〔生驚介〕列位到那裏去。〔小生〕適蒙寨主峻拒。只得拜辭。俗語說得好。此處不留人。自有留人處。〔生〕寨主豈有此理。我們山寨方且要招賢納士。既承列位肯惠玉趾。方且拔轅不暇。怎麼到固辭列位。叫他們到那裏去。〔淨〕你不曉得。〔小生〕正是寨主自有主意。只小弟們此來呵。

〔滾繡毬〕端不爲那逐鳥飛兔走忙。趁狼奔鼠竄慌。祇爲這些時梁山泊能收人望。因此上兄弟們結束喬裝。路迢迢。急煎煎。奔走相降。又怎料負虛名露出那書生。

伎倆。〔向生介〕恁那曉得費千金馬骨有餘香。子是那箋箋株守。邊幅小難開廣。〔淨〕

果然山寨狹小。不能開廣。休得見罪。〔小生笑介〕小弟們自然去的。只因衆好漢們強留。故此是這等說。況此行呵。料不就似臧獲亡羊泣道傍。〔向生介〕只是梁山泊好漢再不思量要與人論弱共爭疆。〔外〕小弟們就此告別。〔生怒介〕哎。那裏有這等事。〔小生〕小弟們初來。也道沒有相拒的事。如今眼見得的了。小弟們此行呵。好教那

〔滾煞尾〕英豪氣短。盡成虛謊。子落得裹足徘徊岐路傍。那討日月雙擎依末光。〔淨〕山寨糧草不足。以後也自然不能勾招賢納士了。〔小生目淨小生向生介〕這是升斗規

模煞可量。只是可惜連累了衆好漢哩。俺見箇箇爭先誰敢當。今日價一概聲名隕四方。貽笑千秋氣不揚。〔生〕說得是。寨上不留列位。小可偏要留列位。〔小生〕只怕義士做不得

主應。令稟中軍怎主張。〔外〕小弟們雖蒙義士固留。只是去罷。〔生〕去不得。去不得。若要

大家同去。〔淨怒介〕這等。山寨一向的號令那裏去了。〔生〕甚麼號令。甚麼號令。你這樣人也做不得寨主哩。〔外〕我們只是去罷。不要傷了你們的和氣。〔生〕有甚麼和氣可傷。〔淨〕這等你敢是要

殺我哩。〔生〕我便殺了你。待何如。〔淨〕叫嘍囉。與我綁他出去。梟首示衆。〔生〕拔劍扭淨介。我與你併箇你死我活罷。〔外〕佯解介小生。你看衆叛親離。盡反唐。禍起蕭牆。都淪喪。〔生〕殺淨介小生。他一事無成。悲懊喪。〔生〕么魔已喪。寨中不可一日無主。請晁兄坐了中軍帳。〔外〕小可怎敢。〔衆〕人望所歸。不是保正坐。是那個坐。〔外〕這等小可權爲衆好漢效勞。以後再處。只是宋公明他在那裏懸望我們。我們既有了下落。不可不通知他。今夜就煩學究寫下一書。再備黃金五十兩。明早差人到鄆城去。〔小生〕就是白勝。也該差人招他上山來纔是。〔外〕這等明日一同打發人前去便了。

## 第二十一齣 野合

〔霜蕉葉〕〔淨上〕蝶攘蜂鬧。牽惹閒花草。整頓風情月調。又何愁桃源路遙。秋來相顧尙飄蓬。一片西飛。一片東。夜半酒醒凭檻立。錯教人恨五更風。張三郎爲那閨婆息。眼思夢想。廢寢忘餐。昨日纔有些兒好光景。不意又爲宋公明歸來。鴛鴦驚散。雲雨條收。臨別的時節。承他約我今日相會。可恨縣中公務偏多。只得撇了去走一遭則個。〔行介〕



〔小桃紅〕日來營係苦無聊。不知是那一點紅鸞照也。喜孜孜的千金一刻在今宵。〔丑上〕愁窺高鳥過。老逐衆人行。〔見介丑〕呀。張押司。你到那裏去。宋押司在我茶坊裏候你哩。

〔淨〕你對宋押司說。我不得工夫來。〔丑〕曉得。兩地無千里。因風寄數聲。〔下淨〕哎。今日偏又遇着王媽媽。這都是遇敲爻。還怕他遠相追。復相邀。仍相值。幸喜得這機會巧也。取次已到藍橋。呀。你看怎麼閉上門兒在此。我只得從容等他。權延佇。暫徘徊。敢月下做僧敲。

〔下山虎〕〔老旦上〕閒來無事甚逍遙。〔作開門遇淨介老旦〕驀地裏衡門開處。遇果車纏緲。老身見小女說。押司昨日也到舍下來哩。你惠顧頻頻。慰伊寂寥。押司裏面請坐。小女身子不自在。還睡在那裏。他聽得押司到此。一定就起來了。孩兒。張押司來了。〔小旦上〕帳掩流

蘇香夢杳。忽被鸚鵡覺。睡臉朦朧枕印俏。猛可的臨邛客抱琴共調。斂袂相邀。

〔見介小旦〕不語祇含笑。〔老旦〕孩兒。你陪張押司在這裏寬坐一坐。待老身到市上沽一罇

與押司消閒。〔淨〕這個怎麼好奉擾。〔老旦笑介〕如今是一家了。怎麼說個擾起來。蓮花幙下風流

客。試與溫存謹逐情。〔下淨〕尊嫂今日要去關門麼。〔小旦笑介〕青天白日。關這門做甚麼。〔淨〕尊嫂昨日叫小生關門。故此動問。〔小旦〕昨日今朝事不同。昨日要關。今日要開在這裏。〔淨〕呀。尊嫂不要把這話兒說遠了。你記得昨日麼。〔小旦〕昨日便怎麼。

〔山麻稽〕〔淨〕昨日呵被洞口花相笑。笑我路入天台。棹阻藤稍。今朝特地裏來踐你的鶯期燕約。〔小旦〕這也難些。〔淨〕尊嫂。〔小旦〕甚麼尊嫂尊嫂。若說尊嫂。須知朋友妻不可戲了。〔淨〕這等要小生叫甚麼呢。〔小旦〕我要你叫娘。〔淨笑介〕這等我被蘇州人罵着了。說是入娘賊。〔小旦笑淨摟小旦介淨〕喜乘機纓冠掏李。納履攘瓜。傍朔偷桃。

〔五韻美〕〔小旦〕消梁期。西廂約。無言息國娃。恥效三郎。你自思量。看你一向怎樣調戲我。我怎麼樣拒絕你。見金夫幾度相推調。那裏當得你這涎臉兒。偏憐窈窕。適零露相逢蔓草。休做牆花。覷路柳。嘲。〔小旦攜淨手介小旦〕直任你翠被鴛衾。鸞顛鳳倒。〔將

下丑扮童子提酒上〕流霞分片片。消酒就徐傾。有人在麼。〔淨小旦驚轉身介丑〕你們媽媽叫我先拿這酒來。〔小旦〕這等放在這裏。你自去罷。〔丑看淨笑介丑〕客至從噴不出迎。〔下小旦向淨〕

今宵貫酒與君傾。〔淨攬小旦下〕

〔蠻牌令〕〔老旦上〕繡戶靜。畫簾飄。〔聽介〕房櫳閉。語聲嬌。三郎你崑崙誰赤緊向

郭府盜紅綃。〔淨〕忙整着衣裳顛倒。〔小旦〕忙整着釵髻蕭騷。〔小旦〕母親。你來多少

時候了。〔老旦〕已是來好一會。〔向淨介〕三郎也勾你了。請坐。〔淨小旦老旦坐飲介合〕鴛鴦侶。

鸞鳳交。這情蹤一時不覺逍遙。〔丑上〕密垂珠箔畫沈沈。兩兩鴛鴦護水紋。〔入見介淨背

介〕怎麼又撞着他。〔丑〕張押司。你說不得工夫。怎麼到在這裏。〔淨〕我因媽媽說宋押司要見我。

特地來的。〔丑〕老身說宋押司在我茶坊裏。不會說在閻媽媽宅上。〔淨〕這等是我差聽了。〔老旦〕

你們不要閒講。且坐了喫酒。〔丑〕滿堂僧不厭。一個俗人多。我自去了罷。〔老旦〕王媽媽。你說那裏

話。〔坐介〕

〔五般宜〕〔老旦〕偶相顧潘安車儼然草茅。適相左東方千騎悵然寂寥。聊把

這雞黍范張邀。〔丑〕只是老身在此不方便哩。〔老旦〕謾說是男女雜坐。共相傾倒。〔丑〕

這掩耳偷鈴堪笑。早露尾藏頭空巧。〔向小旦介〕這本等不該老身管的。只是老身既曾作

伐。不得不說。你須念他是今日英豪。謾將他帷簿擾。〔小旦怒介〕王媽媽。你怎見得我帷簿不修。說出這等話來。〔衆起介〕

〔江頭送別〕〔小旦〕聽伊語。聽伊語。心煩意惱。將奴做。將奴做。倚門獻笑。吾自愛吾連城寶。何必你舌鼓唇搖。〔丑〕這等老身多嘴了。就此告別罷。〔淨〕我也要去了。酒逢

知己千鍾少。〔丑〕話不投機半句多。老身不得陪押司同行。要往那一邊去哩。〔分下淨轉身小旦

招介〕

〔江神子〕〔淨〕轉身望綺寮。只見他笑臉相招。〔淨攜小旦手介〕香風拂拂鮫綃。

從容攜手欲魂消。〔老旦〕三郎適纔也勾了你了。你還要通宵。咦。你好受用的是珠圍翠繞。銀

漢星回一道通。青鸞飛入合歡宮。〔下丑〕有冤報冤。有仇報仇。那閻婆息分明看上了張三。到在我

跟前假狠。把我搶白了一場。我故此假意兒說要往那一路去。放張三一條門路。待他進去時節。我好捉他一個破綻。只得在此伺候則個。〔內作狗叫老旦提燈上〕往往雞鳴巖下月。時時犬吠洞中

春。甚麼人在此。狗這等叫得緊。〔開門照見丑介〕呀。王媽媽。你爲何在此。我曉得你了。你見我女兒

搶白了你。你在此要捉他的破綻。媽媽到進去搜一搜。放心回去罷。〔丑〕我那有這等的心。不覺羣心妬。休牽衆眼驚。〔下淨小旦上〕碧霄何路得相從。紫鳳啣花出禁中。呀。媽媽怎麼還不睡。〔老旦〕幾乎做出來。那王媽媽還在門前等你哩。幸得狗叫。被我出來撞破了。他方纔去的哩。〔淨〕有這等的事。

〔尾聲〕〔老旦〕他潛蹤祕跡眠芳草。喜犬吠籬邊相擾。三郎。你這遭來。到要謹慎些兒。須防他一縷柔腸恨未消。

〔小旦〕羨爾優游正少年。

〔淨〕謝娥行處落金鈿。

〔老旦〕情多最恨花無語。

〔合〕忍委芳心與暮蟬。

### 第二十二齣 閨晤

〔三疊引〕〔旦上〕朦朧早起芙蓉帳。籠裏家雞初放。夫婿滯花封。徙倚妝樓竚望。〔搗練子〕明月下。白雲天。何處風光不眼前。遙爲晚花吟白菊。近炊香稻識紅蓮。奴家宋公明之妻。

兒夫一向執役縣中。近則浹旬。遠幾一月。纔到家中料理一番。不憂我枕冷衾寒。只愁他形單影隻。

好生放心不下哩。

〔犯胡兵〕蛾眉淡掃思張敞。情憐樂羊。縱然有婦糟糠。雞鳴成夢想。齊眉成孟浪。那曾教夫壻覓封侯。倚門凝望。〔丑上〕一飯之德不忘。睚眦之怨必報。老身受了宋公明之恩。既不敢忘他。受了閻婆息之氣。又思量報他。不免到他大娘子面前。講些是非。叫他大娘子移。那閻婆息到了家裏來。那閻媽媽不得賣俏了。那張三郎也不得行姦了。有何不可。〔見介旦〕王媽媽。一向不見你來了。你今日爲何到我舍下來。〔丑〕老身因押司娶了個偏房。實不瞞大娘子說。是老身作伐的。恐怕大娘子見怪。故此不敢來相見。〔旦〕這個何妨。我們官人獨處在外邊。正該尋個人兒伏事他。

〔前腔〕他功曹暇日權僂傍。悠悠徜徉。綠衣黃裳何妨。只怕野鴛生妄想。管取小星光自朗。定不教江汜歎相拋。終身缺望。〔丑背介〕我到要來講些是非。誰想他一味的。好。叫我說不進去。也罷。待我到押司面前說個明白。叫他不要睬他便是。〔轉介〕就此告別。〔旦〕你難得來的。在裏面喫了飯去。〔丑〕多謝。

〔丑〕已共江塵跡漸疎。

〔旦〕風塵滿院稱幽居。

〔合〕秋光何處堪消遣。

閒看江雲思有餘。

## 第二十三齣 感憤

〔駐馬聽〕〔雜便服上〕遠到鄆城。敢置郵筒浮與沈。自家梁山泊小嘍囉。奉晁寨主的命。

送書與禮到宋公明處。說謝他前日恩德的。報書神鵠。酬印靈龜。一飯千金。寨主叫我在縣前茶坊內尋宋公明。你看遠遠望見那茶坊了。遙瞻青帘漾風輕。行行步履茶坊近。

### 雙魚寄公明。尋蹤訪跡到衡門。

〔前腔〕〔生上〕緩步西鄰。白眼看他世上人。〔雜見介〕相公不是宋公明麼。〔生〕小生便是。

〔雜附生耳介〕晁蓋有書拜上相公。〔生〕我正在此念他。望風懷想。引領臨歧。〔雜遞書生

看書介生〕喜接鴻鱗。保正好麼。〔雜〕梁山協力迸王倫。揭竿高處星河近。因此差

小嘍囉送這金子來。瓊瑤報聊伸。迢迢一介到衡門。〔生〕這裏不是說話的所在。我與你

到那邊酒肆裏去。衡陽歸雁幾封書。〔雜〕欲報瓊瑤愧不如。〔下〕

〔思園春〕〔老旦上〕張敞無端滯此身。畫眉契闊已經旬。宋公明一向不到我家裏來。

多分是王媽媽講了些是非。我如今特地尋他歸去。各處尋不見他。只得在此等他一等。〔生上〕

天外故人飛信。意氣死生親。〔見介老旦〕呀。宋相公。你爲甚麼一向不到家裏來。我那裏尋你

不到。不想你到在這裏閒走。今日相看眼倍青。應憐繡榻滿埃塵。我的女孩兒好不思

量你哩。〔生冷笑介老旦〕我如今一定要與你同到家裏去。〔生〕那裏有這等閒工夫。今日縣中呵。

〔粉孩兒〕匆匆的案如山。旁午甚。怎偷閒頃刻晏然安寢。〔老旦〕相公說那裏話。齊

眉舉案岑寂深。倚紗窗望眼含顰。〔生背介〕且哄這婆子去再處。〔轉介〕這等媽媽你請先

行。我到公廨去完了些事就來。〔老旦〕押司。老身若不與你同行。你一定又不來了。〔扯生介〕一定

要你去。促芳塵蚤趁膏車。憐閃得鴛瓦霜冷。〔行到介生作坐介老旦〕我的兒。你心上

的三郎在此。快些出來。〔小旦內應介〕母親。你問他爲何這一向不來。與我先打他幾個耳光。待我

再細細的問他。

〔馬福郎〕〔小旦上〕你閃得霜闌倩誰顧問。負芙蓉香。傍鴛鴦暝。眞薄倖。〔見生轉



身介〕 啐。我只道是張三郎。原來是這個厭物。你看他言無味。面堪憎。我藕已斷絲縈。他纏綿似葛牽藤。〔小旦不肯出生不肯進介老旦〕 宋三郎不來。你又時刻念他。他來時你又怕羞。怎麼。又附小旦耳介〕 我的兒。一家的身衣口食。都要在他身上。我特去尋他來的。你也留些情兒。與他纔是。〔小旦〕 我好不耐煩。〔老旦向生〕 相公。只是男子下氣與女娘纔是。他見你一向不來了。他怎肯下氣與你。〔扯生介〕 還是你進去。〔生進坐小旦向西泣生向東介〕

〔紅芍藥〕 〔老旦〕 我的兒。你收拾了此際檀痕。還須念舊日鴛盟。〔背向小旦介〕 你把嘴弄虛脾。賣些甜淨。眼乜斜遞些風影。〔轉介〕 你們兩個怎麼一個向東。一個向西。悠悠渾似陌路人。相公。這也怪我女孩兒不得。你看他沒來由。腰同瘦沈。也祇因夢斷梨雲。你們兩個進去睡罷。〔扯小旦生進房坐介〕 好兩兩鴛鴦睡穩。〔老旦附小旦耳介〕 你還是依我說。枕蓆上留些情兒與他。我自到房裏去哩。莫怪追歡笑語頻。情深應不厭家貧。〔下小旦生分坐不語生伸腰介〕

〔耍孩兒〕 〔生〕 倦體欠伸渾欲暝。自覺無聊甚。聽簾外秋漏沈沈。寒燈。一任你

背地空挑盡。我夢蝴蝶栩栩莊周寢。那顧得閒愁悶。〔生作掛釧文袋睡介小旦起背

覷生介

〔會河陽〕〔小旦〕對面無緣。撫心自矜。陰蟲切切不堪聞。短檠照我寒衾。與黯  
然淚痕。偏不照情郎影。似含桃顆顆我心頭滾。似吞刀寸寸我心頭刃。〔內作雞

鳴生醒介

你聽雞鳴了。不免起身到縣中去罷。氣衰甘少寐。心弱恨多愁。〔忘取釧文袋下小

旦〕你看那厭物去了。不免收拾睡罷。〔把燈照見釧文袋介〕這是那厭物的。〔丟介〕哎。你聽裏面

甚麼響。〔取看介〕阿呀。到有許多金子在裏面。這是文卷。這是大與他的書了。待我看。〔看介〕阿呀。

這是梁山泊上賊頭的書。好了好了。他若嘴狠。待我拿將出來。不怕他不軟哩。我與他開交的機會。

都在這書上了。

〔縷縷金〕〔笑介〕甘唾井。恨無因。拾遺非祇幸得兼金。他黨結梁山泊。反形足證。

想天教籠鳥翻凌雲。把銀瓶落梧井。〔作睡介〕

〔越恁好〕〔生急上〕楚弓遺影。楚弓遺影。慮禍甚關心。我起身得急了。把釧文袋遺失在

房內那金子到也不打緊。晁保正與我那封書。怎麼洩漏得的。只得轉來拿了去。〔進房尋不見搖小旦小旦做不醒又搖小旦醒介生〕我有個釧文袋。你見在那裏。還了我罷。〔小旦〕你那一隻手交與我。到來問我討還。〔生〕難道壁沈江漢無憑准。好返鎬池君。〔小旦〕在到在我身邊。你做人狠得緊。我要留在此做橈柄的。沒得還你。〔生〕甚麼橈柄。不過五十兩金子在裏面。你要就送了。你黃金閃爍堪獻芹。贈遺何吝。〔小旦〕難道只有金子在裏面。我今日要與你討個了當。省得明日做出謀反大逆的事來。連累着我母子。你好好寫一紙休書與我。〔生〕這個何難。我就寫。〔生寫介小旦〕中間要寫說。任憑改嫁張三。〔生〕哦。這等王媽媽說是真的了。我就寫這一句。〔寫完付小旦介生〕你如今好還我了。〔小旦〕我決沒得還你的。〔生奪得袋中刀介〕你看我有刀。不怕你不還我。〔小旦〕我不還。難道殺了我不成。〔生〕手兒內光閃閃鋒難近。心兒內氣憤憤情難忍。〔小旦〕四鄰八舍。宋江通了梁山泊。思量謀反。到要殺妻子哩。〔生〕這等可惡。〔刺小旦倒在桌上介生〕你看他已死了。待我把釧文袋掛在身邊。把被兒來覆了這屍骸。與閻媽媽說一聲兒去罷。

〔紅繡鞋〕一朝血濺紅裙。紅裙一時粉碎青萍。青萍把骸骨覆羅衾。把魚雁袋  
釧文。閻媽媽。你的女兒被我殺了。我如今自出門去哩。把蠟履出柴門。〔老旦上〕自不整衣毛。何  
須夜夜號。公明爲何要去得這般緊。〔入見小旦死哭扯住生介〕我的女孩兒原不好。你該殺他的。  
只是你要養我的老便好。〔生〕這個何難。〔老旦〕只是他與公明做了一場夫妻。買口好些的棺木  
盛了他。也見你平日的情。〔生〕這個使得。〔老旦〕這等老身與公明同去。

〔尾雙聲〕〔老旦〕今朝相弔。憐形影。誰伴桑榆悲晚景。〔攜小旦下〕老旦同行介老  
旦。陌上愁看淚滿巾。〔生〕管教你春草秋風老此身。

星河無夢夜悠悠。

惱亂司空犯斗牛。

人世幾回傷往事。

他生未卜此生休。

## 第二十四齣 鼠牙

〔碧牡丹〕〔丑上〕茶肆邀冠蓋。傍市開。底事關心處。延頸待。因何聒耳。噪簷前  
鴉可怪。老身前日因閻婆息搶白了我。我在宋公明跟前說了他些勾當。宋公明竟一向不到他家。

裏去。昨日那閻媽媽親來拉他到家裏。不知怎麼樣了。待宋公明到來。便知端的。

〔大齋郎〕〔老旦扯生袖上〕向長街步難捱。〔丑見介〕呀。你們爲何做這個模樣。〔老旦〕他把

我的女兒殺了。一時紅粉痛塵埋。哎。相公公。啣恩非是奴心改。伸冤共你赴天

臺。〔老旦〕我實對你說。適纔孤身獨己。恐怕你走了。故此只說要你買口棺木盛他。如今到在縣前。我

與你同去見縣主老爺。人命關天。料不怕你怎的。〔丑〕這等待我做干證。我扯住他在這裏。你去叫

屈就是。〔老旦放生介丑〕此時不走。更待何時。〔生〕鯨魚脫卻金鈎釣。擺尾搖頭定不回。〔奔下老

旦扯丑叫屈介淨上〕從此時時春夢裏。一生遺恨係心腸。〔見介淨〕閻媽媽。你們爲甚麼在此叫

屈。〔老旦〕張三相公。老身正要見你。那宋江昨夜竟把我的女兒殺了。〔淨驚介老旦〕我正結他到

縣來。這王媽媽竟把他放走了。〔淨〕有這的異事。

〔碧牡丹〕聞訃堪驚駭。淚滿腮。哎。宋江宋江。親手將人刃。三尺在。閻媽媽。不怕他走到

天上去。待我與你拿狀紙進去稟縣主老爺。看王媽媽身上要宋江便是。管教勾治。王媽媽。禍

臨頭伊莫怪。〔淨〕閻媽媽。你不消進來得。待我與你拿進去。就差人去拿。便是。怒從心上起。惡向膽

邊生〔虛下老旦〕王媽媽。你也忒抱富欺貧。〔丑〕閻媽媽。你也忒忘恩負義。〔老旦〕他殺人償命。王法難逃。〔丑〕你欠債還錢。人心難昧。〔老旦〕宋公明怎對得過堂堂縣令。〔丑〕張三郎怎欺得過湛湛青天。〔老旦〕你如今沒了這尷尬凶人。開不成茶肆。〔丑〕你如今死了那烟花潑賤。做不得搗兒。〔老旦〕我自有冤報冤。于你何與。〔丑〕我也以德報德。替他解交。〔老旦〕你叫化不得。開這茶坊趁食。〔丑〕你打劫不來。叫這女兒騙人。〔老旦〕你一盃濁水。賺人幾貫青蚨。〔丑〕你兩片精皮。拐人無窮白鏹。〔打介淨同雜上〕一朝權在手。便把令來行。你們不要爭。不要爭。〔老旦丑住介淨〕公差出了。我們就要他到宋江家裏緝拿便是。〔雜〕曉得。

〔大齋郎〕〔合〕奉官差。稟鈞牌。追逋頃刻疾如雷。臨歧若少相延捱。株連親黨到天臺。

〔丑〕漢陽窮鳥客。

梁甫臥龍才。

〔淨〕逋竄誠負累。

迷津遽易回。

## 第二十五齣 分飛

〔一翦梅〕〔生急上〕一時殺氣貫長虹。纔離孤鴻。又逐飛鴻。〔作到家介〕娘子在那裏。

〔旦上〕飛揚跋扈爲誰雄。適駭匆匆。試問匆匆。相公。你爲甚麼慌慌張張的走將回來。

〔生〕我新娶的那閻婆息。今早留住了我的釧文袋。不肯還我。一時怒發。把他竟自殺死了。那閻婆結我到縣中去。幸得王媽媽計賺。使我脫逃回來。

〔柳南枝〕〔香柳娘〕憤鴛闈背風。憤鴛闈背風。胸填洶洶。劍光落處紅顏送。那閻

婆泣桑榆影窮。泣桑榆影窮。膝下霎時空。公庭丞相控。〔瑣南枝〕我幸脫手趁

轉蓬。怕追亡逐飛鞚。〔旦〕相公。這等怎麼樣好。依奴家說起來。只該及早走到他鄉外郡去住幾時。這官府裏。相公有的是銀子。待奴家上下使用。事平之後。回來也未爲遲。

〔柳交枝〕〔香柳娘〕歎蕭牆禍逢。歎蕭牆禍逢。勢難輕縱。天涯飛把東華控。料錢神可通。料錢神可通。公府好朦朧。私仇枉控僇。〔玉交枝〕莫遲疑守株待窮。好驅馳乘時御風。〔生〕娘子。走到要走。只怕連累娘子。

〔玉嬌娘〕〔玉交枝〕我關河縈夢。離家園飄搖斷蓬。忍看掩泣牽衣送。教人心折

臨風你錦瑟無弦賦落鴻。我玉籠不鎖乘飛鳳。〔香柳娘〕〔合〕痛風波乍逢。痛風波  
乍逢。話別情濃。分飛淚湧。

〔園林柳〕〔園林好〕〔旦〕向天涯冥鴻遠空。好隨機青鸞數通。免使我做泣麟悲

鳳。〔雜上〕懼法朝朝樂。欺公日日憂。我們奉縣主之命。爲宋押司殺了閻婆息。特來拿他的。此間已是

他門首。你看那門兒閉上在此。不免打門則個。〔敲門介〕〔香柳娘〕〔旦〕叩雙環遽匆。叩雙

環遽匆。怕縲綆相叢。把縲囊偷縱。〔生〕這等我與你只得分別了。〔旦〕相公。你打從後門走

了罷。〔生〕雙手劈開生死路。一身跳出是非門。〔下雜又作敲門旦開門見介〕公差何來。〔雜〕本縣

因押司殺了閻婆息。特差我們來拿他的。〔旦〕不會回來。

〔劉潑帽〕〔雜〕二章法約無私縱。奉官符覓跡尋蹤。他若躲在家裏。叫他出來。這是躲

不過的。鬼藏三窟成何用。莫朦朧。他若不出來。要連累你哩。城門火池魚驚恐。〔旦〕

公差。你是曉得他的。他從來四海爲家。何況今日。到走在家裏來不成。他一向呵。

〔秋夜月〕氣概雄。論交四海芳名重。魏齊應有平原擁。就不然的時節。他做喪家



之狗天涯哄。強似游魚就釜底。任區區擒縱。公差請坐。待奴家拿幾貫青蚨送你們罷。

〔東甌令〕〔淨上〕乘機會使牢籠。蕭何成敗笑談中。我張三郎財色上安命的。閻婆息在

日。我愛他的色。如今死了。真個與宋公明有甚麼不共之仇不成。不免乘機去賺他的銀子。用用。卻

不是好。〔進見介〕尊嫂認得小生麼。〔日〕你是張押司。與我相公同廊。怎麼不認得。〔淨背介〕他

嬌柔旖旎雲鬟擁。我張三郎偷香竊玉的心又動了。再把風月機關用。〔轉介〕尊嫂。我與宋

公明呵。同寅交誼久相從。忍使你今日泣途窮。〔淨〕凡事有我在此。我坐在你家裏。他們

自然不敢來鬧吵哩。〔日〕如今這二位怎麼樣打發去。〔淨向雜介〕宋押司實落不在家裏。你們且

去着。差使錢明日我到縣同你們回官的時節打發你們。〔雜應介〕正是好放手時須放手。得饒人

處且饒人。〔下旦謝淨介〕押司。我

〔金蓮子〕歎熒熒多君惠顧邀靈寵。鼠牙雀角甚縱橫。全仗你力周旋。這死生

肉骨感何窮。〔淨〕這個小生怎敢辭勞。凡事都在我身上。

〔尾聲〕我虛脾敢向相知弄。管及早彌縫終訟。〔背介〕我早見他心有靈犀一點通。

〔旦〕雖言千騎上頭居。

一世生離恨有餘。

〔淨〕葉下倚窗銀燭冷。

茂陵秋雨病相如。

## 第二十六齣 召鬘

〔緜山月〕〔生上〕忠信涉波濤。行矣莫徒勞。似孤雲無定鶴辭巢。盼梁山在望。

鄉關在念。轉自牢騷。〔西江月〕照野瀾瀾淺浪。橫空暖暖微霄。障泥未解玉驄驕。東風淚零多少。

可惜一溪明月。莫教踏碎瓊瑤。解鞍欹枕綠楊橋。杜宇數聲春曉。我自殺了閻婆息。別了妻子。水宿風餐。披星戴月。一路行來。再沒安身所在。記得去年有個戴宗。曾到鄆城來。與我爲八拜之交。且到那裏去看。若是不能容身。只索要到梁山泊去哩。

〔普天樂〕離家來雲山遠。回首處松榆邈。望雲端怨氣成虹。按刀頭血痕猶繞。猛可的追想到。那好姻緣。到把冤家造。閃得人水遠山遙。拚得箇雲深霧杳。憶交情使人夢役魂勞。〔副淨扮戴宗上〕越絕孤城萬里重。相逢之處草茸茸。〔見生介副淨〕呀。公

明爲何獨自一個。到那裏去。〔生〕小弟只爲一口氣殺死了新娶的偏房閻婆息。如今縣中差人拿

我。我只得逃走出來。要尋一個安身去處。〔副淨〕小弟這裏那蔡九知府甚是利害。不可安身。怎麼樣好。如今且到潯陽酒樓中飲幾盃。以敘闊懷。何如。〔入店介丑扮酒保上〕店如星布。味不雷同。

〔見介〕原來是戴院長。〔副淨〕拿酒來。〔丑擺生副淨坐介丑下〕

〔雁過聲〕〔副淨〕連朝紫氣繚繞。欣逢着天涯故交。小弟自昔年別後。風塵荏苒。音書杳。念空懸。夢徒勞。幸喬裝遠棹。河潮真天緣。轉巧。〔生歎介副淨〕開懷敘闊。相傾倒。怕此去你行藏難預料。

〔傾盃序〕〔生〕波濤起繡闈。湧絳綃。遼海遠投早帽。〔副淨〕那閻婆息爲甚麼事便激起兄長的怒來。〔生〕其時梁山泊晁保正寄小弟一書。那閻婆息拿了小弟的不肯還。小弟故此殺他的。爲雲牋一幅。齊餽多金。嗔他堅執。激我焦燥。把紅顏一命。青萍三尺。霎時顛倒。因此學當年避秦。行李逐蓬飄。

〔玉芙蓉〕〔副淨〕交情托寶刀。濁酒供談笑。歎馬周寥落。張儉飄飄。便縑囊不惜。居傭保。複壁無緣慰寂寥。〔生〕小弟要趕路行走。酒不喫了。〔副淨〕憐松紹。再盃傾幾

瓢。謾催程。我心懸旆正搖搖。盃盤狼藉。待小弟再到街上去買些下酒的物事來。正是有客無酒。有酒無餽。〔下生作醉介〕哎。

〔雁來紅〕我雄心耗。恨怎消。醉顏酡。氣更豪。偷從牖下。徒然老。腐朽同枯草。說甚麼雕鶚乘秋奮九霄。胸襟傲。托凌雲彩毫。寫生平。攄懷抱。且喜有筆硯在此。把

我一腔的心事。做首絕句題在這壁上。〔生題雜隨上向生背看寫介生〕心在山東身在吳。飄

蓬江海謾嗟呀。他時得遂凌雲志。肯笑黃巢不丈夫。鄆城宋江作。〔閣筆睡介雜〕有這等的事。不免

去報與蔡九知府得知。拿他到京請功則個。朝野歡娛後。乾坤醉眼中。〔雜下副淨上〕海內存知己。

天涯若比鄰。阿呀。宋公明醉倒在這裏了。〔叫生醒介副淨〕公明。天色已晚。前路去不及了。就在這

江樓上借宿了。明日起身罷。只是小弟今晚輪該府中上宿。不得相陪。明早來奉送。如今我們且喫

酒。

〔朱奴兒〕喜不盡樽中濁醪。更相侑盤內羊羔。燈火熒煌。醉客豪。拚黃公酒壚共倒。〔生〕小弟明日雞鳴就要起身哩。清宵杳。沈沈漏高。暫託宿。聽雞報。

燕趙悲歌士。

相逢劇孟家。

寸心言不盡。

前路日將斜。

## 第二十七齣 博執

〔接雲鶴〕〔末冠帶乘隨上〕么魔小醜甚狂狷。反詩題罷震江陽。下官蔡九知府。昨晚

已退堂就寢了。那無爲軍黃通判來報宋江題反詩一事。終夜徬徨不寧。差人拿他去了。想必就到

看那廝見了我怎麼樣說。〔雜綁生上雜〕瓮中捉蟹。手到奉承。〔生背介〕我醉後題了反詩。如今無

以解釋。只得妝做失心瘋的罷。〔轉介〕天黑黑。地黃黃。休笑我肆猖狂。〔雜〕稟老爺。宋江當面。〔生

做不跪介末〕你是宋江麼。如何不跪。〔生〕阿呀。不好了。天翻地覆了。〔雜〕稟老爺。是瘋子。〔生作

瘋顛介〕

〔一盆花〕〔生〕可惜乾坤浩蕩。看天翻地覆。你看這許多牛馬。〔笑介〕牛馬冠裳。你看

那邊龍起哩。今朝龍戰血玄黃。〔生走雜攔生介生〕玉皇下降來請我。我要去。看此際玉

皇下降。鑒別忠良。任吾主張。任吾放曠。你看好一條大白蛇。等我去斬了他。恁道是劉

季當年。斬蛇無狀。〔末〕這個瘋是他無以解釋。假意妝的。不要信他。我對你說。

〔前腔〕今日昇平景象。看民安市井。武偃疆場。更師師濟濟盡忠良。〔生作嘔介〕

〔生〕你看那個是甚東西。〔末〕歎無知魍魎。罪犯無將。怎不審詳。怎不忖量。〔生作

顛介末〕到今日假肆佯狂。難彌反狀。〔末〕也罷。且把他監在牢裏去。〔雜應押生介〕天

有不測風雲。人有旦夕禍福。〔下末〕戴宗那裏。〔副淨上〕堂上一呼。階下百諾。稟老爺。有何分付。

〔末〕我這一封書。你與我到太師爺府中去投下。不可有誤。〔副淨應介末〕朝來有鄉信。將寄萬里

親。〔末下副淨弔場〕這事怎麼了。宋公明昨日說與梁山泊往來。如今不免先到監裏去。分付衆人。

好好看他。只得就此到梁山泊去求救便了。

〔油核桃〕驀地裏教人魂喪。到此際救援誰仗。挾郵筒潛向梁山往。乞他們引

手相匡。

何處問京華。

悠悠水路賒。

此情不可說。

愁結亂如麻。

第二十八齣 黨援

〔玉女步瑞雲〕〔外戎裝衆隨上〕結黨梁山。行道替天佐漢。〔瑞雲濃〕看建幟忠義

堂前。馬掛征鞍將掛袍。柳梢枝上月兒高。男兒未掛封侯印。腰下常懸帶血刀。俺晁蓋自從投奔梁

山。仗衆兄弟推戴。小嘍囉贊襄。義氣日深。軍容日壯。比王倫當日氣象。自是不同了。只是宋公明處。那日遣人通問之後。一向音信杳然。這也不在話下。山寨中招賢納士。凡有來投奔的即便報。

〔前腔〕〔副淨急上〕爲救金蘭。奔走直如飛電。取道到忠義堂前。〔副淨回雜介〕我要

見寨主的。可通報一聲。〔雜引進見外坐介副淨〕小可戴宗。非爲別事而來。爲宋公明見禁潯陽。危在旦夕。特來求救。〔外驚介〕有這等的事。快請軍師。〔小生上〕坐謀資廟略。飛檄佇文雄。〔見介外〕

宋公明有難。這位就是人傳說的神行太保戴兄。特來求救。〔小生〕戴兄。你且說那顛末與小可的聽。〔副淨〕公明爲衆好漢的書信。殺了閻婆息。逃難到潯陽。小可途次相值。就留在酒樓上坐一坐。

那日晚了。借宿酒樓。宋公明醉後。題下反詩一首在壁上。有個黃通判報與蔡九知府得知。立時把宋公明拿去監禁。如今特差小可到京中去報信。此事非衆好漢不能救他。如今計將安出。小可那

日與宋公明呵。

〔獅子序〕相逢在岐路間。向鑪頭盤桓息肩。他糊塗一時。倏起波瀾。可惜他生死在轉盼。特懇你念交情。賜提攜。救迤邐。同心金斷。難道。忽然不顧。袖手旁觀。

〔小生〕這等那蔡九知府有書到京去麼。〔副淨出書介〕書有一封與他太師的。只不知怎麼樣寫哩。〔小生接書開看介小生〕他書上寫說反賊宋江。題反詩在潯陽江酒樓。已被擒拿。罪當取決。或解京。或就本處棄市。悉憑尊裁。這就有計了。竟假起蔡京回書。叫他解到京來。少不得路由梁山泊過。那時我們劫了上山。如同反掌哩。〔副淨〕只是筆跡不同。怎麼樣好。〔小生〕如今蘇黃米蔡四家的字盛行于世。何難套寫的。〔外〕妙計妙計。

〔太平歌〕乘機變。賴有此瑤函。那呼吸存亡懸寸緘。〔小生寫介〕把霞箋委曲行方便。喜點畫肖處。渾無辨。〔合〕若得檻車促械。就間關籠鳥管狔天。〔小生付副淨

書介副淨〕小可就此告別。從空伸出拿雲手。救取天羅地網人。〔急下小生〕阿呀。這事不好了。倉卒之間。不及檢點。竟用了蔡京名字的圖書。萬一識破了時節。不但宋公明不能救取。連那戴宗也



不免哩。〔外〕快追他轉來便是。〔小生〕他的行走。那個追得上的。

〔賞宮花〕恨謀疎萬全。憶圖書覺惘然。敗露難胡掩。林木禍相延。他捷足飄飄如攝電。追蹤不逮便還轅。〔外〕這等怎麼樣區處纔好。〔小生〕這也不難。我們起了大隊人馬。

到潯陽江口探聽消息。萬一事有不虞。臨時殺入城去。救他便了。〔外〕這等明日就起程罷。

〔大聖樂〕〔小生〕計疎虞多費周旋。到頭來終須離阱陷。只是先打發個人去探信纔好。乘機伺釁潛相探。庶先發制人便。若不是彫戈橫處驚雞犬。怎能勾金鎖開來縱鳳鸞。還有一件。宋公明宅眷必受窘迫。也須着兄弟們請了來。多方展轉。須信道流離瑣尾鰥曠堪念。〔外〕這等先打發一個健卒往潯陽探聽。打發一位女頭領。同幾個兄弟們。帶領一枝花人馬。到宋家莊上。乘夜打到他家裏。搶了宋家嫂嫂上馬前來。一路上與他說個明白便是。

故人別後阻行舟。

運去英雄不自由。

此日六軍同駐馬。

無人解道取涼州。

第二十九齣 計逃

〔玉井蓮〕〔旦上〕悶掩流蘇。鎮日懨懨獨坐。悲莫悲兮生別離。怨遊子兮悵忘歸。路迢遙兮今焉薄。不得見兮心傷悲。奴家宋公明之妻孟氏。自丈夫偶罹風波。倏馳道路。鼠牙之胎未杜。馬首之塵難還。叫我情隨歸雁。悲托啼鶯。如何是好。況兼那張三郎在此。雖然爲我周旋衙門中的事情。只是此人常以言語來調笑奴家。奴家縱不睬他。終屬嫌疑。且喜事已稍稍平安。只不知我丈夫下落。如何是好。

〔風入園林〕〔風入松〕天涯游子逐鳴珂。深閨夢繞關河。我不爲啼殘夜月悲鸚鵡。〔園林好〕怕不遇趙平原魏齊難躲。懸望處鎖愁蛾。懸望處鎖愁蛾。〔旦虛下雜扮

小校上〕獵獵旌旗背晚風。身騎白馬萬人中。我們是梁山泊內的嘍囉。奉晁天王之命。來取宋公明宅眷。叫我們不要打話。搶了就走。早已來到鄆城。只是日間不好動手。待更深時分。再作區處。正是計就月中擒玉兔。謀成日裏捉金烏。〔下〕

〔月上園林〕〔月上海棠〕〔淨上〕窺青瑣。鰥魚渴鳳無如我。奈霎時中熱。驀地偷過。小生一向有意于宋家娘子。不曾遇着個便兒。今夜待我闖入他內室去。〔旦上相見介〕呀。張押

司。這是奴家內室。若有甚麼事。請在外邊坐了。待奴家出來商議便是。〔淨〕小生乘此月色。信步到此。不知是尊嫂內室。這是誤入桃源了。對明月忍把良宵輕錯。因乘興遇嬌娥。因乘興遇嬌娥。〔旦〕張押司。這等瓜田不納履。李下不整冠。嫌疑之際。請出去罷。〔淨〕這樣同尊嫂到庭中去。去看一看月如何。〔旦〕張押司。你這樣還不知奴家的心事哩。〔淨笑介〕小生難道不是尊嫂的知心人兒。

〔風入園林〕〔旦〕我幽居深自鎖烟蘿。誰憐心事蹉跎。〔淨〕尊嫂心事。小生極能見憐。〔旦〕悠悠對景傷遲暮。更夙夜畏行多露。任明月徹銀河。任明月徹銀河。〔淨〕尊嫂雖是這等說。只是小生多蒙尊嫂厚情。今夜多喫了幾盃酒。便覺興高起來。〔旦〕奴家那裏知道你甚麼興。〔淨〕尊嫂問小生的興麼。

〔月上園林〕真心吐。我怕你把無情歲月空閒過。待勸你學東鄰窺玉。卓氏當壚。〔旦怒介〕哇。你怎麼就說這樣言語來唐突我。〔淨笑介〕是小生唐突。望乞尊嫂恕罪。只是小生爲尊嫂計呵。枉自把年華擔誤。看牛女會明河。看牛女會明河。〔旦〕張押司。休得如此。

無理請出去罷。〔淨笑介〕自古道既來之則安之。我不出去了。

〔風入園林〕〔旦〕狂且浪自起風波。我柏舟自矢無他。白茅包鬻成孤負。〔淨〕孤

負了小生的情不放鬆。只怕孤負了尊嫂的青春。〔旦〕語無忌令人嗔怒。〔淨〕你若是這等

執拗。我明日就去鄆城縣裏去說。叫差人來拿你。〔旦〕便百折不能磨。便百折不能磨。

〔雜急上〕劍吐浮雲氣。弓彎明月輝。我們早已乘着月色。潛入城來。已到宋公明門首。不免徑入。

〔闖入搶旦下介淨〕有這等事。我在此千言萬語。騙不得上手。到被幾個強人搶了就走。可笑可笑。

〔月上園林〕徘徊顧。陡然驚遍風流禍。問崑崙何在。掩取嬌娥。我手足茫然失

措。宋娘子。宋娘子。你到今日。難道也說心匪石不能磨。心匪石不能磨。

南隨飛鳥北燕鴻。身似流星跡似蓬。

我無限心中不平事。一宵清話又成空。

### 第三十齣 敗露

〔劍器令〕〔末冠帶衆隨上〕參破這根由。果然是落他機彀。且仔細將伊追究。怎

能胡掩亂搗。莫信直中術。須防人不仁。下官蔡九知府。爲宋江題了反詩。差戴宗到京。請問個下落。他昨日回來。書中叫說解至京師。下官到也不及詳察。那黃通判看了。便知道是假的。他說父親與兒子的書。豈有用名字圖書的理。這也說得是。待我喚戴宗來。問他我府中詳悉。便知真假了。戴宗那裏。〔副淨上〕早知今日。悔不當初。〔見介末〕我且問你。你到我府中。何人見你。我太師爺對你怎麼樣說。〔副淨背介〕這遭做出來了。〔轉介〕稟老爺。小人到的時節。太師爺在朝中議事。不在府裏。小人因此上

〔八聲甘州〕侯門伺久。會參謀政務。齊集公侯。臨岐道路。匆匆簇擁鳴騶。其時天色已晚了。小人連太師爺的尊顏。到也不會看得明白。朦朧莫辨黃昏候。倉卒相將錦字投。〔末〕這等太師爺親自收你的。〔副淨〕不是。代收。歎芝字親炙無由。〔末〕收你書的是

怎麼樣一個人。〔副淨〕是一位齊齊整整的管家。〔末〕我太師爺府中止托那一個老蒼頭出入。你只是這一句話兒就做出來了。〔副淨〕或者是老年紀的。也不可知。只是黃昏時節。小的看不明白。

〔末怒介〕哇。

〔前腔〕胡搦言詞虛謬。你東遮西掩。蓋尾藏頭。我日常間怎麼樣看待你。你到來賺我。

可惡可惡。我腹心相視提攜久。誰料手足無憑蹤跡浮。可尤。一任你詭託無由。

〔末〕左右與我着實打。〔雜打副淨介副淨〕老爺如今怎麼見得書是假的。〔末〕奴才。難道父親與

孩兒的書。用個名字圖書不成。〔副淨〕老爺若是假的。難道這一件不曉得。決然不假。太師爺的名

字了。惟其是真的。太師爺一時失了檢點。到誤用了未可知。〔末〕這個是了。我問你府中事體。你一句也說不來。豈不是假的。〔副淨不語介末〕左右把他拶起來。〔拶副淨介〕

〔解三醒〕〔副淨〕痛失火池魚罹咎。苦亡猿林木貽憂。老爺可憐小人呵。驅馳道路

方回首。頓無端三木囊頭。太師爺筆跡。老爺一定認得明白的。就可見得真假了。他筆蹤楚

楚非蝌蚪。我冤氣沈沈貫斗牛。災星湊。歎身依無主。舌辨無由。〔末〕我曉得了。你與

反賊通同。一定同謀造反的了。你要我解至京中。不過思量中途搶去。我如今把你兩個一齊斬了。

將首級解到京去。你們便插了翅難飛去哩。

〔前腔〕〔末〕你把密啓輕輕相漏。把奸黨故故相糾。檻車就道虞儻。把你二人

呵。向雲陽伏法何尤。你華亭鶴唳聽難久。北寺皋陶祭可憂。深堪咎。便怒飛有翼。插翅無由。叫左右。與我押他到牢裏去。明日與宋江一同處斬便是。

〔副淨〕世情誰是舊雷陳。

路難悠悠常傍人。

〔末〕持法不須張密網。

〔副淨〕餘生猶待發青春。

### 第二十一齣 冥感

〔滿江紅〕〔小旦扮鬼魂上〕絳樹摧殘同木槿。餘芬未泯。向偷香深處。當壚舊徑。月下空歸環珮冷。星前暗泣鉛華褪。蠟燭成灰泪尙零。千秋恨。〔憶王孫〕手披荒草看孤墳。懷舊長沙哭楚雲。不見當時勸酒人。泪沾巾。兩地各傷無限神。奴家閨婆息。自遭狂且毒手。已從鬼錄潛身。只是柳性未寒。雲情尙在。咳。張三郎。張三郎。你此後祇就畫圖。識春風之面。我今日且攜環珮。歸月下之魂。不免乘黃昏人靜。到他那裏走一遭則個。

〔梁州序〕馬嵬埋玉。珠樓墮粉。玉鏡鸞空月影。莫愁斂恨。枉稱南國佳人。便醫經。纈覓鸞膠。怎濟得鄂被爐烟冷。可憐那人去。章臺也一片塵。銅雀淒涼起。

暮雲看碧落簫聲隱。色絲誰續慄慄命。花不醉下泉人。早已到張三郎門首了。你看門兒緊閉在此。不免喚醒了他。慢慢的進去則個。〔喚介〕張三郎。張三郎。〔淨應上〕遙憐北窗月。羅綺自相親。半夜三更。是那一個叫我。〔小旦〕三郎。是奴家。〔淨〕古怪。是個女人家的聲音。怎麼此時來到這裏。把我相喚。〔小旦〕三郎。你怎麼不開門。〔淨〕你是那一個。

〔漁燈兒〕莫不是向坐懷柳下潛身。莫不是過男子戶外停輪。莫不是攜紅拂越府私奔。莫不是仙從少室訪孝廉封陟飛塵。〔小旦〕三郎。奴家的聲音難道就聽不出了。〔淨作疑介〕小生實是聽不出。

〔錦漁燈〕〔小旦〕我是那懷扼臂薛昭臨贈。我是那去遼陽丁令還靈。〔淨驚介〕你這等說。是個鬼魅。敢是還魂轉來的。〔小旦〕我未能勾鸚鵡重逢環玉痕。暫臨風攜將金盃出風塵。〔淨驚介〕哦。我記得出了。你敢是閻婆息。〔小旦〕奴家便是。〔進淨見小旦驚避介〕淨阿呀。小娘子。自古說得好。冤有頭。債有主。你該尋宋江。怎麼到來尋我哩。你你你只該

〔錦上花〕向嚴武索命頻。怎麼到恨王魁負桂英。好似妖蛟夜舞欲欺人。〔小旦〕奴



家今夜不爲討命而來。〔淨〕這等這等我不會招屈子楚些吟。不會學崔護視殮殷。因甚麼畫圖魂返牡丹亭。隱現畢方形。〔小旦笑逼淨淨遠介小旦〕三郎不消駭怕得。

〔錦中拍〕你只道那重泉路陰。把幽魄沈淪。那裏曉得鴛鴦性打熬未暝。花柳情摧頹猶賸。恰好的向夜臺潛轉一靈。似雲華魂還長寢。似倩女魂離鬼門。須信道紫玉多情。英臺含恨。因此背魚燈涉巫嶺。〔淨近小旦介小旦〕三郎。你看我的容顏。

比往常何如。〔淨看笑介〕一些兒不改。

〔錦後拍〕覷着伊俏龐兒宛如生。嬌吐依然舊鶯聲。打動了我往時逸興。我往時逸興。銀蠟下鸞交鳳滾。向紗窗中重擁麝蘭衾。彷彿聽鼓瑟湘靈隱隱。真箇春蠶絲到死渾未盡。〔淨〕娘子。還記得生前的行徑麼。〔小旦〕奴家怎麼不記得。我想當時呵。

〔罵玉郎帶上小樓〕小立春風倚畫屏。好似萍無蒂柏有心。珊瑚鞭指填衡門。乞香茗。我因此賣眼傳情。慕虹霓盟心。慕虹霓盟心。蹉跎杏雨梨雲。致蜂愁蝶昏。致蜂愁蝶昏。痛殺那牽絲脫絃。只落得搗牀搗枕。我方纔颺李尋桃。纔颺李

尋桃便香銷粉褪。玉碎珠沈。歎浣沙溪鷓鴣州。共夜壑陰陰。今日裏羨梁山鴛鴦塚竝。〔淨〕正是我如今思量起來呵。你

〔前腔〕李代桃僵翻誤身。恨他翻爲雨覆作雲。可憐紅粉付青萍。泪沾巾。好似膏火生心。苦時時自焚。苦時時自焚。正捱剩枕殘衾。值飛瓊降臨。值飛瓊降臨。驟道是山魃現影。又道是鷓鴣弦洩恨。把一箇震耳驚眸。把一箇震耳驚眸。博得個蕩情怡性。動魄飛魂。看赴高唐向陽臺雨渥雲深。又何異那些時鷓鴣影並。〔小旦〕三郎奴家看起來。我既捨不得你。你又活不得我。不如我與你結一個鴛鴦塚。完了兩

人的夙願罷。〔淨驚介〕這個怎麼使得。〔小旦〕我也顧不得。只是扯了你同去便是。〔小旦扯淨淨掙不脫介〕

〔尾聲〕〔小旦〕何須鵬鳥來相窹。效于飛雙雙入冥。我纔得九地含臚鴛鴦塚安然寢。

### 第三十二齣 聚義

〔三臺令〕〔外小生戎服上〕囹圄拘繫賢良。山寨驅馳虎狼。聲勢甚鷓張。管直搗有誰抵當。故人還寂寞。削跡共艱虞。殺氣橫千里。軍聲動九區。〔外〕我們今日往救宋戴兩個好漢。不免要驚動大隊人馬。快請衆兄弟們到忠義堂上議事。〔淨丑小旦同上〕劍鋒輝太皞。旗焰拂蚩尤。〔見介小生〕宋戴兩個好漢。被那蔡九知府屈陷囹圄。卽日就要典刑。不免要衆兄弟同去救取他兩個。但法場之上。不是等閒。大家都換了本等衣服。或扮做客商。或扮做農家夫婦。分路埋伏。臨時以砲響爲號。一齊殺將攏來。救取他們。不免就此起行前去。〔各換衣服同行介〕

〔山坡羊〕亂紛紛忙離山嶂。急煎煎爭馳車仗。路迢迢望城門未關。影悠悠東市分途往。暗主張。弓刀貼肉藏。衣更服變。服變平時狀。好相機宜。同施伎倆。思量英雄未易傷。猖狂官兵孰敢當。〔小生〕我們早已到法場近邊。不免分路埋伏則個。正是懸旌要路口。倚劍短亭中。〔下生副淨綁衆押行介〕

〔前腔〕〔生副淨〕氣冲冲精神莽撞。影飄飄英魂蕩漾。〔生〕痛煞煞把池魚罹殃。〔合〕恨悠悠賚志同淪喪。〔雜〕此間已是法場上了。〔生副淨〕赴法場。心思自感傷。

〔副淨附生耳介〕那梁山泊張榜說來救我們。只怕來不及了。須臾援救。援救成虛謊。〔生〕  
哎。禍到臨頭。空勞惆悵。〔末冠帶雜隨上指生介〕乖張。你平時空項強。〔指副淨介〕  
荒唐。你今朝誰抵當。〔雜〕稟老爺。午時三刻到了。〔末〕這等起走。〔雜將起鼓外小生淨丑小旦  
同殺上〕梁山泊好漢大夥在此。那個敢動手。〔丑殺末〕殺外扶生副淨起介外〕衆兄弟們。蔡九  
知府既已殺了。其餘人民與他無干。不要害他。〔衆止介外〕公明。你既身遭阱陷。戴兄又修被連株。  
小弟們自愧爲人謀而不忠。〔生〕我兩人蒙列位救取。生死骨肉。何以爲報。只是列位怎麼就曉得  
合今日行刑。救兵來得這等迅速。

〔四犯黃鶯兒〕〔外小生〕那日自戴兄別後呵。隨悔計周張。奈追蹤去路忙。預知敗  
露遭淪喪。因此車馳法場。兵埋道傍。看此際呵似殘雲風捲。無攔擋。渠魁殲決。英  
雄無恙。方快吾儕莽壯。〔末雜扮追兵上〕神融躡飛動。戰勝洗侵凌。我們官兵來追梁山泊一  
夥人馬。〔生望介〕你看追兵又遠遠來了。怎麼樣好。〔外〕公明。這個何妨。

〔前腔〕他怒臂奮螳螂。縱當車亦可量。我勢如破竹誰能擋。一任旌旗肆張。干戈

遍揚笑追兵役役成虛謊。〔混殺末雜敗下外〕他們料不敢再來相追了。我們歸寨去罷。〔衆

行介〕歸途瀟灑。凱歌歡暢。今日梁山勢壯。同敲金鐙響。齊唱凱歌回。〔下〕

〔攤破簇御林〕〔衆擁旦上〕悲流落。沒主張。一路迢迢暗忖量。未知他果否潛蹤。

只落得裙釵飄蕩。〔作到介雜〕稟夫人。已到梁山水寨了。〔旦〕虎狼窟裏相凝望。怎能勾

鴛鴦池上相偎傍。〔外小生老旦衆上〕救忠良。歡娛簇擁。返旆有輝光。〔生旦相見介

生〕呀。娘子。你爲何也在此處。〔旦〕便是。奴家一個暮夜。有數騎突至。不由分說。把奴家搶了就走。

直到這裏。與奴家說相公的顛末。叫奴家在此等候相公。奴家還在疑信之間。見了相公。方纔安心。

〔生謝外介〕

〔前腔〕〔生〕雲天誼。詎可量。匡救蜉蝣離虎狼。復垂憐閨內荆釵。使夫妻團圓

無恙。〔合〕鋤強銖暴軍威壯。扶危濟困恩波曠。恁強梁。能如山寨。水滸有餘光。

〔意不盡〕替天行道旌旗漾。看忠義堂顏高敞。管指日招安達帝鄉。

只合終身作臥龍。

偏承霄漢渥恩濃。

祇令文字傳青簡。

不使功名上景鍾。

水滸記終

玉

珞





目錄

- |      |    |
|------|----|
| 第一齣  | 標題 |
| 第二齣  | 賞春 |
| 第三齣  | 博奕 |
| 第四齣  | 送行 |
| 第五齣  | 接詔 |
| 第六齣  | 訪友 |
| 第七齣  | 憶夫 |
| 第八齣  | 入院 |
| 第九齣  | 行刺 |
| 第十齣  | 祝壽 |
| 第十一齣 | 報信 |

第十二齣 賞花

第十三齣 設誓

第十四齣 擄掠

第十五齣 定計

第十六齣 訪姨

第十七齣 投賢

第十八齣 截髮

第十九齣 赴試

第二十齣 觀潮

第二十一齣 對策

第二十二齣 改名

第二十三齣 接望

第二十四齣 傳旨

第二十五齣 夢神

第二十六齣 擄忠

第二十七齣 侵南

第二十八齣 交兵

第二十九齣 商嫖

第三十齣 渡江

第三十一齣 索命

第三十二齣 陽勘

第三十三齣 詔封

第三十四齣 陰判

第三十五齣 宿廟

玉玦記 目錄

第三十六齣 團圓

四一開明書店

# 玉玦記

明 鄭若庸 箸

## 第一齣 標題

〔月下笛〕〔末上〕日月跳丸。黃花綻了。幾番重九。英雄袖手。阻風雲。困圭竇。閒將五色胸中線。雜組懸河辯口。貴坐間談虎。懽然神變。試教霑袖。和璧悲瑕垢。恨紅殞啼花。翠眉顰柳。揚州夢覺。是非一笑何有。從來敏德多哇徑。爲看盤銘在否。這優孟諷諫。君聽取謾嘲悠謔。〔問答照常〕

〔滿江紅〕鉅野王生。閱閱裔。腹胞琳球。長安下第羞歸。去向俠邪游。薄倖娼樓。懲虎穴。多情才子。敝貂裘。遇呂公館穀向芸窗。還自修。降虜將。成畔謀。統胡騎。陷神州。把令妻秦氏。繫作俘囚。婦守三從甘毀面。夫終一舉占鰲頭。拜地封重會。癸靈廟。作話留。

戒烟花傾家殞命。

表貞烈截髮毀容。

臨安郡書生雪恥。

癸靈廟玉玦重逢。

第二齣 賞春

〔逍遙樂〕〔生扮王商上〕靜裏光陰好。槩戟門庭春至早。浮名於我等鴻毛。文抒

日采。志擬崧高。氣壓江濤。〔生〕〔鷓鴣天〕家世韋平身業文。金貂文武襲餘芬。直教執袴能傳

緒。未許楊袁競策助。詞倒峽。氣凌雲。待將長劍學從軍。狂來醉墨縱橫甚。書破羊欣白練裙。卑人王

商。表字說濟。世家鉅野。皇朝學士禹禰之後。先君王扮。官拜戶部侍郎。母封沛國。不幸俱喪。朱輪華

轂。未墜家聲。黃卷青箱。請存世業。念良弓之子。恥不爲箕。履既留之餘。慚非肯構。安敢望河汾之譽。

且幸免平泉之譏。妻房秦氏慶娘。荆襄鎮撫秦貞之女。德性幽柔。工容閒冶。慎周南蘋藻之職。兼衛

女衣裳之能。正是室家攸宜。琴瑟靜好。青春無事。欲往郊外遊賞一番。且待娘子出來。試問則個

〔旦扮秦氏上旦〕

〔遶地遊〕春眠乍曉。處處聞啼鳥。問開到海棠多少。〔生〕章臺路渺。何處無芳

草。想甚日遊還到。〔旦〕昨夜鳥聲春。驚鳴動四鄰。〔生〕今朝芳樹下。定有詠花人。〔旦〕官人萬福。

〔生〕娘子拜揖。〔旦〕官人。流光迅速。纔過元宵。不覺花朝至矣。〔生〕你看紅入桃花。青歸柳色。真個好風景也呵。

〔集賢賓〕〔生〕青歸柳葉顰尙小。春容漸入庭皋。綺羅餘寒驚料峭。看映日檐花迎笑。朱門靜悄。簾幕上紅塵不到。〔合〕琴瑟好。何處是玉京瑤島。

〔前腔〕〔旦〕彤光影徹芳砌曉。幽禽獨語紅條。飛去花枝空嫋嫋。正粉蝶黃蜂爭鬧。蛾眉淡掃。似窈窕河洲匹鳥。〔合〕琴瑟好。何處是玉京瑤島。

〔琥珀貓兒〕〔生〕尋芳車馬。應已遍西郊。處處吹笙醉碧桃。紅樓十二倚春嬌。明朝好趁佳辰。辦取遊鑣。

〔前腔〕〔旦〕韶華逝水。屆始在春宵。蠹簡螢窗莫憚勞。董帷經史夜焚膏。明朝好趁天風。直上青霄。〔生〕娘子。乘此春明。小生欲待整理鞍馬。踏青遊行。意下如何。〔旦〕官人。

豈不聞縱欲敗度。積學成身。君當努力青雲之業。上繩祖武。豈可無事漫游。玷辱家聲。況且今年大比。何不上京赴選。圖個顯親揚名。卻不是好。〔生〕娘子言之極當。即便治裝。卜日啟行。〔旦〕如此恰



好。

〔簇御林〕〔旦〕君才氣倚馬豪。吐虹蜺。星斗高。荆山何事空懷寶。振書香。再把箕裘紹。〔合〕免遊遨。驅車上國。雲水路迢遙。

〔前腔〕〔生〕司唐制。珥漢貂。料天池。有鳳毛。泥封方下徵賢詔。絕南溟。未許神魚誚。〔合〕免遊遨。驅車上國。雲水路迢遙。

〔生〕聖學工夫惜寸陰。

〔旦〕且從無逸戒荒淫。

〔合〕從今獻賦甘泉去。

不信無媒魏闕深。

### 第三齣 博弈

〔光光乍〕〔丑上〕生不荷鋤犁。觸處落便宜。算來都只爲蠅頭利。受盡了他人閒嘔氣。〔丑〕自家臨安城中一個浪子解幫閒。家無二頃田。口有三寸舌。走動處花林錦陣。結交的

酒友博徒。念幾句落甞真言。饒你漢張飛。終難跳過。奉一個迷魂太歲。由他楚屈原。不得獨醒。九里

山陣圖。比俺縱橫的圈套。五丈原妙算。輸俺啜行白機關。許人話捉影追風。騙人財探囊取物。〔笑

介〕說甚麼萬法皆通。只落得一貧如洗。饒君縱有千般計。命裏無時莫強求。自家一生專好幫閒鑽熟。這幾日全沒買賣。有個管喜員外。是個大財主。極要嫖賭。待尋俺結義哥張鬼熟同去。賺他幾兩銀子。呀。卻早望見張哥來了。〔末上〕

〔醉落魄〕終朝糊口無恆計。求魚緣木竟何濟。閒心欲與海鷗期。知甚日忘機。

〔末〕出去般般足。歸來日日貧。一生都是命。半點不由人。〔丑〕哥哥拜揖。〔末〕兄弟拜揖。〔丑〕哥哥。這幾日不見你。卻元來去做賊來。〔末〕那有這話。〔丑〕你纔說出去搬一搬就足。歸來十日又貧了。卻不是做賊的勾當。〔末〕不是。我平生專靠幫閒掇賺。每日出去尋着個貴游公子。喫的用的穿的。都趁了他的。這是般般足了。將得些家來。又不勾用。卻不是日日貧的。〔丑〕有理有理。外有餘而內不足。堂堂乎張也。我的受用與哥哥不同。〔末〕且說喫的。〔丑〕魚鼈膾鯉。嘉肴大具。熊掌雞蹄。猩唇燕脾。每食三萬般。猶云無下筯。〔末〕好好。只怕你食而不知其味。〔丑〕那裏得到口。每日街坊上遇着尙食監。賜飯與大官人家。打我身邊過。被我一嗅。都打從鼻子裏去。其實聞而知之。〔末〕又道是風來餅裏香。穿的如何。〔丑〕雉襦狐白。具文蛟梭。冰蠶獨繭。羔羊五紵。縞袂宜紈素。輕衫厭綺羅。

〔末〕好好。只怕你服之無數。〔丑〕那裏得上身。我的兄弟是個裁縫匠。每日出去。人家做了些綾羅錦繡。家來說長說短。都被我聽了。卻像是我的一般。這是耳熱於絃。〔末〕又道如聞裂繒聲。用的如何。〔丑〕大具南金。驪珠璞玉。玄龜象齒。朽貫腐粟。鐘乳三千兩。胡椒八百斛。〔末〕好好。只怕你爲富不仁。〔丑〕那裏得入手。我家對門開典庫的。但見了的。便家來與妻兒說。至今還說不盡。這是開口見錢。〔末〕又道隨何舌在。是黃金。且莫閒說。這兩日有些生意沒有。〔丑〕便是不濟。如今簪喜員外。京城中第一個財主。專好花酒賭博。揮金如土。我和你到他家裏。只說你要賭錢。設個計兒。哄他些銀子。卻不是好。〔末〕承幫了。〔行介丑叫介〕簪員外在家麼。〔淨上〕

〔光光乍〕〔淨〕寶炬照蛾眉。花蕊亞簾衣。日高丈五時。方纔起。鸚鵡忽傳聲。聞

客喜。〔淨〕京華游俠兒。由來富饒基。金多賤於土。揮霍鬼可欺。手不把書卷。身不擐戎衣。春來日日

出。服御何輕肥。朝從博徒飲。暮有娼樓期。指廩償酒債。堆金選蛾眉。聲色狗馬外。其餘一無知。自家

簪喜。夜來賞花醉了。今早起遲。不知甚人來到。呀。解大哥。〔末丑云〕員外拜揖。〔淨〕二位拜揖。此位

是誰。〔丑〕湧金門外張兄。個儻多能。尤善博奕。〔淨〕貴表。〔末〕混名張鬼熟。〔淨〕久聞久聞。〔丑〕員

外。張兄久慕高風。今日一來拜望。二來欲與員外弈。不知可否。〔淨〕最好最好。待我去取一千兩銀子來。〔末丑〕不要許多。〔淨〕少也得五百兩纔勾。我去我去。〔末〕兄弟。我兩人沒一文在此。怎麼好。〔丑〕不必多說。自有道理。〔淨〕博弈從來慣。輸贏總未真。解兄銀子在此。張兄有多少。〔丑〕張兄才帶五百兩銀子來。隨從的馱了跟不上。少間便到。員外且借一百兩與我們應手。〔淨〕使得。〔與銀介末丑接介淨〕把甚麼賭。〔丑〕張兄善圍棋。〔淨〕圍棋也好。賭一百兩。〔丑〕只好五十兩。〔淨〕也罷。就只賭五十兩。〔取棋枰介〕

〔皂羅袍〕落子聲遲瑤砌。看身如蝟甲。兀化難移。宣城得守未云奇。淮淝破敵方爲喜。〔丑〕員外輸了。〔合〕雌雄勝負。兵家怎期。盈虧得喪。天心有機。何妨百萬輸劉毅。〔淨〕圍棋不好。解兄。我與你打雙陸。百兩一注。〔丑〕這也好。〔淨〕取雙陸來。〔取雙陸打介〕

〔前腔〕〔丑〕再把樗蒲閒理。歎點籌帝子。作鑿宮闈。馬箠未毀莫言歸。豬奴枉謂尤堪戲。〔淨〕我雙陸不高。又輸了。將去將去。〔合〕雌雄勝負。兵家怎期。盈虧得喪。天心有機。何妨百萬輸劉毅。〔末〕既然如此。我與員外擲骰子。再賽一百兩。〔淨〕這個又好。〔丑〕

取骰子來〔擲介〕

〔前腔〕〔末〕莫詫咸陽客里。且狂呼博賽。五白稱宜。玉纖深裏憶名姬。緋衣驟躍驚純雉。〔丑〕張兄勝了。〔淨〕與你銀子將去。〔合〕雌雄勝負。兵家怎期。盈虧得喪。天心有機。何妨百萬輸劉毅。〔淨〕不信偏我會輸。拿象棋來。我與張兄一局。就這一百五十兩作孤注賭了罷。〔末〕就是就是。

〔前腔〕〔淨〕車馬森然成勢。儼鴻溝楚漢。犄角相持。沈機告捷井陘。神姦入夢邯鄲騎。我又輸了。都將去。〔合〕雌雄勝負。兵家怎期。盈虧得喪。天心有機。何妨百萬輸劉毅。〔淨〕你二位且住。我再取一千兩與你賭一賭。〔丑〕員外。天色已暮。愚弟兄告回。明日再來相陪。〔淨〕不可失信。

〔淨〕花影庭階日易晡。

〔丑〕一番清話又成虛。

〔末〕等閒百萬逢場戲。

〔合〕莫問家無擔石儲。

第四齣 送行

〔一翦梅〕〔生旦同上生〕膏車秣馬起長征。莫訴離情。添我離情。〔旦〕攬衣推枕聽雞聲。欲問登程。怕問登程。〔生〕海棠風外獨沾巾。千里雲霄未致身。〔旦〕忽見陌頭楊柳色。安排青眼送行人。官人萬福。〔生〕娘子拜揖。〔旦〕官人聞說今日起程。未知真否。〔生〕行李已具。即日便行。〔旦作悲介〕伉儷之愛。情不能舍。功名之事。義不可留。教奴家如何是好。〔生〕小生此行。功名成否。不過半載。即便回家。不須煩惱。〔旦〕春英將酒過來。〔丑〕悽悽命盃酒。言餞千里遊。行人雖念路。爲爾暫淹留。酒在此。〔旦遞酒介〕

〔三學士〕〔旦〕閱閱蟬聯知有幸。扶搖好薦鵬程。當思貽穀三槐在。莫負還鄉駟馬行。〔合〕飲餞臨岐心耿耿。歸來後喜氣生。

〔前腔〕〔生〕青鏡孤鸞愁舞影。〔旦〕官人須是頻頻寄書。〔生〕書封雁足難憑。憐余尙惜牽衣別。慰子終朝佩印行。〔合〕飲餞臨岐心耿耿。歸來後喜氣生。

〔前腔〕〔丑〕待價藏珠未可輕。一朝持獻明廷。碧山肯爲移文恥。白馬終看奉詔行。〔合〕飲餞臨岐心耿耿。歸來後喜氣生。〔生〕不須酒了。小生就此起程。〔旦〕官人因

慕軒冕之榮。故割房幃之愛。瞥然去眼。寧不傷心。莫戀章臺。不思故國。妾有玉玦。贈君佩之。若得成名。決須早回。勿使妾有白頭之歎。〔生〕玉玦在身。如覩卿面。勿庸多囑。斷不淹留。就此拜別。〔拜科〕

〔香柳娘〕〔生〕念匆匆遠行。念匆匆遠行。含悲自省。天涯已在須臾頃。〔旦〕我愁煩倍增。我愁煩倍增。鴻跡等浮萍。銀瓶怯修綆。〔合〕聽陽關淚傾。聽陽關淚傾。殷勤渭城。不堪孤另。

〔前腔〕〔旦〕想淒涼怎生。想淒涼怎生。綺羅春靜。枕花紅泣鴛鴦並。〔生〕怕清宵漏永。怕清宵漏永。繡被擁雞聲。梨花月痕冷。〔合〕聽陽關淚傾。聽陽關淚傾。殷勤渭城。不堪孤另。〔生〕白首螢窗未見招。越山無路水迢迢。〔旦〕自從車馬出門去。便入空房守寂寥。〔旦〕下生弔場。傷離復傷離。別後增鬱紆。戚戚意不伸。轉顧仍踟躕。不知馬在何處。王便那裏。

〔末挑行李上〕迢遞京華道。蒼茫日暮天。馬在此。請官人便行。〔做行科〕

〔香柳娘〕〔生〕把金鞵乍整。把金鞵乍整。滿前孤興。馬蹄香散飛花徑。聽嚶嚶鳥鳴。聽嚶嚶鳥鳴。芳草最關情。萋萋織烟暝。〔合〕想臨安玉京。想臨安玉京。雙

龍紫庭。紅雲遮映。

〔前腔〕〔末〕歎驅馳未寧。歎驅馳未寧。蒼蒼暮景。垂楊古渡黃塵迥。望炊烟已青。望炊烟已青。樵斧隔林聲。斜春半村影。〔合前〕

〔生〕問酒依山館。

〔末〕相將慰旅愁。

〔合〕應時還得見。

勝似覓封侯。

### 第五齣 接詔

〔西地錦〕〔外上〕戎馬關河雲擾。戮力誓滅天驕。一封未下彤庭詔。目斷魏闕岩嶢。〔外〕建牙吹角不聞喧。亂世登壇衆所尊。家散萬金酬士死。身持一劍答君恩。下官姓耿。名京。

山東人氏。少諳韜略。起自草萊。不幸遭值胡虜猾夏。犬羊充斥。中原板蕩。乘輿播遷。邇來倡義起兵。

志圖匡復。手下將士總管張安國。勇敵萬人。可當韓信。監軍辛棄疾。才稱七步。不亞陳琳。被吾殺敗。

金酋猛安。奪了東平府。假稱刺史。攝守此邦。已曾遣監軍到臨安上表。不見回來。不免叫總管試問。

聲息如何。〔叫介〕淨扮張安國上。蓮花穿劍鐔。明月掩刀環。坐待空沙漠。功成閉玉關。覆元帥。有何。



鈞旨〔外〕這幾日金兵消息如何〔淨〕聞得金人南侵至揚子江被虞允文殺敗了〔外〕可喜可喜。如今辛監軍臨安上表待他回來聞知大駕行在整搦人馬大進勤王。

〔賞宮花〕〔外〕鸞輿望遙。機槍照夜高。枕戈圖國計。擐征袍。〔合〕拜爵可期班定遠。成功不數霍嫖姚。

〔前腔〕〔淨〕宮牆野蒿。咸陽王氣消。一射聊城箭。恥兒曹。〔合〕拜爵可期班定遠。成功不數霍嫖姚。

〔前腔〕〔丑〕羣胡正驕。風塵入混淆。二軍張武旆。逞英豪。〔合〕拜爵可期班定遠。成功不數霍嫖姚。〔外〕張總管且到教場演習軍馬。〔淨應介〕得勝莫忘戰。居安當慮危。〔淨下〕

末扮辛棄疾上

〔西地錦〕〔末〕龍袞得瞻天表。轅門又睹旌旄。馬蹄歷遍關山道。塵土染盡征袍。此間已是帥府。不免逕入。〔外〕辛監軍回來了。〔末拜云〕元帥久違帳下。無任惓惓。〔外〕監軍途路

風霜多有生受。此去事情若何。〔末〕容稟。

〔降黃龍〕〔末〕銜命趨朝。天限長江。幾重雲嶠。〔外〕路上有胡騎麼。〔末〕干戈滿地。犯虎狼得藉。武林京兆。〔外〕都中風景如何。〔末〕蕭條翠華游幸。正返鍾山旗旄。〔外〕且喜聖駕已從建康回了。你上表如何說。〔末〕已銘功旗常彝鼎。寵封將到。

〔前腔〕〔外〕迢遙子獨賢勞。草昧風塵。信由天造。星軺過往。念幾番役役。委遲周道。〔末〕元帥領兵。還有金酋犯境麼。〔外〕還教倒戈攻北。蹀血東蒙。原草喜清宵月。明刁斗。四郊寧好。〔淨上報云〕黃麻多冊拜。細柳忽傳呼。告元帥。聖旨到了。〔雜扮使臣上〕

〔神仗兒〕〔衆〕天常俶擾。遭家不造。恨豺狼當道。匡復元功不小。傳錫命。下丹霄。下丹霄。聖旨已到。跪聽宣讀。詔書勅攝東平刺史耿京。朕惟崇德報功。帝王盛制。頃者履茲不靖。國步惟艱。肆彼犬羊。汙我疆宇。朕實恥之。爾耿京勤兵薄伐。克復山東。鄒魯之邦。不淪左袵。功曷懋焉。已命書助太常。俾世世爲義者勸。可進爵天平軍節度使。仍知東平府。錫以赤鳳寶刀。金印玉節。辛棄疾張安國並進二階。宜令准此謝恩。〔衆拜謝科〕

〔降黃龍〕〔外〕遭遇皇朝。國步艱難。犬羊紛擾。衡茅下賤。痛坂疆割裂。恨縈懷。

抱〔合〕難饒毀夷宗社。不共戴天須報。整戎旃勤王倡義。早成忠孝。

〔前腔〕〔丑〕功高已格璇霄。一面金湯儼然堪保。黎民安堵。漢官儀復睹。口碑盈道。〔合〕難饒毀夷宗社。不共戴天須報。整戎旃勤王倡義。早成忠孝。

〔黃龍滾〕〔淨〕雙環赤鳳刀。五彩回鸞誥。〔外〕寵錫榮加。版屋增光耀。〔合〕胡塵蕩掃。中華再造。盟帶礪。勒鼎鐘。登廊廟。

〔前腔〕〔末〕冠裳憤未消。葵藿誠難效。〔外〕紅日重扶。率土窮臨照。〔合〕胡塵蕩掃。中華再造。盟帶礪。勒鼎鐘。登廊廟。

〔尾聲〕微軀莫惜沙場老。看破竹先聲傳譟。辦取忠真答聖朝。

〔外〕擬將功業勒燕然。

〔末〕會見三軍奏凱旋。

〔淨丑〕聞說君門在天上。

〔合〕乘槎直犯斗牛邊。

### 第六齣 訪友

〔步步嬌〕〔生上〕客館流鶯啼春去。夢斷愁千緒。花飛故苑空。一片雲山。把人

遮住。何處寄雙魚。便緘題。愧殺泥金縷。〔如夢令〕〔生〕帝里衣冠輻湊。滾滾英雄入彀。掩面笑劉蕡。肯信明珠不售。銅臭。銅臭。莫問夏卿懷袖。王商自從離家來此。指望功名成就。不想下第。羞歸故里。幸得囊有餘費。且只得在此京中遊樂幾日。再作計較。正是冶金終耀誰能識。徑出無媒。我自慚。

〔前腔〕〔生〕五色日華空成賦。奈苦李無人顧。慚非貴主奴。入翼天門。竟悲岐路。桂玉久難居。怕緇衣染卻京華土。王便何在。〔末〕漸存骨肉遠。轉放奴僕親。覆官人。有何使令。〔生〕前日來望我的解官人。只在那前街上住。與我請來。〔末〕男女看這等之人。無策資身。傍人糊口。外多狐媚。內實狼貪。小可以破人之家。大可以傾人之國。亡身殞命。亂俗敗常。無非此輩。官人不可近他。〔生〕不必多言。我自主張。快去請來。〔末〕理會得。〔末〕叫介丑上。

〔字字雙〕〔丑〕我每生長在京華。豪富破襪破帽破衣裙。無袴朝朝趕趁受馳驅。沒路開張大口似鮎魚。喫醋。〔末〕你到做得個宰相。鼻吸三斗醋。如何不喫別的。〔丑〕小子慣會幫嫖。別人請衙衙。我專喫一味好寡醋便罷。〔末〕好一個酸丁。解官人。我相公請你。〔丑〕那

個相公〔末〕山東王相公後街趙家店裏住的。〔丑〕知道了。我便去。〔相見介〕解兄。小生下第不快。欲在此尋一個游樂去處。〔丑〕勾欄裏如何。〔生〕也可。不知有甚麼好妓者。〔丑〕前日到有西子。楊妃。南威。莫愁。秋娘。絡秀。樊素。小蠻。都在這裏。因惱了我。都被我趕去了。有個朝雲。是先年太守蘇東坡所愛。前日也死了。只有一個李翠翠。是先朝徽宗皇帝所幸。李師師妹子。他有個親生的女兒。叫做媚奴。見在南瓦子住。果是天香國色。〔生〕既然如此。明日相煩同去走一次。〔丑〕當得當得。

〔六么令〕〔丑〕燕姬趙女。小桃紅深護幽居。烟霓被服總明姝。調綠綺。待相如。〔合〕游繯且問章臺路。

〔前腔〕〔生〕瓊樓紺宇。稱春風笑語驩呼。金塘秋水映紅蕖。迷下蔡。竟何如。〔合〕紫駟嘶向平康路。

〔前腔〕〔末〕干戈多故。恐田園已就荒蕪。也勝花柳滿皇都。須念取。咸焚如。〔合〕桂枝莫誤青雲路。

〔生〕相約過平康。

〔末〕春城綺陌香。

〔合〕百年終日醉。

三萬六千場。

### 第七齣 憶夫

〔薄倖〕〔旦上旦〕煖日蒸花。輕烟蘸柳。看野園風景。年年如舊。綠陰青子。杜鵑啼後。〔丑上合〕春知否。聽雌雉朝飛隴上。又滿地漸漸麥秀。〔生查子〕〔旦〕郎如陌上塵。

妾似堤邊絮。一別兩悠揚。蹤跡無尋處。〔丑〕粉面妬青春。淚眼零紅雨。過了別離時。還解相思苦。

〔旦〕春英。花信闌珊。春光且過。官人去了幾時。不知功名若何。怎的不見音信回來。〔丑〕小姐。官人得意。必有佳音。不須憂慮。〔旦〕如今鴛已三眠。將及上簇。與你去門前桑園裏。採些葉兒飼蠶。則個。〔丑〕小姐這等富貴人家。有的是奴僕。多的是綺羅。何爲自苦。〔旦〕婦女之職。供衣服。納酒漿。我豈偷安不親蠶事。〔丑〕如此小姐請行。

〔羅江怨〕〔旦〕盈盈陌上頭。桑枝正柔。常記七月詩云。導彼女桑。以伐遠揚。古人尙且如此。遠揚未伐。言采劉。徘徊樹底。自含羞也。無奈樛枝。黃鳥聲求友。蕭郎事遠遊。蕭郎事遠遊。怕忘了秋胡婦。

〔前腔〕〔丑〕蠶飢葉未稠。忡忡隱憂。傾筐欲墜遵道周。攀條選樹更移鉤也髣。亂釵橫。怎顧飛蓬首。〔丑〕小姐。你看前邊溪上。王孫士女遊玩的好錦繡衣服。〔旦〕不要管他。羅紈恣冶遊。羅紈恣冶遊。卻教愧殺癭瘤婦。

〔香遍滿〕〔旦〕採來盈掬。沃若露未收。繭簇將成候。願萬縷長絲。似妾心中有。把迴文錦字。杼柚還織愁。怕貂裘敝損。羞見我機中婦。

〔前腔〕〔丑〕野陰舒蓋。採掇不少留。豈恤難再茂。想洞口桃花。綠葉曾攀否。恨春風惱亂。破萼爭未休。把劉郎殢卻。空歎了邯鄲婦。

〔好姐姐〕〔新增合〕綠茵盡摘不留。且莫惜明年難茂。柔枝嫩葉。多應人採掬。輕舒手。羅裙寬褪腰肢瘦。低處相攀雲髻莞。

〔香柳娘〕〔新增〕想桃源洞口。想桃源洞口。劉郎在否。空教奴繡戶輕寒透。一春事已休。一春夢已休。才子玉京遊。淹淹不回首。別相將半週。別相將半週。封書未投。暗拋紅豆。

〔尾聲〕歸期約在春深後。夏日初臨願未酬。空使妝臺人自憂。〔旦〕日色將午。且自歸去罷。

〔旦〕啼鳩惜餘春。

〔丑〕採桑多苦辛。

〔合〕遍身綺羅者。

不是養蠶人。

## 第八齣 入院

〔金瓏璫〕〔占扮李翠翠上占〕風流悲既往。鉛華曾擅平康。徒老大。在空房。黃金散盡。教得歌舞成行。花塢外馬蹄忙。花月樓臺近九衢。吹簫奏女繡羅襦。妝成每被秋娘妬。閒倚春風唱鷓鴣。老妾姓李。名翠翠。祖居汴京。是宣和教坊一個角妓。俺姐姐李師師。曾侍奉徽宗皇帝。常幸俺家。姐姐死後。留下老身。聖駕還都。隨到此僑居。有個親生女兒。喚做娟奴。年方二八。美貌無雙。吹彈歌舞。風流蘊藉。所事皆會。還有兩個丫頭。從小兒買的。收拾起來。趕着我孩兒叫二姐三姐。常伏侍俺娘兒每。人面前一般擡舉他。把些脂粉東塗西抹。也哄過江湖子弟。覓些錢鈔。只是我孩兒年少。不會哄人。這兩日我出去了。家中沒客。不免叫孩兒問他則個。大姐起來了不曾。〔小旦



扮媚奴上

〔前腔〕〔旦〕春風驚繡幌。柳梢初日橫。曉鏡照紅妝。青樓多薄倖。無奈游子顛狂。空只學野鴛鴦。媽媽萬福。〔占〕孩兒。我兩日喫酒忙。家中有客麼。〔小旦〕那裏有個客。

〔占〕孩兒。我這樣人家。全憑巧語花言。纔哄得人東西。因你不曉這話。故此沒有客。〔小旦〕怎麼的便好。〔占〕我教你個法兒。只要梳妝乾淨。若有風流子弟過往。把個笑臉兒迎他。就請裏面奉茶。待

他坐定。一面喫茶攀話。一面着妹子每在裏面調箏弄絃。他自然動興。便肯拿錢出來整酒。動興處說幾句知心的話兒。幫襯他一幫襯。他道你知趣。自然住一兩夜。去時須留下宿錢。若問你多少。你假意說鴛子有甚麼盡處。任意多少罷。他若與得勾數。你便收下。若還少時。你將銀子到我跟前幌一幌。做個臉兒。說我只愛錢。全沒仁義。那人曉得。自然添上。只說你有他的心了。就使了錢。想着你還來。但凡有錢的。住得長遠。便放些空與他也罷。若只一兩次的主顧。狠死抓他一下。不要饒他。

〔小旦〕如今人都乖了。不肯使錢。〔占〕只怕他乖而不來。那怕他來而使乖。且看門外有甚人來。〔丑〕掇座常常醉。幫閒日日過。算來都爲口。兩脚受奔波。大媽拜揖。〔占〕解官人。貴人一向不到我。

家〔丑〕便是大姐有麼。〔占〕有。大姐來拜見官人。〔相見科丑〕好個孩兒。〔占〕吓。好不識羞。孩兒是你叫的。〔丑〕北方人都叫大姐是孩兒。我怎麼叫不得。〔占〕也罷。說你慣嫖。你且解孩兒兩個字。〔丑〕孩是山中小獸。善能與虎揉癢。那虎因他揉得快活。伏地爬在虎頭上。揉破頂骨。喫了腦髓。虎死尙然不知。比你大姐。把俺子弟們揉死了多多少少。終是迷而不悟。〔占〕可知道哩。〔丑〕俺也問你。你是個搗兒。要解搗兒兩個字。〔合〕搗兒是山中之鳥。有雌沒雄。與百鳥交合。把來比俺們一般。〔丑〕這等還要叫做蛇兒便好。〔占〕怎麼是蛇兒。〔丑〕你不聞蛇與龜交。〔占〕天殺的。到好話兒。〔小旦〕你也只聽得人說。那曾見蛇與龜交。〔丑〕大姐想是偷的。不與人看見了。你看真武脚下那個蛇兒。把龜子纏死也不放哩。〔占〕且莫取笑。今日光降。想必有好事作成俺家。〔丑〕有個秀才。是山東王侍郎公子。特來請大姐。〔占〕如此恰好。丫頭快看茶。〔丑〕待門前看一看。〔生上〕

〔似娘兒〕〔生〕懷抱易悲涼。尋翠館暫且徜徉。玉人家近天街上。門庭似水。笙歌競沸。笑語生香。解兄來了。有勞久待。〔丑〕不敢不敢。大姐在裏面專待。〔生與占小旦相見科〕  
〔生〕久慕芳姿。幸得一觀。實愜素心。〔小旦〕貴公子屈過寒門。不勝光寵。〔占〕東道已完備了。快將

酒來〔生〕待小生先奉媽媽一杯〔遞酒介〕

〔排歌〕〔生〕好鳥調歌。殘花雨香。鞦韆麗日門牆。可憐飛燕倚新妝。半捲朱簾  
春恨長。〔合〕花源畔。玉洞傍。免教仙犬吠劉郎。瓊樓啓。翠幃張。不知何處是他  
鄉。〔貼〕老身回敬姐夫一杯。大姐唱個曲兒。〔丑〕大姐通書博古。就說幾個古人。比喻王相公。〔小旦〕  
如此污耳了。

〔北寄生草〕〔小旦〕河陽縣栽花客。〔丑〕是好一個潘安。〔小旦〕錦官城題柱郎。〔丑〕  
好個相如。〔小旦〕山公立志多豪放。張良舉足分劉項。蘇秦唾手爲卿相。這相  
逢不似楚襄王。怕思歸學了陶元亮。〔生〕起動起動。小生與大姐同飲一杯。

〔排歌〕〔生〕薄扇回風。輕塵遶梁。凝雲暗激清商。樂中歌曲斷人腸。鶯囀春林  
繡陌長。〔合〕花源畔。玉洞傍。免教仙犬吠劉郎。瓊樓啓。翠幃張。不知何處是他  
鄉。〔占〕敬解官人一杯。大姐舞一個兒。我也把古時幾個美人比俺女兒。列位休要見笑。〔小旦舞介〕

〔北醉扶歸〕〔占〕獼髓添微絳。〔生〕是像個鄧夫人。梅瓣貼宮妝。〔生〕是像個壽陽公主。

檀屑餐來玉體香。〔生〕綠珠也不及他。行踰金蓮上。〔生〕正好比着潘妃。謾說道臨叩夜亡。〔生〕好個文君。索把章臺傍。〔生〕大姐到有柳氏之容。怕小生做不得韓翃。〔丑〕起動起動。我也謝你一杯。

〔排歌〕〔丑〕佩轉鸞裾。釵低鳳梁。曲終初破霓裳。煖絲無力自悠揚。轉更郎當舞袖長。〔合〕花源畔。玉洞傍。免教仙犬吠劉郎。瓊樓啓。翠幃張。不知何處是他鄉。〔占〕老身也唱個曲兒。合席奉一杯。

〔前腔〕〔占〕寶帳流蘇。金鋪洞房。枕屏雙度鴛鴦。淡雲輕雨拂高唐。免走烏飛不覺長。〔合〕花源畔。玉洞傍。免教仙犬吠劉郎。瓊樓啓。翠幃張。不知何處是他鄉。〔生〕酒多了。〔丑〕天色已晚。小子告回。明日再來看。〔生〕請了。〔丑〕我送王兄入房去了。纔回。〔生〕

籃輿相訪可淹留。〔丑〕南國佳人號莫愁。〔小旦〕日暮酒闌人已散。任他明月下西樓。〔生〕丑先下〔占〕大姐你來。我看這王姐夫是個富貴子弟。這樣人到肯使一分好錢。你今夜陪他。與他個甜頭兒。等他心上熱了。起發他些東西。首飾衣服都是錢。〔小旦〕怎麼便好討。〔占〕你不要開口。只教妹

子們洋洋的到他面前說。某人與大姐置衣服。某人又與大姐置首飾。他聽了自然要與你。你還推不要。定不少了你的。這是個法兒。解官人去了。你進去睡罷。〔小旦〕謹依母親指教。〔占〕待我關了門。〔淨扮乞兒上〕羞者不做。做者不羞。〔占〕呀。這貧子。黃昏時候沒處討了。〔淨〕我不是討的。〔占〕你不是討的。倒是請小娘兒的。〔淨〕也說不定。〔占〕吓。癩蝦麻想天鵝肉喫。〔淨〕媽媽。不瞞你說。我今日街坊上拾得一錠銀子。我想起來。沒福招他。不如請個大姐。歇了一夜。送與他罷。〔占〕那有這樣話。快走。〔淨〕且住。這媽兒不信我有銀子。且將這一錠。把一條細繩結了中間。背在背上走。他必然看見銀子叫我。媽媽。你真個不留我。〔占〕不留你。〔淨〕不留我罷。且到別家去。〔做行介占〕那乞兒轉來轉來。我本待不留你。看你後面好。留了你罷。〔淨〕可知道說你怎麼不留我。我把銀子與你。〔占〕既如此。你住在外邊。我與女兒商量。二姐出來。〔丑上占〕你去打發那人。〔丑見淨譚科見占介〕不知娘教我打甚麼打發他。〔占〕要請你哩。〔丑做不肯介占打介〕這不做家的賤人。我只要他銀子便罷。管什麼好歹。〔丑〕既然如此。教他把破衣服脫在房門外。洗了浴。與他睡一夜。明日五更。打發他去。只不要人看見。〔占〕也罷。那個人進來。〔丑見淨哭介淨〕姐姐。你到與我好了。不要哭。

明日去了。拾得銀子再來〔丑〕吓。

〔梨花兒〕〔丑〕銀箏寶瑟番新調。教坊部內價名高。叵耐媽媽沒分曉。只要錢來不論好。

〔前腔〕〔淨〕你有花不折空年少。有馬不騎空自勞。有酒不醉常煩惱。得歡笑處須歡笑。

〔前腔〕〔丑〕得歡笑處須歡笑。料伊歡笑只今宵。來日依舊街前叫。嗷。拚卻今朝一醉飽。

〔前腔〕〔淨〕你花容柳貌甚妖嬈。我牽雲弄雨甚風騷。你羅衣不比我蓑衣好。嗷。你嬌謳歌不出我的蓮花落。

〔丑〕堪笑窮兒暴富。

〔淨〕有錢便是主顧。

〔占〕不是長久夫妻。

〔淨〕也算春風一度。

### 第九齣 行刺

〔未扮胡人上〕曾記嫖姚破敵年。不乘胡馬服腥羶。鐵衣臥月關山夢。尤在新連部落邊。自家野宿是也。本是女真部落金國一個蒲里衍。先年投降耿元帥。收在張安國部下。那張國公見我膂力絕人。騎射精巧。解衣推食。結爲心腹。只因受他厚恩。不忍背去。一向差我把守營門。今日喚我到幕府。不知有何說話。且在此伺候則個。〔淨上〕

〔秋夜月〕〔淨〕膽氣雄。叱詫山岳動。枉有英豪吞雲夢。狂奴獨把兵權弄。這怨憤滿胸。這怨憤滿胸。〔淨〕野宿何在。〔末〕覆恩主。有何使令。〔淨〕想我有萬夫不當之勇。與耿

元帥起兵。指望封侯列土。身經百戰。方得這東平郡。朝廷拜他爲節度使。我有功不賞。快快不樂。昨夜反說我怨望。要就軍門撻我。此恨怎生干罷。待要尋個勇士。刺殺那厮。收了軍馬。投降金國。殺盡南朝。取富貴如反掌。只沒個幹事的人兒。〔末〕小人受相公厚恩。常懷死報。既有此意。小人敢去殺他。〔淨〕如此卻好。他每夜常到後園。獨觀天象。你黃昏時潛入園中。等他出來。一箭射死。吾之願也。

〔末〕小人便去。

〔懶畫眉〕〔淨〕甲兵十萬在心胸。安肯俯首低眉田舍翁。敢殲后羿學逢蒙。取

斗印無旋踵。白擁雙旌出漢宮。

〔前腔〕〔末〕路邊戈甲正重重。〔淨〕你怎麼去。〔末〕我待到黃昏人靜。入到園中。行露潛依草蔓叢。聽百花春隔景陽鐘。手把烏號控。教他怨血空流杜宇紅。〔淨〕卽忙打點便去。〔末〕理會得。箭穿楊葉知無失。夢入槐根定不歸。〔末下淨〕若得野宿幹了此事。謝天謝地。今晚該到帥府發放軍事。只索走一遭。〔行介〕此間已是帥府。早已升堂。不免伺候。〔外扮耿京上〕

〔生查子〕〔外〕銅虎錫殊勳。建節君恩重。匡輔久懷憂。但願皇圖鞏。〔浣溪沙〕〔外〕

甲帳牙旗擁道傍。雕戈鏤鎧晝生光。丹心一點答吾皇。青海東頭沈羽箭。黑山西畔虜名王。歸來麟閣姓名香。自家蒙聖恩拜爲節度之職。深愧無功。有幸天寵。精練人馬。待秋高之後。復奪中原。誓死報國。今日無事。不免分付將校巡守營窰。將校何在。〔淨應有外〕監軍在那裏。〔淨〕也到了。〔末〕功蓋三分國。名成八陣圖。誓將清塞漠。繫頸北單于。覆元帥。候鈞旨。〔外〕如今休兵息甲。方此暮夜。怕有奸細在境。張總管領左翼。城中巡視。辛監軍率領右哨。城外把守。各要仔細。〔衆應〕得令。制勝不在敵。防微各有機。〔淨末下外〕不覺日色已暮。且到園亭占看天象。多少是好。呀。來到此間。只見夜



色蒼茫。星河燦爛。想已黃昏了。且喜三台帝座。俱有光彩。

〔懶畫眉〕〔外〕紫微佳氣鬱蔥蔥。牛女分野。怎麼旄頭星現。正在吳越帝都之地。可怪牛女妖氛燭地紅。呀。將星如何不在。只怕晶光一夕隕隆中。機槍星又明了。這是胡虜猖獗之兆。又恐怕烽烟動。天下將治。五星聚于東井。願得開祥及早逢。〔末暗上聽介外〕記得傳說是箕星下相武丁。如今秦檜死了。湯思退執政。怎比那時。

〔前腔〕〔外〕安得騎箕賢相佐殷宗。齊景公時。熒惑守心。發一善言。熒惑退舍。轉禍爲祺。羨景公。漢時陳仲弓。荀季和父子。隱居不仕。德星出現。哲人今在楚江東。唐太宗時。歲君居心。宰相權德輿作頌以紀祥瑞。爭得見賢臣頌。羣邪在朝。天下賢臣俱隱遁了。便如嚴子陵。動得星象的。只作湘江一釣翁。呀。有賊有賊。〔末射介外倒介內鳴鑼吶喊介淨上〕

〔東甌令〕他苞桑懈禍機伏。百戰雄圖歸箭鏃。邯鄲富貴今何許。炊黍早先熟。〔合〕軍門如堵弛房籠。左袒盡歸屬。

〔前腔〕〔末〕看輸贏勢幾終局。未策雲臺先鬼錄。蟪蛄買卻鳴蜩勇。黃雀已相

逐〔合〕軍門如堵。弛房館。左袒盡歸屬。〔淨〕野宿。分付三軍。把帥府圍住。放火燒了。各城門不許放辛監軍進城。〔內應介〕告元帥。東門報來。辛監軍單馬望東走了。〔淨〕也罷。野宿。教軍士找過首級。放起火來。〔末〕小將理會得。

一箭穿楊事已成。

空教汗馬立功名。

從今十萬橫行卒。

血染沙場草不青。

### 第十齣 祝壽

〔夜行船〕〔占旦小旦同上占〕乳燕初飛。華屋迥。花事罷。尙有殘鶯。〔小旦〕蕙葉翻風。槐陰匝地。〔合〕簾幕畫長人靜。〔柳梢春〕〔占〕似日中霜。似風前雪。似雨餘雲。〔小旦〕薄比飛花。蕩如柳絮。煞也無情。〔占〕西湖南陌東城。任管定年年送春。〔小旦〕薄倖東風。薄情遊子。薄命佳人。母親萬福。〔占〕孩兒。王姐夫連日如何。〔小旦〕昨日與了我十兩金子。又定二十套衣服。只教我燒個香疤兒。〔占〕我兒。這香燒刺字是個苦肉計。且早哩。此人只有千來兩銀子。不消幾時。哄了它的。然他去罷。前日解官人又說。這城中管喜員外說請你。先送了一十兩銀子來。且看此人。

個大財主。與他燒個兒。起一主大錢。也不見得。〔小旦〕這裏怎麼回它。〔占〕你說等去時與你燒。我兒。如今再設個法兒起它。〔小旦〕怎麼說。〔占〕要與我做生日。〔小旦〕怕它不信。〔占〕你兩口兒坐着。教四兒來說。淮上張官人送一百兩銀子來。替媽媽做生日。教大姐不要留人。等它要做。你說就拿銀子出來。今日先做了。好打發那人去。〔小旦〕此計卻好。〔占〕四姐那裏。

〔雙勸酒〕〔淨〕烟花戶庭。風塵心性。張郎不成。李郎不應。十人見我九人憎。羞殺我一貌傾城。〔淨〕媽媽大姐。叫我甚的。〔占〕我要王姐夫做生日。〔淨〕我來了一個月。看媽媽做三遭生日了。怎的又做。〔占〕這奴才。你窠子人家來的。不知我每的勾當。你只依我。〔淨〕諱介占。小旦說介正是計就月中擒玉兔。謀成日裏捉金烏。〔占小旦下淨〕王姐夫。出來耍子則個。

〔夜行船〕〔生〕夢攬鄉魂常不定。紅閣外小婦調箏。宿酒醒人。殘花驚眼。底是沈郎多病。〔生〕大姐。你在此則甚。〔小旦〕耍子。〔生〕要你燒個香疤兒。今日燒了罷。〔小旦〕不要慌。

等你臨去着。〔淨〕不鑽不透。不說不知。你兩個好快活。我有椿事兒報你。淮上張官人送一百兩銀子來。與媽媽做生日。教姐姐不要留人。〔小旦〕怕沒有這話。〔淨〕這人見在前面。〔小旦〕四姐。回了。

他媽媽又惱。不回他有王姐夫在這里。怎麼好。〔淨〕只教王姐夫自做了。回他罷。〔生〕這個不妨。小生取二百兩銀子與大姐。今日便做了。〔小旦〕如此極好。四姐整酒。請媽媽來。〔淨〕媽媽有請。

〔海棠春〕〔占〕簾外忽傳聲。倒屣忙來應。姐夫姐姐。請老身有何話說。〔生取銀送介〕聞知媽媽誕日。聊備薄禮。慶賀則個。〔占〕生受生受。〔生將酒送介〕

〔錦堂月〕〔生〕舞架紅英。翻階翠葆。修篁數枝相映。小靨圓荷。池塘乍弄初晴。花煖春駐瑤桐。菜暗晝長金井。〔合〕延麗景。但歌徹南飛。共酬佳興。

〔前腔〕〔小旦〕堪並岱岳崢嶸。駢來五福。遐齡已見川增。萼綠飛瓊。相將駐顏。同永蓬壺上鶴。算齊翻繡幌。內鸞篋初整。〔合〕延麗景。但歌徹南飛。共酬佳興。

〔前腔〕〔淨〕懽欣金屋娉婷。紅顏曼笑。芳妍可妬雙成。青鬢流年。花滿玉臺明鏡。舞霓裳時度雲和。歌寶扇重尋月影。〔合〕延麗景。但歌徹南飛。共酬佳興。

〔前腔〕〔占〕思省花月一生。歌臺舞榭。猶憶少年馳騁。暮去朝來。眞如覆塵難憑。青陰重巫峽春歸。黃葉慘潯陽秋冷。〔合〕延麗景。但歌徹南飛。共酬佳興。

〔醉翁子〕〔生〕忻逢。只淑女芳年鼎盛。且莫惜黃金。更羞囊罄。〔小旦〕畢竟。誓白首同歸。比翼鶼鶼。效此生。〔合〕拚酩酊。算此樂人間。不減登瀛。〔淨〕須聽。論衣紫腰金。有命。信閒處光陰。隙駒難定。〔占〕那更。怕堅閉愁城。攻破時。教仗酒兵。

〔合〕拚酩酊。算此樂人間。不減登瀛。

〔僥僥令〕〔生〕簷牙斜日暝。〔小旦〕簾額晚風輕。〔合〕看湖上好風。一帶青來迤。新月上山城。天際明。

〔前腔〕〔淨〕蓮花紅燭影。〔占〕鐵撥紫槽聲。〔合〕一任履舄交爭競。香霧轉冥冥。雲錦屏。

〔餘文〕〔十二時〕王侯甲第多鐘鼎。念此日風流還勝。但只恐素髮盈盈。老此生。

錦屏香煖護鳴箏。

不惜千回醉復醒。

人定月明池水上。

輕羅小扇撲流螢。

第十一齣 報信

〔唐多令〕〔旦丑上旦〕游子久忘歸。傷心泣蕙棹。〔丑〕遠書無雁到天涯。盡日闌干獨倚。情默默。意悽悽。〔謁金門〕〔旦〕眉黛淺。只爲病多妝嬾。〔丑〕寂寞鏡臺塵霧滿。額花餘半靨。〔旦〕聞道長安天遠。幽夢曾尋幾遍。〔丑〕執素欲裁明月扇。玉纖和淚翦。〔旦〕春英。官人出去。又是經年。怎麼不見個書信回來。〔丑〕路途迢遞。人事差池。以此不能將寄。〔旦〕恐功名不遂。留滯京華。干戈擾攘。田園荒蕪。如之奈何。〔丑〕官人去了。終有歸時。目下干戈。久當平定。小姐且省愁煩。〔旦〕只教我終日懸懸而望。怎生是好。

〔桂枝香〕〔旦〕含情凝睇。天涯無際。心驚黃鳥雙翰。月斷碧雲千里。花時又闌。花時又闌。恐有一襟紅淚。愁來難寄。暗沾衣。懊恨清淮水。東流去不回。

〔前腔〕〔丑〕香枯蘭佩。光沈鈿翠。庭花夜合慵看。砌草忘憂空對。湘江正深。湘江正深。迢迢烟水。無憑緘鯉。杳難期。不信衡陽雁。春來亦解回。小姐。你這幾日。鉛

華盡洗。筆硯慵親。只怕成病了。

〔醉扶歸〕〔旦〕恨崔徽常把青鸞委。笑文君空有彩毫題。本圖他駟馬耀門楣。

反落得網戶蠨蛸起。丈夫便爲龍一躍奮天池。忍將我比目雙魚棄。

〔前腔〕〔丑〕玉釵閒塵土孤鳳翳。羅襦暗泪點繡鴛鴦。畫梁間羞覩燕雙栖。荷花內怕有花同蒂。官人想漁舟誤被武陵迷。把簫聲竟向秦樓廢。〔外上報介〕

〔不是路〕〔外〕心急行遲。兩足龍鍾怯路岐。重門閉。呀。可憐可憐。京華游子未言歸。〔外叩門介旦〕自生疑。忽驚小犬迎人吠。恐有泥金報喜知。春英。我與你門前一看。

〔見外介〕呀。元來春英父親秦祿。你如何這等慌張。〔外〕老夫人使小人來報小姐。忙傳意。一

朝禍起蕭牆裏。疾當迴避。

〔前腔〕〔旦〕聽說魂飛鼠顧狼奔是怎的。〔外〕小姐不知。張安國謀殺耿元帥。投了金邦。

擄掠山東。將到鉅野了。胡塵起。中原血戰已紛披。〔丑〕擁旌旗。漁陽鼙鼓喧天地。

及早藏形遠禍機。〔旦悲介〕空揮淚。萍蹤梗迹將安寄。此生何濟。〔外〕這城外大野

湖邊。蠶尾山中。可以避兵。小姐卽忙收拾便行。小人也去尋個別遠逃生去了。將軍不下馬。各自奔

前程。〔下旦〕春英。這家計都管不得了。只取些金珠在身。與你去罷。

〔木丫叉〕〔旦〕鼎沸山河。瓜分邑里。一霎時把太虛蒙翳。九陽厄運。上帝心厭禍黔黎。是處見征旗。滿四郊密匝。匝幾多烽燧。國破家亡。徒自苦。何地鷓鴣得暫栖。空教人啼做杜鵑。孤怯怯。生死難期。

〔么篇〕〔丑〕洶洶吞鯨。紛紛鬪蟻。奈飄零蕩絮東西。觸景更成悲。徒有金屏繡幌。怎免得茂林荒隧。爲問干戈清偃。知何日再得旋歸。

〔餘文〕長天暮。紅輪墜。尋枝烏鵲盡南飛。豺虎縱橫。道路路危。

胡兵一動朔方塵。  
蓬梗何年是住身。

明日與君滄海上。  
相逢俱作異鄉人。

## 第十二齣 賞花

〔末上〕幾樹垂楊隱畫橋。西湖湖水不通潮。暖風薰得遊人醉。多少黃金向此銷。自家王便是也。俺相公與李大姐今日遊賞。使小人到西湖上治酒。來到此間。真個好景致。但見寶鑑無塵。畫屏施采。重重金碧。樓閣麗層霄。隱隱丹青。峯巒浮玉氣。迤迤邐邐。高高下下。一帶千雉金城。遠遠近近。盤盤



旋旋。幾座雙珠寶塔。天竺寺。靈隱寺。淨慈寺。瑪瑙寺。昭慶寺。靈芝寺。依依約約。一聲鐘磬坐來聞。二  
高峯。月桂峯。虎林峯。飛來峯。紫雲峯。天竺峯。崔崔嵬嵬。千古興亡看不足。六橋柳岸。咿咿啞啞。搖落  
樹梢新月。時度魚榔。九里松蹊。縱縱丁丁。敲殘塢內斜陽。忽傳樵斧。山缺處。氤氳氤氳。或聚或散的  
雲峯。水窮時。絡絡繹繹。或密或疎的林藪。蕨蕨蕨蕨。婷婷孀孀。芙蓉映水。幻出鏡裏青娥。輕輕盈盈。  
三三兩兩。鷗鷺眠沙。攢就機中素羽。王孫公子。齊齊整整。紫駟赤撥。無非玉轡金鞍。舞妓歌姬。妖妖  
嬈嬈。雀舫龍舟。總是銀箏象板。管絃絲竹。嘈嘈雜雜。不亂的春夏秋冬。商旅衣冠。往往來來。那知他  
燕陳楚趙。正是擅將山水勝。磨盡古今人。呀。酒缸在此。不免叫梢子起來打點伺候。梢子哥上來。  
〔淨應〕來了。來了。

〔吳歌兒〕〔淨〕南高峯相對北高峯。十里荷花九里紅。水面金魚無盡數。不如  
湖上做梢公。〔又〕湖上花船日日來。黃金散盡不曾回。多少人家傾廢去。只有  
梢公不走開。〔見諱介〕大哥。酒已端正了。怎麼相公不到。〔末〕只在城門外便就來了。

〔紫蘇丸〕〔生〕柳陰旭日光映。艤蘭舟管絃聲競。〔小旦〕試歌桃葉問卿卿。共展

登臨興。〔烏夜啼〕〔生〕水漫江洲新綠。雲開罨幘微青。〔小旦〕殘花不見成陰後。鷓鴣寂無聲。〔占〕

笑傲坡仙一夢。風流杜牧三生。〔小旦〕西湖依舊人中景。來去竟難憑。〔生〕王便。酒船整齊不會。

〔末〕完備在此。請官人大姐上艇。〔上船介〕

〔甘州歌〕〔生〕東南勝景。控武林都會。亘古名城。瓊田玉界。隱約碧澄千頃。雲連竺二寺。三天境。路轉松濤九里聲。〔合〕浮塵斷。宿雨晴。蘭皋蘅渚香然青。紅芳盡。綠陰榮。動人香豔一枝明。

〔前腔〕〔小旦〕烟霞最上層。又飛來何處。峭峯高並。樓臺鐘磬。天風引落南屏。遊人尙識呼猿洞。鳴鳥空依放鶴亭。〔合〕丘樊繞。蘿薜榮。短簷茅屋酒旗青。金丸小。羅袂輕。雕鞍玉勒照花明。

〔前腔〕〔末〕重湖入望平。似西施眉黛。倒涵山影。六橋陳迹。猶傳白傅高情。逋仙嶼中梅已老。蘇小堤邊柳自生。〔合〕菱歌起。漁唱停。片鷗飛破水痕青。紅衣嫋。翠蓋擎。隔花人語綺羅明。

〔前腔〕〔淨〕樓船載酒行。驟鴛鴦驚起。雙飛明鏡。朝雲何處。空憐草宿寒垆。石邊欲覓三生話。閣上誰題四照名。〔合〕吳宮漲。越榭傾。霸圖零落暮山青。釵金冷。塵玉橫。睡花香漬舞衫明。

〔尾聲〕惜芳辰。耽餘景。西陵先有月華生。好向津頭問去程。〔小旦〕相公早些回家。明日和你癸靈廟燒香去也。〔生〕王便快收拾回去。

〔生〕柳底花陰壓路塵。

〔小旦〕一回遊賞一回新。

〔合〕不知買盡長安咲。

活得蒼生幾戶貧。

### 第十三齣 設誓

〔外扮廟令呂公上〕晝夜潮聲拍岸沙。門前古木舞神鴉。癸靈歲歲專祈報。烟火錢塘十萬家。老漢是這錢塘江口。癸靈神王廟中。一個廟令。俺這癸靈爺爺。靈異無比。臨安一郡人民。無不欽奉。老漢在此焚修。託賴神庇。儘可度日。算這錢財也不虛了神呪。只是常行方便。濟人利物。正是莫將容易得。便作等閒看。早上怕有人來拈香問卜。不免開門伺候。呀。早有一簇人來了。

〔少年遊〕〔生〕朱甕畫棟。雕牆峻宇。江樹應參差。〔小旦〕誓海盟山。金釵鈿合。相同語恩私。〔末〕此間已是癸靈廟了。請官人大姐下馬。〔生小旦見外科外〕大姐久不到俺廟中了。這位是誰。〔小旦〕是鉅野王公子。〔外〕好好。想必到此燒香。〔生〕正是。小生因蒙大姐相愛。在此一年餘了。與俺有婚姻之約。來對神歃血爲盟。〔外〕是。大姐。這相公是個讀書君子。你不要往常這等哄他。〔小旦目視外介〕呂公休取笑我。只遭真娶嫁他。〔外〕如此。怎麼通情旨。〔生〕小生有一玉玦。是俺荆妻臨別所贈。相期決意早歸。只因大姐留住。約爲婚姻。如今將此玉玦。繫于癸靈大王佩刀鞘之上。與大姐同效于飛。取歸見俺荆妻。亦顯小生一點誠心。〔外收玉玦繫神上介〕待老漢通情旨。然後說誓。

〔急板令〕〔外〕仰蒼天照臨罔私。布忱悃神明鑒茲。望雲輶降此。鉅野秀才王商。東京信女李娟奴。同寓臨安。他兩個瑚璉青衿。粉澤紅兒。灑酒刑牲。特薦瑤卮。〔合〕申盟約。歃血叢祠。如在上。儼來斯。〔生〕大姐。你先說誓。〔小旦說誓介〕

〔前腔〕〔小旦〕念妾身蒲質柳姿。羞自逞殘膏棄脂。願婚姻迨時。願婚姻迨時。

蘿薦青春。早附松枝。繡幕紅窗。絕勝牽絲。〔生〕王便取歎血盤來。〔末〕在此了。〔小旦〕歎血介。〔介〕妾身若負王商。有如此血。〔合〕申盟約歎血叢祠。如在上。儼來斯。

〔前腔〕〔生〕彼妹子顏如務施。久繾綣曾無怨咨。心中自思。〔小旦〕只怕老母多索聘財。〔生〕阻隔好事。三斛明珠。肯恤高貲。〔小旦〕神聖在。不可心變。江漢朝宗。百折東之。〔生〕歎血介。〔小生〕若負媚奴。有如此血。〔合〕申盟約歎血叢祠。如在上。儼來斯。〔末〕小人也燒一炷香。

〔前腔〕〔末〕我東人虹蜺吐辭。瑞世寶甘泉紫芝。望大聖佑我東人。去邪歸正。偷刻意師資。談笑風雲。鴻漸台司。莫謂青蠅。使白璧瑕疵。〔合〕申盟約歎血叢祠。如在上。儼來斯。〔生〕大姐。小生就要過江。看一朋友。明日回來。〔小旦〕官人。你去便回。〔生〕與子意相親。

〔小旦〕精誠格鬼神。〔外末〕要知山下路。試問過來人。〔外小旦〕下生。王便快喚江上渡船來。〔末〕小人久有一言。稟覆官人。因李大姐在旁。不曾敢說。〔生〕你且說來。〔末〕官人才稱倚馬。志欲攀龍。業累萬金。貂傳五世。奈捐棄家室。迷戀烟花。京華縱好。孰若故鄉。脂粉空妍。終非結髮。負大娘子仇。

儷之義。玷老相公清白之風。官人可以三思。莫教大錯。〔生〕你不知我心中之事。不要胡說。〔末〕官人聽稟。

〔人月圓〕〔末〕鴻鵠志。久戢冲霄翅。那娼妓呵。花柳心情渾似紙。如今官人還有銀子。他這等奉承。黃金散盡相輕視。〔生〕他不哄我。待我再試看。〔末〕百丈淵泉難歷試。從今去。須防鉤餌請自深思。〔生怒介〕

〔前腔〕休縱肆。倉卒心攜貳。簧口無端生棘刺。〔末〕小人怕官人被這潑賤。誤了功名大事。〔生〕胸中禮樂三千字。蛟龍涸轍時不至。從今去。好緘喉舌。且自深思。

〔末〕官人不肯去。小人先回去了。〔生怒打末介〕這奴才好生無禮。不用你了。快去快去。〔打末倒介〕勢敗奴欺主。身衰鬼弄人。〔下末醒介〕官人。你好不三思。如今不肯去。只怕要去不得。那時進退無門。今日不聽忠言。將我趕逐了。我想起來。昔日陶侃之僕。常遭主公捶撻。有人勸他逃去。答曰。吾主多才。不忍棄也。我官人有陶侃之才。不能立志。也沒用處。怎忍見他流落。不如且走他州外郡。再作區處罷罷。

曲突無功最可憐。

焦頭受賞已徒然。

分明指與平川路。

錯把忠言當惡言。

第十四齣 擄掠

〔菊花新〕〔淨上〕長驅胡騎剪提封。誰奪龍沙斬將功。劍戟倚崆峒。始信王侯

無種。萬戶傷心生野烟。中原黎庶逐腥羶。爲看汶水湯湯去。盡是胡兒飲馬泉。張安國只因殺了耿

京。投順金邦。拜爲兵馬都統。着俺領十萬鐵騎。收復山東。擄掠子女金帛無算。今日已到鉅野了。且

打破城池。搜索一番。將士何在。〔外衆上〕城郭逃亡後。山河血戰餘。〔淨〕點起兵馬。整擷器械。但不

投降的。盡皆殺了。〔衆〕領將命。

〔紅繡鞋〕〔淨〕紛紛鐵騎如龍。如龍。英英羽旆隨風。隨風。驅使駟。整車攻。金甲

耀。寶刀雄。〔合〕看席卷。奏膚功。看席卷。奏膚功。

〔前腔〕〔外〕軍聲雷動轟轟轟。妖氛霧起濛濛濛。昏岱岳。撼東蒙。傾上郡

破崇墉。〔合〕看席卷。奏膚功。看席卷。奏膚功。

〔縷縷金〕〔旦丑〕行匿影。步潛蹤。捧頭如畏鼠。怕人逢。四野豺狼滿。干戈冗冗。

〔內鳴鑼鼓旦丑慌介〕看兵連禍結正無窮。浮生已如夢。〔旦〕春英。你看殺聲振地。金

鼓喧天。人民逃竄。無處逃生。我和你那裏安身。〔丑〕小姐。鸞尾山去不遠。隨行前去。〔旦〕後邊

軍馬來得近了。怎麼好。〔丑〕且向茂草叢中躲過他。〔旦丑〕正是寧爲太平犬。莫作亂離人。〔並

下〕

〔紅繡鞋〕〔衆〕輝輝列戟長鏃。長鏃。林林聚刃鈇鋒。鈇鋒。奔駭鹿。起驚鴻。人貫

搆。鳥傷弓。〔合〕看聚落盡成空。看聚落盡成空。〔衆〕前面湖邊鸞尾山中多有避難的。且

殺向山邊去。〔淨衆下介〕

〔縷縷金〕〔旦丑〕荒草徑。蒺藜叢。免身鋒鏑下。苦匆匆。〔內鳴鑼介丑〕小姐不好。鸞尾

山中都是軍馬了。〔旦悲介〕怎麼好。鸞尾蒼山迥。旌麾先擁。看兵連禍結正無窮。浮

生已如夢。〔旦丑欲下衆趕介〕拿住拿住。

〔紅繡鞋〕〔衆〕靈鼉奏鼓逢逢。逢逢。吞鯨舞浪洶洶。洶洶。屯委燒。埃連烽。追赤



電映流虹。看聚落盡成空。看聚落盡成空。拿過來。你是那裏。〔旦〕妾身鉅野百姓。〔淨〕那裏去。從實說來。

〔馬蹄花〕〔旦〕雲擾山東。劉項持兵鹿未窮。〔淨〕你是何等人家。〔旦〕念我家如墜甌。命比游魚跡。類飄風。〔淨〕看你是個官家女子。不如隨我享此富貴。饒你性命。〔旦〕不辭血染會稽鋒。肯將名汗高堂夢。〔淨〕見你一貌如花。未忍加害。不要執迷。〔旦〕將軍且休猜。逐水浮花也。須知傲雪貞松。〔淨〕那小婦人怎的說。

〔前腔〕〔丑〕毒霧漫空。故國荆扉一夢中。〔淨〕你是他甚麼人。〔丑〕念我身當衣綠。

〔淨〕元來是個婢子。〔丑〕手執流黃。〔淨〕你會織作。一發從我罷。〔丑〕心愧啼紅。〔淨〕你若不肯就殺了。〔丑〕就刑融女可全忠。〔淨〕到此不怕你走上天去。〔丑〕突圍苟灌非無勇。〔淨〕這等醜貌。又不肯從。不要殺他。趕了去罷。〔丑〕將軍妾身有主母在此。願俱亡不負傾葵。肯偷生去學飛蓬。〔淨〕把這兩個婦人押去。俘囚女子中監禁了。我事稍定。慢慢問他。〔衆應

〔淨〕玉關門外見明妃。

〔外〕憔悴紅顏逐馬蹄。

〔旦〕應有孤魂悲塞月。

〔丑〕家山牢落戰塵西。

### 第十五齣 定計

〔粉蝶兒〕〔占小旦同上占〕燦日炎威。懜騰酒醒人倦。正榴花映日初然。〔小旦〕結

新盟。渝舊好。似夏雲多變。〔合〕這門庭迎送。真如郵傳。〔占〕心情無定在。笑語暫相親。

〔小旦〕番訝梁間燕。偏依舊主人。〔見介占〕大姐。王秀才如何。〔小旦〕又有二百兩銀子在此。〔與

占收介占〕他還有麼。〔小旦〕前日見我與說誓歸來。連箱子都與我了。他怕也沒了。〔占〕既沒了。

撚他去罷。〔小旦〕媽媽且放從容。〔占〕我知道你與他好。你是我親生的。還任你些性兒。若是討的。

容他不得。管員外送了幾次銀子。今日王秀才出去。俺已着人與解官人說了。他兩個一定來也。

〔麻婆子〕〔淨〕有錢有錢人爭羨。猗頓與我使半年。有才有才人爭羨。曹植見

我走一邊。〔丑〕天生我好心偏。囊空不貯一文錢。腹中墨水無半點。〔合見笑介〕

和你富貴賢愚總妄言。〔淨〕解兄。李大媽請俺和你不知如何。這裏是他家。你叫一聲。〔丑叫介

占小旦見介淨。重勞相招。有何見諭。〔占〕員外不要性急。老身因王秀才不肯離俺大姐。定個金蟬脫殼之計。在武林門外稅下一所空房。央俺一個親的伍大姐住下了。今晚教王秀才與大姐去看姨娘。兩口兒那裏宿了。老身在此。把家火搬開。明日到那裏。使王秀才先回。員外來接了俺娘兒與伍大姐去。那王秀才兩頭走空。必然回也。〔淨〕好計好計。只怕日後也這等弄我。〔占〕員外說那裏話。人有不同。休要取笑。〔淨〕既如此。我們且去。〔占〕略具小酌在荷亭上。員外不棄少坐。〔淨〕不必了。〔丑〕員外不可辜他好意。〔淨〕也罷。看一看。果然好荷花。將酒來。〔小旦遞酒介〕

〔山花子〕〔淨〕若耶溪上春風面。傾城一笑嫣然。水沈微霓裳乍褰。江妃羅襪蹁躑。〔合〕比名花青娥少年。千鍾美酒供笑喧。紅顏萎謝空自憐。不信天台別有神仙。

〔前腔〕〔丑〕六郎玉貌悲遊輦。亭亭翠蓋田田。走驪珠圓明露旋。鮫人夜泣重淵。〔合〕比名花青娥少年。千鍾美酒供笑喧。紅顏萎謝空自憐。不信天台別有神仙。

〔前腔〕〔小旦〕風回沼邊。忽度桃花扇。冷香飛上詩篇。翦黃金歲蕤鬪。妍玉奴徐步階前。〔合〕比名花青娥少年。千鍾美酒供笑喧。紅顏萎謝空自憐。不信天台別有神仙。

〔前腔〕〔占〕宸游畫旆。太液新妝遍。宮衣巧妬雙鴛。反魂香誰留可憐。還看解語嬋娟。比名花青娥少年。千鍾美酒供笑喧。紅顏萎謝空自憐。不信天台別有神仙。〔淨〕天熱。不須酒了。我且去到武林門相接。〔占〕不可失約。〔淨〕一定一定。小宴追陪散。〔丑〕平橋步月回。〔占小旦〕來朝申密約。花下有殘杯。〔淨丑先下占〕大姐。王姐夫將回了。你今夜與他到武林門去。決不可誤。〔小旦〕我曉得了。〔占〕將新變故。重富輕貧。〔占下介〕

〔粉蝶兒〕〔生〕滿目黃埃。長天火雲如煉。怪燭龍尙自加鞭。就清涼還試展玉人紈扇。水亭中花色何如嬌面。方纔城外飲酒回來。不覺天色晚了。呀大姐。這等熱天。你每日鉛粉全拋。今日爲何濃妝不解。怕有人來望你。〔小旦怒介〕我一意與君。盟言在耳。豈可輕發狂言。將人奚落。有個姨娘。在汴京初來。住武林門外。待你同去看他。〔生〕天色晚了。明日去罷。〔小旦〕

骨肉久違。急欲一面。和你乘此夜涼去罷。明日回來。不要拗我。〔生〕既然如此。小生與大姐同行。  
〔小旦〕轎馬已具在門首。

〔駐雲飛〕〔生〕緩鞚金韉。烟靄龍城日暮天。水淨流螢軟。樹密昏鴉戰。嗟。黃鳥  
羽翩翩。尋芳游衍。宿穩花枝。已忘危巢戀。〔合〕明日重鋪歌舞筵。

〔前腔〕〔小旦〕魚鎖方嚴。宵柝重城玉漏傳。□火燮樓遠。星斗明河轉。嗟。牛渚思  
空懸。相看清淺。烏鵲難憑。只恐佳期變。〔合〕明日重鋪歌舞筵。

〔生〕異鄉憐骨肉。

〔小旦〕未見已心驚。

〔合〕不惜履行路。

與君清夜行。

### 第十六齣 訪姨

〔賀聖朝〕〔旦扮伍氏上旦〕落花正是飄零。那知流水無情。暮朝雲雨總難憑。看

巫峽崢嶸。烟花隊裏竊兵符。九里山前列陣圖。一笑曲中人不見。湘江疑嶂碧模糊。老身喚作伍大

姐。前日李大媽稅這所空房。央老身住在此間。妝喬弄假。脫嫌王商秀才。既得了他千金。不可如此

狠毒。這俺門戶中的勾當。不要管他。受人之託。必當終人之事。昨夜媚奴與那王商秀才同到此處。不會敘話。今日不免把一套謊話對付他。閒講片時。待李大媽來。自有區處。

〔花心動〕〔生〕罨酒黏花。到長安頓志歸興。人有姬姜。盟有朱陳。何須更笑雲萍。〔小旦〕參商骨肉渾無定。忻逢面還慰離情。〔合〕且共伊升堂歡笑。淹留清景。

〔生小旦見姨媽介〕旦：姐姐姐夫。夜來有慢。〔生小旦〕多有打攪。〔旦〕惶恐惶恐。姐姐。媽媽怎生還不來。〔小旦〕家裏無人。想必就到來。姨娘。幾時不見我媽媽了。〔旦〕姐姐。我說與你。

〔好姐姐〕〔旦〕憶從金輿遠征。與你媽媽兩個。連枝上分開雙柄。姐姐。你那時纔有一歲兒。嬌香稚蕊。今看玉樹成。〔合〕知忻慶。山河破碎多萍梗。骨肉相逢眼自青。姐姐。你如今家中還有甚麼人兒。

〔前腔〕〔小旦〕那時僑居上京。娘和女相依形影。〔旦〕你媽媽怕也老了。〔小旦〕風鬢雲鬢。今來鬢已星。〔合〕知忻慶。山河破碎多萍梗。骨肉相逢眼自青。〔旦〕姐夫仙

鄉何處。

〔前腔〕〔生〕遠居金鄉古城。〔旦〕好好。元來是山東人。幾時到來的。〔生〕探上國出牆紅杏。〔旦〕姐夫是前年科舉來。想是包了我家大姐。〔生〕青樓夢覺。今將繫赤繩。〔旦〕且喜取了大姐。正是一家骨肉。〔合〕知忻慶。山河破碎多萍梗。骨肉相逢眼自青。

〔寶鼎現〕〔占〕骨肉驟見天涯。相逢反生悲哽。〔旦〕呀。姐姐來了。〔占〕做悲介。呀。妹子。二十年闊別。且喜容顏如故。〔旦〕姐姐。衰容凋謝。舊業伶仃。不足挂齒。且喜姐姐別來無恙。〔占〕將就粗安。〔旦〕姐姐請坐。〔占〕且住。俺三口兒都在這裏。家中放不下。等王姐夫先回。〔旦〕怎麼姐夫又要去。〔占〕家裏都是些討的丫頭。託他不得。姐夫是我的親女婿。還須他去看顧家中。大姐陪你半日兒。晚上與我同回。姐夫。與你鑰匙。快回去罷。〔生〕小生便行。北門鎖鑰應堪任。〔占〕背介。東海撈針沒處尋。〔生〕下占。謝天謝天。我計成也。怎麼得鴛鴦外來。〔淨上〕爲憶桑中約。來尋梁下期。〔笑介〕算人真自算。堪笑我癡迷。昨日李大媽約定賺了王商去。等我接他母子去。王商想是去了。此門正是不免逕入。〔衆云〕呀。員外來了。快去打迭家伙房子。交還屋主。〔淨〕房子還鎖了。〔占〕鎖他怎的。〔淨〕等我明年到這裏望姨娘。〔占〕小旦。又取笑。〔淨〕有隻小舡在城下。先請大姐上船。〔占〕

這些家伙與我姊妹怎麼去。〔淨〕後邊還有船來。〔占〕比這船大些麼。〔淨〕前船便是後船的樣子。不要問。〔占〕員外只管胡說。且快上船。〔淨〕大姐大姐。想我教解官人約你多少時了。

〔玉抱肚〕〔淨〕蜂媒曾訂。恨花朝屢作變更。〔占〕大姐如今是你的了。〔淨〕喜扁舟已逐鷗夷。且休論越敗吳成。心中自省。人生大夢信無憑。蠻觸徒然有鬪爭。〔占〕

那王秀才有限的錢。怎到得員外。

〔前腔〕〔占〕狙奴徒逞。問囊空可得再盈。老身受員外厚贈。于心不安。怕辜他玉杵先投。使藍橋早睹雲英。〔合〕心中自省。人生大夢信無憑。蠻觸徒然有鬪爭。

〔前腔〕〔小旦〕鶯期纔整。爲新歡已失舊盟。〔淨〕章臺柳。章臺柳。往日青青今在否。〔小旦〕看長條攀折他人。想韓郎空賦青青。〔合〕心中自省。人生大夢信無憑。蠻觸徒然有鬪爭。這王秀才兩處尋不見你們。

〔前腔〕〔旦〕狐疑難定。管教它聽徹層冰。大媽。又得老身與你成了此計。算玉車得解重圍。也堪旌紀信功成。〔合〕心中自省。人生大夢信無憑。蠻觸徒然有鬪爭。〔淨〕



王秀才你

〔淨〕重到天台訪玉眞。

〔占〕三山不見海沈沈。

〔旦〕侯門一入深如海。

〔小旦〕從此蕭郎是路人。

### 第十七齣 投賢

〔生查子〕〔生上〕多情燕子樓。馬足空馳驟。欲探武陵春。迷卻桃源口。莫信直中直。須防仁不仁。方纔媽媽在姨娘家。教我先回。到他家裏。悄無一人。家伙都不見了。好怪好怪。莫非那些粉頭乘機逃去。也不見得。不免再到姨娘家裏報他母子。迤邐行來。此間便是。呀。如何閉了門。開門。開門。〔做慌科又再叫介內應云〕這是空房。〔生〕早間有人在此。如何是空房。〔內應〕前日李媽媽稅來喫酒。今日搬去。沒人在此。〔生〕原來是烟花之計。早不信王便之言。如今把我囊貨哄盡。行李俱無。去住兩難。怎生是好。將心託明月。誰知明月照溝渠。且住。前癸靈廟呂公到也。認得娟奴。且去試問他平素蹤跡。再去尋訪。〔行科〕這裏是癸靈廟。緣何也無一人在此。開門。開門。

〔前腔〕〔外上〕江村絕往來。樹蔭移清晝。捲卷罷黃庭。誰把雙扉扣。〔見介〕呀。王官

人連日不見。李大姐不來麼？〔生〕呂公一言難盡。昨日與小生同去看姨娘。他母子住下。使小生先回。到家止有空房。都搬去了。〔外〕你還到姨娘家去。〔生〕已去了。也只是空房。〔外〕這等你被他計賺了。你怎麼不防他。〔生〕前日猶自說誓。怎麼防他。〔外〕官人。它一年在此與人說誓。不知多少。那裏信得他。你這等久戀他家。必有緣故。〔生〕呂公。

〔紅衲襖〕我豈知他劣心。情似風絮浮。〔外〕拿不定它。〔生〕錯與他守盟言。磐石厚。〔外〕不止你一個錯。有令正麼。〔生〕不下堂。遠棄了鸞鳳偶。倚市門。隨着鹿豕遊。他算得那楚重瞳。咳下愁。賺得阮步兵窮途走。只教我空戴南冠學楚囚。

〔前腔〕〔外〕官人。你本是擗管的紫微堂國士儔。運斤的丹鳳樓天匠手。只爲豔笙歌糊塗了金石奏。濫杯觴沈溺了鐘鼎謀。管甚麼王仲宣難上樓。曾子輿不蔽肘。你不到烏江不肯休。

〔前腔〕〔生〕他見我侈黃金囊未羞。便只待獻紅顏身可售。如今我囊金已盡。只見那雲歸楚峽。空餘岫。卻笑那水遶天台。只漫流。〔外〕官人。你道他那裏去了。〔生〕知他

轉春鶯何處求。多應向章臺還折柳。又抱琵琶過別舟。〔外〕官人。怎麼不曉那娼家行徑。

〔前腔〕〔外〕他紫金釵是殺人的兩刃矛。翠雲翹是陷陣的三尖冑。羅網般迷魂衾與稠。酖毒的奪志觴和豆。若是貪戀他的。饒你鄧通錢無盡留。便做子建才遭讒詬。人若是悔氣的撞了他。不是冤家不聚頭。〔外〕官人。你如今怎麼好。〔生〕便是。小生囊

篋罄然。家園迢遞。進退無路。特問公公指引。再去尋他。〔外〕官人。你尋他不得。老漢見這裏解幫閒說。答喜員外包了他家中去了。〔生〕好好。解幫閒曾與小生相交。若去問他。必然肯說。〔外〕這樣人翻雲覆雨。見利忘義。前日是朋友。今日也不認你了。官人既無處去。只在老漢家中權住。溫習經史。草衣糲飯。不須挂心。〔生〕如此多謝。但小生還要一見解幫閒。〔外〕既然要去。老漢相伴同行。〔介外〕這裏是他家。解小哥。〔丑〕誰叫誰叫。豪門送物鵝伸頸。好客臨門豔縮頭。〔外〕小哥。頭不是好縮的。〔丑〕學你的。〔外〕老漢還強健。沒有縮頭。〔丑〕近來學得烏龜法。得縮頭時且縮頭。一向一向。二位到此貴幹。〔生〕小生特來相問。李家搬到那裏去了。〔丑〕你不達時務。我又不是鸞鳳官。那

管得你這歪事。〔生〕當初是足下同去的。〔丑〕你這樣人會嫖。我做甚麼跟隨你。〔生〕反面無情。非人所爲。〔丑〕你這個敗家之子。是個禽獸。反來說我。〔生〕不記得喫我的。用我的。就不認我了。〔怒介〕

〔大趂鼓〕〔生〕衣冠似沐猴。肯嫌牛後。慣逐蠅頭。縱蘇張得志懸河口。也爭知天道如鉤。鬼蜮無端。令人怨尤。

〔前腔〕〔丑〕憐伊乳尙留。笑黔驢無技。遼豕堪羞。〔外〕他是飽學君子。不可粗鹵。〔丑〕想仲尼亦似忘家狗。不信你這樣人做官。也難知鷓鴣解橫秋。黃口無知。令人怨尤。〔前腔〕〔外〕君言且莫讎。他轍魚方困。器鼠難投。小哥不要反了面。想買臣衣錦歸白晝。也須知覆水難收。得失由天。何須怨尤。〔外〕官人不必關口。回去罷。

〔生〕詞賦曾誇鸚鵡流。

〔外〕鄉人今正賤東丘。

〔丑〕海翁不是忘機者。

〔合〕好爲裁書謝白鷗。

## 第十八齣 截髮

〔一疋布〕〔淨上〕都將帥擁兵權。四郊已晏然。謀謨談笑酒尊邊。腰間斗印懸。事虜今懷將印。忘君曾豎降旗。笑罵從他笑罵。好官我自爲之。下官因降大金。得此美爵。且喜北兵正勁。南朝甚靡。邊境不擾。風塵寧謐。前日擄得些山東女子。多有從我的。只有鉅野秦氏。誓死不屈。加以兵刃。全然不怕。欲要強逼他。他必然就死。卻不可惜。今日不免帶他出來。緩緩勸他。小校何在。

〔末〕玉帳秋風肅。蓮壺晝漏遲。覆元帥。有何鈞旨。〔淨〕快去俘囚中帶鉅野秦氏兩個婦人來。〔末〕

領鈞旨。〔下帶旦丑上介〕

〔霜天曉角〕〔旦〕舊家庭院。燕麥今應遍。國破家亡命蹇。爭如早喪黃泉。〔淨〕你這婦人。怎麼不肯順我。〔旦〕忠臣不事二君。烈女不更二夫。斷不學狗彘之行。玷衣冠之風。不改初心。寧蹈白刃。〔淨〕小校。把這兩把劍放在它面前。看他肯也不肯。〔擲刀介〕旦丑搶刀介。〔淨〕奪了。〔旦〕吾頭可斷。刃不可奪。汝若近前。當手刺叛奴。然後自盡。將軍不須苦苦逼我。你且迴避。待從容梳妝。〔淨〕得它心肯日。是我運通時。〔淨末譚下丑〕小姐。你不從它。梳妝怎麼。〔旦〕春英。我被它凌逼。故設此計。如今截髮破面。殘毀形容。他想也不要我了。倘或再來逼迫。將此寶劍。臥起操持。危

急之時。自刎而亡。若這叛賊。因容顏損棄置了。留此殘生。再見兒夫一面。也不見得。〔悲介丑〕小姐且莫愁煩。

〔憶多嬌丑〕身隕越。家破滅。無瑕白璧安肯涅。效北海纍臣甘氈雪。〔合〕死殉全節。看虞姬劍血。〔旦解髮介〕古人云。身體髮膚。受之父母。不敢毀傷。如今也顧不得了。〔悲介〕〔鬪蛤麻旦〕我帛束玄雲。知難再結。恨墮馬妖妝。污人齒頰。我這頭也不要他了。何況此髮。頭須斷。髮先截。〔悲介〕丈夫。白首無期。與君共穴。〔截髮介合〕衷腸義結。鼎烹甘自決。忍恥輕身。待山崩海竭。

〔憶多嬌丑〕你言剗切。我心斷絕。捐軀有志堅比鐵。拚青冢孤魂悲沙月。〔合〕死殉全節。看虞姬劍血。〔旦〕本爲花容。誤我受苦。今來也消瘦。〔悲介〕

〔鬪蛤麻旦〕我玉貌芳姿。愁來又別。忍沐首膏脣。爲容取悅。丈夫。你不在面前。那裏再有眼看人。眉羞嫵。目堪抉。我若失節呵。丈夫。九地逢君。赧顏厚甲。〔破面介合〕衷腸義結。鼎烹甘自決。忍恥輕身。待山崩海竭。

〔水底魚兒〕〔淨〕玉質天然。摧殘更可憐。得成姻眷。勝郵亭一夜眠。〔淨〕這婦人不從我也罷。怎麼截髮毀容。這亂離世那個知道。

〔剗鉞兒〕〔淨〕春紅自破桃花面。殺青誰紀柏舟篇。蛾眉逐征戰。空悲少年。你若從了我。無限富貴。〔合〕瑤階上仙。金屏妙選。離黍秋風。休思故苑。

〔前腔〕〔旦〕堂堂頗弁英雄漢。好施巾幗比紅顏。〔淨〕他到罵我似婦人。〔旦〕忘讎作鷹犬。偷生苟延。〔淨〕我十萬雄兵。害你一婦人。有何難處。〔丑合〕貔貅在前。從教血濺。〔末〕娘子回心罷。〔旦〕匪石吾心。休思再轉。

〔前腔〕〔末〕頭顱禿髮如闐產。爭教蜀女且從桓。浮生疾飛電。何妨二天。〔合淨〕你不見我許多姬妾。瑤階上仙。金屏妙選。離黍秋風。休思故苑。

〔前腔〕〔丑〕生慚污跡同蠅黽。死留香骨蘭荃。紅爐任百煉。眞金自堅。〔合旦〕貔貅在前。從教血濺。匪石吾心。休思再轉。〔淨〕他既把花容損壞。也沒用了。還豎在俘囚女

子中。慢慢區處他。〔末應介〕

〔淨〕雪彩冰姿未足誇。

〔末〕窮途淪落困泥沙。

〔旦〕紅顏勝人多薄命。

〔丑〕莫怨春風當自嗟。

### 第十九齣 赴試

〔破陣子〕〔生上〕殘暑方歸篋扇。新涼乍怯絺衣。故園夢有吟蛩弔。荒館愁應落葉知。旅懷空自悲。〔重疊令〕〔生〕山陽忽奏桓伊弄。驚回一覺揚州夢。蟲語自淒涼。遊人增感傷。家園烟樹縵。獨鴈南來早。何處覓佳音。關河起戰塵。王商自從別了妻子。來此京都。不覺三載。巨耐潑賤煙花。將我閃賺。幾至亡身。幸蒙呂公相留在家。僅免饑寒。溫習舊業。想我空有滿腹詩書。不能早取青紫。展轉人下。豈不自恥。況又家鄉迢遞。杳無信音。近聞張安國殺了耿節度。大亂山東。不知我妻子存亡若何。只爲洛陽花好看。卻教連理不成枝。〔生〕

〔玉芙蓉〕長城五字奇。脫穎毛錐利。困泥塗吹徹。冷齋懲艾。記得王章家貧時節。與妻子對泣牛衣之內。我如今有王章之貧。又不得見妻子。〔悲介〕牛衣不共空流涕。狗盜無媒只噬臍。〔合〕身淹滯。謾高歌劍鋏。樂道安貧。待時終覓上天梯。想馬周未遇。流落



新豐後來得常何薦做他。了大官。我終不然落後了。

〔前腔〕新豐客思迷。望國鄉心起。念長房不遇。豈堪縮地。天或者伸我。也不見得。埋龍自惜輝光蔽。失馬難將禍福期。〔合前外上〕

〔七娘子〕男兒未遂平生志。在窮途有誰憐濟。學業三冬。鵬程千里。也知終是青雲器。官人拜揖。〔生〕呂公拜揖。小生經年在此。多蒙恩顧。何以報德。〔外〕貧家澹薄。管待不周。惶

愧惶愧。〔生〕小生一身得藉提攜。已無憂慮。爭奈家山兵燹。不知薄業山妻成廢存亡若何。〔外〕官人何不且圖歸計。路上盤纏。老漢儘可效力。〔生〕小生不得一官。何面目見江東父老。〔外〕元來如此。今年正大比之年。官人及早打點入試。看你才學。取科第如反掌。不要蹉過。老漢有粗衣一襲。黃金十兩相助你。〔生〕如此多謝。

〔鴈來紅〕鹽車正可悲。荷孫陽得見知。他日呵。倘追風電康莊裏。芻秣難忘義。奈李廣未侯真數奇。〔合〕時還遇。春風馬蹄。向皇都誇得意。〔外〕念蛟龍久在池。挾風雲會有期。看作霖雨乘元氣。枯稿皆沾濡。那時節。翁子東歸免見嗤。〔合前

云粗衣在此〔生〕

〔朱奴兒〕若非是綈袍見貽。懸鶉結安得蔽體。〔外〕但願羔羊試委蛇。早襦袴政成千里。〔合〕須記取。推食解衣。得志後銜環再歸。〔外〕黃金在此。愧不腆兼金餽伊。〔生〕這個決不敢受。〔外〕官人何故推卻。又不是暮夜可畏。腰印能如季子稀。恐擲地賦聲難比。〔生〕小生當初因與這烟花設誓。將山妻玉珎。寄放此廟。如今再煩呂公與我收下。成名之後。取歸見俺妻子。〔外〕謹領謹領。

長安爲客幾經春。

一望關山淚滿巾。

惟有感恩并積恨。

萬年千載不成塵。

### 第二十齣 觀潮

〔秋蕊香〕〔淨〕秋滿碧梧枝上。飛葉已堪惆悵。〔貼〕織烏馳景。催華壯選。何妨權賞。〔貼〕木落風高天氣清。錢塘江上暗潮生。〔淨〕吳兒十歲能欺浪。應爲金多視死輕。大姐。今日看潮酒已安排在此。且與你到江岸邊開看一回呵。〔貼〕員外請行。〔淨〕呀。遠遠望見兩個道士來了。

〔末〕

〔北清江引〕蓬萊五城游半餉。回首遙天上。青蛇袖裏藏。白鶴雲中放。乾坤一壺春自廣。〔末〕咱們方上雲遊。專靠燒丹煉藥。江湖上覓利度日。開得管員外在此看潮。此人可哄。不免試他一試。〔譚介〕兄弟。近前稽首。〔見介淨〕二位仙長何來。俺不知貴姓。有甚道術。〔末〕貧道馬扁。略曉內事。〔淨〕願聞。〔末〕

〔北水仙子〕一生身怪兩輪忙。半顆丹成九轉長。十年夢覺三尸放。問黃婆知未忘。把離龍坎虎能降。腹內嬰兒長。胎中婉女藏。這事成了呵。白日翱翔。〔小旦〕這位師貴姓。〔丑〕貧道姓貝名戎。頗知外丹。〔淨〕這個我每又好願聞。〔丑〕

〔前腔〕白銅除鐵轉晶光。錫軟還知縮貨強。逢鉛脫皂成真相。試倭鉛金白黃。打紅茆不犯砒礪。草汞乾來易。靈砂母不傷。這事成呵。直甚千箱。〔淨〕此事卻好。請二位到家下投拜爲師。〔丑末〕容日叩謁。〔淨〕在此間看了潮。今日就同家去。權且小酌一叙。〔末〕

難得佳辰。遇着員外。又有大姐。不可虛度。各出小令。取樂何如。〔淨〕是。妙妙妙。要兩句古人看潮詩。

第二句比着席間一位。後來還要頂一句古詩。小子占先了。仙長似內丹。我就說李白詩云。海神來過惡風回。潮似連山噴雪來。〔丑〕後韻。〔淨〕好比丹成生羽翼。碧桃花滿玉成堆。〔丑〕好一個仙人。  
〔小旦〕我就貝師父外丹之術。朱餘慶詩云。暗雪噴山雷鼓聲。客帆皆過浪難平。莫非丹鼎中央敗。汞海翻秋失太清。〔淨〕好個沒用丹客。這鼎銀使不成了。〔末〕貧道斗膽。奉比員外。劉禹錫詩。八月清聲吼地來。頭高數丈觸山回。員外真如福地多儲積。鄖鄖黃金自作堆。〔丑〕好好一主大錢。貧道不當比着大姐。羅隱詩云。怒聲隱隱熱悠悠。羅隱江邊地欲浮。大姐卻似明朝送人別。淚珠常傍枕函流。〔末〕怎麼有許多眼淚。〔丑〕那教你有這許多錢。〔末〕原來見財起意。我和你來作甚麼。〔丑〕  
休道本相。〔淨〕將酒過來。

〔惜奴嬌〕天塹錢塘。瀉滄溟千里濫觴。非妄分洪洛。帶束禹門巖障。遐想罔象神姦。水伯冰姨。乘波吞浪。〔合〕凝望。想赤實自流萍。得似楚人曾賞。〔小旦〕

〔前腔〕悲涼。霸業興亡。問何如潮汐。幾番消長。煙波上。磨盡古今英爽。踉蹌。桂棹蒲帆。利舸名舫。繽紛來往。〔合〕惆悵。念擊楫向中流。那有祖生襟量。〔衆〕潮來

了〔末〕

〔蛤蜊序〕汪洋。析木扶桑。乍鯨鯢波巷。混迷霄壤。見銀山初合。恍移蓬閣。神喪。風驟羽旆張。雲屯驃騎驤。〔合〕影微茫。只見怒買夷鷗。素陣風來乘漲。〔丑〕

〔前腔〕迭宕。沃日湯湯。怕高陵爲谷。倒翻銀浪。看這神州百雉。忽驚搖蕩。游漾。柔櫓蟻隊揚。輕身鳥羽翔。〔合〕且徜徉。不見射弩英雄。玉匣又陳宿莽。〔淨〕

〔錦衣香〕紫陌長。朱樓敞。綺縠香。珠璣晃。士女王孫。馬蹄車鞅。〔小旦〕紛紛七貴競新妝。花生繡帶。月偃明璫。〔合〕想人間樂事。稱心懷幾多豪放。浮蟻餘春。盡管絃嘹唳。高歌勝集。無邊清況。〔末〕

〔漿水令〕儼陽侯。倏回肝蠻。望靈潮。逡巡已降。〔丑〕高城落日半林黃。汀洲澹澹。煙景茫茫。〔合〕澄秋練。明似掌。遺鈿墮羽紛相向。天街晚。天街晚。歸人鬧攘。紗籠照。紗籠照。巷陌生光。

〔尾聲〕〔合〕千金莫惜供醅釀。對景逢時。懽暢。來日陰晴未可量。〔淨〕請二位同回。

〔末丑〕員外先請。貧道明日準到。〔淨〕拱伺。

縱酒高吟興更饒。

帝城秋日似春朝。

一年好景君須記。

過了錢塘八月潮。

## 第二十一齣 對策

〔上林春〕〔外〕明鏡無塵。朱絲恆直。南宮裏已看徹棘。英雄濟濟。踰踰。多少青霄門客。〔外〕彤日累罨映玉除。未央初駕五雲車。萬言獨對天人策。借問誰如董仲舒。下官宋朝中翰林承旨。奉上命省闈校文。今日率領舉子臨軒策問。不免在此伺候。〔生〕

〔步蟾宮〕初聞嚴蹕傳清禁。丹墀肅鹵簿方陳。日華浮動袞衣新。願竭草莽忠悃。〔生〕賈誼登朝日。終軍對策年。校文升廣內。撫劍入崇賢。王商得蒙呂公助資應試。且喜成名。今當大廷敷對。聖駕已升殿了。〔外〕廷試諸生。不得近前。只此敷奏。皇帝清問。方今致治保邦之急務。各陳所見。以備采擇。〔生〕臣對。臣聞國家之患。莫先於北虜。爲治之要。在急於復仇。切見靖康中徽欽

二聖。〔生〕

〔刮鼓令〕鸞輿陷虜塵。竟號弓塞月昏。空夢斷長陵坏土。朔漠當悲杜宇春。當時二三執政。立議和好。因循忘戰。廟議主和親。父母之仇不共戴天。兄弟之仇不反兵。與毡裘戴天。神人共憤。願吾皇薪膽幸留神。念齊襄九世恨猶伸。〔外〕方今國計。更有何者爲急。〔生〕臣聞王者必親中國以爲天下樞。今中原既失。偏安一方。非遠略也。〔生〕

〔前腔〕乾坤久戰氛。嘆黃圖已陸沈。江左偏安如黑子。九鼎相將睨楚人。〔外〕只恐壤地褊小。不能興復。〔生〕百里可行仁。包羞爲痛。衣冠左袵。願吾皇宵旰法惟勤。念太康一旅再興殷。〔外〕恢復之策。何者爲先。〔生〕若欲興師。莫先任將。

〔前腔〕宣神武播聞。作鷹揚須虎臣。敵愾執俘仍闢土。可乏長城細柳軍。命將得人。則邦家奠枕。國命此攸存。分符授鉞。當專委任。願吾皇推轂早咨詢。念周宣方叔建殊勳。〔外〕知人則哲。惟帝其難。何道可以遂得良將。〔生〕若欲知人。當先擇相。宰相之職呵。〔生〕

〔前腔〕貞庶尹秉鈞。亮天工弼一人。看論道經邦廊廟。進退賢愚又我民。宰相

得人。則天下不勞而治。苟非其人。民受其殃。治亂豈無因。人情夢卜。前聞未泯。願吾皇睿鑑別。舊薰念成湯伊尹學而臣。〔外〕王省元諸策。條對詳明。識見超異。天顏甚喜。就有玉音傳降。〔生〕多謝先生提攜了。〔旦〕淨舉袍笏上衆。

〔滿園春〕晁董文章入紫宸。神龍一躍到雲津。袍賜椒宮。臚傳金殿。名題仙禁。

奉旨。鉅野王商。第一甲第一名。授翰林學士。鴻臚寺具鼓樂送狀元歸第。〔生〕謝恩介。〔生〕

〔二〕段鮑老催。繩樞賤貧。分柴桑終淹此身。一朝發軔。向楓陛躬逢湛恩。康莊逸足。驕驪迅。平生伏櫪堪紆忿。看文章貴。五色絲。天機錦。十年牕下。無人問。

〔合〕聲名一日天下聞。男兒到此真豪俊。〔外〕

〔前腔〕藏珠席珍。際亨嘉堪爲鳳麟。拔茅彙進。奉天語方傳帝闈。神魚燒尾轟雷奮。從前謝卻泥沙。看頭顛異。清路塵。依龍袞。還抒經濟胸中蘊。〔合〕前丑。

〔節節高〕官袍柳色醇。照青春。玉驄蹀躞香街穩。姮娥近。綺繡圍。簫韶引。紅樓十二。懽聲震。長安得意花如錦。〔合〕造羽。變龍贊明良。雍容載歌康堯舜。



〔前腔〕〔旦占〕紅綾御餅新。薦芳芬。八珍異饌天廚進。芝封印。玉筍英泥金信。  
巍巍鴈塔榮光峻。玉階金許聯方寸。〔合前〕

〔餘文〕他年佩取黃金印。看宇宙崇功還振。始信文章可立身。

〔生〕對罷丹墀日未斜。

〔外〕相如詞賦萬人誇。

〔合〕春風得意馬蹄疾。

一日看盡長安花。

## 第二十二齣 改名

〔丹鳳吟〕〔淨〕情如撒沙。恥如出胯。風流子弟光光乍。甘盡苦來。做場話靶。小子

爲人最庸。生來便靠祖宗。豈知鍋兒鐵鑄。飯飽不問農工。日日輕裘肥馬。街坊慣嚇兒童。誰料災星

照命。撞了煙花五通。只管吹彈歌舞。那知春夏秋冬。黃金視如土塊。白鏹當作青銅。害得入離業破。

反面不肯相容。教我有家難奔。跟他做個樂工。〔內云〕這是忘八。不好做他。〔淨〕正是明知故犯。也

因業在其中。管喜前日頗有家貨。因爲這李娟奴。兩三年間。破費幾盡。又撞了兩個鍊丹的。哄我那

幾千金。指望復本。被他夜間放火焚盡。拐了銀子去。使我上無片瓦。下無寸土。這裏又要撻我出去。

怎生是好。且待李大姐出來。計較則個。(旦)

〔行香子〕弄柳拈花。粉黛從誇。有高枝任卻棲鴉。相親敢論俗子豪家。逐興衰。觀成敗。受波渣。(淨)大姐爲何愁眉不展。(旦)我兩日爲你受盡了氣。不如死休。(淨)我曉得媽媽要撚我去。只是我已無家可歸。又且撇你不得。(旦)我卻雇你不得。兩日沒使用。被你妨占。不好留人。媽媽打我。(淨)你自留人。我不喫醋。(旦)人來見你。有甚名色。(淨)只說是後生便了。(旦)且看媽媽怎麼說。

〔石榴花〕尤雲帶雨。堪笑似飛霞。愁緒起。亂如麻。(淨)是我累你受氣。(旦)門庭諍語。鎮喧譁。(淨)許嫁我也空了。(旦)料今生難倚蒹葭。你也怪我不得。我是梁園豔葩。恨彩幡無力與東風嫁。也空教碧玉多情。恐明朝又屬豪家。(淨)

〔前腔〕嬌紅嬌紫。貪看洛陽花。膠與漆。似擲沙。毫釐千里定誰差。也空勞夢遶琵琶。我前日未來之時。豪腴可誇。想燎毛已被傍人詫。悔當初錯認仙源。使劉郎歸去無家。(占上)人無千日好。花無百日紅。只因一着錯。滿盤都是空。孩兒家裏沒柴沒米。外邊債

主又來。你只貪快活。那肯雇我。〔內叫〕大姐有客。〔旦下占〕姐夫。我這人家。只圖錢財。不顧禮義廉恥。你在此難道不要你使錢。不如歸家。尋些營運。有暇再來。免得誤你。〔淨〕媽媽。你明知我房屋一空。妻子又出了家。人離財散。無處可歸。不要奚落我。如今由大姐留人。〔跪介〕念我無家。容住少時。另有計較。人來見我。只假做後生便了。〔占〕要做便做。怎麼假得。這是哄人的法兒。〔淨〕你哄了千萬萬人。我怎哄得你。〔占做怒介〕

〔泣顏回〕填臆氣交加。子陽真井底之蛙。〔淨〕你女兒曾許嫁我。〔占〕呸。我的女兒。金屏幽雅。怎終教彩鳳隨鴉。休如艾緞。便糊塗不肯相干罷。彼一時也。此一時也。不比前日了。也須知王謝堂前燕。應歸百姓人家。〔淨〕

〔前腔〕嗟呀。使我失光華。身依井閉。迹類天涯。〔占〕你還歸去了罷。〔淨〕人消物化。便歸去呵。悵黃臺抱蔓無瓜。〔占怒扶淨出介〕我不管你。快出門去。〔淨〕媽媽。情願做了後生。伏待你家罷。〔占〕你若是不肯幹事呵。莫怪我要打你。〔淨跪介〕鞭策可加。論傭奴怎敢辭。嗔罵想何如。季布難歸也。髡鉗自賣朱家。媽媽。諸般肯做。只不要差我遠去。〔占〕遠

去怎麼。〔淨〕怕你到姨娘家裏去了。〔打諢介〕

〔淨〕舞裙歌曲逐時新。

〔占〕散盡黃金只此身。

〔合〕寄語富兒休暴殄。

儉如良藥可醫貧。

## 第二十二齣 接望

〔謁金門〕〔生上〕愁思重。飛葉滿階秋送。回首家山歸路永。幾番頻入夢。〔阮郎

歸〕宮袍新惹。御爐香殘。不知薰麝闌。八磚晴日度雕簷。紫薇花影團。簫引鳳。鏡羞鸞。梨雲幽夢寒。

故園長望路漫漫。相思楓葉丹。皂隸衙門口伺候。怕有客來通報。〔丑介生〕王商幸喜登第。叨蒙聖

恩。備員學士。平生志願已遂。羞恥盡雪。爭奈我妻子遠在一方。道路干戈阻絕。不能設接得他來。共

享富貴。如何是好。且待奏過朝廷。覓一差遣還家便了。我當初只道填委溝壑。爭知又有今日。夜來

直宿。曾蒙招問。撤御前蓮燭送歸。這等榮寵。

〔風入松〕青藜宵永玉堂空。又金蓮撤送。盤雕賜錦沾恩寵。是鑿壁囊省曾種。

若非呂公警自。我已作他鄉之鬼。幾壘玉昆岡火中。須還念徒薪功。昔人待賢。夏屋渠渠。

每食四簋。以爲隆禮。我今呵。

〔前腔〕尙方珍饌給殮饗。盡天廚供奉。追思寄食眞如夢。喜充鼎雉膏成用。念不得糟糠婦同。空懷愧祿千鍾。〔末上〕

〔謁金門〕土字方驚騷動。問辜欲全忠勇。天討堂堂鋤竊弄。肯將羣醜縱。下官辛棄疾。昔爲天平節度耿京監軍。張安國賊殺耿京。下官志欲討賊。單騎逃回。不想臥疾家居。忽已二載。方得請命王上。已下中書省詔遣張浚征討。緣係重臣。又差學士王商慰勞。下官不免先到王學士寓所報知。此間就是。門上通報。〔丑〕報介。〔生接見介生云〕大人貴職。〔末〕下官天平節度監軍。〔生云〕不是大人上表討張安國麼。〔末云〕謀之不衷。惶恐惶恐。〔生云〕忠義之士。何幸快覩。昨聞廷議。欲遣下官慰勞張節使。不知果否。〔末云〕聖旨已下中書了。〔生云〕辛大人。且試說耿公何以被殺。〔末云〕那耿節度三年之前。〔末〕

〔五供養〕節旄初擁。銅虎承恩。保障山東。反戈驚內訌。玉帳殞元戎。〔生云〕那張安國後來如何。〔末〕他殺了耿節度。投了那金邦。稱臣委質。狐鼠方私榮寵。下官一向臥

疾家居。未抒袁粲志。徒抱伍員忠。幸喜得請于朝。闔闔天閣。已傳丹鳳。〔生〕

〔前腔〕兵戈冗冗。目斷粉榆。謾有新豐。〔末〕王大人離鄉幾時了。〔生〕一官方結綬。

三載困飛蓬。風塵故園荆棘空。悲丘壠。〔末〕府中更有何人。〔生〕耦耕慚冀缺。舉案

憶梁鴻。〔末〕元來有夫人在宅。〔生〕爲問柴桑。幾時歸詠。〔丑〕堂候官上。羽檄連朝暮。戎旂

匝邇。將軍待明詔。一舉靖胡沙。自家中書省堂候官。奉丞相老爹之命。王學士衙中稟事。不免參

見。〔見生介〕你是那裏。〔丑〕中書省堂候官。丞相差來拜上老爹。聖旨差往張節度軍前慰勞。請

先治行裝。命下便行。〔生〕回去拜上。已曉得了。〔丑〕應下末。王大人。明日想必有旨下來。下官到

寓所收拾。相待同行。

〔江兒水〕暗想秦庭下。泪雨紅。包胥怒血如泉湧。六月徂征。王師動。螳螂敢奮

當車勇。那叛賊呵。怎保醢雞天壤。〔合〕獻馘來歸。聽取凱歌傳諷。〔生〕

〔前腔〕舉目山河異。豹虎叢。縱橫胡馬腥羶衆。四牡委遲心無恐。王程靡盬。遑

將奉。辛大人。你此去綱常增重。〔合前〕

〔生〕眼中羣盜尙縱橫。

誰識逋逃家客情。

〔合〕邊將祇今多衛霍。

犬戎巢穴一時平。

第二十四齣 傳旨

〔宜春令〕〔外淨上〕憶當年汗馬勞。矢石間功成建旄。維藩隆委。猶慚頗牧營邊。微掃寇讎玉輅重歸。奠邦家金甌還保。〔合〕方顯事君以忠。史書垂耀。〔鷓鴣天〕

〔外〕天地塵昏九鼎危。大貂曾出武侯師。一心忠赤山河見。百戰功名日月知。傳詔日。受降期。征西車馬羽書遲。金輿遠幸無人問。正是將軍效死時。下官非別。乃是張浚。見任江淮節度使。于時多難。累立戰功。得蒙聖恩。方推重鎮。如今全師駐劄淮陽。且喜軍威遠播。胡虜側目。漸有興復之機。曾奈廟堂決策。動輒齟齬。如何是好。不免整飭戎務。待時而動。衆小校何在。〔內應介外〕方今秋高馬肥。恐有胡騎犯境。傳令各營將士。用心設備。〔外〕

〔前腔〕遍清淮秋已高。亂悲笳邊風怒號。胡兒鐵騎。莫教牧馬沙場草。立戰功須要搴旗。壯軍聲何妨增竈。〔合前外〕轅門外甚人喧嚷。〔淨〕告老爹。聖旨到了。〔外〕疾忙

迎接〔生〕

〔轉仙子〕四牡皇華關山道。奈鞅掌迢遙。〔末〕邊塞靜狼堠煙消。禁遠龍城天  
渺。〔合〕見轅門正肅。萬騎弓刀。〔末〕王大人。此間帥府。和你逕入。〔外接介生讀〕皇帝手勅。付

江淮節度使張浚。頃者張安國賊殺節度耿京。叛降金酋。荼毒東土。瀆紀犯順。實摠朕懷。卿之忠勤。  
朕所倚賴。特遣近臣。慰勞軍前。其率全師東征。討貳胡虜者。俘馘以聞。爰有殊賞。以答元功。辛棄疾  
可授行營都總管。執功遷擢。往哉毋忽。〔衆謝恩外〕學士大人請坐。〔生〕節使大人請。〔外〕總管坐  
了。〔末〕不敢。〔坐介外〕學士大人。遠勞銜命。何以克當。〔生〕王命下臨。安敢自惜。君父之讎。臣子共  
憤。望大人早蚤興師。〔外〕下官素有恢復之志。曾奈廟議蹉跎。是以如此。想京都不勝黍離之恨。

〔梁州序〕龍盤皇國。霞開清廟。葉滿空官。馳道甘泉宸駕。鸞旗遠簇江臯。當時  
屬蹕之臣。那有血沾嵇紹。擔荷桓康。負恥終難效。自今當誓死破賊。玉門拚白首。  
老班超。直取扶桑銅柱標。〔合〕圖死戰。靖羣盜。君恩誓卻捐軀報。社稷植忠孝。

〔生〕



〔前腔〕登壇名將專征元老。帷幄從容談笑。謀謨先定。胸中已失蕭曹。試看亞夫營壘。光弼旌旗。武略由來少。漢家應只數。霍嫖姚。一寸心懸日月高。〔合前外〕

辛總管。耿元帥當時也有將才。〔末〕

〔前腔〕擬掀天獨樹勳勞。奈溘露先逢殘暴。如此呵。但荆榛荒塚。斷猿啼嘯。下官今日空有新亭悲憤。入廁孤忠。白刃誠甘蹈。一封天子詔。下丹霄。結束征車換黑貂。〔合前淨〕

〔前腔〕建保釐東土旗旄。膺寵眷西征裘帽。這桓桓神武。並驅方邵。謾有圍碁別墅。誅月高樓。國事縈懷抱。山河兵革裏。羽書交折戟。沈沙鐵未銷。〔生末〕今日王命敷宣。將軍領兵。須索在意。〔外云〕謹領謹領。

〔外〕奉命山東撫亂師。

〔生〕日馳三百尙嫌遲。

〔合〕羌胡血變黃河水。

梟首當懸白鵠旗。

第二十五齣 夢神

〔憶秦娥〕〔旦上〕神不定。秋聲到夜偏難聽。〔丑〕偏難聽。酣風戰葉。蕭蕭相應。〔醉太平〕〔旦白〕愁多病慵。心間夢中。未歸游子如蓬。阻關山萬重。〔丑〕離魂感悼。腮寒夜空。不禁斜月疎鐘。〔旦〕更長天斷鴻。春英。我和你當初被這賊擄來。幾番臨逼。因我截髮毀容。又得這口寶劍自衛。僅免污辱。此賊一向跟隨兀朮征戰。把我拘囚在此。二年有餘。指望得見兒夫。忍死以待。我想起來。怎得個團圓之日。不如乘此賊未回。決意自盡。免遭毒手。〔丑〕小姐請自寧耐。且待臨難而死。未爲遲也。〔旦〕你看囹圄寂靜。秋夜蕭條。怎捱這淒涼之景。〔旦〕

〔山坡羊〕夜迢迢。圓扉人靜。氣蕭蕭。枿楊秋冷。露濛濛。月輪半明。昏慘慘。照我形和影。旅鴈征。嘹嘹入塞聲。昔人曾託鴈足傳書。如今縱寄得書呵。長安蕩子居無定。怕淚血空緘。素帛行。〔合〕浮生春來薄似冰。離情秋來葉又零。〔丑〕

〔前腔〕恨綿綿。鸞分青鏡。心怨怨。瓶沈深井。語淒淒。閒階候蛩。幽寂寂。一室如懸磬。魂暗驚。誰家砧杵鳴。想這時節。寒衣都成了。我官人呵。天涯正切無衣詠。肯信寒衣寄不成。〔合前丑〕小姐夜深了。和你去睡罷。〔旦〕我也要睡了。〔睡介旦〕春英春英。我也願你不

得了。叛賊歸來。倘又逼我。少不得也是死。不如先死。落得完名。本待拔劍自刎。又恐血污衣裳。不若解下裙帶。絞死便休。〔旦〕

〔二郎神〕罹災眚。嘆三年把身拘坎穽。念修短榮枯皆已定。要成仁取義。鴻毛視死何輕。古來烈女。多少慷慨殺身的。刎頸投崖心耿耿。誰待去偷全首領。烈錚錚。史書上教人永播芳聲。〔旦〕

〔轉林鶯〕丈夫呵。和伊結髮同死生。你如今呵。存亡尙自難明。我便先死了呵。在九地黃墟須待等。只怕似從前玉玦無憑。真成薄命。罷罷。縱然地下不能見你。也落得個不虧名行。淚盈盈。料此身終天抱恨幽冥。〔拔劍看科〕這口寶劍。與我相守三年。今日何忍棄他。

〔啼鶯兒〕魚腸出匣風雨鳴。想你鑄時節呵。雄雌躍冶曾並。奈一朝分影豐城也。還同我孤另。我想子胥文種。這等忠賢。不免錫鏤之厄。何況於我。便錫鏤沾濡血痕。劍呵。要學你心腸剛硬。徐君愛季札之劍。懸于墓上。我要你爲殉。那得葬所。想青萍高懸宰樹。何

處是佳城。臥起操持。多虧此劍。衛我之身。今日永別。不免拜他幾拜。〔旦〕

〔御林鶯〕操持久。臥起并。幸無他豹虎攫。不堪長別添悲哽。不是我棄了你。將成令名。須拚此生。蜉蝣那得延俄頃。恨難平。山頭化石。只作望夫形。〔做絞科倒地介外〕

〔外〕神理昭昭疾。天明聽視長。爲非有鬼責。作善降百祥。吾乃癸靈廟神是也。廟在錢塘江上。王商狀元妻子秦氏慶娘。被擄守節。自絞而死。此人後當兩國封恩。不久夫妻重會。不免救他還魂。則個鯨波使者何在。〔淨上舞介外〕卽忙與我掣斷衣帶。救取烈婦返魂。〔淨救介外〕秦慶娘。擡起頭來。聽吾分付。叛賊將誅滅。夫君已顯榮。團圓逢玉玦。咫尺在神京。大抵乾坤都一照。免教人在暗中行。〔並下〕

〔憶秦娥〕〔丑〕新霜初入衣裳冷。荒雞叫斷驚魂醒。天色明了。〔見旦做詭介〕呀。小姐

蘇醒了。〔旦醒介旦〕驚魂醒。夢中神語。分明昭應。〔丑〕小姐爲何如此。〔旦〕我想叛賊回來。恐遭其手。夜來解帶自盡。忽見兩個天神救我。明明說道。反賊將滅。夫君已貴。不久神京玉玦再逢。或者丈夫得了功名。也不見得。只不知我幾時得見玉玦之面。〔作悲介丑〕小姐。鬼神之理。不可

不信。且自安心待時便了。

〔黃鶯兒〕〔旦〕冥漠有歸程。向溝渠甘自經。瓦全爭願圖僥倖。若得見我丈夫呵。花開雨晴。雲收月明。似秦生破械天心應。〔拜天介合〕謝明靈。精神感格。從此是餘生。

〔前腔〕〔旦〕天暮若爲明。頓教人涕滿膺。二年繆綫相依凭。若依夢中之言。鏡分可并。珠沈再徵。神靈救你。也非偶然。想河神不爲瓊纓請。〔合前〕

〔旦〕平生堅節傲冰霜。

〔丑〕一點丹心格上蒼。

〔合〕千古綱常終不死。

漢宮徒說返魂香。

### 第二十六齣 擄忠

〔梁州令〕〔外上〕絕江向夜卷紅旌。向南國遊兵。暗維舴艋待揚舠。〔末〕楊柳岸。桃葉渡。蓼花汀。蕭蕭落木大江空。宿鷺州邊斷葦中。亭長纜船知有意。恐教項羽過江東。自家乃是金國元帥相錡部將季籌。俺主帥見在眞州駐兵。差俺領一枝軍卒。江上巡邏。打探南朝軍機消

息。此間已是金山了。謀克過來。〔末應介外〕今夜月明。恐有南人渡江。和你輕舟伏在蘆葦之中。但有人來。卽忙拿住。〔末〕領鈞旨。

〔四邊靜〕〔外〕清秋淨練方澄碧。煙空楚天夕。一舉困曹曠。周郎有奇策。〔合〕旌旗偃仰。藏機遁迹。沙渚月明寒。扁舟定誰識。〔末〕悲風野樹生蕭瑟。銜枚枕長戟。半渡擊龍且。淮陰已先得。〔合前做移舟伏睡科〕

〔梁州令〕〔生〕玉堂金馬魯諸生。爲王事遐征。似宣尼微服宋郊行。風月好。秋江上。暮潮平。虎穴遊行獨愴神。孤忠寧似伍胥真。見葭極月連沙岸。誰是沈舟漁丈人。王商奉命張宣撫軍前慰勞。竣事還朝。來到瓜州。虜騎出沒之地。怕有疎虞。將隨行騎從頓放十里之外。微服輕身渡江。此間到有個小船。不免叫他渡過江去。〔叫介外末做聽科〕這是個南人聲音。快撐船就岸。〔見介生上船見外做驚科外〕好好。正是南朝人。拿去拿去。〔生〕我是個書生。拿我怎的。〔外〕正要拿你。謀克先到金山寺去。〔做行到介外〕疾忙報主帥。拿了一個南朝書生。羈禁金山寺中。聽候鈞旨。〔末應介外〕先生此行何往。〔生〕你不必問我。〔外〕先生必有謀王斷國之才。俺敢舉你主帥。

軍前重用。立取富貴。〔生〕你不知道。

〔四邊靜〕〔生〕天池彩鳳雙飛翼。安能止荆棘。許國有葵心。莫弘血同赤。〔合〕臨安帝邑。長江限隔。歸去節毛零。相將鬢絲白。〔外〕如今金國強盛。不比往時。〔外〕

〔前腔〕憑陵冒頓真勍敵。樓船久無績。城下舊盟寒。纓盈幾時釋。〔合前外〕先生有此人才。時下與南朝相征。正要戰書。頓與俺一作。〔生怒〕

〔福馬郎〕五色如椽餘彩筆。肯效中郎貴。從叛逆。你若耍俺做呵。但有征蠻詔。喻巴檄。〔合〕生死竟難測。忠和義一似海沈石。〔外〕你不見李陵。

〔前腔〕〔外〕漢將英雄圖死擊。深入單于地。還屈膝。他便有才呵。謾說河梁句。水陽什。〔合前〕

〔生〕蘇武餐氈阨數窮。

〔外〕張巡嚼齒竟成空。

〔合〕紫臺月落關山曉。

十載長安是夢中。

第二十七齣 侵南

〔北新水令〕〔淨〕龍爭虎鬪幾年餘。解征鞍華山歸牧。手中持玉節。腰下佩金魚。脫卻戎服。把貔貅暫停駐。下官張安國。自投順北朝。收復山東。累官都元帥。一向提兵。跟隨郎主征戰。今方罷戰歸來。且把三軍暫憩。想俺憑着武藝。歷了多少死戰呵。

〔北慶宣和〕撼動天關與地軸。到處收復。你只看那血戰韓彭在何許。勢與命歟。算這功名也沒用處。到不如棄官歸。

〔北折桂令〕〔淨〕我愛殺那陶潛五柳疎疎。柳下東籬。多少黃菊。直待要迷卻詩魔。勾將酒債。擲了兵符。問甚麼臺築就風雲雙轂。賦裁成華藻三都。謾問賢愚。那論贏輸。俺如今呵。急待懸車。謝卻居諸。

〔北鴈兒落〕〔末〕冷颼颼霜蕪靡綠汀。陰慘慘風葉酣紅樹。忽律律星馳一道塵。愁黯黯夜走千山路。早已到轅門上了。告主帥機事。〔淨〕探子。有甚麼聲息。〔末〕

〔北得勝令〕亂紛紛插羽曉馳書。急爭爭張弦夜鳴鏃。〔淨〕還見甚麼。〔末〕驟昏昏四下裏塵頭聚。〔淨〕這是車騎來了。〔末〕鬧喳喳林端鳥雀呼。〔淨〕莫不是有伏兵。你



見他多少軍馬。〔末〕密匝匝的征車。撲通通不住價喧聲鼓。〔淨〕有步卒麼。〔末〕猛  
赳赳武夫。〔淨〕有多少旌旗。遠悠悠旆旛。呵想你趁逐。〔淨〕他爲甚麼起兵。

〔北鴛鴦煞〕〔末〕辛監軍妄奏南朝主。〔淨〕元來辛棄疾那厮一個領兵。〔末〕降皇宣惱  
殺張安撫。〔淨〕他幾時過淮。〔末〕十萬雄兵卽時飛渡。〔淨〕他那裏有甚麼陣勢韜略。管  
甚麼陣列風雲。韜略諳龍虎。〔淨〕他軍馬到那裏。〔末〕未搗幽燕。直待要收東魯。須  
索是張武旆。建牙纛。及早轅門戒戎伍。〔淨〕不怕他。急忙整理迎敵。

〔北絡絲娘煞尾〕〔末〕俺這裏片時間揚威奮武。管教他一霎時地缺戕破斧。〔淨〕  
軍門都尉何在。〔丑上〕青海聞傳箭。天恩報合圍。一朝提劍起。上馬卽如飛。覆主帥。有何號令。〔淨〕  
南朝遣張浚統兵來取山東。你先領一萬步卒。五十里外掘一陷坑。別遣驍將領兵。一路埋伏。相機  
截殺。俺大軍隨後而來。一鼓擒之。乘勝殺向南朝。論功陞賞。〔衆〕領鈞旨。〔淨〕

〔南倒拖船〕嚴部伍。選征徒。選征徒。登城奮臂且高呼。且高呼。縱有如雲千萬  
旅。長平戰骨盡教枯。盡教枯。〔合〕學取中山張刺史。烏丸戈甲混輿圖。

〔前腔〕〔丑〕占陽雨相孤虛相孤虛。兵家神變在須臾。在須臾。設伏疾趨乘隘險。馬陵萬弩定先儲。定先儲。〔合前〕

〔前腔〕〔末〕乘勝去。襲皇都。襲皇都。建瓴南下好長途。好長途。一拔金城如壓卵。逡巡銜璧出降車。出降車。〔合前〕

〔淨〕放火燒奚帳。

〔丑〕分旗築漢城。

〔末〕十年騎戰馬。

〔合〕今日始知名。

## 第二十八齣 交兵

〔女冠子〕〔外上〕鷓鴣裘冷。淒風淡日邊城。破壘殘營。黃沙白草。但聞斷角悲笳相應。〔末〕彤庭今得請。更喜方叔桓桓。千里提兵。〔合〕爲看宣威神武。閩外一聲將軍嚴令。〔外〕衛青開幕府。楊僕將樓船。〔末〕欲斷陰山路。單于莫近邊。〔外〕辛總管。這是那裏。〔末〕告元帥。正是東平境上。〔外〕傳令三軍。安營造飯。尅期交征。怕有伏兵。先遣一將搜山開路。〔末〕領鈞旨。〔傳令介〕

〔奈子花〕〔外〕統熊羆萬騎天兵。度山川古蹟分營。藏機蓄銳。殲夷鴟獍。張九伐廟謨先定。〔合〕且須聽。把功業早銘鍾鼎。

〔前腔〕〔末〕看雕戈鏤甲崢嶸。盡褰旗斬將豪英。腥羶羣醜。一朝戡定。試七擒運籌決勝。〔合前末〕告主帥。營壘已安。行伍皆備。就來進兵攻擊。〔外〕快去快去。〔衆〕援桴且作三

軍氣。奮槩還梟大將頭。〔下〕

〔金錢花〕〔淨領衆上〕鐵馬逐電飛騰。飛騰。甲士如虎橫行。橫行。秋風吹勁綠弓鳴。揮羽扇。掉雲旌。整部曲。快先登。〔淨〕前面塵頭起處。想是南朝人馬。快擺了陣勢。〔外領

衆上〕

〔前腔〕〔衆〕聚米先識山形。山形。破竹方振軍聲。軍聲。看十羣面縛向天京。狐兔穴。盡沙崩。還再築。受降城。〔外〕上前打話。〔丑譚介末〕那叛賊。耿元帥有何負你。把他夷

滅。天兵到此。兀自不肯投伏。〔淨〕天命在內。非汝鼠輩所知。上前交戰。不須口舌。〔做戰縛淨介外〕

張安國。你這廝當元是耿節度裨將。謀殺了他。投了北虜。背人之德不義。斬人之祀不仁。廢臣之節

不忠。今日到此有何話說。〔淨乞命介外〕把張安國檻車囚解到御前。隨住家屬俘囚人口俱到京師處置。〔衆應介〕

〔生姜牙〕〔外〕天河洗甲兵。蠢蠻荆。長蛇封豕空馳騁。啣王命。討不庭。掃侵境。岱山哀哭無苛政。〔合〕捷書先奏未央宮。他年麟閣揚名姓。

〔前腔〕〔末〕終軍憤未平。請長纓。盧龍已繫單于頸。遷商鼎。鞭楚平。城鄢郢。除兇雪恥功全盛。〔合前〕

〔前腔〕〔丑〕戎車甫載征。儼雷霆。徐方枕奠淮夷靜。疲癯拯。黎庶寧。衣冠卒。漢家營壘旌旄正。〔合前〕

〔外〕貳師殊賞懸。

〔末〕三箭天山定。

〔丑〕借問行路人。

〔合〕何如霍去病。

## 第二十九齣 商嫖

〔三臺令〕〔小旦〕繡幃香閣豪華。何以中林兔罝。暗裏自傷嗟。又還恐打草驚

蛇。不如意事常八九。可與人言無二三。自從簪喜來俺家中。把家貲蕩盡。此人別無養生之術。撚他不去。情願做了小郎。叫他做招財。因被他使酒作鬧。人都怕來了。媽媽懷恨。要害他性命。是我不肯。雖然如此。終非久計。怎生是好。正謂可人期不來。俗子揮不去。〔淨〕此處不留人。那有留人處。大姐唧唧噥噥。說些甚麼。〔小旦〕招財。你如今不可使酒。人面前露出本相來。只說俺家沒上沒下。〔淨〕這人家有甚麼上下。我如今再不了。〔小旦〕走起去。有客進來了。

〔吳小四〕〔丑〕風又狂。雪又斜。鄰家無酒賒。忽聽弦歌在那些。望卻朱樓近。俠邪。何妨駐小車。彩雲樓宇傍江開。乘興探梅踏雪來。欲解千金供買笑。〔淨〕看君明歲做招財。〔小

旦見丑介丑〕

這個小郎到有些文彩。他說我招財。好利市。好利市。〔淨〕說我的招財。〔丑〕怎麼說。

〔小旦背扯淨介〕官人不要說他。它說姐夫到此。定有賞賜。卻不是他招財。〔丑〕正是正是。〔小旦〕

官人貴姓何處。〔丑〕我是江西茶商馮五郎。〔小旦〕莫不是當初馮魁員外一家麼。〔丑〕正是正是。

我有一擔好茶。送與大姐。〔小旦〕怎麼用許多。〔丑〕如今子弟喫空茶的多了。〔淨〕我不是喫空茶的。〔丑〕呵呵。這奴才你到是子弟。〔淨〕俺不是子弟。你便是徒弟。〔丑〕怎麼徒弟。〔淨〕要你替頭。

〔小旦扯淨介〕快整酒來。〔淨譚下丑〕怎的這小郎沒規矩。〔小旦〕元有些風顛病。〔淨〕有錢鬼可使。無錢身做主。酒在此。〔小旦〕馮官人且請一盃。〔丑〕大姐。央你唱一套馬東籬百歲光陰。〔小旦做北調唱介丑〕我不喜北音。要做南調唱纔好。〔小旦〕也罷。

〔集賢賓〕〔小旦〕光陰百歲如夢蝶。回首往事堪嗟。昨日春來花又謝。急罰盞夜闌燈滅。秦宮漢闕。但衰草牛羊平野。〔合〕無話說。儘廢了漁樵周折。〔丑〕我也學你唱個兒。

〔前腔〕〔丑〕荒墳廢壟餘斷碣。縱橫不辨龍蛇。投至得狐蹤與兔穴。問多少英雄豪傑。魏耶晉耶。恨鼎足三朝分裂。〔合前〕我也唱一個兒。〔淨〕

〔鶯啼序〕天教伊富莫太奢。無多好天良夜。富家郎直恁鐵心。空辜錦堂風月。斬眼間紅輪又西。青鏡裏朝添白雪。〔合〕鳩計拙。胡蘆提且教妝呆。〔丑〕到是招財唱得。賞酒與他。〔做與酒淨背扯小旦替飲丑做見介小旦遮掩科〕

〔前腔〕〔小旦〕人生迅疾坡走車。上牀鞋履相別。喜紅塵不到門前。青山正補

牆闕。又屋角偏遮綠陰。雅稱我竹籬茅舍。〔合前丑〕招財。斟酒與大姐。〔淨斟酒飲殘與小旦丑做見介小旦掩介〕

〔琥珀貓兒墜〕〔丑〕晚蛩吟罷。一覺甫寧帖。萬事雞鳴無罷歇。爭名奪利幾時徹。〔合〕差送。穰穰蜂衙蟻兵蠅血。〔淨偷酒醉〕

〔前腔〕〔淨〕裴公綠野。陶令白蓮社。愛殺黃花秋那些。帶霜紫蟹煮紅葉。〔合〕懽悅。幾個登高酒杯時節。〔淨做醉席上譚介〕

〔尾聲〕莫教北海來清夜。囑付頑童記者。爲道東籬醉了也。〔丑怒罵淨鬧介淨〕馮

五郎何必太猖狂。招財有萬貫。盡了怕還鄉。他家無別幹。學得會燒湯。你來定折本。與我湊成雙。

〔丑〕原來這等。去了去了。夜靜水寒魚不食。滿船空載月明歸。〔下小旦怒介〕今日接這個人。你又趕去了。〔淨怒介〕你這反面無情。潑賤烟花。前日怎麼奉承我。如今便這等相待。〔小旦〕不識羞。你

自不爭氣。沒了錢。卻怨誰來。〔占將碗上〕人無害虎心。虎無傷人意。管姐夫不要惱。再喫這碗酒。教

大姐陪你歇罷。〔淨〕媽媽從來不達時務。今日這等好。〔做飲酒吐介占〕大姐。扶他後邊水閣上去。

〔小旦扶下荒上〕媽媽扶得去就死了。怎麼好。〔占云〕不妨。想他在此打攪。不得了時。方纔與他這碗藥酒。酖死了他。後邊水開。正近大江。等到更深。推下水去。管喜管喜。這是你自取之也。休要怪我。我這樣人家呵。

〔北醋葫蘆〕饒你有黃金盛滿車。到得來似湯澆雪。誰教你有錢兒全不想沒時節。你貪着鳳枕鴛衾錦繡疊。換得個鶉衣百結。這的是下場頭受用好豪傑。

〔小旦〕平生只好酒。今死在酒中。

〔么〕你則與荷鍤劉伶爭較些。每日價耽圖麩糞。誰知道慙慙呵杯酒有弓蛇。

〔占〕這樣人弄得個死無葬身之地。〔小旦〕只索向海藏龍宮尋地穴。便是你高封馬

鬣。不枉了風流浪子自差別。

〔占〕得好休時便好休。

〔小旦〕風流子弟下場頭。

〔合〕假饒決盡湘江水。

難洗今朝一面羞。

### 第三十齣 渡江



〔金蕉葉〕〔生〕痛傷痛傷。怎教人隨波逐浪。天獨向野寺淒涼。人謾憶故園惆悵。〔吳小四〕〔生〕花滿空。絮滿空。天女裁冰雲出工。江寒夜正中。雲幾重。樹幾重。上闕冥迷楚水東。難

憑雁帛通。下官因奉朝命。慰勞張宣撫。回到京江。被金酋所虜。拘幽在金山寺裏。逼俺降順。幾番待要罵賊而死。爭奈先人墳墓。尚在山東。妻子不知存亡下落。俺若死了。使文正公之祀。斬然血食。豈不可哀。權且隱忍偷生。只不屈節便了。虜將季壽。在此監守。這兩日左右將校。俱往真州。俺已陰礪霜刃。推至更深。待他熟睡。手殺這廝。逃走南還。方稱吾意。你看那寒天雪景。山色江聲。好慘人也呵。

〔山桃紅〕飄風密雪。獨夜空江。浮玉荒寒嶂也。古渡漁燈起。野色正蒼蒼。混霄壤。入微茫。說謾鶴鷺遊。驢背吟羔兒帳也。何似忠臣遙海上。嘆身世顛危。觸景可沾裳。

〔下山虎〕〔生〕嵯峨蓮宇。燦爛銀妝。還壁慚無計。宵閒玉堂。學不得李愬功成。到做袁安臥僵。遠望思歸心易傷。百感空悲壯。令人斷腸。何況山川非故鄉。

〔做聽介〕且喜賊將酒酣寢熟。正好下手。〔取刀看科〕鬼雄好向陰風語。怨血教沾匕首紅。〔生下

提人頭上。

〔蠻牌令〕〔生〕湛盧鏢怎能障。樓蘭血濺寒光。賸有孤魂依宿莽。啼落月。嘯清霜。卻恨那秦庭環柱。儘羞他博浪逋亡。念甘陳于今有光。待陰山還虜名王。

〔尾聲〕天南故國徒神往。隔盈盈一水正相望。何事折葦難航。天色將明。山僧未

起。正好渡江。怎麼得個船來。且到岸邊一看。呀。遠遠望見一個小船來了。〔叫介末〕來了。來了。〔生〕待把首級藏在囊中。方可上船。〔末扮梢子搖船上〕

〔桃李爭放〕〔末〕煙際驚聞喚渡。一葉輕移蘭槳。自家江上渡子。這金山寺多有胡人

駐扎。日常不敢近前。如今聽得是南人聲音。把船搖傍岸去。〔見生介〕呀。官人。你要那裏去。〔生〕往南岸去。〔末〕這等快上船來。〔生下船末看驚介〕官人。我不渡了。囊中是個人頭。你身邊一口

寶刀。血漉漉的。不要累我。你上去也罷。〔生〕快不要。俺是南朝使臣。前日過江。被胡酋虜在金山寺中。被俺夜殺守者。脫走還朝。渡江到南岸。重重賞你。〔末〕元來如此。請大人穩便。小人卽忙駕船。

〔庭前柳〕〔生〕岐路正亡羊。喜津口出鳴榔。函關人已去。漢闕道何長。〔合〕片帆

衝巨浪。正彷徨。問何如訪戴行藏。

〔前腔〕〔末〕血滓太阿銑。看腥污髑髏囊。子龍渾義膽。許楮有剛腸。〔合前〕

〔生〕聖主懷冰憤未消。

小臣衝雪敢辭勞。

〔末〕匈奴自此知名姓。

休傍陰山更射鵰。

### 第三十一齣 索命

〔月兒高〕〔小旦病上〕彩鸞凋盡羅衣久寬褪。秋晚隋堤柳。慚詠黃金嫩。曲局雙

鬢。紅銷頰邊粉。昨日專房寵。今日誰來存問。野草閒花爭較春。落盡東風無主

人。〔南柯子〕舞態閒中憶。歌聲夢裏尋。烟花行逕足傷心。無那三般老病死相侵。鬼症淹難起。孤房冷

自深。偏教今日苦難禁。悔卻從前錯認是知音。妾身自從媽媽謀殺了咎喜。心神恍惚。得這症候。十

分沈重。家裏料我不起。再無湯藥看顧。做這樣人。也是前生業障。不如早死爲強。媽媽今日也不來

看我了。神思困倦。暫且打睡一番。〔淨扮鬼上〕

〔五方鬼〕〔淨〕只爲風流命先殞。鷓鴣怨越江濱。厚地茫茫將雪憤。申生得

請下天閣。管喜生前只爲娟奴。家破人離。被他藥酒酖死。沈于江中。含恨九泉之下。幸得癸靈大王見了。差鬼使引來索命。思想起來。雖是虔婆殺我。娟奴是禍首罪魁。追了他去。這虔婆先受陽誅。後遭陰對。呀。鬼來了。〔丑〕

〔前腔〕破浪凌波步來緊。靈旗倏忽轉風雲。孽白人興誰管得。還教詛楚悔羸秦。吾乃癸靈部下鬼使。只因李娟奴每每到俺大王祠下說誓。口是心非。侮慢明神。欺誘良善。罪惡盈滿。差我引取冤家。同來索命。管喜怎生不見。〔淨見科丑〕此間是他臥房。與你入去。〔小旦驚介〕有鬼有鬼。〔淨丑下介〕

〔月雲高〕〔小旦〕鬼神難信。驚魂已先引。伯有今爲厲。二豎還乘釁。恨我無情。誰將肯憐憫。滿目鴛鴦伴。若個堪教同殞。蠶老絲空難愛身。到底辛勤只爲人。

〔淨虛上復下小旦驚叫〕有鬼有鬼。〔占〕著論知無鬼。捫心覺有天。你病勢若何。怎生這般大驚小怪。〔小旦〕方纔夢中看見管喜與一鬼卒同來索命。病已不好了。〔占〕這是心事。不要信他。且到我房中去睡罷。〔扶下丑扮乞兒上〕錢塘江上雪漫天。東郭先生履上穿。十謁朱門九家閉。風流誰識

解幫閒。自家一生趕趁度日。不料酒醉跌折了腿。免不得求乞過活。一向不到李娟奴家。日前多有作他處。近日又聞得謀死了管喜。必然怕我。此去定不虛空。李大媽有麼。〔占〕天有不測風雲。人有旦夕禍福。呀。老解多時不見。怎生這等狼狽了。〔丑〕因醉跌壞了這腿。沒些生意。特來求借。大姐有麼。〔占〕不好說。兩日病重。方纔氣絕了。〔丑〕呀。可惜可惜。如今快打點送終之具。〔占〕那裏討。〔丑〕也要棺材。〔占〕有錢買棺材。到做件衣服與活的穿了。少不得把一牀草薦捲他罷。〔丑〕葬在何處。〔占〕左右丟去千人坑裏。〔丑〕他與你掙許多錢。心上何忍。〔占〕你莫管。娼家行徑如此。〔丑〕又有那個來了。〔淨〕郭璞山經最熟閒。雙瞳電掣口河懸。誰知萬事皆天定。穴在人心不在山。自家喚做青烏子。地理最高。開得這人家有喪。怕要尋坟。不免進去。〔見科占〕先生貴姓。來此何幹。〔淨〕在下喚作青烏子。善相風水。特來獻一好穴。〔丑〕媽媽自有好穴。出不盡銀子。〔淨〕這穴不好。是陷人坑。又是千人坑。好不好。〔占〕我正要這千人坑。先生聽我說。〔西江月〕地理由來玄妙。時人肉眼凡庸。要錢只是改青龍。白虎遂教搬動。鈐記時常偷做。尅應偶爾遭逢。既然有妙穴。等得富貴呵。自家且去葬公公。指與別人何用。〔淨〕罷罷。你不信便休。方纔你說要千人坑。怎麼。〔占〕要把這丫

頭去葬。〔淨〕我替你擡去。〔丑〕我的主雇。怎麼奪了。〔占〕你兩個不必爭。擡了你罷。〔丑〕把多少銀子與我每。〔占〕一錢。〔丑〕少少要五兩銀子。〔占〕我又不是謀死人。怎的要許多。〔丑〕管員外便好。不要人擡。〔占〕你擡便擡。不然你自去了。不要在這裏胡言亂道。

〔一益花〕〔丑〕好怪你心懷殘忍。似猩猩能語。狼子難馴。你這女兒近錢時。見你何等哄他。若醴甘言總非真。成家錢樹還忘本。〔合〕榮衣正新。舞衣又塵。看取青春寂寞。雀網閉門。古人敝幃不棄。爲埋馬也。敝蓋不棄。爲埋狗也。你這女兒狗也不直。

〔前腔〕〔占〕敝蓋難教心忍。想眞娘空望。三尺孤墳。弔客青蠅任爲鄰。親膚螻蟻從相溷。〔合前〕

〔前腔〕〔淨〕葬法傳來多准。把撼龍神術。顛倒乾坤。你蝮毒天教一生貧。牛眠自祕前岡穩。〔合前〕

〔丑〕莫作娼樓女。

〔占〕從來賤且輕。

〔淨〕生爲萬人婦。

〔合〕死入千人坑。

第三十二齣 陽勘

〔胡搗練〕〔生〕離虎穴返神京。垂衣我后眞明聖。皂蓋彤幘千騎整。謾教稽古羨桓榮。月蝕西方破敵時。及早歸日未云遲。家山一望空陳迹。誰在誰亡兩不知。下官自從金山寺中殺了虜將。復命還朝。叨蒙聖恩。改擢京兆府尹。職守旣隆。富貴已極。只不知家中消息若何。前日曾託辛大人寄書訪問。待他班師。必有分曉。今日放告日子。且開了衙門。理會政事。皂隸何在。〔末淨〕烟火千家望。公門一日開。饒他全是理。也索帶錢來。覆老爺。有何鈞旨。〔生〕拿放告牌出去。有告狀的着他入來。〔淨末叫丑介〕

〔普賢歌〕〔丑〕煙花潑妓太無情。人命關天那可輕。今朝赴訟庭。從公爲辨明。免死孤魂悲耿耿。〔見淨末〕譚見生介。告什麼狀。〔丑〕告人命。〔生〕打死的。謀死的。〔丑〕臨安縣管喜。被人謀死。〔生〕你是他什麼人。

〔鎖南枝〕〔丑〕雷陳友。〔生〕那管喜平日做甚麼。〔丑〕他有花柳情。〔生〕在那家。〔丑〕在李娟奴家。黃金散盡業已傾。〔生〕回也不會回。〔丑〕不會回去。做傭保墜家聲。又被老鴇子

李翠翠把狂藥喪軀命。〔生〕藥死了。尸首在那裏。〔丑〕滄波底魚鼈朋。覆盆冤待明鏡。〔生〕皂隸拿李翠翠母子來。〔末應下拿李翠翠上〕

〔寶鼎兒〕〔占〕凡事作過從前。今日齊來沒興。〔見生介生〕你這烟花賤婦。哄誘善良子弟。傾家蕩產。謀害性命。是何道理。女兒怎生不到。〔占〕告老爺。女兒死了。〔生〕謀死鴛喜。是你不是。〔占〕不曾有。〔與丑對辨科生〕兩個都上起刑來。〔做打占丑科占認〕有有。〔生〕快供狀來。〔占〕老爺不合我做了這樣人。

〔鎖南枝〕〔占〕風雲態朝暮更。〔生〕你怎麼這等薄倖。〔占〕娼樓古有薄倖名。〔生〕哄費了鴛喜家業。把他做招財。怎的又把他藥死。〔占〕鴛羽豈無憑。爲鵲巢久妨病。〔生〕妨占你家。趕了去也罷。直得謀死。你知罪麼。〔占〕天好還。甘典刑。〔生〕該問你斬罪梟首。〔占〕藁街懸目須瞑。〔生〕你還有妹子在那裏。〔占〕沒有。〔生〕擡起頭。認得武林門外的妹子麼。〔占〕荒

介。老爺。婦人該死該死。〔生〕當初是那個引他來你家。〔占〕是這解幫閒。〔丑推介生〕再打這廝。〔打介生〕你慣哄人家子弟。亡家破產。皆由于你。兀自諛仲尼喪家之狗。記得也不記得。〔丑〕老爺。



小人該死該死。〔生〕李翠翠處斬。梟首示衆。秋後處決。解幫開決脊四十。刺配嵐州牢城。左右都上了枷杻。押去監了。〔淨帶占丑〕滿腹神機難緩死。渾身是口不能言。〔先下生〕飛蛾赴火。自速其災。下官未遇之時。受此二人無限荼毒。若非呂公。亦不免轉死溝壑。不想今日都犯在我手裏。這忿恥已雪了。只是呂公之德未報。于心快快。今早已曾差人請他。即時想必來也。〔末扮王便上〕谷利終難去。崑崙久已遁。地餘令復見。爭得拜蒼梧。小人王便。前日被俺相公趕出去。走到山東。人離家破。無處託身。今日相公做了官。定然憶王便好言。不見怪了。不免到府裏見他。〔入見生科生〕王便那裏來。〔末〕小人被相公趕逐。走到山東潛躲這幾時。〔生〕家中如何了。〔末〕聽小人拜稟。

〔孝順歌〕〔末〕風塵起。兵刃橫。狼吞蠶食多戰爭。小人到家裏呵。只見烏雀遍榛荆。人民異鄉井。〔生〕娘子在那裏。〔末〕那時兵火滿城。人家都四散逃難。拋家遠征。〔生〕到那裏去。〔末〕蠶尾山中。鷓鴣棲定。〔生〕蠶尾山住下又何如。〔末〕其時海水汎漲。一山人民多遭

漂沒了。俺家娘子呵。便是漸水忘符。墊溺將安拯。〔生做驚介〕有這等事。〔末〕腸刀斷。淚雨零。不要說小人。便做那春燕歸不識舊門徑。〔生〕你這話的也不的。〔末〕小人親到山東看

見蓬蒿蔽野。白骨成堆。果是漂沒了。〔生〕兀的不是痛殺我也。〔倒介末〕相公甦醒甦醒。〔生悲介〕  
〔前腔〕〔生〕神先喪。心暗驚。終天抱痛悲九京。妻呵。你留玦未渝盟。凌波歎孤影。  
番成畫餅。花誥鸞封。已虛恩命。我如今呵。便舟楫商家。奈苦海波千頃。腸刀斷。淚  
雨零。悵懷沙夜臺永。明日快請天師。建起黃籙大齋追薦。

〔寶鼎現〕〔外〕蛟龍終自飛騰。富貴逼人難並。〔見生介生〕小人貧賤無行。困辱泥塗。多  
口交攻。鄙薄不齒。老丈拂逆人情。衆惡能察。翼扶成就。久背厚恩。〔外〕大人美玉明珠。沈湮在璞。時  
人貴耳賤目。負謗蒙譏。何足介意。老漢幸有一日之雅。飛黃騰達。于湯有光。〔生〕左右。取金子出來。  
〔外〕老漢面領玉玦。今當返璧。〔生〕多蒙留意。〔悲介〕物在人亡。教我不勝悲感。〔外〕不必愁煩。料  
無此事。〔末取金上〕劍誅無義漢。金贈有恩人。黃金在此。〔生〕黃金十鎰。奉爲小生一向薪水之費。  
白金五十兩。與我修造癸靈祠宇。〔外〕修廟的老漢收去。這黃金決不敢領。〔生〕你說那裏話。  
〔園林好〕〔生〕念昔日魚龍未明。論物色塵埃可輕。多感老丈。引手直從淵筭。懷  
厚德。敢忘情。懷厚德。敢忘情。〔外〕如此老漢拜謝了。

〔前腔〕〔外〕厭藜藿曾同釜鑊。飽公餼。今餘豆登。始信榮枯前定。都將相拜公卿。都將相拜公卿。

〔川撥棹〕〔末〕嘆義俠真堪敬。愧炎涼生俄頃。〔生〕自銜恩骨鏤心銘。元振從今有令聲。〔合〕這相逢眼倍青。這相逢眼倍青。〔外〕

〔前腔〕好學成都駟馬行。看列戟門牆光彩生。念一家寥落晨星。怕彭澤歸無稚子迎。〔合〕越教人百感增。越教人百感增。

〔意不盡〕懷鄉國。滯帝京。想潘岳愁顏難整。白髮新添四五莖。〔生〕胸中恩怨已分明。〔外〕名振金閨步玉京。

〔末〕我貴我榮君莫羨。

〔合〕十年前是一書生。

### 第二十三齣 詔封

〔稱人心〕〔外上〕旌旗散采。韜戈卷甲歸來。〔末〕三軍勇懽生壯懷。載道喧傳歌凱。〔合〕丹心匪懈。應甄錄汗馬勛勞。還展布負暄忠愛。〔外〕要與中原靖寇仇。〔末〕功

成卻進手中籌。〔生扮牙兵押淨上〕將軍莫話封侯印。惜取沙場萬鬪體。〔外〕下官征討張安國。生擒元惡。得勝回軍。且喜已到臨安城下。辛總管把三軍札住。昨已有捷書飛報朝廷。且待綸音降來。纔可區處。〔末〕前面鼓吹喧天。旌旗夾路。想是玉音來了。〔丑扮使臣上〕

〔風檢才〕〔丑〕帝命忽傳上台。細柳營門已開。卻穀堪誇大將才。排香案聽宣差。整袍笏朝玉階。勅兩淮宣撫使張浚。總管辛棄疾。卿等奉命克復山東。削平寇亂。實懷朕懷。張浚加魏國公。餘職如故。辛棄疾右監門衛將軍。福州防禦使。並令隨朝幹辦。大小將士賚予有差。張安國棄市。俘囚子女。付京兆尹王商錄實奏聞。謝恩。〔丑見外科外〕天使請坐。〔丑〕不敢。宣撫大人帷幄成功。可喜可賀。〔外〕襍線之才。勉奉王命。深媿無功。〔丑〕總戎大人。介胄勤勞。不孤殊賞。〔末〕臣子之職。安敢圖報。〔丑〕這便是張安國麼。〔末〕正是。〔丑淨譚介淨〕天使大人。方纔詔命。不知聖上如何處我。〔丑〕封你做齊景公。〔淨〕莫哄我。我也不要。〔丑〕這等你掉頭歸去罷。〔外〕天使請坐。茶飯。〔丑〕不必坐。請大人即便趨朝。

〔瑣臆郎〕〔外〕想碼牙昔日登臺。指河朔夜渡淮。五兵超乘。萬彙齊開。鷹揚虎

旅功兼收蔡。〔合〕喜今朝桓桓天討靖邊塞。論爵賞遲封拜。

〔前腔〕〔末〕把蒼生生命墮顛崖。搆戎狄爲亂階。移山堪誚。愚叟癡呆。吠堯跖狗。鼎烹難貸。〔合前〕

〔前腔〕〔丑〕喜令公文武全才。屈羣力無貳猜。風霆迅擊。掃蕩氛霾。射天蓬矢。鷓鴣先鍛。〔合前〕

〔前腔〕〔淨〕似窮猿押虎脚哀。悔大策招禍災。雌雄蜀壠。一覺南槐。圖王業霸。而今安在。

〔外〕司徒急爲破幽燕。

〔末〕戰勝身歸拜慶年。

〔丑〕唐史上頭功第一。

〔合〕春風雙佩好朝天。

### 第三十四齣 陰判

〔北沈醉東風〕〔外扮癸靈神上〕

清虛殿蛟鯨靜守。水晶宮魚鱉分。熬山日月幽。

蝦島乾坤久。結樓臺蜃氣常浮。俺呵致雨興雲甚時休。小子做三百六鱗蟲貫。

首。吾乃癸靈神是也。生居巨壑。職守天台。竭涸九州。封疆自固。沃焦萬里。湯沐相仍。垂衣裳。莅域中。凝旒端冕。騰川澤。雨天下。振鬣揚鬣。橫行都尉。元緒參軍。奔走禦侮的。多少桓桓赫赫。長鬚侍中。洞玄內史。疏附後先者。豈乏濟濟踰踰。湘浦鼓瑟羣。曾其他月明風細。江濱解佩侶。還充俺蘭寢椒宮。青精飯螺女。供來紫絹衣。蛟人織就。湍回驚日月。任教精衛泥填。浪動覆星河。不怕胡僧火煮。誰云地下無官府。別是人間一洞天。小聖職掌水曹。每年冬月。檢校塵中善惡。東京妓女李娟奴。累次到廟。與人歃血說誓。轉眼背盟。欺天罔人。莫此爲甚。陽算將終。已差鬼卒。率領他冤家。咎喜追攝去了。又有鉅野王商。當元曾與娟奴說誓。此人是京兆府尹。後當拜相。昨日又來興造祠宇。奉祀吾神。且是虔信。亦曾差睡魔請來夢中。證此陰報。顯俺神通。多少是好。〔睡魔引生冠帶上〕

〔南海棠春〕〔生〕眞成蹈海流。不似乘桴叟。〔見外跪介外〕狀元登殿講禮。〔生登殿拜外

答拜介外〕狀元請坐。〔生〕大王洋海明神。王商塵土下土。得借雲階。已出望外。寵分半席。誠不敢

當。〔外〕蓋世文章。鬼神所重。君不聞劉向李賀之事乎。請坐請坐。〔生侍坐介外〕狀元頗憶錢塘玉玦之言否。〔生〕凡人欲火所惱。冒瀆威靈。望乞赦宥。〔外〕子誠無害。娟奴陽數方終。當受陰譴。屈君

證明以昭神理。〔生〕謹奉神旨。〔鬼卒押淨小旦上〕

〔哭虔婆〕〔淨〕尋花問柳。輕塵飛溜。文君非偶。顏淵不壽。〔小旦〕無聊莫傍鬼門愁。有言直向龍宮奏。〔淨問丑介〕鬼使這傍邊坐的是何神道。〔丑〕是陽官王商狀元。〔淨〕阿

呀。元來是他。〔叫介〕王姨夫。王姨夫。答喜一向失禮。〔王〕認了姨娘。討得個死。如今又認姨夫。〔譚介外〕娟奴。你累次廟中說誓。轉眼背盟。欺人乎。欺天乎。〔小旦〕啓大王。賤妾雖作娼流。亦有恆性。爭奈做龜子鴛兒的。每每逼勒。不能自專。〔外〕從實說來。

〔玉交枝〕〔小旦〕堪悲掣肘。厄逢辰生不自由。家裏見有錢的。使人奴廝養皆親厚。〔外〕王狀元這等一個才子。也不低了你。〔小旦〕他無錢呵。任才儼鮑謝如饑。做我這樣人呵。襟裾雖具如馬牛。〔外〕怎生不從良。〔小旦〕布荆怎得供箕帚。〔合〕信穹蒼無私顯幽。若雷霆難欺屋漏。〔外〕答喜怎的說。

〔前腔〕〔淨〕他如簧笑口。腹腸中包藏虎彪。有許多哄人之法。看謀六出良平手。都是那龜子與鴛兒。坐帷幄借箸前籌。我呵。生慚不省魚中鈎。死悲難學狐丘首。〔合〕

前〕娟奴娟奴。記得說誓否。

〔前腔〕〔生〕傾心握手。口血存盟言已休。只是貪戀的不是。謾教覆鼎空號救。直須是染指還收。浪誇金屋如置郵。恐將貝錦污文繡。〔合前外〕酒不醉人人自醉。色不迷

人人自迷。

〔前腔〕〔外〕罔媒自有。歎無知縱橫往投。狀元人孰無過。改之爲貴。倘一朝洗濯從無垢。曾何損玉瓚黃琉。達人厲志豈刻舟。狂夫任性終濡首。〔合前外〕娟奴罰三世

爲牝猪。管喜不惜家產。罰做野鷗。使他漂泊無家。以彰陰果。鬼卒押赴冥府轉輪殿去。〔丑淨小旦〕

善惡到頭終有報。皇天上帝眼分明。〔下生〕妻子秦氏漂沒湖中。久墮幽陰。望乞上聖指引一見。

〔外〕賢閨有三載幽囚之災。向者臨危。小聖已曾救取。不久重逢。後有大祿。天色將曙。狀元可歸矣。

〔月上海棠〕〔生〕天網周。明明視聽無聲無臭。念鑄池嵩語。神理非幽。縱王勃焚楮難酬。怕溫嶠燃犀獲咎。〔合〕從今後。看取五福駢來。百祥輻輳。

〔前腔〕〔外〕賢聖禱。修文回賜君知否。羨詩成五字。鬼泣神愁。樂昌鏡二歲重



圓。太官膳萬年堪受。〔合前〕

〔生〕華胥一覺已通神。

〔外〕說與癡人總未真。

〔合〕黃帝孔丘何處問。

安知不是夢中人。

### 第二十五齣 宿廟

〔掛真兒〕〔旦丑〕馬足車輪愁鞅掌。纍囚裏受盡淒涼。〔占扮俘囚老婦〕帝闕方歸。家山何處。〔淨管勾押上〕到此轉堪惆悵。娘子張安國昨日斬了。俘虜婦女。但從他的。與張安

國家屬一同沒入掖庭。因你這起守志的。聖旨差京兆府尹錄奏。各放還家。如今張宣撫把你們羈候癸靈廟裏聽審。此間就是。權且廊下安歇。我回家便來。〔衆〕管勾哥。多有生受。〔淨叫〕廟令公公。京兆府一起聽審人犯在此。與你知會。我去少刻便來。〔內應〕知道了。〔淨〕只因丁口累。落得一身忙。〔下〕〔鶯聲透紅樓〕〔旦〕樹樹梅花作雪飛。可憐人瘦似花枝。〔占〕舞風飄泊向天涯。高樓玉管催。〔丑〕一帶傷心色。蒼山抱野廟江湄。〔旦〕紅顏憔悴逐征旗。相看鬢色絲。張媽媽。我和你三年受了無限之苦。纔脫虎口。謝天謝地。〔占〕娘子。犬羊之類。不識人倫天道。喜得神明默佑。全節全生。只

不知甚日得見家鄉。〔丑〕朝廷必有區處。〔旦〕這江空歲晚。古廟荒涼。教人怎不悽慘。

〔一江風〕〔旦〕凍雲黃。野廟澄江上。風撼潮聲響。嘆孤蹤流轉西東。似斷梗隨漂浪。京兆果存亡。雙眉鎖恨長。丈夫你便見了我呵。容貌不比往日。這花容不比前日樣。

〔前腔〕〔丑〕到虛牕。鼓角聲悲壯。游徼嚴宵榜。夢難通無定河邊。謾有春閨想。無語淚千行。并州非故鄉。小姐蘇武持節歸來。鬚髮盡白。我每今日呵。添來白髮也三千丈。

〔前腔〕〔占〕守共姜。歷盡多磨障。纔解兵戈網。你兩個似江梅雪壓冰欺。不改柯條暢。貞白重寒芳。飄零亦自香。同時被擄多少女子。止有我每保身完節。羞隨紅紫向東風放。娘子且睡一覺。再作道理。〔旦〕張媽媽先請。〔占〕曲枕且待黃梁熟。翹首還看白馬來。  
〔下旦〕春英前日神明救我。分明說與神京玉玦再逢。今日恰好到京。莫非得見官人之面。寒夜不寐。且去癸靈廟前。撮土爲香。禱告一番。〔丑〕小姐說得是。

〔五更轉〕〔旦〕禮碧空。拈黃壤。齋心致懇詳。回生草露昭靈響。南北干戈相持。蟠蚌。鸚鵡籠。翡翠囚。今無恙。鸞釵未合還凝望。望神明保佑。未知丈夫存亡下落。〔合〕生不同衾。死當同葬。

〔前腔〕〔丑〕夜氣清。天壇爽。空虛轉慧光。沈幽早冀沾明貺。甘露來蘇。驕陽方亢。兵刃鋒。道路塵。今無恙。家園桃李悲淪喪。望神明保佑。早早還鄉。〔合〕縱好他山。不如窮巷。〔旦〕怕明日官來審問。且去假寐便了。

〔旦〕南隨越鳥北燕鴻。

〔丑〕身似流星跡似蓬。

〔合〕題柱吹簫兩無據。

未知何日得相從。

第二十六齣 團圓

72

〔青玉案〕〔生〕象簡魚囊專城貴。塞路擁東方騎。爲問蒼天知也未。愁腸萬結。家山一望。更玉人千里。〔昭君怨〕素抹輕雲凝練。碧染遙山如線。盡處是吾家。幾重游。夢遠竹

籬茅舍。魂斷玉堂瓊榭。甚日慰愁懷。且歸來。〔淨〕稟老爺。已到癸靈廟中了。〔生〕住了馬。

〔粉蝶兒〕〔外〕忽聽鳴騶。想憶舊時豐沛。〔見科外〕大人臨降。老慢不能遠接。〔生〕老丈何  
出此言。下官前日夢中。分明見癸靈大王報應之事。正欲到此拈香。恰有聖旨差我勘問。俘囚婦女。  
元來也羈候在此。事有偶然。〔外〕張宣撫因見這幾個節婦。不忍下獄。故此羈候在這裏。〔生〕既如  
此。待我拜了神明。審問一番。〔外點香燭介生拜〕王商久叨神貺。得集休禱。夢寐感通。精爽如在。更  
望明靈昭格。玉玦再逢。〔外〕大人。老漢有一言拜稟。這裏俘囚女子三個。是大人同鄉。一個姓張。兩  
個姓秦。那秦氏根由。頗似大人的事體。〔生〕老丈會問他麼。〔外〕那個女子不肯對人說話。都張媽  
說知。〔生〕左右。喚巨野張氏來問。〔淨叫外〕老漢且迴避。〔生〕請了。〔外下占上〕

〔前腔〕萬轉千回。方吐胸中冤氣。〔見生跪介生〕你是何處人氏。〔占〕小婦是鉅野人氏。張  
安國擄掠。囚禁三年。俘獲到此。〔生〕你曉得你同鄉秦氏根由。一一說來。

〔榴花泣〕〔占〕藁砧懷藝。赴選向京畿。〔生〕回來不會。〔占〕二歲裏竟忘歸。〔生〕家中  
何如。〔占〕東平叛將盜軍磨。蠶山避難。中路有艱危。〔生〕怎生艱危。〔占〕虞羅橫

罹。〔生〕元來被張安國擄去。〔占〕作俘囚怎脫牢籠內。〔生〕那叛賊會相犯麼。〔占〕虧殺那秦

氏與他侍女春英兩個呵。誓投崖竇氏同心。張安國見他守志不從。鎖春風銅雀雙栖。  
〔生〕把他囚禁卻何如。

〔漁家燈〕〔占〕那秦氏呵。晨夕裏只待捐軀。抱青鋒起臥操持。〔生〕怎麼就不會被那

叛賊污了。〔占〕痛只痛他截斷雲鬢。又把粉容劃碎。他曾把衣帶自盡。救回賴有

神明衛。〔生〕他名喚甚的。〔占〕慶娘是簪纓世美。〔生〕他丈夫姓甚名誰。〔占〕王商良人

姓字。〔生〕他是何等人家。〔占〕官戶部先朝獨貴。〔生〕我曉得了。你起來。與你這玉玦。待我取

問秦氏。等他到階除之下。把與他看。有甚說話。〔占〕領鈞旨。〔生〕左右。取過那秦氏來問。〔淨叫介

旦丑上介〕

〔金菊對芙蓉〕〔旦丑〕故園無期。浮生如寄。〔占〕秦娘子。你看這東西。〔旦見驚哭介〕堪

悲物在人非。〔生〕夫人請起。下官無恙。〔生旦悲介〕形容憔悴。出九死尙爾驅馳。〔合〕

天涯驟見。眞同夢寐。無限淒其。〔生〕前日分明夢見癸靈神。曾說救你。不久夫妻重會。今日

果然。鬼神之理。不可不信。〔旦〕妾身亦有此夢。〔生〕春英。虧你守志不移。人情所難。〔丑〕只分與主

母同死他鄉。不意再見天日。〔旦〕官人。你一向在那裏。爲甚得此官職。〔生〕夫人。一言難盡。

〔別銀燈〕自當日龍門抱恥。怯韋布周南留滯。顛危恨落煙花計。虧這呂公濟我。

喜三策同登賈□。〔合〕含悲相看隕淚。把愁悶從前盡洗。

〔前腔〕〔旦〕遭厄運王綱廢墜。逐胡馬三秋轉徙。流離分作他鄉鬼。學令女全

貞自剗。〔合前〕

〔前腔〕〔丑〕江沱賤生何所繫。託脣齒存亡依倚。完名未必論葑菲。也不愧鄭

玄家婢。〔合前旦〕你旣登第。怎不差人回來。〔生〕當時選了翰林學士。正要差人取你。

〔前腔〕銜王命山陽戰壘。蹈虎尾幾遭啞噬。一朝撫劍除兇穢。賞介子功高莫

比。〔合前旦〕王便怎生不見。〔生〕他逃去三年。又來歸我。前日差往山東。訪你消息去了。〔旦〕官人。張

姥與妾身有恩。不可負他。〔生〕旣如此。帶到府中。再作區處。〔令淨叫外占上生〕叫左右。快整轎馬。

〔淨應外〕老漢相送到府中去。〔生〕如此也好。〔衆〕五載睽違久。三年患苦深。今朝逢玉玦。勝似岳

陽金。〔淨〕告大人。已到府前了。〔生〕夫人。且回後堂。換了衣服。〔旦丑下生〕呂公請坐。〔外〕不敢。

〔生〕張姥且在府中住下。慢慢奏聞。送你回去。〔占〕多謝大人恩德。〔淨〕詔書到。〔生接介末扮使臣上〕

〔菊花新〕傳來天語下龍墀。烈婦忠臣世所稀。青簡看留題。黃紙且教褒異。

〔旦鳳冠霞帔丑隨上隨衆跪介末〕聖旨已到。跪聽宣讀。皇帝詔曰。朕惟蓋臣貞婦。匪由兩途。所貴之死靡他。從一不貳。偉哉人紀。于此攸基。厥有奮志綱常。超邁等倫者。不加褒異。曷以風于人人。爾京兆尹王商。密勿近臣。銜命千里。遇虜不辱。斬將來歸。忠孰先焉。其妻秦氏。陷賊守貞。毀容完節。並可嘉尚。干商授御史中丞。特賜紫金魚袋。秦氏邢國夫人。食邑五百戶。爾父王份。追贈太師。諡國公。母贈宣城郡君。貞女春英。義士呂玄光。各賜黃金十斤。有司歲給粟帛終身。嗚呼。褒崇名器。率由典章。彝倫懋昭。式裨新化。播告郡國。用知朕敦尚之意。謝恩。〔衆謝恩介生旦外與末見敍科生〕辛大人。下官纔見寒荆。聖上如何就有寵命。〔末〕下官在軍中。已知大人與賢夫人之事。前日陞見。具表奏聞。意欲待旨下纔來奉報。誰想大人已先會合了。〔生〕多蒙垂念。〔末〕不敢不敢。

〔大環著〕〔生〕仰三槐華裔。仰三槐華裔。奕葉生輝。念弓裘在吾當力繼。恨無

良自速身阽危。知過不能悔。天風借吹。去塵埃。通藉金閨裏。從今流美。盡忠賢。不遣家聲墜。〔合〕此生何幸。否復屯亨。玉玦歡重會。丹書再錫。封銜湛露皆沾。霈。赫耀已無比。

〔前腔〕〔旦〕念時丁顛沛。念時丁顛沛。觸犯危機。值豺狼此身遭繫。誓柏舟矢心不再移。效死成仁義。泉臺又回。盼家山有路歸無計。遐方畢軌。掃昏蒙日。月重開霽。〔合前〕

〔前腔〕〔外〕信珪璋成器。信珪璋成器。困厄塗泥。洛陽花誤他攀月桂。向桐岡已忘鸞鳳栖。逆耳言猶記。青雲自梯。服狐裘未把綈袍委。前羞盡洗。在窮途頓教增赤幟。〔合前〕

〔前腔〕〔末〕想鯨鯢吞噬。想鯨鯢吞噬。竊弄潢池。痛貢良屏藩遭覆墜。恨奸雄枳棘成蔓滋。攘袂操戈起。張皇義旗。仗天威一戰清邊鄙。崆峒劍倚。殄羣凶已得功名遂。〔合前〕



〔越恁好〕〔衆〕篋金徒匱。篋金徒匱。算章臺計已非。戒衣袵未及。沈舟可爲。甌  
還墜。悔何遲。汪洋欲海深無底。荒淫管子。于今了了。堪懲艾。

〔前腔〕瑜瑕莫棄。瑜瑕莫棄。失干城二卵奇。縱驪黃未遂。伯樂怎知。不得志。勿  
相欺。大鵬一日同風起。君看厲志。王生耿耿。昭英畏。

〔餘文〕知幾補過存忠義。這玉玦癸靈祠記。一掃陳編幾處題。

〔生〕雙龍闕下勅恩初。

〔旦〕彩鳳朝啣五色書。

〔外〕不是君王重詞賦。

邑人爭識漢相如。

玉玦記終